

Դերենիկ
Դեմիրճյան

(1877- 1956)

Երկեր



ԴԵՐԵՆԻԿ ԴԵՄԻՐՃՅԱՆ

ԷԴԻԹ ՊՐԻՆՏ
հրատարակչություն



ԵՐԵՎԱՆ 2013

ՀՏԴ 891.981 Դեմիրձյան

ԳՄԴ 84Ը

Դ 353

Կազմեց և խմբագրեց Նվեր Վիրաբյանը

Դերենիկ Դեմիրձյան

Դ 353 [Ստեղծագործությունների ժողովածու]/ Դերենիկ Դեմիրձյան.- Եր.: Էդիթ Պրինտ, 2013.- 236 էջ.:

Դերենիկ Դեմիրձյանի այս ժողովածուն լույս է տեսել «Իմ գրադարանը» մատենաշարով: Ներառում է հեղինակի՝ ՀՀ հանրակրթական դպրոցի և բուհական ընդունելության քննությունների ծրագրերով նախատեսված ստեղծագործություններ և լրացուցիչ ընթերցանության նյութեր:

Գիրքը հասցեագրված է ոչ միայն մեր դպրոցականներին, այլև աշխարհասփյուռ հայ պատանիներին ու պարմանուհիներին, ինչպես նաև մեծահասակ ընթերցողներին, բոլոր նրանց, ովքեր չեն կորցրել իրենց հեղափոխությունը հայ բազմադարյան գրականության հանդեպ:

ՀՏԴ 891.981 Դեմիրձյան

ԳՄԴ 84Ը

ISBN 978-9939-52-695-9

© «Էդիթ Պրինտ» հրատարակչություն, 2013

ՆԱԽԱԲԱՆ

Դերենիկ Դեմիրձյանը գրական ասպարեզ է իջել իբրև բանաստեղծ: 1893 թ. «Տարագ» պարբերականում լույս է տեսել նրա «Ապագան» բանաստեղծությունը: 1899, 1913 թվականներին լույս են տեսել առաջին և երկրորդ ժողովածուները «Բանաստեղծություններ» խորագրով: Այդ շրջանի ստեղծագործություններին բնորոշ են հուսահատության, վշտի, միայնության տրամադրություններ:

Հասարակության հոգսերով սպրոդ բանաստեղծը ձգտում էր հասկանալ կյանքում տիրող անարդարությունների պատճառը:

Մինչև 1919 թ. ստեղծագործել է գրական բոլոր ժանրերով, այնուհետև անցել արձակին ու դրամատուրգիային:

Պատրվածքներում արտահայտված հումանիստական սկզբունքները դրսևորվել են նաև դրամատիկական գործերում: «Վասակ» (1912) և «Հովնան Մեծարուն» (1919) դրամաներում դարապարտում է անձնական կամքն ու եսասիրական շահերը համազգային շահերից գերադասողներին, որոնք հասնում են բարոյական կործանման: Մինչդեռ, հավերժորեն սպրում են նրանք, ովքեր արտահայտում են ժողովրդի իղձերն ու երազանքները:

Բեղմնավոր է եղել Դեմիրձյանի գրիչը նաև դրամատուրգիայի բնագավառում: 1923 թ. գրել է «Քաջ Նազար» կատակերգությունը: Դ. Դեմիրձյանը ընդգծել է ստեղծագործության քաղաքական բովանդակությունը: Ոչնչացնող ծաղրի է ենթարկել պատահականորեն իշխանության գլուխ անցած բախտախնդիրներին:

Հայրենական մեծ պատերազմի օրերին Դեմիրձյանի ստեղծագործությունը փոգորվեց հայրենիքի պաշտպանության գաղափարով:

Դ. Դեմիրձյանի ստեղծագործության գլուխգործոցը այդ տարիներին գրած «Վարդանանք» պատրվակն է: «Վարդանանքը» նոր որակ է հայ պատրվակագրության մեջ:

Դեմիրձյանը գրել է նաև գրականագիտական, լեզվաբանական, պատրագիտական, արվեստաբանական հոդվածներ: Նրա ստեղծագործությունները թարգմանվել են բազմաթիվ լեզուներով:

ԴԵՐԵՆԻԿ ԴԵՄԻՐՃՅԱՆ

(1877–1956)

Դերենիկ Կարապետի Դեմիրճյան (Դեմիրճօղյան), հայ գրող, հրապարակախոս (1877 փետրվարի 18, Ախալքալաք (այժմ՝ Վրաստան) – 1956 դեկտեմբերի 6, Երևան):

Նախնական կրթությունն ստացել է ծննդավայրի հայոց ծխական դպրոցում: Երկու տարի անց տեղափոխվել է Արդահան, աշակերտել առաջադեմ համոզմունքներ ունեցող Ս. Տեր-Մելիքսեդեկյանին, 1892-ին ընդունվել է Էջմիածնի Գևորգյան ձեմարանը: Դեմիրճյանի գրական հայացքների ձևավորման գործում բարերար ազդեցություն է ունեցել ձեմարանի ուսուցիչ, բանաստեղծ Հ. Հովհաննիսյանը: 1898-ին ավարտել է Թիֆլիսի Ներսիսյան դպրոցը, ապա աշխատել Արդահանում: 1900-ին հաստատվել է Թիֆլիսում, մասնակցել Հ. Թումանյանի նախաձեռնությամբ ստեղծված «Վերնատուն» գրական ընկերության աշխատանքներին: Երաժշտություն ուսումնասիրելու նպատակով 1903-ին մեկնել է Մոսկվա: 1905–10-ին սովորել և ավարտել է ժնևի համալսարանի մանկավարժական ֆակուլտետը, վերադարձել Թիֆլիս և զբաղվել ուսուցչությամբ: 1925-ին տեղափոխվել է Երևան, եղել գիտության և արվեստի ինստիտուտի արվեստի բաժնի գլխավորուղարը:

Գրական ասպարեզ է իջել իբրև բանաստեղծ: 1893-ին «Տարագում» լույս է տեսել Դեմիրճյանի անդրանիկ՝ «Ապագան» բանաստեղծությունը: Այնուհետև աշխատակցել է «Տարագ», «Մուրճ», «Նոր հոսանք» պարբերականներին: Առաջին գրքույկը՝ «Բանաստեղծություններ» խորագրով, հրատարակվել է 1899-ին, երկրորդը՝ 1913-ին: Վաղ շրջանի ստեղծագործություններին բնորոշ են հուսահատության, վշտի, միայնության տրամադրություններ: Հասարակության հոգսերով ապրող բանաստեղծը ձգտում էր հասկանալ կյանքում տիրող անարդարությունների պատճառը, սակայն բանաստեղծությունների սիմվոլիստական պատկերների մեջ այդ ձգտումը դառնում էր անորոշ ու վերացական: Խորհրդածելով բնության ու մարդկային կյանքի մասին («Կյանքի տեսիլ» պոեմ, 1913)՝ Դեմիրճյանն ընդգծել է կյանքի անիմաստ լինելը: Սա երիտասարդ բանաստեղծի որոնումների շրջանն էր:

Դեմիրճյանի հոգևոր վերածնունդը տեղի ունեցավ 1905–1907-ի հեղափոխության ազդեցությամբ: Ազատության համար զանգվածային

պայքարը բանաստեղծին մղեց ժողովրդի հետ հոգևոր մերձեցման: Այս շրջադարձի արտահայտությունն է «Լենկթեմուր» հայրենասիրական պոեմը, որտեղ Դեմիրձյանը դրվատել է ժողովրդի ուժը, երգել նրա անմահությունը: Մարդկային մեծ սիրով ու լավատեսությամբ է տոգորված «Գարուն» (1920) ժողովածուն, որն ամփոփում է 1902–1919 թթ. գրած քառյակները:

Մինչև 1919–ը ստեղծագործել է գրական բոլոր ժանրերով, այնուհետև հիմնականում անցել արձակին ու դրամատուրգիային:

Դարասկզբին գրած պատմվածքներում դրսևորել է հումանիստական սկզբունքներ («Սեփականություն», «Տերտերը», «Ավելորդը», «Ստամոքս»): «Վասակ» (1912) և «Հովհանն Մեծատուն» (1919) դրամաներում դատապարտում է անձնական կյանքն ու եսասիրական շահերը համազգային շահերից գերադասողներին, որոնք հասնում են բարոյական կործանման:

Բեղմնավոր է եղել Դեմիրձյանի գրիչը նաև դրամատուրգիայի բնագավառում: 1923–ին գրել է «Քաջ Նազար» կատակերգությունը: Նոր սկզբունքով մշակելով ժողովրդական հեքիաթը՝ Դեմիրձյանն ընդգծել է նրա քաղաքական բովանդակությունը: «Քաջ Նազարը» հայ դրամատուրգիայի մնայուն գործերից է: Հայ դրամատուրգիայի աչքի ընկնող նմուշներից են «Ֆուսթորային շող» (1932), «Նապոլեոն Կորկոտյան» (1934), «Կապուտան» (1938) պոեմները և «Երկիր Հայրենի» (1939) պատմահերոսական դրաման:

Դեմիրձյանի ստեղծագործության գլուխգործոցը Հայրենական մեծ պատերազմի տարիներին գրված «Վարդանանք» պատմավեպն է: Հայ պատմավիպագրության մեջ նոր որակ է: Հայրենական պատերազմի ավարտից հետո մարդկանց ստեղծագործ աշխատանքին են նվիրված «Հանուն կյանքի» (1949), «Հուշ-աղբյուր» (1950) և այլ պատմվածքներ: Հայրենի հողի վրա սեփական տուն ունենալու պանդուխտ հայ մարդու երազանքն է արտահայտված «Տուն» (1949) պատմվածքում: Կյանքի վերջին տարիներին Դեմիրձյանը գրել է «Մեսրոպ Մաշտոց» վեպը, որն անավարտ է մնացել:

Դեմիրձյանը մանուկների համար գրել է «Պույպույ մուկիկը», «Արջուկ–լրջուկ», «Ծտապար» և այլ ստեղծագործություններ:

Թարգմանել է Նիկոլայ Գոգոլի «Մեռած հոգիների» առաջին հատորը:

Գրել է գրականագիտական, լեզվաբանական, պատմագիտական, արվեստաբանական հոդվածներ: Դեմիրձյանի ստեղծագործությունները թարգմանվել են բազմաթիվ լեզուներով:



ԱՆՅՅԱԼԻ ՈՒՐՈՒՆԵՐ



ՀԱՅԸ

Դուրք արդյոք ինչ-որ բան հասկանում եք հայից: Որքան տարօրինակ, հանելուկային արարած է հայը, և որքան խաբուսիկ երևույթ: Ինչ է ինքը, իր նկարագիրը. գուր աշխատանք: Փորձում գտնում ես նրա ինքնությունը, պարզվում է, որ դա էլ երևույթ է: Իր ցեղային պատկերն էլ տարօրինակ է. թվով ամենափոքրը՝ տառապանքով ամենամեծը, ժամանակով ամենահինը՝ վիճակով ամենից անփոփոխը, անփոփոխը, անփոփոխը... Ամենից աննպաստը իր երկրի դիրքն էր, ամենից համառ ու ամուր կառչեց իր երկրից:

Որքան անհույս է թվում ապագան, այնքան հայը չի հուսահատվում: Ասենք հայը իր կյանքում երկու բան բնավ չտեսավ. հայը մեկ բախտ չտեսավ, մեկ էլ՝ հուսահատություն: Դե, հիմա ինչպե՞ս չափես, ինչպե՞ս ճանաչես հային. հայի չափը չափագանցն է: Վերցրու թեկուզ հայ առևտրականին՝ չարչուն: Արարածներից ամենագծուծը, ամենաագահը, կգոփի քեզ, կխափի, վերջին շապիկդ կհանի կտանի, կկուտակի, կկուտակի՝ չի վայելի, հանրագուտ գործի համար՝ ոչ մի գրոշ, բայց մեկել տեսար մի օր մեռավ և ամբողջ հարստությունը կտակեց ազգին: Դե, գնա հասկացիր, թե ինչ մարդ էր: Դուք երբևիցե տեսել եք տաժանակիր աշխատանք կատարող հայի: Մեջքին մի սար բեռ, ձկում է, մեջքը կոտրում. դու չես կարող հասկանալ՝ այդ հայը աշխատանք է կատարում,

թէ ինքնախորտակում: Ո՞ւմ դեմ է այդպես չարացել, որ ինքն իրեն է պատժում: Բայց վերցրու նույն այդ տաժանակիր աշխատանք կատարող հային, տար տունդ ծառա. երբեք քեզ չի ծառայի, երբեք: Որովհետև նա իր գործի տերն է ուզում լինել, այլ ոչ թե սրա – նրա ծառան: Եվ արդեն հայ նշանակում է տեր: Հայը ատում է ծես, ձև, աստիճան, քաղաքավարություն: Ամբողջ երկիրը լցրել է եկեղեցիներով, բայց տարին մեկ անգամ չի մտնում այնտեղ աղոթելու: Առօրյա աղոթք էլ հայը իր կյանքում չի անում: Բայց այս չաղոթող ցեղի՝ Նարեկացու շուրթերից էր, որ թռավ աղոթքի ամենաբարձր թռիչքն ամ Աստված: Կրոնի պաճառով էր, որ ջարդվեց ու բնաջնջվեց, բայց երբեք, հայը երբեք չքարոզեց իր կրոնը ուրիշներին: Այ մի բանում հայը շատ հոգածու է. գիտե՞ք որտեղ. դիվանագիտության մեջ անկեղծ լինելը: Այնքան անկեղծ ու միամիտ է, որ ուրիշների վրա անկասկածելի խորամանկի և կեղծավորի տպավորություն է թողնում: Հայը քծնում է, ստրկանում օտարի ոտքի առաջ, բայց հենց հայը զգաց, որ հասել է գերագույն վտանգը, ծառանում է վիշապի պես: Հայը բարի է. դու նրան շոյիր և անպայման կկողոպտես վիշապի պես: Հայը ինքն է քեզ բարեկամ, իսկ քո բարեկամությանը չի վստահում: Այնտեղ, ուր մի այլ ցեղ ուրիշի սերն է վայելում, հայը հնար է գտնում ատելություն ստեղծելու: Հայը խոնարհ է ու դանդալոշ իր Սասունցի Դավթի նման, բայց անսպասելիորեն ըմբոստ ու հարվածող նրա պես: Հայը ռիսակալ է ինչպես ուղտ, և եթե գժտվեց ինչ որ մեկի հետ՝ թշնամի է մինչև կյանքի վերջ: Դեռ նրա կենսական պահանջն է, անհրաժեշտությունը: Հայը անկարգ է, անհիշխանական, թե՛ պետության, թե՛ հասարակության, թե՛ գաղափարների մեջ: Բայց որտեղ հեղափոխություն՝ այնտեղ առաջինը հայություն: Չնայած՝ իբր հեղափոխական հայը ծայրահեղական է: Կորուստներից

ամենազարհուրելին հայր տեսավ, բայց հայն էր, որ չխրատվեց, հույսը միշտ օտարի վրա էր: Թուրքի մոտ էր՝ սպասեց ռուսին, ռուսը եկավ՝ աչքը եվրոպացին էր, եվրոպացին գալիս է՝ դարձյալ ռուսին է սպասում, ռուսը գալիս է չի ընդունում: Դու չես կարող հասկանալ, հայր ուզում է պետություն ստեղծել, թե՛ չի ուզում: Մի ձեռքով ճանկելով հիմնում է այդ պետությունը, մյուս ձեռքով հիմքից քանդում: Ինչու՞ է այդպես, ինչից է դժգոհ, ինչ է կամենում, ինչու՞ է մեկուսանում, առանձնանում, որպեսզի նյութի՞, դավի՞, վնասի... ո՛չ, հազար անգամ ո՛չ: Ուզում եք իմանալ հայի ամենամեծ առաքինությունը. ամենաներողամիտ ցեղն այս աշխարհում: Ո՞վ էր ամենից շատ ջանում արդարացնել իրեն ջարդողներին՝ հայր: Ջարդիր ինձ, ասում էր, ահա քո պատիժը և իմ վրեժը: Ինձ թվում է, հայի սրտի խորքում շատ խորը թաքնված վիրավորանք կա: Դարերից եկած վիրավորանք, հազարամյակների վիրավորանք, արծվի վիրավորանք է, որին ցած են բերել բարձր լեռներից, գցել ցեխի, կեղտի մեջ ու թները կոտրել... (ոչինչ չեն ուզում ձեզնից. ձեզ լինի ձեր երջանկությունը, ձեր ուրախությունը). եթե սիրում եք կյանքը՝ ապա ես սիրում եմ կյանքից առավել թանկ մի բան՝ դարերով կորցրած իմ ազատությունը:

ԱՎԵԼՈՐԴԸ

Երբեք Հաճի աղան այդպես անխնամ չէր փոխել քայլերը իրենց տնից խանութ գնալիս: Այն Հաճի աղան, որի փողոցով անցնելն իսկ մի հանդես էր. աղայական: Միշտ հաստ շալը վաթսուն – յոթանասուն տարեկան կուզի վրայով վզին փաթթած, երկար իրանը բերընքսիվար ընկնելու պես՝ առաջ թեքած, ուղտի վիզը առջև երկարած, սև ակնոցների արանքից սապատավոր¹ քիթը օդի մեջ խրած, հայացքը դեպի հեռուն, մի կետի՝ ընթանում էր նա: Եվ այդ ֆեսավոր Հաճին ծիսակատարությունների նման անխուսափելի գործելակերպեր ուներ փողոցով անցնելիս, գիտեր ամեն դար ու փոսի, քար ու ոտնատեղի սովորական պատռվածքը, և եթե սայլի, ոտի կամ բնության հետևանքով քարերն ու ոտնատեղերը նոր կարգով դասավորվեին, Հաճի աղան կանգ կառներ, լրջորեն կկշռեր նոր ոտնատեղի վտանգի չափը, իր դեղնած գավազանի ծայրով բախելով, կստուգեր ոտը դնելիք քարի հավատարմությունը և, գավազանը ցելսի կամ ջրի մեջ դիմհար տալով², զգույշ արլորի պես ոտները գետնից պոկելով ու վար դնելով, գերագույն խնամքով կանցներ վտանգավոր տեղը:

Տաս տարի առաջ միայն՝ իր անդրանիկ որդուն թաղելիս՝ Հաճի աղան թույլ տվեց, որ իր կապույտ մահուդ շավարի տոտերը ցելստովեն, և մեկ էլ այսօր, երբ իմացավ, որ թուրք զորքը, ռուսներին նեղելով, հաղթական մոտենում է իրենց փոքրիկ սահմանամերձ քաղաքին:

Ասե՛նք, այսպես դեկտեմբերի ցրտին Հաճի աղան դուրս

¹ սապատավոր – սապատ ունեցող, կուզ. այստեղ՝ կորություն ունեցող

² դիմհար տալով – հենվելով

եկողը չէր, այն էլ այս ցեխին, որ գոյացել էր սայլերի ու զորքի տակ կոխկրտած ձյունից՝ հակառակ որ միշտ այս ամսին գետինը սառած էր լինում:

Անհանգիստ էր վերին աստիճանի: Արդեն մի շաբաթ է, ականջին դիպել էր, որ թուրքը գալիս է:

Փորձված, կյանքի չար ու բարուն տեղյակ՝ Հաճի աղան, որ տեսել էր 1877 թվի ռուս – տաճկական պատերազմը, երբ թուրքը կարծես բնականորեն հաղթվում էր, այն Հաճի աղան, որ «քրդանոցներում ու թուրքանոցներում» զելվել¹, առևտուր էր արել և շատ անգամ էր ավազակների ձեռից աղվեսի պես պոչը պրծացրել, նա լավ գիտեր, որ երբեք չեն սպասի՝ վտանգը գա ու փեշիցդ բռնի. – պետք է ժամանակին որսալ խուսափելու անկրկնելի վայրկյանը:

Բայց այս անգամ վրիպեց... Եվ չարաչար:

Երբ մտավ շուկա, փորձված աչքերով չափեց հրապարակը և զինվորների ու խանութպանների եռուզեռում մի անկարգություն նկատեց, որ նրան դուր չեկավ: Մտեցավ իր խանութին, խանութը կիսափակ էր: Ներս մտավ՝ թուրքը կուլ տալով: Իր քառասանամյա որդին շտապով ապրանքը դարակներից թափում էր մի տուպրակի վրա: Գեր ու կլոր տղամարդ էր նա և հևում էր փուքսի պես, քրտնքի կաթիլները շարվել էին նրա չեչոտ, կարմիր երեսին:

Հաճու աչքերը մթնեցին: Ածիլած կզակը² հաստ բեղերի տակ դողաց, և նա բառերը լփռտելով՝ մրմնջաց.

– Շնավո՛րեն... ի՞նչ կենիս...

Շնավո՛րը հորը տեսնելով՝ ավելի մռայլվեց և մեղավորի պես, կարծես ինքը լիներ աղետի պատճառը, չպատասխանեց և աչքերը գետին գցեց: Իբրև թե՝ «հա՛, իմացի՛ր, մեռել է»:

1 զելվել – վարժվել, ընտելանալ

2 կզակ – ծնոտ

Եվ իսկապես, կարծես մարդ էր մեռել, կաղ գործակատա-
րը տաբուրետ քաշեց Հաճի աղայի առջև, և ասաց.

- Բան չկա, Հաճի աղա, նստե:

- Ջանըմ, ի՞նչ «բան չկա», ֆուրդուն բռնեցեք...

- Միսաքը գնաց խանը՝¹ բռնելու, - պատասխանեց Շմա-
վոնը:

Հաճի աղան չնստեց, ծուղակն ընկած մկան պես կարծես
ելք որոնելով, նայեց չորս կողմը և դուրս եկավ, որ դուրսն
էլ նայի: Բայց, հարևան խանութներում առուտուրը եռում էր,
խանութպանները հանգիստ էին երևում: Իրենց հարևանը,
Կորկոտենց Եղիշը, լուրջ և անխռով, ինչպես ամեն օր, ահա
բան է կշռում կազակների համար: Հանգիստ է նա իր բահի
մորուքով և ընկույզի խոշոր աչքերով: Ութ երեխայի տեր է,
եթե «նահանջ» լիներ, նա ավելի շուտ պիտի անհանգստա-
նար: Եվ Հաճի աղան մոտենալով նրա խանութին՝ հարցրեց
նրան.

- Եղիշ, աս ի՞նչ կըսեն, թուրքը գռռի՞ր է:

- Այդպես բան կա՞, չգիտեմ... մեր բակի ֆետպեպիլը²
ըսավ՝ ահ չկա, - պատասխանեց Եղիշը և շարունակեց իր
առուտուրը եպիսկոպոսական արժանապատվությամբ: Հաճի
աղան կանգնեց նրա խանութի առջև՝ չիմանալով ի՞նչ անի:
Նրա մոտից անցնում էր դյուրգար³ Պողոսը, որ իրեն ձեռ առ-
նող զվարճախոսներից մեկին պատասխանում էր.

- Ա՛տամ⁴, ինչ օր ուրիշներու գըլի՝ ան ա թող մեզի ըլի.
աշխըրովի չե՛:

1 խան - իջևան, իջևանելու տեղ՝ շենք, որտեղ ձանապարհորդները իջնում
են հանգստանալու կամ գիշերելու համար

2 ֆելդֆեբել (գերմ.) - վաշտի հրամանատարի տնտեսական և ներքին
կարգուկանոնի գծով օգնական ցարական բանակում

3 դյուրգար - փայտյա իրեր պատրաստող վարպետ՝ արհեստավոր, հյուսն

4 ստամ - մարդ

- Ինձ աշե, - ձայն տվեց հեռու խանութից ձեռ առնողը, - հագրվե՛, կամենդանթը քեզի համար կառեթ պիտի դրկե, որ փախչիս:

- Կառեթը զանգիհներուն՝ համար է. սաղ ըլին օտքերս, - հանգիստ պատասխանեց առողջ արհեստավորը և շուռ տվեց ուրիշ փողոց:

Հաճի աղային զայրացրեց այս չարագուշակ զվարճախտությունը, և այն է՝ հեռանում էր Եղիշի խանութից, որ ներս մտավ նրա ժրագլուխ աշակերտը և իբրև անմիտ քայլի վրա ծիծաղելով՝ զեկուցեց.

- Խանը ինչ ֆուրդուն օր կա՝ հատը հարուր, հարուր իցցուն մանեթով բռներ են:

Հաճին զգաց, որ բերնի թուքը ցամաքում է:

- Ինչ... բռներ են... մեր Միսաքը հո՛ն էր,- հարցրեց շնչասպառ:

- Հո՛ն էր, հըմը չկրցավ բռնե, - պատասխանեց թարմ ու անհոգ ձայնով աշակերտը և, ավելը վերցնելով, սկսեց ուրախ - ուրախ ավլել խանութի սանդուղը:

Հաճի աղան շտապեց իր խանութը և դողդողալով վրա պրծավ իր որդուն.

- Ինչ ես էրիր... Ֆուրդունները ձեռքե բաց ես թողիր... գերդաստանս մնաց...

Շնավոնի կարճ ու գնդիկ մարմինը շիտկվեց: Նա իր քրտնած, չեչոտ դեմքը բարձրացրեց և ապրանքը գոգնոցի մեջ՝ նայեց հորը: Հայացքներն իրար հանդիպեցին, և նրանք իրար հասկացան: Հաճի աղան չարագուշակ ժպտով գլուխը հանդիմանորեն շարժեց.

- Ֆուրդո՛ն գտի... տղա՛քս ձեռքե կերթան... տո՛նս...

Շնավոնը դեմքը կնճռոտեց:

1 զանգիհ - այստեղ՝ հարուստ

- Զանըմ, ֆուրդուն ինչո՞ւ պիտի չըլի,- բարկացավ նա և, ապրանքը թափելով, յուղոտ գոգնոցով քրտինքը սրբեց ու գլորվող տակառի պես կողքե - կողք ընկնելով, դուրս գնաց:

Հաճի աղան երկար նայում էր իր որդու թաղիքե՛1 վալիկներին, նրա տափակ փափախին և կարմիր շարֆին. մերթ երևում, մերթ կորչում էր գինվորների բազմության մեջ, մինչև որ անհետացավ:

Հաճի աղան դուրս եկավ խանութից և բռնեց տան ճամփան:

Հասնելով տուն՝ դռան մոտ ոտները չքսեց երկաթե քերիչին, ինչպես անխախտելի պարտականությունն էր Հաճիենց տանեցիների, և ներս մտավ: Իր մեծ հարսը, որ տան միջանցքում բուրդ էր ձաղկում², Հաճուն տեսնելով՝ տիրացուի վարժությամբ, իբրև ծիսակատարության որոշ տեղը, ձայն տվեց.

- Շողո՛ր, Հաճի աղաս էկավ, դայֆան բեր:

Բայց երբ Հաճի աղան մրթմրթաց, «Հարամ ըլի դայֆան»՝ հարսին այնպես թվաց, թե երազումն է կամ մի անասելի դժբախտություն եկավ իրենց տան գլխին: Վրա ընկավ Հաճու ոտներին, հանեց նրա կաշվե կալոշները և, տեսնելով Հաճու շավարի ցեխտոված տոտերը, վախեցած գնաց խահանց՝ տանեցոց իմաց տալու:

Հաճի աղան մտավ «մեծ օդան» և կանգնեց մեջտեղը տխուր՝ արձանի պես:

Ներս մտավ Հաճի աղայի կինը, Հաճի մարը, մի ժիր ու նիհար կին:

- Ի՞նչ է, Հաճի աղա, - հարցրեց:

- Ի՞նչ պիտի ըլի. թուրքը գուքա, հագրվեցեք:

- Օ՛Ֆ, աման, Հաճի աղա, «թուրք, թուրք» առել անցել ես,

1 թաղիք - բրդից կամ մազից պատրաստած խիտ և հաստ կտոր

2 ձաղկել - այստեղ՝ բուրդը բարակ ձիպոտով ծեծել

քաղաքը լիքը սալդաթ է:

- Գլխեդ շատ մի դուրս տա, հագրվե՛, - հրահանգեց Հաճի աղան:

- Թուրք չկա, չկա. դայֆադ խմե, - արագախոսեց ժիր կինը և դուրս գնաց:

Այդ միջոցին Հաճի աղայի թոռը՝ Շողոն, մի կարմրաթուշ աղջիկ, դռուզ ձեռներով ներս բերեց կաթով սուրճը:

Հաճի աղայի մեծ հարսը բերեց կապույտ փռոցը, փռեց մինդարի առջև, կարպետի վրա, առավ աղջկա ձեռքից սուրճը, որ դնի փռոցի վրա: Բայց Հաճի աղան մոռութիւն կախ, հուզված և դժկամ՝ ձեռով արավ, որ սուրճը տանեն դուրս: Այս արդեն այնպես ազդեց հարսին ու աղջկան, որ նրանք խորտակված իրար նայեցին, կարծես երկրի հաստատությունը խախտվեց: Հաճի աղան սուրճ չխմի՛...

Մեծ հարսը ձեռքով արավ Շողոյին, որ դուրս գնա, ինքն էլ դուրս եկավ՝ ինչպես հիվանդի սենյակից, որ չանհանգստացնեն նրան:

Հաճի աղան գնաց, ծալապատիկ նստեց մինդարին և թթվեց: Մտքերով շփոթված հայացքը գցեց իր տան սարք ու կարգին, կարծես օտարական լիներ: Սենյակը խաղաղ էր: Մինդարները, մութաքաները, խալիները իրենց տեղից այնպես հարազատ և դաշն խաղաղությամբ նայում էին Հաճի աղային, և այնպիսի մի հաստատունություն կար այդ առարկաների մեջ, որ կարծես ոչ մի գորություն խախտել չէր կարող: Տարօրինակ թվաց մի վայրկյան այն խռովությունը, որ ընկել էր իր սիրտը, և պատուհաններում հանգիստ դրած այն ծաղկի փայտե թաղարները¹, որ հաճախ լվանալուց ձերմակել՝ փայլում էին, կամ սենյակի երեք պատերի տակով փռած

¹ Թաղար - կավե գոգավոր կամ կոնքածև անոթ զանազան գործածության համար, ծաղկանան

մինդարներն ու պատերին կայցրած երկար բարձերը անվրդով պատմում էին խաղաղ հրավերքների, ուրախ հարսանիքների, անխռով օրերի մասին:

Եվ այդ բոլորը ահա այսօր անհաստատ բաներ էին: Այսօր իսկ կարող էին այդ ամենը լքվել... Դեռ տաս տարեկան հասակից իր հոր հետ ճամփորդելով «քրդերն ու թուրքերը», նրանց հետ առևտուր անելով՝ ահա վաթսուն տարի է տուն է շինում Հաճի աղան: Եվ հիսուն տարի, կանոնավոր ժամացույցի պես խաղաղ չքչքացել է նրա երջանիկ տունը և ահա այսօր պետք է քանդվեր: Եվ ինչպես ջրում խեղդվողը հանկարծակի արագությամբ հիշում է իր անցած կյանքի մանրամասները, այնպես Հաճի աղան հիշեց իր անցյալը, ինչպես հանգիստ քուն դրեց և թաղեց հանգուցյալ հոր կողքին իր մորը, հիշեց 1877-ի պատերազմը, որ նրա համար անցավ իբրև իրեն չվերաբերող մի փոթորիկ... Միտքը բերեց, ինչպես երեսուն տարեկան երիտասարդ՝ իր կնոջը տարավ Երուսաղեմ... ինչպես այնուհետև ձմեռ, գարուն նրա տանը տոն էր ու հարսանիք, նրա կյանքը առևտուր էր, ապրանք ու հարստություն: Հետո որդիները եկան հասան, ամուսնացան, բեղմնավորվեցին: Ամեն, ամեն ինչ եկավ իր կարգով ու եղավ, կարծես այդպես դառավ, և այդ տունը այսօր քանդվում էր:

Իր տունը, հի՛ն տունը: Արյունը գլուխը խփեց: Ինչպե՛ս, իր ընտանիքը, հարստությունը, այդ նույնքան հիմնավոր բանը, որքան ինքը՝ աշխարքի հաստատությունը...

Եվ Հաճի աղան, իբրև փորձված մարդ՝ իսկույն հարմարվեց կենսական իմաստության, որոշեց խիստ ու հրամայական մի կարգ՝ ազատել ամենակարևորը, իսկ եթե այդ չեղավ՝ կարևորագույնը: Վճռեց ու դաժանացավ. ամեն ինչ անել, ամեն խստություն գործ դնել, անգթանալ, թեկուզև ստորանալ, բայց փրկել այդ կարևորագույնը՝ իր տունը, իսկ

Եթե այդ չեղավ՝ իր անձը:

Կողքի «պզտի օդայուն»¹, թիթեղե փեճի վրա, հեռավոր գուննայի պես ծվծվում և դժժում էր գյուգյունը² և սենյակի տաք ու չոր օդը բարեխառնում ախորժելի խոնավով:

Հենց այդ փոքրիկ սենյակում, անկողինների ծալքի տակ նստած էր մի տարեց կին: Դա Հաճի աղայի անդամալույծ քույրն էր՝ Սրբունը, որ ամուսնու մահից հետո լվացք անելիս մի անգամ սաստիկ մրսեց, տիֆով հիվանդացավ և անդամալույծ եղավ, էլ չհնացվեց՝ տիֆից էր, թե՛ արդեն տրամադիր էր: Ականջներն էլ ծանր էին: Հաճի աղան իր անվան չուտեցրեց³, որ իր հիվանդ քրոջը ուրիշները պահեն և իր վրա խոսեն, հիվանդին բերեց իր տուն և անկյուն տվեց: Խեղճ կինը, ի բնե աշխատասեր և ինքնասեր, ուզելով մի բանով եղբորը վարձահատույց լինել՝ ընտանիքի կարն ու կարկատանը, ինչպես և գուլպան իր վրա առավ, ու թեն նրա համար սաստիկ դժվար էր այդ աշխատանքն էլ, բայց նա անմունչ ու կամովին անում էր: Գեր էր, ծանր և սաստիկ նեղությամբ նստած տեղից շարժվում էր և գետնաքարշ մի կերպ դուրս գնում:

Հաճու նստած տեղից երևում էին նրա ուռած մատները, որով նա ծնկան վրա փռած մի կտոր հարդարում, շուռումուռ էր տալիս, նորից հարդարում, չափում ինչ-որ մի կարկատանի համար:

Այդ մատներն սպիտակ էին, կարծես ջրով լիքը: Եվ այնքան խաղաղ առօրյա էր այդ մատների աշխատանքը, որ բոլորովին չէր բռնում օրվա խռովիչ դեպքերին:

Հաճին նայեց անդամալույծին, բայց չտեսավ նրան: Նա սենյակի իրերն էր մտովի տեղավորում ֆուրգոնի մեջ և որո-

1 օդա (բբբ.) – հյուրասենյակ, այստեղ՝ սենյակ

2 գյուգյուն – պղնձե ջրաման

3 իր անվան չուտեցրեց – իր արժանապատվությանը թույլ չտվեց

նում էր ամենապետքական իրերը:

Հետո մի տասը – քսան անգամ վեր կացավ, պատուհանից դուրս նայեց՝ փողոցի շարժումներից մի բան գուշակելու համար: Փողոցում շարժում չկար, կարծես ամեն ինչ խաղաղ ժամանակինը լիներ:

Բայց ահա մթնելու վրա էր, որ խառն ձայներ լսվեցին: Հաճին վեր թռավ և շտապեց դեպի պատուհանը: Մի քանի մարդիկ անցան պատուհանի տակով՝ խանութի ապրանք շալակած, ո՞ր տուն էին կրում: Դրանց հետևեց մի սահնակ՝ անտանելի ծանր բեռով, բոլորը կին ու երեխա, ետևից տղամարդիկ՝ ոտով: Հարևանենք էին: Այդ առաջի սահնակը այնպես ազդեց Հաճուն, ինչպես մի հիվանդի մահը, որ թեև առաջուց սպասելի էր, բայց դեռ այնպես չէր ազդում: Բայց երբ վերջապես սպասելին փաստ է դառնում, մի դաժան ու սառը բան է զգացվում, որ առաջ չէր կարելի երևակայել: Ու մինչ Հաճի աղան դուրս կգար գնացողներին բան հարցնելու՝ հանկարծ իրենց տան դուռը դռաց: Ներս ընկավ Հաճի աղայի կրտսեր որդին՝ Հակոբը, և նախասենյակից հուզված ու կտրուկ ձայնով կանչեց.

– Այլա՛ն...

Հաճի աղան վազեց դեպի նախասենյակի դուռը:

– Հակոբ՛ը... – հարցրեց շնչասպառ:

Հակոբը ցեխոտ ոտները հազիվ սրբած՝ «Թուրքերը եկան, փախչինք պիտի» ասելով՝ շնչասպառ ներս մտավ և հարձակվելով անկյունները դրած սնդուկների վրա՝ սաստիկ ուժով առաջ քաշեց:

Հաճին մոտեցավ որդուն.

– Ֆուրդուն բռնեցի՞ք...

– Ֆուրդուն չկա, խզակ՝ բռնեցինք:

1 խզակ – սահնակ, սահակողների վրա հաստատված կառք կամ սայլ

Հաճի աղան ընդունեց այդ առաջին մեծ հարվածը, բայց կյանքի բովում զելված մարդը իսկույն անդրադարձավ, որ խորհրդածության ժամանակ չէր. պետք էր ոչ միայն հաշտվել այդ աղետի հետ, այլ եղածն ազատել: Եվ ի՞նչ պիտի տեղավորվի մի սահնակի վրա... Հաճի աղան ավելի խստացավ.

– Տե՛, ազատելուն ազատեցեք... ամենեն պետքականը...

Հակոբը քանդեց իր կավագույն բաշլըղը¹, հանեց դեղնած հաստ վերարկուն և, հարձակվելով սնդուկների վրա, այնպես ուժով առաջ քաշեց, որ գոռից դեմքի ու վզի երակները ուռան:

Իրար ետևից ներս լցվեցին և դռների մոտ արձանացան Շողոն, Շնավոնի կինը, փոքր հարսը և մի հարևանի կնիկ:

Հաճին մոտեցավ Հակոբին և թևը բռնելով.

– Խելքդ մի՛ կորցնե, – հրահանգեց, – ինչ որ պետքական է, ան ժողվե:

Հետո տանեցոց հրահանգեց.

– Ամենեն պետքական բաները ժողվեցեք, տեսեք, ձամպիան կմնաք:

Հարևանի կնիկը, որ լուռ ականջ էր դնում սրանց, տեսնելով, որ տան բոլոր անդամները գործի անցան, դիմեց Հաճի աղային.

– Հաճ աղա, օտանցդ մեռնիմ², դուք կերթաք, մենք ի՞նչ պիտի էնենք:

– Եսի՛մ, – կտրեց Հաճի աղան, – իմ ձեռքս ի՞նչ կա:

Հարևանի կնիկը, որ դառն աղքատի վիճակին էր և համարյա Հաճի աղայի տան գործն անելով՝ մի կտոր, մի փշրանք ստանալու հուսովն էր՝ սարսափեց: Նա կարծում էր,

1 բաշլըղ, բաշլուղ (բրբ.) – հաստ կտորից (շալից, մահուդից) գլխի ծածկոց՝ վեղարի նման, երկար սուր ծայրերով

2 օտացդ մեռնիմ (բրբ.) – ոտքերիդ մեռնեմ, քեզ մատաղ

թե աշխարհն այնպես է շինած, որ չի քանդվիլ երբեք, իսկ եթե քանդվի էլ, Հաճի աղան երևի բան կգիտենա դրա դեմ անելու: Չանի էլ ու գնա՝ մի բան կանի իր նման անձարներին:

Բայց Հաճի աղայի չոր ու դաժան պատասխանը սթափեցրեց խեղճ կնկան: Եվ տեսնելով, որ իրեն նայող չկար, հառաչեց ու դուրս գնաց:

Ու մինչ տնեցիք հավաքում էին իրերը, Հաճի աղան սկսեց անցուդարձ անել սենյակում՝ իբրև տխուր ուղտի կերպարանք: Նայում էր անկարգացած սենյակին, ուր իրար վրա թափված էին «անպետք» ու «ավելորդ» իրերը, տեսնում էր իր տան քանդվելը, բայց հուսահատությունից չէր զգում ցավը: Ավելի մեծ գուլումը¹ աչքին բան չէր թողնում երևալու: Նա դեղնել, մագաղաթ էր դառել: Տնեցիք շորերը կապում, նորից քանդում և կրկին ընտրում էին, և շարունակ լսվում էր. «Հաճ աղայիս գուլպաները», «Հաճ աղայիս դոշակը», «Հաճ աղայիս քուրքը չթողնեք»: Շնավոնի կինը կողքից նայելով Հաճի աղային և տեսնելով նրա մեռելադեմ երեսը՝ դիմեց նրան.

– Հաճ աղա, կոնյաք ըմ խմեն:

Հաճի աղան լուռ էր, տխրատեսիլ արձանի պես: Նրա բերանը հուզմունքից դառնացել էր, և նա թուրք կուլ տալիս դեմքը ծռմռում էր: Բայց ներքուստ շտապում էր և դիտում տանեցոց աշխատանքը: Եվ մոայլ, խստացած բերդապահի պես՝ քանի գնում իր բերդի զանազան իրերի արժեքը վերագնահատելով կարգադրում էր. «Պետքականները, պետքականները», մերթ սարկազմով² աղաչում էր. «Աստծու սիրուն, հասկցեք. աս պետք չէ, ան», իսկ վերջը՝ կռիվը ոգևորողի պես՝ սկսեց քաջալերել. «Տե՛, տե՛, տե՛, հա՛, պապամ հա՛³...

1 գուլում (ժղ.) – դժբախտություն, դաժան աղետ

2 սարկազմ (հուն.) – կծու ծաղր, խիստ ջախջախիչ, անզիջող ծաղր

3 պապամ հա (բրբ.) – շտապեցնելու արտահայտություն՝ հայդե հա

պետքականները, պետքականները»: Ու այսպես «պետքականները» կրկնում էր ծիսակատարության ձայնով և զգում էր, որ մեծ գործ է կատարում, տուն է ազատում:

Իսկ այդ միջոցին մյուս փոքր «օդայում» նստած էր անդամալույծը և հանդարտ՝ աչքի տակով նայում էր իր եղբորը: Վերին աստիճանի խաղաղ էին նրա խոշոր ու մարած աչքերը, որոնց տակերը կապտած պարկեր էին գոյացել: Նրա դեմքը ուռած, հիվանդագին ձերմակ էր:

Բայց նրան ոչ ոք չէր նկատում:

Տնեցիք արդեն պատրաստ էին, երբ դռան մոտ խզգալով ու դռփելով՝ կանգնեց մի ծանր մեծ սահնակ: Շնավոնը կարմրած, այլայլված՝ նստել ապրանքներով լի տոպրակների վրա՝ սահնակը բերում էր տանեցոց տանելու: Նրա գնդիկ մարմինը վար սողաց տոպրակների վրայից, և նա ներս ընկնելով շնչասպառ գուժեց.

- Զուլումը տեսմք... խանթին ապրանքը մնաց... Ֆուրդուն չկա...

- Վճռու՞...- ծնկները ծեծեցին հարսները և նայեցին Հաճի աղային:

Հաճի աղան ուղտի տխրությամբ նայեց Շնավոնին և լռեց.

- Տե, Հաճի աղա, հագիր, էրթանք,- ասաց Շնավոնը և դուրս գնաց:

Շնավոնի կինը աթոռ բերեց, որ Հաճի աղան նստի, հետո փոքր հարսի օգնությամբ Հաճի աղայի ոտները հագցրին մի երկրորդ շավար ևս:

Այդ ժամանակ «պզտի օդայից» խուլ հեծկլտոցներ լսվեցին:

- Ատ վո՞վ է,- հարցրեց Հաճի մարը և ներս գնաց:

Հարսները հետևեցին նրան: Ինչ - որ բան խոսեցին անդամալույծի հետ, որից միայն լսվեց Հաճի մոր ձայնը.

- Հաճի աղան չի սամի ճամփան, մի վախենա:

Եվ նորից սկսեցին խոսել:

Հաճի աղան բուժ հանգստությամբ իր մեջ նկատեց, որ նա ամբողջ օրը չէր մտածել անդամալուծի մասին, և հիմա՝ մտածելով՝ անախորժություն զգաց: Եվ ոտը կոխելով շալվարի մեջ՝ խոսեց.

- Ի՞նչ է, ի՞նչ է էղիբ:

- Հեչ, - պատասխանեց փոքր հարսը,- Սրբունը գուլա:

- Ան ինչի՞ է ձեռք ու ոտք էղիբ, ո՞ր պիտի գա,- խոսեց Հաճի աղան բարկությամբ և մտքում զայրացավ, որ անդամալուծը ինքն իր բերնով չի հայտնում, թե համաձայն է մնալու և ուրիշներին է թողնում այդ բանը հայտնելու անախորժությունը:

Փոքր հարսը զարմանքով լի աչքերը հառեց Հաճի աղային.

- Սրբունին պիտի թողնե՞նք...

Հաճի աղան ծաղրեց:

- Է՛, խանումս, տեսնի՞ք ես ու դուն պիտի էլրթանք...

Հաճի մարը, որ դուրս էր գալիս անդամալուծի սենյակից և լսեց այս վերջին խոսքերը, սարսափեց.

- Քա, ձունը գլխուս, Սրբունին պիտի թողնե՞նք...

- Ես եմ թողնողը, - հարեց Հաճի աղան, - տեսնի՞ք խզակին վրա տեղ կա՞:

- «Տեղ կա՞ն» ինչ խոսք է, Հաճի աղա, ասքան մարդս օր կերթանք...

Եվ Հաճի մարը անընդունելի համարելով ամեն պատճառաբանություն՝ փոքր հարսին ձայն տվեց, ինքն էլ գնալով փոքր սենյակը.

- Եսթե՛ր, օղուլ¹, Սրբունին հագցրո՛ւ:

1 օղուլ (բրբ.) - տղա, երեխա. գործածված է որպես փաղաքշական բառ՝ բալա, բալիկ

Անկյունում մինդարի վրա ծալապատիկ նստել էր անդամալույծը և՛ գլուխը ծնկան վրա կախած՝ աչքերն էր սրբում:

Հաճի մարը ծովեց նրա գլխին.

- Սրբո՛ւն, քո՛ւրս, ինչի՞ գուլաս:

Անդամալույծը չպատասխանեց:

Շնավոնի տղան, ութ տարեկան Կարոն, որ ներս էր եկել և հետևում էր սրանց խոսակցության, բացատրեց.

- Թուրքերեն կվախենա:

Տիրեց լռություն:

- Ինչ էնեմ, - լացակումեց անդամալույծը, - Հաճ աղաս շատ է վախեցե, վախենամ թե ճամփան ցավի գա¹:

- Ատոր համմր գուլաս, - գարմացավ Հաճի մարը, - ջան՝ նըմ, մեր դարդը մի՛ քաշե, հազրվե՛...

- Ես, - տխրաժպիտ նայելով Հաճի մորն ու փոքր հարսին՝ ասաց անդամալույծը, - ես չեմ գա:

- Ինչի՞, - հետաքրքրվեց Հաճի մարը:

- Դուք ձեր հոգիներն ազատեցեք, ես անդամալույծ եմ. ասոր կան, էգվան² չկան,- պատասխանեց անդամալույծը տխուր համակերպությամբ:

- Անդամալո՛ւյծն ինչ խոսք է, ջան՝նըմ, - հանդիմանեց Հաճի մարը,- հոգին հոգի է, հազրվե՛:

Հաճին մեծ սենյակում անցուդարձ էր անում և լսում այս խոսակցությունը: Հաճի մոր պնդումները նրան զայրացրին, և նա իր կնոջը ձայն տվեց.

- Թե՛զ էրա, ատոր վախտը չէ՛:

Հաճի մարը դուրս եկավ անդամալույծի սենյակից և աչքերը հառեց Հաճի աղային.

- Հեչ կմտածե՛ս, թե ինչ կըսես:

1 ցավի գալ - հիվանդանալ, մահանալ

2 էգվան (բրբ.)- վաղը

Հաճի աղան ձեռը առաջ պարզած՝ հարձակվեց կնոջ վրա:

- Տեղ չկա՛... կիմանա՛ս... - գոռաց, խեղդելով իր ձայնը,

Հաճի աղան և շեշտեց «կիմանաս» բառը:

- Է, - հակաձառեց Հաճի մարը, - բեռդ պակսեցնո՛ւ՝ տեղ գրլի:

- Է՛, - տնազեց Հաճի աղան, - բեռդ օր պակսեցնես՝ տղաքդ ինչո՞վ պիտի պահես, աշխարք խո չվերջացավ:

Եվ Հաճի աղան բաշլըղը փաթաթեց:

- Ջանըմ, գնացեք, իմ պատճառովս մի՞ք ուշանա, Հաճ աղաս մեղք է, - տրտնջաց անդամալույծը ներսից:

- Այդպես բան չկա, մենք կերթանք, դուն ա պիտի գաս, - հրահանգեց Հաճի մարը և դուրս գնաց կառապանին տեսնելու:

Հարսները ներս եկան, և մինչև անգամ երեխաները բոլորեցին անդամալույծի առաջ: Բայց նա տեսնելով, որ ամենքը իրեն են նայում և սպասում, վեր նայեց խաղաղ ու բարի աչքերով և ասաց.

- Դուք գնացեք, ինձի մի՞ք աշե, ես կմնամ, իմ ջանս ազիզ չէ:

Այդ ժամանակ ներս մտան Հակոբն ու Շնավոնը և սկսեցին չորս կողմ նայել, թե ինչ կա էլի վերցնելու:

Հարսներն սկսեցին սրանց աղաչել, որ անդամալույծին համոզեն իրենց հետ գալու և տեղ գտնեն սահնակի վրա:

Երկու եղբայր իրար նայեցին լուռ ու դժվարացած, հետո դեպի Հաճի աղան, որ լսեց հարսների աղաչանքը:

Հակոբը կեղծավորություն արավ.

- Հը՛, Շնավո՛ն, ի՛նչ կըսես, ապրանքը թերթնցնենք...

Շնավոնը դեմքը կնձռեց ժլատի պես, որից փող են խնդրում:

- Չգիտեմ, ի՛նչ ըսեմ... Ու դուրս գնաց: Երեխաներն սկսե-

ցին լաց լինել:

- Սրբուն մամին թուրքերը պիտի մորթեն...

Եվ ընկնելով անդամալույծի վրա, փաթաթվեցին նրան և սկսեցին համբուրել:

Սա գրկեց նրանց և փղձկաց.

- Աստված հետներդ, գառնէրս, գնացեք, ինձի մի՞ք աշէ:

Հարսները լցվեցին և երեխաներին քաշեցին մի կողմ:

Հաճին մի երկու անգամ գնաց-եկավ մեծ սենյակում, հետո՝ մուշտակը հագած՝ եկավ փոքր սենյակը և մոտեցավ քրոջը:

- Է՛, Սրբուն, - ասաց նա դժվարությամբ ու տհաճությամբ, - մնաս բարով:

Եվ ձեռը դրեց նրա ձեռի վրա:

- Մի՛ վախենա, թուրքերը քեզի ձեռք չեն տա. եր օր ներս մտնին, ըսե՛՜ «տունը ձեզի», ինձի ձեռ մի՞ք տա:

Շնավոնը, որ ներս էր մտել, հարեց.

- Ըսե՛՜ «սիզըն օձախա դյուշմիշըն», ձեր օձախն եմ ընկե:

Անդամալույծը դողդոջուն ձեռքերով բռնեց Հաճի աղայի ձեռը, տարավ շրթունքներին և համբուրեց: Մի արցունքի կաթիլ նրա աչքերից գլորվեց, ընկավ Հաճի աղայի ձեռքին: Անդամալույծը ծոցից թաշկինակը հանեց և սրբեց եղբոր ձեռքը և ապա՝ մի գույգ «դֆտիկ»¹ ձեռնոց հանելով մինդարի տակից՝ տվեց Հաճի աղային:

- Ձեռքերդ անցու՛՜ ճամփան չմսիս: Հետո փղձկալով՝ վրա բերեց.

- Քոռանա՛ լուսս... տղոցը համար չկրցա գործե:

- Բան չկա, բան չկա, - սառը հանգստացրեց Հաճի աղան:

Հետո դարձավ տնեցոց.

- Դե՛:

¹ ընտիր բուրդ

Ու ինքը դուրս գնաց: Հաճի մարը այնտեղ չէր: Ըստ երևույթին գնացել էր հարևանների մոտ՝ անդամալույծի համար տեղ գտնելու:

Հաճի աղան, ընտրելով սահնակի ամենահարմար տեղը՝ նստեց, փաթաթվեց վերնակի մեջ ու մնաց: Եվ որովհետև տնեցիք ուշանում էին, – անշուշտ անդամալույծին համոզելու համար, որ գա, – Հաճի աղան բարկացավ և գլուխը վերնակի տակից հանելով՝ ձայն տվեց.

– Թեզ էրեք, ատոր վախտը չէ՛... «էկան»...

Ու շտապով դեմքը ծածկեց վերնակի մեջ, որ չմրսի:

Բայց ներսը ուշանում էին: Շմավոնն ու Հակոբը հասկանում էին Հաճի աղայի հաշիվներն ու խստությունը: Գիտեին նրանք, որ կյանքի իմաստությանը հենց այդ էլ պահանջում է: Եվ տեսան էլ, որ հոր վճռական քայլերի շնորհիվ բավական ապրանք են ազատում և իրենք էլ փրկվում են: Նրանք հասկանում էին, որ հայրն իրավացի է՝ գնահատելով ժամանակը, պետք էր հասկանալ նաև նրա իմաստությունը, այն, որ իրենց հարստությունը էլ իրենցը չէր, այլ միայն իրենց փախցրածն էր իրենցը: Եվ ահա հաշտվեցին, որ իրենց հայրը խելոք է մտածում՝ անդամալույծին թողնելով և ապրանքը տանելով: Ո՞վ գիտե, օտարություն է, պետք է ապրել, նոր տուն շինել: Աշխարհք հո չվերջացավ...

Եվ այսպիսի դեպքերի հասկանալի արագությամբ հաշտվեցին, որ անդամալույծը ավելորդ էր իրենց մեջ:

Եվ որովհետև ուրիշների հետ համեմատած՝ իրենց «հաջող» փախուստը, մահից փրկվելը, վտանգից դուրս գալը մի փոքր բարձրացրել էր նաև նրանց տրամադրությունը, նրանք մինչև անգամ սկսեցին կատակել.

– Մենք կերթանք հարսնիք՝ հորքուրս կմնա տունը պահելու:

- Էրկու օր չի քաշե՝ մենք ետ կդառնանք:
- Թուրքերը խանում – խաթունի պես կաշեն հորքուրին:
- Ջանըմ, անդամալուծին ո՞վ կդիպչի:
- Հեչ, հըլպըտ օր¹:
- Քեֆը հորքուրինս է:

Իսկ հարսները, որ լավ գիտեին Հաճի աղայի անկոտրում բնավորությունը, տեսնելով՝ իրենց ամուսիններն էլ անհոգ են, հավերի պես համակերպվեցին ու լռեցին:

Եվ լաց լինելով հագցրին երեխաներին: Հետո մոտեցան անդամալուծին, համբուրվեցին նրա հետ: Հետո բերին մի քանի կարտոֆիլի մոմ, հացի մի մեծ կապոց, ջուր, լուցկի, դրին անդամալուծի մոտ և «օֆ, օֆ» անելով՝ դուրս եկան:

Գուրաը, թաղի մեջ մեծ տագնապ էր: Լուսամուտներից ու բաց դռներից դուրս ընկած լույսերի շերտերում բացվում ու խփվում էր բազմությունը:

Գլուխները հաստ շալերով փաթաթած ապլաններ, բաշլըղներով տղամարդիկ, շարֆերով տղաներ ու աղջիկներ՝ իրար անցած՝ խոնված էին դռների առջև, սահնակների ու ֆուրգոնների չորս կողմը: Աղմուկ, վայնասուն... Ահա ծերուկ ժամկոչը, որի չոր, ածիլած կզակը դողում է, ընտանիքով մնացել է առանց սահնակի, ոտքով պիտի գնան: Ծերուկը գլուխը կորցրել՝ երեխա է դառել: Կինը դայակի պես ետևից քշում է այս ու այն կողմ: Ահա ճամփա ընկան՝ առանց բեռի ու հագուստի: Ահա մի հասակավոր մարդ կմվում է իր հարևանի հետ, որը նրա կառապանին ուզում է մի բան ավել տալ և սահնակը խլել: Երկուսն էլ ձիու սանձերը դետուդեն են քաշքշում:

- Աստված սիրողը իմտանտ հասնի²... մնացինք... – գոռում

1 հըլպըտ օր (բրբ.) – իհարկե որ

2 իմտատ հասնի – օգնության հասնի, հարեհաս (հարահաս) լինի

է մի կին անպատասխան ժխտրի դեմ:

Մի ֆուրգոն, իրերով ու մարդով սարսափելի բեռնած, եկավ դեմ՝ առավ Հաճիենց սահնակին:

- Խաբարդամ¹, - գոռաց կառապանը իր մուշտակի միջից:

Մի դեմք՝ շեկ ու կոշտ բեղերով ու մորուքով՝ դուրս նայեց ֆուրգոնի առաստաղի տակից:

Դատարանի գրագիրն էր:

- Ինչ եք կայնե, - գոռաց:

Ուրիշ երկու ֆուրգոն էլ եկան դեմ առան: Սկսեցին շտապեցնել: Գրագիրը գոռգոռաց: Նրան բացատրեցին, որ անդամալուծի պատճառով են Հաճիենք կանգ առել:

- Ինչ եք կայնե, գնացեք, - ձայն տվեց գրագիրը, - անդամալուծ տանելու վախտ եք գտել, ճոճե եե կ քերտ.

- Կնկան թողնեն, էրթամն, ինչ կըսես, - առարկեցին ֆուրգոնի միջից:

- А что - ж: Պռավիլամ է, ինչ է: Եփ օր էվակուացիա է, անդամալուծները ավելորդ են:

- Տե, թեզ էրեք, ուշացանք, - կատաղեց Հաճի աղան և ուզեցավ տեղից վեր կենալ, որ գնա, տեսնի, թե ինչ են անում ներսը:

Այդ ժամանակ Շմավոնն ու հայ կառապանը՝ Հաճի մոր թևից բռնած՝ բռնի դուրս էին բերում: Հաճի մարը զայրացկոտ շարժումներով աշխատում էր թևերն ազատել և ներս գնալ նորից անդամալուծին բերելու:

- Թողեք, ես անոր պիտի տանիմ, - ծվում էր նա:

- Տեղ չկա, մա՛րս, տեղ չկա, - համոզում էր կառապանը:

Բայց կինը կատաղի դիմադրում էր:

Հարսներն ու երեխաները լաց էին լինում: Իսկ ֆուրգոն-

1 Խաբարդա, Խաբարդան, Խաբարդար - բացականչություն, որով զգուշացնում են մարդկանց մի բանից

ներից բողոքում և շտապեցնում էին:

Շտապով հարսներին և երեխաներին տեղավորեցին սահնակի վրա: Հաճի մորն էլ բռնի բերին, գցեցին սահնակի վրա:

Հենց որ նա ընկավ հարսների և երեխաների մեջ, կառապանը մտրակը կատաղի զարկեց ձիերին: Սահնակը թռավ, և կառապանը ձիերի կողքից վազեց:

Շնավոնն ու Հակոբը մնացին դռանը: Մեկնելուց առաջ մի պահ սպասեցին և նայեցին իրար: Պետք էր ներս գնալ և վերջին անգամ տեսնել անդամալուծին: Պատուհանից երևում էր սենյակի լույսը: Երկու եղբայր ներս մտան, մոտեցան անդամալուծին: Սա հանգիստ նստած էր, և այդ խաղաղությունը բոլորովին չէր բռնում այն ընդհանուր շփոթի ու երկյուղի հետ, որ պաշարել էր ողջ քաղաքը:

Հակոբը մոտեցավ նրան:

– Հորքուր ջան... ավել – պակաս հալալ... – և փղձկալով բռնեց համբուրեց անդամալուծի ձեռը:

– Աստված հետներդ, գառներս, գնացեք... Հաճ աղայիս, տղոցը լավ աշեցեք, չնսին... – խոսեց անդամալուծը հոգածու ձայնով:

Շնավոնը կեղծ ու շիտակ զգացվեց, բերանը ծոմոնեց, նա ևս մոտեցավ, համբուրեց անդամալուծի ձեռը և, անարցունք աչքերը սրբելով՝ դուրս եկավ: Նրան հետևեց Հակոբը, որ դուրս գալիս շտապեց և դիպավ Շնավոնին:

Եվ երկու եղբայր ֆուրգոնների կողքից վազեցին, որ հասնեն իրենց սահնակին:

Քաղաքը տեղից վեր կացել՝ գնում էր: Ֆուրգոններ, սահնակներ ու նրանց կողքից հետևակ մեծ ու փոքր շարաններ շփոթված, աղմկելով գնում էին: Երբ Շնավոնն ու Հակոբը հասան իրենց սահնակին, ետևից քաղաքը լուսավորվեց շուկայի հրդեհով, իսկ ֆուրգոնների կտավե ծածկոցները սկսե-

ցին փոփոալ թերևս քանուց:

- Հոնոնփ, - ձգեց իրենց առջևից գնացող ֆուրգոնի կառապանը և կանգնեցրեց ֆուրգոնը: Նրան հետևեցին մյուսները, և բոլորը կանգնեցին:

- Ինչի՞ կայնեցիք, - դժգոհեցին և վախեցան զանազան կողմերից: Բայց ոչ ոք չէր իմանում՝ ինչու: Միայն երեխաների ձիչն ու կանանց լացը ավելի պարզ լսվեց աղմուկի միջից: Քաղաքի կողմը, դեպի արևմուտք, որ թաղված էր մթան մեջ, լսվում էին թնդանոթի խուլ դղրդյուններ: Տագնապը սաստկացավ քարվանի մեջ: Հաճու թոռները սկսեցին հեծկլտալ:

- Սրբուն մամին մորթեն պիտի...

Հաճի մարը, որ մինչև այդ խստահայաց ու անհաշտ նայում էր չորս կողմ, լսելով երեխաների լացը՝ հանկարծ լցվեց և հեծկլտաց.

Երեխաները տեսնելով նրա լացը՝ ձայները բարձրացրին:

Թնդանոթի ձայներից Հաճի աղայի երևակայությունը վառվեց: Նա ավելի պարզ սկսեց շոշափել մահը:

Եվ հրդեհի մեջ պաշարվածի պես՝ նա զգաց, որ տարերային մի ուժ նրան միայն մի բան է թելադրում, փախչել, շուտով դուրս գալ մահի ձիրաններից: Մնացածը՝ կին, երեխա, ընկեր, բարեկամ՝ նսեմացավ նրա աչքում: Եվ ակամամ: Եվ նա զգում էր, թե որքան դառն է այդ «ակամամ», բայց և զգում էր, որ այդ այդպես է:

Նա կարծես ցնորքի մեջ լիներ, նայում էր չորս կողմ և ամեն առարկա մի վայրկյան տեսնելով, մյուս վայրկյանին մոռանում էր: Կարծես երազում՝ նրա մոտով, ճամփի եզրով, իրենց հարևան կոշկակար Պողոսը, ուժեղ երիտասարդ՝ յափնջու վրա երկու երեխա նստեցրել՝ քաշ էր տալիս ձյան վրայով: Նրա ետևից հևալով և լնգլնգալով գնում էր նրա ծերուկ հայրը: Ահա հոգնեց նա, եկավ կանգնեց և ճամփից

դուրս գալով, գնաց խրվեց ձյան մեջ ու մնաց.

– Ալ չեմ կրնա... գնացեք...

Նայում է նրան Հաճի աղան և իսկույն մոռանում է: Ահա քարվանքը նորից շարժվում է: Լեռնային սառնամանիքը իր սառցե մատներով բռնում է Հաճու մորուքը, և նա դեմքը ծածկում է վերմակի տակ:

Փչում է լեռնային քամին և ձյան փոշին, առաջ օձերի պես սողալով և ապա բարձրանալով իբրև վիշապներ, թռչում են օդի մեջ, նվում, վայում...

– Աստված, դո՛ւն հասնիս, – մրմնջում է Հաճի աղայի փոքր հարսը:

Մեծ հարսը երեսը խաչակնքում է և սկսում «Հավատով խոստովանիմը» բարձր և զգացված:

Իսկ շալի մեջ Հաճի մարը կծկված՝ մտածում է անդամալուծի վրա և ծանր հառաչում:

Սուր վտանգն ու աղմկալից սարսափն անցել էին, տեղի տալով մի խաղաղ թշվառության, որ ընդունեց փախստականներին հետևյալ քաղաքի մեջ: Հանկարծակի աղքատներ, մի ժամում անտունացած մեծատուններ, ի ծնե չքավորներին խառնված՝ եկան ապաստանելու՝ ամեն կարոտություն չկռահող, ամեն ինքնասիրություն չհաշվող բարեգործության և նրա միշտ ուշացող օգնության: Բարեգործականի, դպրոցի և մասնավոր անբնակ տների մեջ խցկեցին սրանց, բերին հաց, շոր, դրամ, նաև մխիթարական խոսքեր, և նման դեպքերի գթառատության ալիքը ինչ վարարությամբ որ հորդեց, նույն արագությամբ էլ ճապաղեց, և թշվառությունը հիմա այլևս

անարգել ու հաստատ անցավ իր գործին:

Հաճիենց քաղաքը շուտով ետ առնվեց: Տղամարդիկ, որոնց մեջ և Հակոբն ու Շմավոնը, վերադարձան տեր լինելու իրենց այրված ու կողոպտված գույքերին: Լուրեր եկան, որ գնացողները քիչ-քիչ հաջողում են կորածը գտնել: Փախստականների երեսը իստակվեց: Հաճի մարը իր հարսների հետ դուրս էր գալիս, այցելում մյուս փախստական ընտանիքներին, հյուրեր էին գալիս իրենց տունը, և հին մեծատան հյուրասիրությունը փորձեր էր անում հին ընթացքով քայլելու: Ծիծաղն սկսեց երբեմն իր ձայնը լսեցնել նրանց տանը: Մի անգամ էլ եկավ իրենց քաղաքի զվարճաբան Գարանը և պատմեց ծիծաղելի դեպքեր, թե փախից և թե թուրքերը քաղաք մտնելուց, որ վերադարձողները լսել էին և եկել, տարածել: Ներկայացրեց մի վաճառականի, թե ինչպես էր շփոթվելուց մութաբան գրկել՝ մինչ երեխան կողքին ընկած լալիս էր: Լռում էին, ծիծաղում: Հետո խոսք եղավ անդամալուծի վրա, որի մասին եկողները միաբերան ասել էին, որ անհայտ կորած է, և որի մասին տնեցիք աշխատում էին կամ չխոսել կամ մխիթարվել, ասելով, որ եթե գար՝ միննույն է՝ ճամփին կմեռներ: Հաճին ավելի մռայլվեց: Այդ տեսնելով՝ Գարանը համարձակ և ուրախ հանդիմանեց.

– Ձանրմ, Հաճի աղա, բան չունիս, չարդ տարավ, սաղ ըլին հարսներդ, տղաքդ, թոռներդ:

Սակայն Հաճի աղան խորտակված էր:

Այնուհետև ժամերով մի բառ չէր լսվի նրա բերանից: Նստում էր մի անկյուն, ծխում, համրիչը գցում և երբեմն միայն գլուխն օրորելով մրմռում.

– Է, էթ, թո՛ւ...

Եկած օրից ոչ մի անգամ փողոց դուրս չեկավ:

Քաղաքում ծանոթ – բարեկամներ եկան, իրենց տուն հրա-

վիրեցին, կտրուկ մերժեց:

Տնեցիք սկսեցին անհանգստանալ: Հաճու այս արտակարգ խռովությունը նրանք իսկապես կորցրած հարստությանը վերագրեցին և կարծեցին, որ կարող է ծերուկը խելքը կորցնել, ուստի և լուր ուղարկեցին Շնավոնին, որ ինքը կամ Հակոբը գան: Պատասխան չեկավ:

Հունվարի սառն ու պարզկա առավոտը նոր էր բացվում, որ Հաճի աղան անկողնում նստեց: Հաճի մարն ու հարսները՝ երեխաները ծոցերն առած՝ քնած էին փոքր ու նեղվածք սենյակում, որ Հաճին դիտմամբ վարձել էր, մերժելով ձրի սենյակը:

– Հաճի աղա՛մ, ինչի՞ էլար ասպես թեզ, – անհանգստացավ Հաճի մարը և նույնպես նստեց իր անկողնում:

– Ուշացեր եմ, – մոմոաց Հաճի աղան և սկսեց հագնվել:

Հաճի մարը աչքի տակով ուշադիր նայեց Հաճու դեմքին և նկատեց նրա աչքերում մի տխուր համակերպություն: Վեր կացավ, օգնեց, որ հագնվի, ջուր բերեց, լվացվեցրեց: Հաճին վեր կացավ և գավազանը առավ:

– Ո՛ր, – հարցրեց Հաճի մարը մի փոքր վախեցած:

– Ժամ պիտի էրթամ:

Հաճի մարը զարմացավ, բայց շրթունքը կծեց: Դրդեց հարսներին, որ վեր կենան, և ասաց, որ իրենք ժամ են գնում, հարսները զարմացած նայեցին Հաճուն, բայց Հաճի մարը գողունի մատները դրեց շրթունքին, որ չխոսեն:

Դուրս եկան փողոց և ձների ու սառույցների վրայով անխոս գնացին եկեղեցի: Երբ մտան եկեղեցու բակը, Հաճու դեմքի մկանները ցնցվեցին: Նա դողդոջուն շրթունքները

հայեց եկեղեցու քարե դռանն, համբուրեց, երեսը խաչակնքեց
և՛ կզակը դողացնելով՝ ներս մտավ եկեղեցի:

Առավոտյան ժամ էր, և եկեղեցին թափուր: Երբ ավարտ-
վեց, Հաճի մարը առաջարկեց, որ գնան տուն, բայց Հաճին
մերժեց և մնաց իր տեղում չոքած: Սպասեցին պատարա-
գին: Շուտով եկավ մեծ հարսը: Եվ հարս ու կեսուր քաշված
մի անկյուն՝ սկսեցին փսփսալ. Հաճի մոր համար պարզ էր,
որ Հաճի աղան հոգեկան հիվանդ է դառել: Սկսեց աղոթել,
տրորվել:

Չոքել էր Հաճին և ավելի մտածում էր, քան աղոթում:
Հաճի մարը նայեց նրա սմբած երևույթին, կորացած մեջ-
քին, դեղնած մազադաթե դեմքին, ծխից կարմրած բեղերին
և ձերմակ, ցախ – ցախ մորուքին, որոնց վրա փախից հետո
ածելի չբանեց, նայեց Հաճի մարը և զգաց, որ ծերուկի վիշտը
շատ խորն է:

Մի մինդար քաշեց ծերուկի տակը, բայց սա մերժեց: Եկե-
ղեցին լուռ էր, ցուրտ: Խնկի դուրեկան հոտը դեռ օդի մեջ:
Ահա արևի ծիրանի սյուները պատուհաններից կախվեցին
ներս: Եկավ ժամկոչը, հետո քահանան, կամաց – կամաց
աղոթավորը շատացավ, սկսվեց պատարագը: Հաճին ան-
շարժ ու հանգիստ նայում էր իր առաջ, պաղ քարերին: Միայն
երբեմն, երբ արծաթագլուխ տերտերը շուռ էր գալիս դեպի
բազմությունը և հորից լսվող ձայնով ասում էր «խաղաղութ-
յուն ամենեցուն», Հաճին գլուխը կախ էր գցում և երեսը վա-
խեցած խաչակնքում:

Երբ գնացին տուն, և ամենքը շարվեցին «դաստախունի»
շուրջը և սկսեցին թեյ խմել, մեծ հարսը բերանը մոտեցրեց
Հաճի մոր ականջին.

– Գիտե՞ն, Հաճի աղաս տերտերին, տիրացուին բռերը մեկ
– մեկ օսկի դրեց:

Հաճի մարը սառած նայեց հարսի երեսը, հետո վեր թռավ գնաց դուրս և այնտեղից նշանացի կանչեց հարսին իր մոտ:

- Ե՞ր, աղջի...

- Դու՛ն սեղանին էիր մոտեցե, աղոթք կենեիր, - պատասխանեց հարսը, - աղքըտներուն ա մեկ - մեկ օսկի տվեց...

- Չէ, ջանըմ... - հևաց Հաճի մարը հուզմունքից:

- Աչքովս տեսա:

- Հը՛... - խռովեց Հաճի մարը, - ձեզի բան կըսեմ՝ չեք իմանա: Աման, Աստծու խաթեր, Հաճիս ձեռքե գնաց, տնէ՛ - օձղե հեռու...

Եվ սկսեց ծնկներին տալ ու տրորվել:

Հարսը պատմեց տեղով, որ իր աչքով տեսել է:

Հաճի մարը նորից ներս մտավ, իրեն զսպեց և հարսներին աչքով արավ, որ ուշք չդարձնեն Հաճու վրա: Ու սկսեց հսկել նրան:

Երեխաները դուրս գնացին ձյունների վրա խաղալու: Հարսները սփռոցը վեր քաշեցին, նորից մի թեթև ավելեցին սենյակը, որ առավոտյան խնամքով ավլել էին, փայտ ավելացրին թիթեղի վառարանին և գնացին «աշխանան»¹ կերակուր եփելու: Հաճի մարը նստեց Հաճի աղայի դիմաց և, դիտելով նրա ամեն մի շարժումը, սպասեց, որ նա մի բան ասե:

Բայց ո՛չ մի նշան, թե ուզում է խոսել: Նրա լռությունը ցույց էր տալիս, որ խորին ու մշտական խռովքը և ներքին տաժանելի մի աշխատանք դուր էր գալիս նրան:

Մի պատկեր կար, որ երևակայության մեջ ամբողջացնում էր նա: Դա նրա կիրքն էր, որ նրան և սարսափեցնում էր, և ուրախացնում: Նա տեսնում էր անդամալուծի դիակը և աշխատում էր նայել նրա սառած, բաց աչքերին: Ճգնավորի, մոլուցքի մեջ ընկած հավատացյալի կրքով նա հետևում

¹ Աշխանա - խոհանոց

էր այդ պատկերին և աշխատում էր երբեք, ոչ մի վայրկյան աչքից բաց չթողնել, ինքը, միայն ինքը եղավ այդ սարսափելի պատկերի ստեղծողը: Դա իր մեղքն էր, ցածությունը, իր անգթությունը: Եվ ինչքան երկար նայում էր այդ դիակին, այնքան կսկծում էր իր սիրտը և այնքան էլ հաճույք, հանգիստ էր զգում: Անդամալույծը դառավ մի սուրբ, մի պաշտելի սուրբ նրա համար: Նրա դիակը սրբագործում էր ծերուկի մեղսալից սիրտը: Ահա ինչու նա կառչել էր նրան:

Բայց այս ապաշխարողի թեթևացումը երբեմն էր միայն: Լինում էին բուպեններ, որ նա զգում էր, թե խելագարվում է: Այդ պատահում էր, երբ նա պայծառ գույներով պատկերացնում էր իր իսկ մահվան օրը, կամ երբ հիշում էր իր սարսափները փախի գիշերը: Հիմա էր հաշիվ տալիս իրեն և զգաստորեն հաշիվ տալիս, որ հենց այդ սարսափներն է կրել իր քույրը, այն արհամարհված էակը, որի մեռնելը ինքը ցածոգի կերպով այնքան հեշտ և հասկանալի համարեց փախի օրը: Եվ ինչպէս կարելի էր թողնել նրան մահվան առջև, և կամ արդյոք մի արարած, որ չտանջվի մարմնական ցավից, չվախենա մահից և իրավունք չունենա ապրելու: Եվ ի՞նչ համակերպությամբ ընդունեց անդամալույծը իր համար որոշած վիճակը և ի՞նչ անձնվեր հոգատարությամբ նա մտածում էր փախչողների ապահովության մասին: Սա արդեն խոցում էր Հաճու սիրտը: Եվ երբ Հաճին հիշում էր, թե ինչպես ինքը անկարող եղավ կյանքի սերը մեռցնել իր մեջ և դիմանալ մահվան մերձեցման, մինչդեռ այն հասարակ, չնկատված էակը այնպես արիաբար վճարեց իր տուրքը, Հաճին խայթված վեր էր բարձրացնում իր խոնարհած գլուխը և խելագարի պես նայում Հաճի մորը:

- Հաճի աղամ, - արթնացրեց նրան իր կինը:

Հաճի աղան նայեց նրան խորասուզված հայացքով և լռեց:

- Ախր, մեմ ըսե տեսնենք՝ ի՞նչ կմտածես,- հանդիմանեց
Հաճի մարը:

Հաճին լուռ էր:

- Թե կորուցածդ է միտքդ ընկե՛ տղաքդ սաղ ըլին. ինչի՞
կմտածես: Թե Սրբունին վրա է միտքդ՝ բան չունի՞ս. անքան-
ները մեռան, ավելի ազիզները... լավ կըսեիր, թե «ան ավե-
լորդ է»:

Հաճին մռայլ նայեց իր կնոջը և գլուխը օրորեց:

Եվ նա սաստեց՝ խստահայաց նայելով Հաճի մորը.

- Սուս... ավելորդ մարդ չկա. Աստուծու առջև հոգին հոգի է:

Հաճի մարը զսպվեց:

- Օ՛Ֆ, - հառաչեց Հաճի աղան,- գնա, սատկող շանը հար-
ցուր, թե սատկելը դուայ՛ բան է:

Նրա դեմքը տխուր էր, աչքերը խորն ընկած, իսկ անածի-
լած կզակի ու այտերի ձերմակ մորուքի ցախերը նրա դեմքին
տալիս էին խստակյաց ճգնավորի երևույթ:

Մի շաբաթ անց Հաճի աղան պառկեց անկողնում: Երևի
Ժամում մրսել էր: Քրտնացրին, ֆելդշեր բերել տվին: Ոչինչ
օգուտ չեղավ: Եվ մի երեկո ճրագ վառելու Ժամանակ Հաճին
տերտեր ուզեց: Հաճի մարը ծնկներն էր ծեծում և գողունի
նայում Հաճի աղային, որ տեսնի, թե վտանգն անցնո՞ւմ է, թե՛
ոչ:

Եվ մինչդեռ տնեցիք, թաքցնելով իրենց հուզմունքը,
սպասեցին մի պահ ևս, որ գուցե թե Հաճին ինքը մոռանա
և էլ չպահանջե տերտերի գալը, Հաճին հանգիստ և պարզ
կրկնեց, որ տերտերի պետք ունի: Կանչեցին: Եկավ արծա-

1 դուլայ (թրք.)- հեշտ

թագարդ տերտերը, որ բնագդով իմանալով, թե հիվանդը մահամերձ է, հետը բերել էր հաղորդությունը:

Տեսցիք բոլորվեցին հիվանդի շուրջը: Տերտերը ձեռով արավ, որ հեռանան, հասկացնելով, որ հիվանդին պիտի խոստովանեցնեն: Բայց Հաճի աղան խնդրեց, որ մնան: Եվ բարձր ձայնով, մոլեռանդ հույզով խոստովանեց: Պատմեց, թե ինչպես ինքը թողեց անդամալուծին:

- Մեղա քեզի՛, մեղա, - լացեց և համբուրեց ավետարանը: Տերտերը մխիթարեց և հաղորդություն տվեց:

Եվ երբ հիվանդը հաղորդություն առավ, դողդոջուն ձեռը տարավ բարձի տակը և, հանելով թղթի մեջ փաթաթած մի քանի ոսկեդրամ, տվեց տերտերին:

- Աս քեզի, - շնչաց նա և, հանելով մի ուրիշ քսակ, դողդոջուն ձեռով մեկնեց տերտերին ու աչքերի երեխայական արտահայտությամբ նայեց նրան և ուզում էր մի բան ասել, բայց մնաց, շունչը կտրվում էր. սաստիկ հուզված էր:

- Աս ո՛ւմ, - հարցրեց տերտերը՝ կռնալով նրա վրա:

- Ո՛ւմ տաս... - մրմնջաց հիվանդը և լռեց:

Արտասուքը խեղդեց նրան: Շունչ առավ և հառաչեց.

- Ադ ա տուր աղքատներուն...

Եվ խլելով տերտերի փեշը՝ համբուրեց և մղկտաց.

- Ավելորդին հոգուն համար...

ՏԵՐՏԵՐԸ

– Լվացքդ պրծամր, իրիցկին¹:

Գհուլիկ իրիցկինը սապնոտ մատով սղալեց ականջին թափած դեղնավուն մազերը, շիտկվեց և նայեց հարցնողին:

Տիրացուի կնիկն էր, չոր ու ցամաք, մնոտ² երես, կարմիր մազ: Եկավ ծամոնը բերնում ծոնոելով ու թեշիկը օրորելով նստեց երկար գերանին:

Իրիցկինը քրտնամխած³ հևում էր: Կտր կարմիր երես, ձվաձև, շեկ – սպիտակ հոնքեր ու թարթիչներ, ինքը հաստլիկ, լայն ջաղացքար:

– Մնաց տերտերիս շապկները, ան ա լվամ՝ կարծնիմ:

Եվ իրիցկինը աչքերը պտտեցրեց խայտաճամուկ⁴ լվացքաշորերին, որ նախշուն կարկատանների պես փռել էր սրահի քարերին, պայծառ արևի տակ, և նայեց այնպես լուրջ, ինչպես նկարիչը, որ երբեմն նկարելը թողնում և դիտում է իր կտավը:

Նա նորից թեքվեց լվացքատաշտի վրա, և նրա կուրծքը կախվեց տաշտի մեջ: Բորիկ ոտների պճեղները ձգձպում էին լվացքաջրի ցեխի մեջ, և սապոնի սառած փրփուրները թռել – կպել էին նրա ձերմակ բաց սրունքներին: Եվ նա մի կեղտոտ շապիկ հաստլիկ ձեռքերում խեղդելով սեղմում էր, ցայում, քրքրում, և դա այնպես եռանդով, որ նրա թխլիկ մարմինը

1 իրիցկին – երեցի՝ քահանայի կին, երեցկին

2 մուն – մաշկի վրա դուրս տված մուգ բծեր՝ պեպեն մնոտ – երեսին մուն ունեցող

3 քրտնամխել – քրտնքի մեջ կորչել, քրտինքով պատվել

4 խայտաճամուկ – գույնզգույն, խայտաբղետ

թլթլում¹ էր դմբռջիկ² գառան դմակի պես:

Մի սև հավ կեղտոտ ոտներով եկավ կանգնեց փռած շո-
րերի վրա և հիմար հայացքը սկսեց շրջել մեկ վար, մեկ վեր:

- Քա քընձ, քընձ էրա, - պատմվող կաշու ձայնով ձչաց չար
իրիցկինը և ռունրի պես նետվեց դեպի հավը, արագ մի քար
խլեց ու նետեց հավի վրա:

Հավը՝ ավելի ճչալով, քան պահանջում էր վտանգը՝ թռավ
կտուրից օդի մեջ հավանորեն սավառնելով՝ բավական հեռու
իջավ տիրացունեց բակը:

Նորից խաղաղությունը նստեց իր տեղը: Միայն իրիցկնոջ
լվացքի ճղփոցն էր լսվում և երբեմն էլ մի նվոց, որ դուրս էր
թռչում նրա եփվող կրծքից, երբ նա մոլեգնում էր և լվացքը
չարչարում, և բռնված խոճկորի ձայնի պես յոթնով խփում էր
յըի, յըի, յըի...

- Քսն, իրիցկին, տեր Մարուքը կըսեն մեռնի կը, ասօր շատ
է ծանդրցե,- խոսեց տիրացուի կնիկը ճղլիկ աչքերը թեշիկից
չպոկելով:

- Էհ, եսին, նեա³ կմեռնի, նեա կապրի, - մրթմրթաց իրից-
կինը և տրորեց ծխից կսկծող աչքերը:

- Չէ, իրիցկին, բան կըսեմ, չի ապրի, տիրացուս կըսեր
հոգեվարքի մեջ է, - խոսեց տիրացուի կինը ցած ձայնով և
զգույշ նայեց չորս կողմը:

Իրիցկինը լուռ մնաց:

- Հը, գիտես թը տերտերս է, - հանկարծ ասավ իրիցկինը
ու ականջները սրելով՝ լվացքը բռնեց ու մնաց մի վայրկյան:

Տիրացուի կնիկը վեր կացավ և նայեց պատի գլխից:

- Տերտերն էկանվ:

1 թլթլալ - տեղում շարժվել. մտերը շարժվել

2 դմբռջիկ, դմբրճիկ, դմբռջիկ- գիրուկ, թմբլիկ, չաղլիկ

3 նեա - ո՛չ

Ասաց ու գող կատվի պես ծլկեց իրենց բակը:

- Գուքան, գուքան, - լսվում էր հեռվից տերտերի մկկող ձայնը, - մաշտոցս¹ առնեմ՝ գուքամ:

Եկավ տերտերը, տեր Հմայակը, և մտախոհ նստեց դռան աջ կողմը, քարին: Ու արձանացավ: Չոր ու ցամաք երիտասարդ էր, ցորնագույն, չեչոտերես, ցանցառմորուս, մորուքի թելերը օղակ - օղակ:

Նայեց դիմացը մտազբաղ, սևեռուն աչքերով: Ներքի լայն շուրթը կախ, պոկոշ², բերանբաց՝ մտածում էր և լուռ էր:

Վայր բերեց դեղնած եղոտ գլխարկը, հանեց լայն կարմիր թաշկինակը ու սկսեց քրտինքը սրբել՝ ինքնագոհ աչքերը լայն ու արագ ձայնացնելով:

- Տեր Մարութը կվախճանվի, - խոսեց նա կարծես ինքն իրեն, գետին նայելով:

- Հը, տերտեր ջան, կվախճանվի... - շիտկվեց հանկարծ իրիցկինը և տաք ջրում խաշած մատներով տաշտի եզրը բռնած՝ քրտնաթոր երեսը դարձրեց տերտերին և այրվող քունքերը հարցականորեն վեր քաշելով՝ բերանբաց նրան նայեց ու աչքերը շլեց:

- Ասօր կվախճանվի, - խոսեց տերտերը՝ էլի կարծես ինքն իրեն:

Իրիցկինը վախով թե հետաքրքիր՝ նայեց նրան մի քիչ էլ և կմկմաց:

- Տերտեր ջան, հիմի ինչդ պիտի ըլի, հը...

- Ինչը, - հարցրեց տերտերը մեքենաբար և սաստիկ մտազբաղ:

- Տեր Մարութին ծխերը:

1 մաշտոց (եկեղ.) - հայոց եկեղեցու ծխարան, որ պարունակում է զանազան եկեղ. ծեսերի կարգն ու համապատասխան աղոթքները

2 պոկոշ - հաստաշուրթ

- Ծխերը ինձի մնաց, իցցուն ծխի համար քահանա՞ պիտի կանչեն: Կլավան, Պոտոյենց Արուօրը, Սերոբ աղան ըսին՝ նոր տերտեր չենք բերե: Քեֆիդ աչե:

Իրիցկինը գորովանքով նայեց տերտերին և խնդմնդաց.

- Վայ, ինչ լավ էղավ, տերտեր ջան, ոտներուդ մեռնիմ:

Եվ ուրախ - ուրախ վրա ընկավ լվացքին: Եվ այնպես եռանդով շրփացրեց շապիկը, որ սապոնը թռավ նրա թշերին, որ հիմի կարմիր ձմերուկի պես արնով լցվել էր:

Հանկարծ կանգ առավ ու դիմեց տերտերին.

- Չախլամամ՝ էնեմ, տերտեր ջան:

- Չէ՛, չեմ ուզե, վախտը չէ: Դու Եղոյին դրկե քաղաք, թող քեզի համար շապկցու առնե: Էհ, ես էրթամ, գնա մաշտոցս բեր:

- Բերեմ, տերտեր ջան, - ու իրիցկինը լվացքաջուրը կաթեցնելով, գլորվող տակառի պես ներս ընկավ՝ տերտերի պատվերը կատարելու: Նրա թաց ոտների պճեղները պարզ տպվեցին չոր հողի ու դռան սեմի վրա:

Երկար երազած ու հանկարծ եկած ուրախությունը այնպես էր հուզել ու շշմեցրել տերտերին, որ նա ժպտալու իսկ կարողություն չուներ: Ընդհակառակը՝ դառել էր լուրջ, հանդիսավոր և հոգածու², հոգածու երջանկությունը ձեռքում մի այնպես լավ պահելու: Բայց միաժամանակ նա մի տեսակ գորովալից էր դառել և լցվել էր բարությանը, տեսական բարությանը դեպի ամեն ինչ:

Իրիցկինը դուրս եկավ՝ թացոտած եղոտ մաշտոցը լվացքում քրքրված ձեռքին: Տերտերը մաշտոցն առնելով արագ վեր կացավ: Եվ սկսեց տեղում կանգնած՝ շփոթված մտածել:

- Կրսեի թը մե չախլամամ խմեիր, - խոսեց իրիցկինը՝ այն

1 չախլամա (թրք.) - թան

2 հոգածու - հոգատար, հոգածող՝ հոգածություն արտահայտող

ձայնով, որ դիմում են հիվանդին:

- Հը... չէ՛, - սթափվեց երջանկության մեջ սուզված ու շշմած տերտերը և շարժվեց դեպի իր կարգակցի՝ տունը: Իրիցկինը կանգնեց, գմայլված հայացքով նայեց տերտերին և այդպես մնաց՝ մինչև տերտերը հասավ գյուղամիջի աղբյուրը, ուր մի պառավ կին դողդողալով մոտեցավ տերտերին, աջն առավ: Տերտերը ծովեց դեպի բլուրը և անհետացավ մի դեզի ետև:

- Աջիդ դուրպան, - մրմնջաց իրիցկինը գորովագին և մարդ խեղդողի պես կոացավ իր լվացքի վրա:

Տերտերը մտախոհ հայացքը գետնին՝ գնում էր մեռնող տեր Մարուքի մոտ:

Լեռնային երկրի մեղմ արևը իր կենարար եռանդը թափում էր նրա ուսերին, մեջքին, դեմքին, և շարժումները թելթել օդի մեջ տերտերի մեջ այնքան էին վառում կյանքի ծարավը, որ նա իր արագիլի քիթը երբեմն օդի մեջ սրելով հոտոտում էր ու խմում այդ գոլ ու թելթել օդը՝ ընտիր գինու պես: «Օխանյ», հառաչեց տերտերը և աչքերը թրջեց՝ զգալով երակների մեջ մի քաղցր առողջություն: Նա գոհ էր, որ ինքը չէ մեռնողը, զգաց մի անասելի հաճույք, որ մարդ ուրիշ ժամանակ լավ չի զգում:

Մոտենում էր տեր Մարուքենց խրճթին:

Մի խումբ կիսամերկ երեխաներ խրճթի առաստաղի պատուհանը շրջապատած՝ զգույշ առաջ կռանալով գողունի ներս էին նայում: Տեր Հմայակը նոր էր մոտեցել խրճթի շեմքին, որ ներսից նրա առաջը կտրեց գառամյալ կորաքամակ տիրամայրը և նրա աջը բռնելով կանգնեցրեց ու համբուրեց:

- Ոտներդ մեռնիմ, ախր, տերտերս... - քիթը վեր քաշելով լացակումեց պառավը, կարծես տեր Հմայակը նրա որդու համար կյանք էր բերելու: Բաց թողեց տերտերի աջը և

1 կարգակից (եկեղ.) - կրոնական միևնույն աստիճանն ունեցող

կարմիր թաշկինակը գոտկից հանելով՝ փակցրեց մի աչքին, հետո մյուսին և՝ «օօօֆ, քոռանար լուսս, օօ օֆ...», – մրմնջաց ու հետևեց տեր Հմայակին, որ արագ անցավ օդան: Հանեց դեղնած գլխարկը, տվեց սան տակից վրա հասնող կարճահասակ հարսին և նստեց սաքուին¹: Նրան հետևեցին տիրամայրը, իրիցկինը, որ ծնկները շփելով՝ ցավում էր ու տրորվում: Չոքեց մի ծանր լռություն:

Անկյունում, օջախի կողմը, նախշուն վերմակի տակից ցցվել էր հիվանդի դեղին մորուքը: Դեմքը խիստ էր ու սրված: Վերմակը շարժվում էր արագ հեղցից:

Մեռնողի տարեց եղբայրը մոտը թեք ընկած՝ կապույտ թաշկինակով ճանձերն էր քշում նրա դեմքից և հոգացու աչքերով նայում հիվանդին:

Հիվանդին այդ առավոտ հաղորդել էին, բայց տնեցիք, որ անհույս էին, դեռ չէին հաշտվել մահի հետ:

Հիվանդը խոժոռ նայեց առաստաղին, հետո ուզեց մի շարժում անել, բայց թողեց կամ անկարող եղավ և նորից աչքերը փակեց: Տիրամայրը գլուխը երերցնելով մոտեցավ հիվանդին:

– Տերտեր ջան:

Հիվանդը աչքերը լայն բացեց և նայեց շուրջը: Նրա դեղնամումի դեմքը կաշու տակ արդեն պարզ գծագրվում էր՝ իբրև պարկը գցած գանգ և ահեղ երևույթ էր տալիս նրա հայացքին: Երկու ակնախոռոչում հարցական սև աչքերը կարծես բներից դուրս նայող անհանգիստ մկներ լինեին:

Տեր Հմայակը նայեց, նայեց հիվանդի սրված քթին, այդ քիթը փակագծող երկու հարթվող ակոսներին և մտածեց, որ էլ նա վերկենալիք չունի: Եվ ապահովության զգացումից բարձրաձայն հառաչեց:

1 սաքու (ժղ.) – պատին կից սարքված թախտ կամ լայն կիսապատ

- Էհ, Տիրոջ կամքն է, ինչ էնենք:

- Օ՛ճճՖ, աչքս քոռանար, վնուշ, – գողունի հառաչեց տիրամայրը և թաշկինակը տարավ աչքերին: Նրան հետևեց չորացած իրիցկինը:

Տեր Հմայակը երազների հետ էր:

«Սերոբ աղան՝ տարեկան երկու մանեթ. Տիլիպոյենց տնեն՝ երեք մանեթ...», – մտածում էր նա՝ հաշվելով իր նոր ստանալիք եկամուտները: Բայց չէր կարողանում կենտրոնանալ:

Հանկարծ մի պատկեր: Ահա ինքը, տեր Հմայակը եկեղեցի է գնում, գլուխը բարձր, հպարտ, առանց մրցակցի: Ինքը հերոս է. միակ քահանան, գյուղի կանայք, աղջկերք, ծերու ջահել՝ նրան են նայում: «Տեր Համայակը»՝ մտածում են ամենքը, և մեծ հերոսություն, հմայք կա այդ բառի մեջ՝ «տեր Համայակը»... Ահա իր ետևից կանանց խմբի հետ եկեղեցի է գալիս նաև իր իրիցկինը, գլխին կանաչ փուշի, հագին մախմուր՝ միակ իրիցկինը... Ամենքը նայում են իրիցկնոջը, իսկ իրիցկինը նայում է իրեն, տեր Հմայակին: «Օտանցդ մեռնիմ, տերտեր ջան», – մրմնջում է իրիցկինը յուրովի: Եվ ահա հանդիսավոր քայլերով ներս է մտնում տեր Հմայակը եկեղեցի, ամենից գիտուն աչքերը լուրջ, տիրական՝ նայում է իր առջև և սկսում ժամր: Ինչ երջանկություն... Եվ նա խանդաղատանք¹ զգաց դեպի մարդիկ. մինչև անգամ դեպի հիվանդը նա բարի զգացումով լցվեց: Հետո այդ խանդաղատանքը անցավ դեպի իրիցկինը և այնպես ախորժով ձմլեց նրա սիրտը, անցավ մեջքով և փոխվեց մի քաղցր սարսուռի, որ տերտերը այդ զգացումից ազատվելու համար հառաչեց և աչքերը ձպձպացրեց:

Եվ պահանջ զգաց մի բան ուտելու:

Հետո նորից նա մտածեց իրիցկնոջ մասին: Եվ նրան թվաց,

1 խանդաղատանք – քնքշության՝ գորովանքի զգացմունք, գորով, սեր. գուրթ

թե իր իրիցկինը գրկված է, քիչ է գուրգուրված, և ժամանակն է նրան փաղաքշելու, գոհացնելու:

«Խեղճ իրիցկինս, չորս հատ շապկցու առնեն, թող հագնի պոլ – պոլ», – մտածեց նա:

Նա մոռացել էր մեռնողին: Հանկարծ միայն նկատեց, որ մեռնողը իրեն է նայում: Նրան թվաց, թե մեռնողը նախանձում է իր առողջությանը, ծխերին: Եվ տհաճություն զգաց, որ նա իր նախանձով գալիս է թունավորելու այս երջանիկ օրը: Նրան թվաց, թե հիվանդատերերն էլ նույն նախանձով են լցված դեպի ինքը: Եվ ասաց.

– Իշալլահ¹, տերտերս թեզըմ կլավնա, իրենն ոտքովը ծխերունն նշխարք կտանի:

– Էհ, տերտեր ջան, ծխերը քեզի կմնա, – կսկծալով փափսաց տիրամայրը և լուռ լացով բերանը ծռեց: Իրիցկինն էլ լցվեց:

– Վճուշ, աս օրն սմ պիտի տեսնեինք, վճուշ, – ասաց ու ծնկները ծեծեց, չզսպելով իրեն՝ սկսեց հեծկլտալ:

– Տե՛, տե՛, – չոր ու հրամայական ձայնով սաստեց տեր Հնայակը, – ձենդ մի՛ ցկե, ի՛նչ է էղե, ի՛նչ կա լալու:

Նա զայրացավ այդ լացից և ուզում էր ավելի թունդ հանդիմանել իրիցկնոջը: Նրա համար սաստիկ անսխորժ էր այդ լացը և անտեղի:

Հիվանդի հոգեվարքը սկսվեց: Դաժան ժպտի նման մի բան շարժվեց նրա ծոռովող դեմքի անկյուններում: Հիվանդապահը չոքեց անկողնի մոտ և հիվանդի աջ ձեռն առնելով, ետ արեց նրա մազերը քթի վրայից: Մեռնողը նայեց առաստաղին, ուր մի բան կարծես աչքովն ընկավ: Բայց դա թվում էր: Նա ցնցվեց, խորը շնչեց և մնաց:

Երկու թոպեաչափ մահը կատարում էր իր կոպիտ, անասնական գործը: Մեռնողը բացեց բերանը, որսաց օդը և երկար

¹ Իշալլահ – Աստուծով

պահեց թոքերում:

Հետո կարծես մի շարժում էր ուզում անել: Ամենքը վեր կացան և սպասելով նրա շարժման՝ քարացան մնացին նոր դիրքերում:

Հիվանդը հանգել էր արդեն:

Հիվանդապահը նշանակալից հայացքով գողունի նայեց իրայիններին:

Իրիցկինը օձի կծածի պես վեր թռավ ու ճչաց:

Տեր Հնայակը մի պահ խռովվեց և մահը վանելու համար սկսեց անբնական բարձր ձայնով իր աղոթքը:

Մեռելի սառած աչքերը նայում էին մի անլուծելի, ծանր խորհրդով:

ՍՏԱՄՈՔՍ

Տնից մեյդան, մեյդանից տուն:

Ահա նրա ամենօրյա մարզը, որ նա չափում է առավոտից մինչև իրիկուն: Առաջ էլ, երբ հյուսն էր՝ քաղաքում առանձին տեղեր չուներ գնալու: Բայց գործից տուն գալիս՝ շաբաթ երեկոները ճամփան կծոեր դեպի գինետուն: Բայց հիմա, երբ պատերազմն ու սովը շատերի հետ նրան էլ ճգմեցին, էլ տեղ չուներ գնալու: Գործ էլ չուներ, արդեն ծերացել էր, բուրդը սվել և աշխարհքում այնքան կարևոր էր նա, որքան աղքատ գյուղի հացը կտրած պառավ շուն, որ խռպոտ ձայնով պատնհանապես հաչում է, բայց ոչ ոքի ոչ վախեցնում է, ոչ հիշեցնում իր գոյությունը:

Նա ծեր հյուսն էր, գործից նոր հեռացրած:

Վերջին կապալառուն լավ մզեց նրա հուսկ հյուրը և ճամփեց տուն:

Այսինքն՝ դագաղ ու գերեզման:

Քառասուն բանվորական տարիներից ոչինչ չմնաց նրա մոտ, ոչ ուժը, ոչ դրամը, ոչ բարեկամները: Եռուն ձիերով լծած կառքի պես թռավ այդ բոլորը նրանից, և միայն մի բան մնաց անցյալից, որպես հավատարիմ շուն՝ անկշտում ախորժակը: Հին արհեստավորի առողջ ստամոքսը դեռ համառում էր:

Ուտե՛լ, անվերջ ուտե՛լ՝ ահա նրա կիրքը:

Առավոտից մինչև իրիկուն նրա խոսքը, գործը, ծրագիրը՝ բոլորը ուտելու վրա էր: Հազար անգամ վեր կկենար տեղից, կերթար բաց կաներ պահարանը, կարոտով կնայեր բոլոր անկյունները, բաց կաներ ամանների խուփերը, ձեռքը կտաներ ծալած անձեռոցիկների արանքը, և միշտ հույս ուներ կամ սուր ցանկություն՝ մի ախորժելի բան գտնելու, տասնյակ բո-

պեներով կանգ կառներ բաց պահարանի առջև, մտասույզ կնայեր ամաններին ու թեկուզ մի չոփ էլ չէր գտնում բերանը դնելու, բայց միևնույն բանը կրկնում էր ամեն ժամ, ամեն րոպե:

Եթե հաց լինում էր՝ կերած էր լինում արդեն, շաքարի երկու – երեք կտորը կինը թաքցնում էր անգյուտ¹ անկյուններում, և հյուսնը որոնում էր գոնե հացի մի պատառ, խաշած սիսեռի մի հատիկ...

Որ սպանես՝ չկա ու չկա: Եվ ախորժակը գրգռվում էր, կատաղում: Հառաչում էր հյուսնը, բերանը լորմում², թուքը կաթեցնում և շրթունքները չփչփացնելով գալիս նստում էր տախտին ու մեջքն ու գլուխը պատին տալով, աչքերը կիսաբաց, երազուն կհառեր դիմացի պատի մի կետին ու կմնար ժամերով նույն դիրքի մեջ:

Եվ կմրափեր: Բայց դա մրափ չէր, այլ տեսիլների մի հանդիսարան:

Հնդուհավի բադեր, իշխան ձուկ ընկույզով, խավյարի քսվածքներ, գառան մտով փլավի բլյուդներ գալիս երևույթ էին դառնում նրա գրգռված երևակայության մեջ: Մի անվերջ սուփրա՝ բազմազան խորտիկներով բացվում էր նրա առջև, և օդը լցվում էր անուշ բուրմունքներով:

Մի հյութալի լուլա – քապապ ձերմակ, լուսեղեն լավաշի մեջ կտողոսկեր նրա շուրթերից ներս, և լավ աղած մսի հյութը թրջելով լավաշի թերթը՝ հավվում էր նրա քմքի ու լեզվի մեջ:

Հանկարծ թուքը կուլ գնալով կթռչեր նրա շնչափողը, և նա հազալով կզարթներ: Կզարթներ և սոված գայլի պսպղուն աչքերը կդարձներ չորս դին: Խիստ, անողոք իրականությունը կսթափեցներ նրան...

1 անգյուտ – չգտնվող, անգտանելի

2 բերանը լորմել – բերանը շարժելով թուք հավաքել, լմմացնել

Ու ախորժակը կկատողեր: Վեր կթռչեր տեղից:

Նախ օրորվում էր գլխապտույտից, տարտամ կանգնում էր, հետո պատերը բռնելով դուրս էր գալիս պատշգամ:

Կինը չէր հետևում նրա կյանքին, ուր մնաց շարժումներին: Ինչքան կուզե թող վեր թռչեր, դուրս գար, ներս մտներ, նրա ոչ մի արարմունքը ոչ մի նորություն չուներ կնոջ համար: Հյուսնը դադարել էր ապրելուց, նրա բոլոր շարժումները, բոլոր խոսքերը, ամեն մի գործողությունը նախորոշ, կրկնված և մեքենական էին՝ ինչպես ծես, հազարամյա ծես:

Եվ ձանձրալի՛, աշնան անձրևի պես ձանձրալի:

Եվ ի՛նչ պիտի աներ այդ սոված անասունը, որ իր կնոջ ուշքը գրավեր: Արդեն ճակատագրի անջինջ վճռով իր ամուսինը պիտի կրկներ միևնույն բանը, դուրս պիտի գար պատշգամ, պիտի մոտենար անկյունում փռած սև պոմիդորին, որ չորանում էր, պիտի վերցներ մեկ – մեկ, տնտղեր դողդոջուն ձեռքերով, մոտեցներ լեզվին, ցած պիտի դներ, հետո անկյունից վերցնելով իր ցուպը՝ վար պիտի իջներ սանդուղից և դուրս գար փողոց: Եվ ո՞ր էր նրա գնալու տեղը: Դա էլ ճակատագիրը վճռել էր անդառնալի՛ մեյդանը:

Կերթար մի ժամի չափ, ման կգար բոլոր անկյունները, քաղաքի կշեռքի տակ, ձմերուկների, սեխերի, վարունգների, մածունների շուրջը, կհարցներ բոլորի գինը, հետո կանցներ մսագործի խանութի առջևով, կանգ կառներ, բոլոր մսերը աչքով դիտելուց հետո ներս կմտներ, ձեռով կտնտղեր մսերի կակուղ, յուղոտ մասերը և քայլերը կուղղեր մեյդանից դուրս, դեպի տուն: Հետո երբ հասներ մեյդանի եզրին՝ կանգ կառներ բարձր մայթին, թևերը կհեներ ցուպին ու կարոտակեզ աչքերը կուղղեր մեյդանին ու նրա բոլոր ուտեստի պաշարներին:

Լիքն էր աշխարհքը, լի՛ բարիքով, բայց ափսոս՝ ամեն ինչ

թանկ, կրակի գին:

Եվ այդ անսպառ բարիքից, այդ խնկագույն խաղողներից, երկնաբույս եմիշներից, յուղալի պանիրներից ոչ մի պատառ, ոչ մի հատիկ, ոչ մի ծեղ:

Երազ է աշխարհքը, զարմանալի, տանջալի, դաժան երազ: Այսքան ախորժակ, այսքան բերքի առատություն և այսքան անհաս ամեն ինչ:

Ինչ պիտի լինի սրա վերջը: Միթե հյուսնը տարիներով կարոտ պիտի մնա մի անգամ թեկուզ կուշտ փորով ուտելուց:

Աշխարհից դեռ չհեռացած՝ նա արդեն մեռած էր աշխարհքի համար: Չէ՞ որ մեռելներն են, որ չեն ուտում: Իսկ նա կենդանի էր, աչքով տեսնում էր ամեն բան: Հենց նոր իր չորացած ձեռքով տնտղում էր ձմերուկի սառն կեղևը, կարծես ափի մեջ դեռ լվմում է գառան մսի փափուկ ոտը... Ուրեմն աշխարհքը կա, ինքը դեռ չի մեռած: Ինչ դառավ կյանքը, միթե պիտի իսկապես մեռնի առանց ուտելու...

Դառնանում էր, չարանում, կատաղում:

Եվ ինքն իրեն խոսելով տուն էր դառնում:

Արդեն երբ տան բակն էր մտնում, կինը լսում էր նրա զանանցանքը: Աչքերն անգամ չէր ուղղում նրա կողմը՝ դիտելու նրա մուտքը: Հազար անգամ զառանցելով տուն էր մտել, հազար անգամ ցուպը կպցրել էր սանդուղի աստիճաններին և միշտ ու հավիտյան տեսել էր նրա պղտոր աչքերը, որ չարագույժ մտքերով լարած նայում էին, բայց չէին տեսնում:

Եվ իսկապես հյուսնը այլևս չէր տեսնում ոչ մարդ, ոչ առարկա: Ամեն ինչի մեջ նա որոնում էր իր փափագելին՝ ուտելիքը:

Հյուսնը կգար և կնստեր իր տեղը: Չորս կողմ կնայեր՝ ոչ մի նորություն: Կասես աշխարհքը սառել էր մնացել, կանգ էր առել նրա ճախարակը:

Կինը դռան մոտ գուլպա գործելիս կլիներ: Եվ ահա հյուսնը պահանջ կզգար մի խոսք, մի հնչյուն արձակելու՝ թեթևացնելու համար սրտի բեռը:

- Մեղդանն էի, լավ պամիդոր էին բերել, ուզեցի մի գրվանքա առնեմ՝ քացախով կուտեինք, անտեր մնա՝ գինը թանկ, փող չկա:

Ու թուրք կուլ կտար անհույս ու տխուր: Կարծես անապատ ընկած ու ճամփան մոլորած էակ լիներ, գնում էր, գնում, բնակություն չկա: Այսօր նույնն է, ինչ որ երեկ:

Լռություն էր տիրում: Կինը չէր խոսում: Եվ ի՞նչ խոսեր, նա էլ իր ցավի հետ էր: Միակ աշխատողը նա էր, հազիվ էր մի քանի մանեթ ձանկում տան գործով, կարով կամ լվացքով: Եվ ինչ որ բերում էր՝ տրվում էր հացի, և գնած հացի մեծ մասը գահավիժում էր այն անդունդը, որ նրա ամուսնու փորն էր: Ճկում էր խեղճ կինը, հազիվ էր օրական երկու ֆունտի դրամ բերում: Եվ այդքանը բավ համարելով՝ էլ չէր խոսում:

Ահա վերջապես օրվա հանդիսավոր և երջանիկ վայրկյանը: Կինը գնում էր փուռը և բերում հացը: Ու մինչ դուրս կերթար թեյ բերելու կամ մառանից մի բաժին լոբին հանելու՝ հյուսնը բորենու պես վեր կկենար, կնոտենար հացին, կսկսեր կնշտել հացը, կվերցներ, ձեռի մեջ շուռ ու մոտ կտար, կտնողեր՝ կեղտոտ մատներով, հոտ կքաշեր և էլ իրեն զսպելու անկարող՝ կսկսեր մոլեգին ուտել, ուտել, ուտել՝ առանց ծամելու, առանց համ առնելու, խեղդվելով, կոկորդը քերելով...

Կինը ներս կմտներ, կտեսներ, ձայն չէր հանի: Նա արդեն իրեն համարում էր գազան պահող մի էակ, որի գործը այդ էլ պիտի լիներ: Երբեմն տրտնջում էր յուրովի, երբեմն ներում, մին - մին էլ կշտամբում էր, բայց ավելի շատ լռում էր և համակերպվում իր դժբախտության հետ:

Ճաշը վերջանում էր տխուր և արագ:

Եվ ահա հագիվ հացը կուլ տված՝ հյուսնը, որ մի փոքր կագդուրված էր լինում, սկսում էր խոսել.

- Հերոս էս ժամանակ մի փութ սոխ ունեիք: - Կամ.

- Իրիկվան համար լոբուց պահեցիք...

- Ինչ կար, որ ինչ պահեի, - չարանում էր կինը և ամանները հավաքում:

Բայց այդ բոլորը տեղի էր ունենում դարձյալ իբրև ծես և ոչինչ չէր փոխում մշտական վիճակից:

Վրա հասավ աշունքը՝ իր հոգսերով, սպասումներով:

Հյուսնը նստած էր պատշգամի ճաղերի մոտ և դունչը պատշգամի եզրին դրած դիտում էր դիմացի տան բակի անցուդարձը: Հարևան խանութպանը սայլի փայտ էր առել և հսկում էր, որ սայլը պարպվի: Մի ակնոր, կարմրաթուշ սղոցպան եռանդով սղոցում էր և ռիթմով նվում: Մի գույգ առողջ եզներ՝ մեկը պառկած, մյուսը կանգնած, որոճում էին նահապետական դանդաղությամբ: Ինչ - որ խոտի և փայտի հոտ էր ընկել փողոցը:

Օրը ջինջ էր, արևի լույսը կարմիր ձվածեղ: Նայում էր հյուսնը այդ բոլորին և տանջվում ախորժակից: Հիշեց երանությամբ այն օրերը, երբ ինքն էլ ձմեռվա պաշար էր տեսնում, հիշեց իբրև մանկություն, որ քաղցր է, որ անդառնալի է:

Սղոցպանը քրտնամխեց և աշխուժի եկավ: Սղոցեց մի ժամ և ապա դադարեց: Հանեց տոպրակից գյուղի կարմիր բոքոն, կաշվե մատներով կոտրեց, դրեց բերանը և սկսեց արագ լորմել: Նայում էր հյուսնը և մտովի ուտում էր սղոցպանի հետ: Հետո հուսահատ նայեց եզներին, որ նույնպես ծամում էին: Արդեն հյուսնի մտքերը օր - գիշեր ծամելու վրա էին, այդ տեսարանը եկավ և մոլեգնեց նրա երևակայությու-

նը: Ամբողջ աշխարհը նրա շուրջը ծամում էր. ամեն ձայն, ամեն շարժում, ամեն իր միայն ծամոց էին այդ ժամին: Հյուսնի աչքը եզներից մեկի վրա էր, որ պառկելով ավելի ցցուն էր դարձրել իր ետևի ոտի բուդը: Հյուսնը իր մտքում մաշկում էր այդ բուդը, կտրում էր եզան միսը և գցում ամանների մեջ, եփում էր և ուտում, ուտում, ուտում:

Փրփրել էր, կատաղել և աչքերը արցունքով լցվել: Նա այդ թոպեին մի իսկական գազան էր, մի գրգռված ստամոքս և ուրիշ ոչինչ:

Նստած էր այդպես մինչև վերջ: Հետո, երբ սայլը գնաց, սղոցպանը հետևեց նրան և փայտը կրվեց ներս, հյուսնը մի դող զգաց: Պարզ արևի տակ աշնան գաղտուկ ցուրտ էր սողակում, որը դիպավ նրան: Ներս գնաց և փաթաթվեց իր հին վերարկուի մեջ:

Մի քանի օր անց նա արդեն լուրջ հիվանդ էր: Կինը, որ սպասում էր այդ վիճակը ևս, համակերպ կատարում էր իր վերջին պարտքը: Հյուսնը մածնեսպաս ուզեց և ուզեց կյանք հայցողի պես, բայց ոչ մի հնար չեղավ նրան արժանացնելու այդ երկնային ապուրին: Դրա տեղ կինը նրան սառը ջուր էր տալիս՝ մեջը հինգ հատ չոր հոն, որ բավական կոտրում էր նրա ծարավը:

Բայց հիվանդը հրամանով խնդրում էր մի աման մածնեսպաս: Ամբողջ առավոտը խոսեց, սպասեց՝ ոչինչ չեղավ:

Անցավ ճաշը մի կտոր սև հացով, հիվանդը փորձեց ուտել, բայց կուլ չգնաց:

Երեկոյան դեմ հարևանի կինը նկատեց, որ հյուսնի կինը մեծ մտահոգության մեջ էր: Մոտեցավ, հարցուփորձ արավ և իմացավ բանի էությունը: Գութի եկավ և իր տղին դրկեց կաթնատուն, մածուն բերելու: Մածուն չկար: Հետաձգեցին առավոտյան:

Բայց հյուսնը գիշերը ծանրացավ: Զառանցում էր տաքության մեջ: Առաջին զառանցը, երբ ուտեստի վրա չէր խոսում: Սաստիկ ջերմի մեջ հարցրեց կնոջը, թե ուր տարան ինչ – որ գաղթականների: Կինը չիմացավ, թե ինչ գաղթականներ էին և ուր պիտի տանեին: Թողեց անպատասխան: Հիվանդը աչքը բաց արեց, նայեց կնոջը, աչքերը սևեռեց նրան և հարցրեց. «Ապա դու ի՞նչ պիտի ուտես»: Կինը կարծեց, թե մածնեսպասին է մնում:

– Կբերեն, կբերեն, սպասիր, – հանգստացրեց հյուսնին:

– Դո՛ւ ինչ պիտի ուտես ինձնից հետո, – հարցրեց կրկին հյուսնը՝ ակնարկելով իր մահը:

– Է՛, ջահանդամը, եսի՛մ, – քրթմնջաց կինը տխուր ձայնով:

Այդ միջոցին ներս մտավ հարևանի կինը, մի աման մածնեսպասով, որ դրեց սեղանին ու քննող աչքը սևեռեց հիվանդի վրա:

– Մածնեսպաս է բերել, կուտե՛ս, – հարցրեց կինը հիվանդին:

– Կեր, ախպեր, կլավանաս:

– Հը՛, – հարցրեց հիվանդը ջերմի մեջ և աչքերը բաց արեց:

Սպասը մոտ տարան և մի գդալ վերցնելով՝ մոտեցրին հիվանդի շրթունքներին: Հիվանդը բնազդորեն զգաց, որ իրեն ուտեցնում են. շրթունքները չփչփացրեց, բայց չկերավ: Ախորժակ չկար:

Առաջին անգամ կյանքի մեջ: Փոխվեց, գնաց այն ախորժակը, որ երբեմն աշխատավոր օրգանիզմի հաճույքն էր, հետո նրա պատիժը:

Չկերավ: Տխուր նայեց իր կնոջը, հարևանուհուն և տնքաց:

– Վնաս չունի, հետո, – ասավ հարևանի կինը և ամանը տվեց հյուսնի կնոջը:

Զգացվեց սա: Եվ տխուր նայելով սպասին, հետո մեռնո՛ւ-

դին՝ սպասը տարավ պահարանը:

Եվ երբ սպասը պահելու համար բաց արեց պահարանը, ինչ – որ գթաշարժում զգաց, և սիրտը ծակեց: Քանի՛ անգամ բացվել ու խփվել էր այդ պահարանը, քանի՛ տեսակ բարիքներ պահվել այնտեղ, քանի՛ բարեկամի աչքն էր ուրախացել այդ բարիքները հանելիս: Եվ քանի՛ անգամ հյուսնը վերջերս բաց ու խուփ արավ երբեմնի առատ այդ կյանքի պահարանը:

Դեռ չէր տեղավորել ամանը, որ հարևանի կինը ինչ – որ շնջաց և նրան ձեռով արավ:

Հիվանդը մեռնում էր:

Ձեռով արավ, բան էր ուզում ասել:

Կոկորդը կծկումների ու շնչառության մեջ ինչ – որ լփրտեց:

– Թե էսպես պիտի ըլեր իմ մեռնելս, ես հոժար եմ, – ասաց հիվանդը:

Եվ մեռավ հեշտ, անսպասելի արագ:

Սենյակում տիրեց դազաղի լռություն:

Հետո՞, միայն սա՞: Կինը սպասեց, որ մի բան փոխվի: Բայց ոչինչ չփոխվեց: Նայեց իր դեմը և աչքին ընկավ՝ մի կողմ սովամահ հյուսնի բաց ու սառած աչքերը և մյուս կողմ պահարանը, որ նույնպես բաց ու անշարժ նայում էր իրեն չարչարողի հետ:

ԽԱՆՈՒԹՊԱՆ

Մի խավար ներքնատուն, դա էր նրա խանութը: Նրա աշխարհը՝ ավելի շուտ: Բայց ի՞նչ ներքնատուն, ծակո՞ւմ¹, մկան բուն, որի բերնի շուրջը մկան դուրս ածած քարի, հողի տեղ կտեսնեիր մանր, կոտրած տաշտեր, ժանգոտ թիթեղե ամաններ, փտած պանտա², մզլած մրգեր, կեղտոտ չիր... Մի քարե կոտրած սանդուխ իջնում էր դեպի այդ փոքրիկ դժոխքը:

Ապրանք. անունը տալ չարժե, վարնոց³, կեղտոտ, տեսակները անհարիր, անսպասելի... զարմանալի տաղանդ ուներ գտնել մրգերի ստորագույն տեսակը, կակալների կծվածը, խաղողի քացախածը, նկուղից – նկուղ ճամփորդած, հազար խուրջին տեսած, կեղտից սևացած չուչխելներ⁴, հարյուր անգամ տնտղած, մատնահարած հացեր, երշիկներ՝ այնքան կասկածելի իրենց ծագումով, որ ոչ մի կասկած չէին թողնում:

Ցերեկը դռնից դեպի ցած նայողը մթան մեջ հազիվ կնշմարեր իրեն՝ խանութպանին: Հիսունից անց էր վաղուց, դեղնած մումիա⁵, չոր տառեխ: Տխուր աղվեսի պես դանդաղ վեր կտողար սանդուղներից, մագաղաթի ճաղատ գլուխը դուրս կհաներ ծակուռից, մի երկու բերան տխուր աչք կածեր փողոցը, կվերցներ մի փտած տանձ, գոգնոցով կկեղտոտեր, կոզինադի կտորները ավելի կմանրացներ և քիթը խաշտելով կիջներ ցած և քացի տալով քոսոտ կատվին՝ առաջ կքաշեր մրգե-

1 ծակուռ – խղճուկ հյուղ, խուց, նեղ անցք՝ ծակ՝ ճեղք

2 պանտա – վայրի մանր տանձ

3 վարնոց (արևատ) – էժանագին, ցածրորակ, վատորակ

4 չուչխել – շուջուխ, սուջուխ

5 մումիա – գնոսելու միջոցով քայքայումից պահպանված դիակ, փխր. անկենդան, չափազանց նիհար, վտիտ մարդ

րի արկղը՝ ջոկելու համար ամենամգլածը, վերջապես դուրս գցելու վճռով:

Բազմաթիվ արկղներ, կոտրած տաշտեր ուներ, որոնց մեջ տեղոցտեղ էր անում իր ապրանքների տեսակները, տեսակների տեսակները, հոտածների զանազանները, որոնք կլասիկ աստիճանավորումով նախ ընկնում էին մի փոքր նվազ փտածների տաշտը, հետո ավելի մգլածների և վերջը արդեն «ոստիկանական» տեսակը, որի վրա երկար նայում էր տխուր ու բարկացած, վերդիր էր անում, չուզելով հաշտվել արկղը գցելու հետ:

Մի ծանր, հավիտենական հոտ կար նրա խանութում՝ պանրի՝ ասես, թթունների՝, տեղաշորերի՝, կեղտոտ փալասների, մի կատարյալ նեխարան: Փտում էին դազգահն ու դարակները, փտում էին առաստաղի մրկված գերանները, փտում էր կարծես և ինքը, իր դեղնած, հետո սևացած արխալուղով¹, որի օձիքը, մեջքն ու թևերը պլպլում էին՝ ինչպես ֆուրգոնի ձիու սարք:

Թթված, դժգոհ էր նրա դեմքը: Ինչից, արդյոք, գուշակելը դժվար էր: Գործը վատ չէր գնում: Նա էր միակ մատակարարը թաղի աղքատ, ավուր հացի կարոտ² ընտանիքների, տանից մի քանի կոպեկ գողացած երեխաների, սովից մեղրամոմ դառած գաղթական պատանիների, որ ծերերի պես երերալով՝ գալիս կանգ էին առնում նրա ծակուռի առջև և աշխատում ողորել նրա սիրտը, որ էժան ծախսե մի որևէ փտած խնձոր: Գաղթականը՝ ավելի էժան, մի քանի կոպեկ էժան, իսկ նա՝ ավելի թանկ, գոնե մի կոպեկ թանկ: Համաձայնություն չէր լի-

1 արխալուղ (հնգ.) – տղամարդկանց և կանանց կարճ՝ մինչև ծնկները հասնող հագուստ

2 ավուր հացի կարոտ – օրվա հացի կարոտ

նում, և պատանին հեռանում էր թոնթորալով¹, իսկ նա մռայլ նայում էր գետնին: Մի տանձի ձեղ, ճաթի մի փշուր, մի բուռ վառած հացի քերիչք անգամ չէր տալիս: Ամեն ինչ ծախում էր միայն, – հենց այդ մի ձեղ² տանձը, ճաթի³ մի փշուրը, վառված հացի քերիչքը:

Չէր խոսում, քրթմնջում էր. չէր նայում, որոնում էր, դանդաղ, աչքերը գետնին, ինչ, ո՞ւմ, ո՞վ գիտե, և այդ բոլորը չարացած, ժանգոտ, տխուր:

Կքաշեր փողի դախլը⁴ փողերը հաշվելու, ստուգելու, վերստուգելու... Հետո աչքերը կզցեր գետնին և մի բան հիշել ուզողի պես՝ կսառեր կմնար, ապա դախլը կփակեր, հետո ձեռները թևքերը կոխած՝ ժամերով կկանգներ, կթթվեր:

Խռով էր աշխարհի հետ... Կամ պատճառ այդպես խռով ապրելու, պամբ էր իր համար, թե ինչո՞ւ էր խռով, բայց նրա գլխում կոտրած ջաղացի պես բանում էր մի բարդ հաշիվ, որ մի բոպե չէր դադարում: Նա հաշվում էր ամեն մի փուճ ընկույզի, ամեն կտոր մաստակի առքը⁵, ծախը և օգուտը, հետևում էր ամեն մի կոպեկի կյանքին, թե որի համար եկավ, որի համար ում ձեռքը անցավ նորից, և հետո ինչ կլինի ամեն մի բողկի, կարտոֆիլի, փչացած կեռասի բախտը: Նա մարդ չէր տեսնում իր առջև, նրա տխուր, ճպրոտ աչքերը միայն ձեռներն էին տեսնում և ձեռների մեջ՝ դրամներ: Մարդկանց մտապատկերը վաղուց հալվել էր նրա երևակայության առջև և նրա պատկերացումը Ռենտգենի ճառագայթի պես անհետացնում էր մարդը և գրպանի մետաղն էր նկարում նրա աչ-

1 թոնթորալ – փնթփնթալ, մրթմրթալ, տրտնջալ, նվնվալ

2 ձեղ (բրբ.) – ձյուղ, ոստ. փխբ. շերտ՝ կտոր

3 ճաթ (բրբ.) – կորեկի կամ եգիպտացորենի հաց

4 դախլ (բրբ.) – դրամարկղ, գզրոց, դարակ

5 առք – առնելը, գնելը. ապրանքի համար վճարված գինը

քերի առջև: Կոպեկները մարդիկ էին և մարդիկ՝ կոպեկներ: Ահա այդ դրամներն էին, որ ուշանում էին: Ուշանում էին և ջղայնացնում նրան, չէին հասկանում նրա հաշիվները, գալիս էին, բայց նորից գնում... Եվ կարծես մարդկանց վրա չարացած էր նրա համար, որ ուշանում էին իր փողերը բերելու և նրան ստիպում սպասել, հսկել, ճգնել...

Եվ երբ թաղի մի աղքատ երեխա տոռուզ ու կեղտոտ ափի մեջ կոպեկանոցը սեղմած՝ ներս էր մտնում ծակուռը և իր ուրախ հևոցը գցում այդ մռայլ դագաղի մեջ՝ ժպտագին սպասելով մի մատնոց սեմիչկին, որ նա, խանութպանը, կրկին ու կրկին դատարկում, լցնում, չափում էր մի հատիկ անգամ ավել չտալու համար, կարծես այդ երեխասն փախցրած լիներ խանութպանի կոպեկը և հիմա բերեց: Խանութպանը դեմ էր անում սեմիչկան և խուզարկուի պես ժանգոտ նեղսրտում.

– Ահա, ա՛ռ, ո՛ր է կոպեկը:

Երեխասն բաց էր անում քրտնած բուռը, և խանութպանը կարծես իր կոպեկը տեսնելով, ետ էր խլում և փնթփնթալով գցում դախլը:

Ո՞ր էր տեղավորված նրա ընտանիքը այդ ծակուռի մեջ: Դագգահի ետև մի տախտակորմ¹ կար: Պետք է, որ այնտեղ լիներ: Բայց ինչպե՞ն էր տեղավորվել այնտեղ, ո՞ր էր տեղավորվել: Կարելի էր ենթադրել, գուշակել մի բան, բայց հասկանալու հնար չկար, այնքան նեղվածք էր այնտեղ, այդ բազմազան, անպետք, անթիվ իրերի բավիղում²: Պատերը քանդված էին, հատակը հող, ցուրտ, խոնավ:

Խանութը ավելի էր մռայլվում, երբ մխոտ նավթի ճրա-

1 տախտակորմ (որմ – պատ) – տախտակով պատրաստված պատ

2 բավիղ – լաբիրինթոս, այստեղ՝ փխբ. խառնիճաղանջ, խառնիխուռն թափված

գը հիստտելով¹ պատ ու ապրանք՝ ժլատորեն լուսավորում էր ծակուռը, նրա ներսը, անկյունները:

Ահա նստած է ինքը իր ընտանիքի հետ: Իր կինն էլ էր մռայլ, հողագույն, ճիւղ², մի ծծկեր երեխա գրկին, նվում էր կատվի ձագի պես:

Մի տասներկու տարեկան կաղ աղջիկ ուներ, որ նստած էր լինում դռան մոտ. չա՛ր, ազա՛ն, մեծացա՛ծ – փոքրացած: Չմչնփացնում էր բերնի ծամոնը և դրանով մի փոքր խանգարում ծակուռի տխուր լռությունը: Հոտած ճղ, ցուրտ նկուղ, փտող ապրանքներ...

Եվ փտո՞ղ կյանք...

Ոչ ոք չէր խոսում, չէր շարժվում: Կարծես սգավորներ էին, սգատանը նստած:

Նավթի ճրագը մխում էր խանութի սանդուղների վրա և հիսը նստեցնում փտած ապրանքներին: Առուտուր չկար: Ներսը դազգահի մոտ նստած էին ինքը՝ կեղտո՞տ, բաշլըղը գլխին կապած, կինը իր տեղը, աղջիկը՝ իր, մինչև անգամ քոսոտ հիվանդ կատվաձագը իր տեղը:

Երեխան քնած էր:

Տարիներ անցել էին, և ոչինչ նոր բան չէր պատահել այդ ներքնատանը: Հիմա էլ այնպես:

Դուրսը շարժում էր. մարդիկ գնում էին եկեղեցի, բայց դա չէր վերաբերում նրանց՝ իբրև բաներ՝ ապրող աշխարհի, որից վաղուց նրանք բաժանված իջել էին իրենց մութ գուրը՝ եգիպտական մումիաների նման:

1 հիս (հնց.) – մուր (ճրագի, վառարանի)

2 ճիւղ (բրբ.) չափազանց նիհար

Ահա մի երեխա թաղի չքավոր ընտանիքից մոտեցավ ծակուռի դռան և կանգնեց:

Խանութպանը վեր չնայեց:

- Ի՞նչ ես ուզում, - ժանգոտվեց աղջիկը՝ տակից վեր նայելով երեխային:

Երեխան չպատասխանեց: Միայն տատանվելով ներս իջավ և կանգնելով խանութպանի առջև, աչքերը գետնին մրմնջաց.

- Մերս ասավ՝ մի գրվանքա՛ ճաթ տաս, կոտորվում ենք սովից...

- Բա փողն ո՞ր ա, - չարացավ աղջիկը դռան մոտից:

- Փող չունենք, ասավ պարտք տվեք կամ ողորմացեք:

- Գնա՛, գնա՛, ճաթ չկա,- ձչաց աղջիկը վերևից՝ առանց սպասելու իր հորը:

Երեխան աչքերը գցեց նրա կնոջ վրա: Հույս ուներ նրա գթության: Բայց կինը նրան նայում էր այնպես, կարծես ոչինչ չէր տեսնում՝ անտարբեր, տխուր, ուրիշ մտքերով պաշարված:

Նայեց իրեն, խանութպանին և սպասեց:

Խանութպանը միայն թևերից հանեց իր կեղտոտ, գորտի պես փայլող ձեռքը և ափով նշան արեց, որ գնա...

- Բա սովից մեռնե՞նք, - լացակումելով հարցրեց երեխան: Խանութպանը ձեռով արավ՝ գնա՛, գնա՛...

Ու ժպտաց:

Ինչպե՞ս...

Առաջին անգամ իր կյանքում լսում էր մի այդպիսի հիմար հարց: Քանի՞ տարի է՝ չէր ժպտացել: Կնճիռները մրոտ երեսին բացվեցին իբրև մամուլի տակ սխալ գցած լրագրի ծավված տեղեր, որոնց չի դիպել տառերի մուրը:

1 գրվանքա - ծանրության ռուսական հին չափ = 409,5 գրամի

Նորից ձեռով արավ՝ գնա՛, գնա՛...

Ինչպե՛ս, ինքը ողորմի՛... թափ տվեց գլուխը, նորից ժպտաց և կամաց-կամաց էլի թթվեց: Ոչ ոք չէր դիմել իրեն այդ ձևով: Առաջին դեպքը թաղի մեջ նրա հետ...

Եվ առաջին ժպիտը՝ միակ նորությունը նրա կյանքի վերջին տարիներում:

Երեխան գլուխը կախեց և դուրս գնաց: Ընտանիքը թթվեց, լռեց և սկսեց էլի սպասել...

Ինչ բանի...

Ապրիլի վերջերն էր: Փողոցի մայթերի ակացիաները զգեստավորված, իրենց բուրվառներով խնկարկում էին գարնան գալուստը:

Ծակուռի դռան մոտ թարմ տախտակներ էին ընկած, և տաշեղի ձերմակ գանգուրները դես - դեն էին խոնվում: Ներքնատնից տախտակի, խեժի դուրեկան հոտը բուրելով դեպի փողոց՝ հետը բերում էր ռանդայի ռիթմիկ, ժիր շղփոցը և ջահել ատաղձագործի լիակուրծ, ուրախ երգի և հևոցի ձայնը: Դազգահը նորն էր, դարակները նոր և ձերմակ, տախտակները լվացած և հստակ երեսների պես ժպտում էին: Քերված էր նախկին կեղտը, պատերը սվաղած: Իսկ գաճը ախտահանել էր ամեն ինչ:

Եվ այդ բունը գիտեցողը և հիմա նայողը առատորեն ծծում էր ծաղկած ակացիաների և տաշեղի դուրեկան բուրմունքը և կուրծքը ուռեցնելով՝ ախորժակով արտաշնչում էր և երազանքով հառաչում:

Չկար խանութպանի ընտանիքը, ո՞ր էր տեղափոխվել, հայտնի չէ:

Միայն ինքը՝ խանութպանը, մեռել էր մի ամիս առաջ:

խաները ծեծը մոռացած ծիծաղում էին և հետո էլ զարմանքով նայում նրան.

- Ինչ տեսակ տղա է...

Պատահում էր՝ նստում էին քարափին: Արդեն Զվարթը պատմում էր.

- Գնացել էի ձորը, գետի ափը: Փրփուրների միջին մի աղջիկ ինձ փսփսաց. «Արի՛, Զվարթ, արի, արի»: Գնացի, ինձ տարավ հեռու, գետի տակը: Պալատներ կային, նախշուն քարերով, մարգարիտներով...

- Սուտ ես խոսում, - գոչում էր ընկերներից մինը, բամփում գլխին, և երեխաները կրկին հարձակվում էին վրան՝ խփելու, բայց Զվարթը փախչում էր տուն: Հետևից քար էին նետում:

Իսկ տանը ծնողներին ու հարևաններին արդեն պատմում էր, որ ձորի միջով ոսկե ուղտեր անցան, մեկ ուղտի վրա կապիկ էր նստած՝ ակնեղեն արքադաղը ձեռքին, իսկ մյուսը՝ նառը, հագել էր ոսկեթել շուրջառ, նրա մեջքին էլ վարդն էր նստել, որի դեմքը լուսին էր՝ շրջանակած վարդի կրակե թերթերով:

Ծնողներն ու հարևանները լսում են, իրար նայում նշանակալից և տխուր: Նրանցից մինը գլուխն օրորում է.

- Աստծո՛ց գտնես փրկություն, զավակս:

Երեկոն մանիշակ ցանեց գյուղի դիմացի քարափների ու անդնդի այգիների վրա: Հետո, երբ Զվարթը քնած էր, հարևան պառավ Սանդուխտը դեմքը մոտեցրեց Զվարթի մորը.

- Շեն տիկին, տղադ ցավագւմր¹ է, չարոց է:

Իսկ հարևան ծերունի Գադիշոն, խստադեմ, սրբակյաց մի մարդ, մարգարեական անհակառակելի խոսքով կտրում է.

- Ընծայեցե՛ք սուրբ Նշանին:

Զվարթի մայրը տխրեց: Հայրը մռայլվեց:

1 ցավագար - որևէ հիվանդությամբ տառապող

Ու հստակ այդ երեկոյին, մի հազարամյակ առաջ, երբ հարազատ ծղրիդը մտերմաբար ծղրում էր պատի ճեղքում, Զվարթի ծնողները վճռեցին նրան տանել սուրբ Նշան վանքին ընծայելու:

Գարունը հևում է Հայաստանի լեռնաշխարհում: Օրը ջինջ, աղբյուրը կոհակում է խաղաղ: Զվարթենք, նրանց գյուղացիներն ուխտ են գնում լեռան մի վանք: Գնում են շարան շարքերով, սայլերի վրա, հետևակ: Նստել է սայլին Զվարթը և դիտում է գյուղացիների նոր զգեստները, և նրանցից մեկը նրան թվում է վագրենի հագած: Ու ծիծաղում է վրան. «Ո՞ր կերթաս, Չելերի, վագր ես դառել, Չելերի»:

Ու զնգում է նրա ծիծաղը:

«Չելերին» սառը նայում է Զվարթի հորը և գլուխն օրորում: Իսկ մայրն աչքերն է սրբում: Զվարթը սողաց դեպի լուծը, որ նստի սայլի գլխին, քեռի Մանուկի մոտ: Քեռի Մանուկը գրկեց Զվարթին և ճիպոտը տվեց ձեռը: Զվարթը սկսեց քշել եզներին: Հետո հանկարծ մատն ուղղեց եզան աչքի մեջ և ցույց տվեց քեռի Մանուկին:

– Քեռի՛, քեռի՛, տէ՛ս:

– Ի՞նչ է, ձագուկ:

– Տէ՛ս, եզան աչքի մեջ գիշեր է: Քեռի Մանուկը ծիծաղում է:

Սայլն ընկավ մի մարմանդ հովիտ ու սկսեց սուրալ: Քեռի Մանուկը երգեց.

Աստղիկիկ մը յերկնոց ի վանանր կու սիրե ձկնակն ի ծովնուն...

Ո՛, ո՛չ աստղիկն է ի վանանր գալու, ո՛, ո՛չ ձկնակն ի վե՛ր գնալու...

Լսում է Զվարթը, և նրա աչքերը գոհարների պես ցլում են հետաքրքրությունից:

- Քեռի՛, աստղիկը ձկնակին շատ կու սիրել:
- Շանատ, - ձգում է քեռի Մանուկն ու հառաչում:
- Քեռի՛, ապա իսկի չպիտի՞ իջնա աստղիկը ձկնակին քով:
- Չէ՛, ձագնուկ, չէ՛, - հառաչում է քեռի Մանուկը:
- Հեռո՛ւ է երկինքը:
- Հեռո՛ւն...

Զվարթը խորասուզվում է մտքերի ծովը, թե ինչո՞ւ ձկնակն ինքը չի գնում երկինք: Բայց այդ միջոցին նրա ուշքը գրավում է գետակը, որ հովի վրա իր կոհակները շուլալելով, ասեղնագործում է տասնյակ ժապավեններ: Իսկ երկու կողմում՝ ժայռերից ծիլ - ծիլ հյուսվում են լուսեղեն աղբյուրներ:

Թերակղզի, երկու կողմն անդունդ: Սևավոր մի վանք նայում է այնտեղից խիստ ու գեղեցիկ: Երկինք է միտում նրա գմբեթը նետաղեղի պես լարված: Նրա շուրջն են խոնավել ուխտավորները:

Հանկարծ Զվարթը մատը մեկնեց վանքի պատին և դրդեց հորը.

- Հայրի՛, հայրի՛, տեն ծառի տակին ով է կանգնած նուռը ձեռին:

- Որտե՞ղ...

- Պատի վրա, - և Զվարթը հետաքրքիր նայում է պատին:

Հայրը, ուխտավորները զարմանքով ու ցավով նայում են վանքի պատին: Այնտեղ ոչինչ չկա: Վանքն է բարձրաշեն ու սրբատաշ: Ճեղքվածքների գծեր են խաղում պատի վրա: Զվարթը մարդ է տեսնում այդ գծերում և զվարճացած ծիծաղում.

- Ա՛յ, այ՛, աչքերի վրա աղեղակներ...

Բայց շրջապատողները վախեցած են արդեն: Հավաքվեցին

մյուս ուխտավորները և երկյուղած նայեցին Զվարթին, որ աշխույժ մատով օդում կրկնում է գծերը.

– Նուռը տալիս է եղնիկին: Տեսնե՞ք եղջյուրները:

Ուխտավորները երեսները խաչակնքում են: Զվարթի մայրն արտասվում է, իսկ հայրը խիստ ազդված, դողահար, բռնում է Զվարթի ձեռը: Վանահայրն է միայն, որ գոհունակ նայում է Զվարթին:

Զվարթենց հարևանը փսփսում է վանահոր ականջին.

– Աչքին միշտ կերևնան, հայր սուրբ, ոնց որ երազ:

– Շնորհաց աղբյուրին ապավեն լինենք, – մրմնջում է վանահայրը:

Հարևանները, համագյուղացիները սրտերն առնված նայում են Զվարթին և ափսոսում նրան: Զվարթը պիտի մնա վանքում, նվիրվի վանքին: Նա էլ չի տեսնելու իրենց տունը:

Ժամերգությունն սկսվեց: Խորին անդնդից ասես ուղտերի զանգեր եղանակեցին, որոնց արձագանքը դողանջեց ներսից: Ուխտավորները, բացի կանանցից, մտան սրբավայրը:

Սևացած, փոշոտ կամարները թուխ արծիվների պես թևաբաց իջնում են վերևից: Անկյուններում արդեն մթնում են ստվերները: Կանթեղը թույլ դողում է բեմի խորքում, մշուշի մեջ լողացող աստղի պես: Սևազգեստ վանականները կոկորդաձայն կոնչում են ինչ–որ աղոթքներ: Եվ անկյունները տխուր են, տխուր՝ մեռելի փակված աչքերի նման:

Ճնշվում է Զվարթի հոգին: Նա երկյուղով նայում է հատակին, չի համարձակվում աչքը վեր բարձրացնել:

Ժամերգությունը վերջացավ: Զվարթին տարան բեմ, մոտեցրին մի ահավոր հանգուցյալի, որի դեմքը կաշվե դիմակ էր, որը մեռելի մեռած մորուք ուներ և ոսկրե ձեռներ: Նրա այտը և մի աչքի տակն այրված էր մոմից: Նա շրջանակի միջից ահռելի նայում էր Զվարթին: Զվարթին մոտ տարան դեպի

մեռելը.

– Համբուրե, համբուրե, – շնչացին հետևից նրան:

...Ջրերի կոհակներն են խշխշում, խշխշում են երկար, հեռավից, խորքից: Մի մեծ ձուկ լաց է լինում, «Ո՛հ, վնճ՛, Ջվարթս, տղան, վնճ»:

Բաց է անում աչքերը Ջվարթը. – Ի՛նչ է, ո՛ր է... Նրա գլխավերև նստած է հայրը, կողքին՝ մայրը, որ ծնկներին է ծեծում: Մի կողմում շարված են ուխտավորները, իսկ ոտների մոտ նստած է մի մարմարե ծերունի, որը հանգիստ նայում է Ջվարթին և այդ հայացքով նա նման է, այ, հենց այն ծերունի ամպին, որ երկնակապույտի մեջ կորամեջք գնում է ուր որ:

Իրիկնադեմին Ջվարթենք և բոլոր ուխտավորները քաշվեցին: Ամենքը գնացին, մնաց մթնած դաշտը, խավարած վանքը, սառնածոր աստղերը երկնքում: Անձուկ դառավ վանքի բակը, լռեց գերեզմանաքարի պես և նրա մեջ թաղված աշխույժ թիթեռը՝ փոքրիկ Ջվարթը:

Հեռուն, հեռուն, որտեղ գնացին Ջվարթենք և գյուղացիները, հովիտը լցված է փիրուզե մշուշով: Դա հայրենիքի ճանապարհն է: Ջվարթը տխուր նայեց այն կողմ և սրտաբեկ հառաչեց: Վանահոր փոքրավորը նրան տարավ վանահոր խուցը, ուր նա կծկվեց մի ոչխարենու վրա: Վանահայրը նստեց ձիթածրագի լույսի առջև, վերցրեց մի սևակաշի գիրք և խոշոր աչքերը գրքին հառած, սկսեց կիսաձայն մրմնջալ: Նա ծովի էր նման, օտար ու մշուշոտ: Ջվարթը նայում էր նրան և գրքին: Վանահայրը կախ էր գցել նրա մի էջը, և երևում էր այդ էջի վրա մի ոսկեշող կամար, կապույտ սյուներ և ծաղիկներ:

1 վնճ՛ – ափսո՛ս

Զվարթը տխրեց, երբ տեսավ ծաղիկները: Դա հիշեցրեց նրան իրենց դաշտերի ու ձորերի ծաղիկները: Հանկարծ ճրագի լույսը, ծերունին, գիրքը, բոլորը բեկբեկվեցին արտասուքի կաթիլի մեջ, որ բխեցին Զվարթի աչքից: Նա սկսեց հեկեկալ: Ինչո՞ւ բերին իրեն, թողին այս լոին ու օտար վայրում: Երբ պիտի տանեն իրեն: Այլևս չի՞ տեսնելու ծնողներին, ընկերներին: Իրեն թողեցին ու գնացին: Ամբողջ սրտով լաց եղավ: Գիշերը տաքություն եկավ վրան: Տենդի մեջ սկսեց այրվել: Ջրեր սկսեցին խշշալ նրա ականջներում, ծաղիկների մի հեղեղ եկավ խոնավեց նրա աչքերում: Չոր շրթունքները թաղում էր ջրերի մեջ, խմում անհագ ու որքան խմում էր, այնքան ծարավն այրում էր իրեն: Մի քանի օր ոչինչ չէր գիտակցում: Միայն մի ձերմակ ձմեռ – վանահայրը լցվում էր խուցն ու ցրվում հետո: Ծերունին նայում էր նրան հանդարտ ու սպասում:

Եվ մի օր Զվարթը աչքերը բացեց: Սառը քրտինքը ճակատին նա հանգիստ շունչ քաշեց: Նա ապաքինված էր: Փոքրավորը նրան ապուր բերեց ու աղբյուրի սառնորակ ջուր:

Զվարթն ապաքինվեց, բայց և սկսեց գաղտնի մաշվել: Հայրենիքի բույրերը հովի ու ծաղիկների հետ գալիս լցվում էին վանքի գավիթը և նրան քաշում հեռավոր տուն, խաղընկերների մոտ: Մթնակապույտ հեռանում էին լեռները դեպի այդ տունը, ծիծեռնակները սլանում էին այն կողմ, լողում ամպերը, որ կարապներ էին՝ վրան ձերմակ աղջիկներ հեծած: Նստում էր պարսպի տակ, անդնդի եզրին Զվարթը և նայում դեպի իրենց տան կողմը, լեռներն ու դաշտերը: Մտերմաբար իջնում էր երեկոն, շոյում նրա վառվող աչքերը և Ղունկիանոսը՝ փոքրավորը, նրան գտնում էր քնած անդնդի եզրին: Զարթեցնում էր և տանում խուցը:

Իսկ ձմեռը՝ ձյան փաթիլներն աղավնիների պես ձախրում

էին անդնդի վրա, և Զվարթը մտքով նրանց հետ խաղում էր, խաղում ու հետո գալիս մտնում խուցը, ոչխարենու մեջ կծկվում, քնում:

Փոքրավոր Ղունկիանոսը մի խեղճ ու կրակ երիտասարդ էր, բայց անսահման բարի, ու շատ խղճաց Զվարթին և կապվեց նրա հետ: Վանականների սառ հայացքներից սիրտը պաղած, Զվարթը նրան էր որոնում: Ղունկիանոսի մեջ ջերմություն կար, կյանքի նշույլ: Նա էր միայն, որ սիրտ էր տալիս Զվարթին:

Նա Զվարթին սփոփում էր կարծես: Այնուհետև ոչխարենու վրա պառկած, Զվարթը հանգիստ էր դիտում ծերունի վանահորը, որ անքուն, անդադար գրում էր մագաղաթի վրա: Ինչ էր գրում նա, ինչ մտքերի մեջ էր խորասուզվում այդ խորին ծերունին: Զվարթի մտքերը թափառում էին այդ ծերունու շուրջը, կորչում, կրկին դառնում նրան: Տարօրինակ մարդ էր վանահայրը: Նա, այդ ինքնամփոփ, խոր մարդը վերին աստիճան հետաքրքրում էր Զվարթին: Ո՞վ էր նա իսկապես: Ղունկիանոսը լսել էր և պատմում էր Զվարթին: Վանահայրը նախկին ճարտարապետ է և փիլիսոփա: Նա կառուցել է վանքեր, լսարաններ ու պարիսպներ: Այժմ, երբ մարմնական ուժը պակասել է, մտել է վանք փիլիսոփայությամբ զբաղվելու: Նրան արեղաները չեն հարգում, քանի որ նա հոգևոր տենչով չի եկել վանք, նա «հոգևորաց» չէ, այլ «մարմնավորաց» է:

Ինչ է նշանակում այս: Զվարթն ավելի է վառվում հետաքրքրությամբ, որ հասկանա այդ մարդուն: Եվ ուսուցման ժամերին, երբ նա ու Ղունկիանոսը ծալապատիկ նստած էին լինում վանահոր դիմաց՝ Զվարթն աչքերը լայն բացած, ուշակորույս ունկնդրում էր այդ անհուն մարդուն: Միայն դեռ լավ չէր ըմբռնում նրա նորօրինակ, անլուր մտքերը: Նա միայն տեսնում էր իր առջև ծովի նման խորը մի էակի, որ խոսում

է, խոսում է հենց ծովի պես, որին լսում ես անհագ տենչով, բայց չես հասկանում որի լեզուն: Զվարթն զգում էր ինչ – որ արբեցնող վերասլացումն:

Խցից դուրս, բնության անհուն դահլիճում շքեղ հանդես է: Վառվում է երկնային ջահը, և լեռներն ու անդունդները շքեղանում են հանդիսավոր լույսով: Թռչունները սրտապատասցնծությամբ ձախրում են օդում: Աշխարհը տոնում է ամենավսեմ բանը՝ կյանքը և նրա ուրախությունը:

Վանահայրը նստած է խցում, համրիչը քաշում է փիլիսոփայորեն: Զվարթն ու Ղունկիանոսը ծունկ – ծնկի ծալապատիկ նստած՝ սերտում են ինչ – որ հատված: Մեղուն տզգալով կտրում է լույսի ոսկի սյունը և լցնում խուցը կյանքի ուրախությամբ:

Հանկարծ արևի շողքը մթնեց դռան առջև: Ղունկիանոսը վեր նայեց և տեսավ դռան առջև մի բարձրահասակ մարդու: Սա իր սապատավոր մեջքը խոնարհեց դռան կամարի տակ և գանգուր այծամորութի ծայրը ցցելով ներս, նայեց Զվարթին արծվի հայացքով և խոնարհություն արեց վանահորը: Ապա տաղանդի գծերով կրթված ձեռքից նրան մի գիրք հրամցրեց. Ղունկիանոսն ու Զվարթը վզները երկարացրին, նայեցին գրքին: Վանահայրը բացեց գիրքը: Էջերի վրա բնագրի հետ մեջընդմեջող վանքի ու այլ շենքերի նկարներ կային խստագիծ նկարած, որոնց շուրջը ծաղկած էր: Արծվաքիթ մարդը, որ, ըստ երևույթին, աշխատել էր այդ գրքի վրա, սկսեց բանալ էջերը և բացատրել: Զվարթը հասկացավ, որ նա էր զարդարել գիրքը վանահոր համար:

– Գրել է և շենքերը նկարել է հայր սուրբը, իսկ Թադեն

արտագրել, ծաղկել է էջերը, – շշնջաց Ջվարթի ականջին Ղունկիանոսն անհասկանալի բաներ:

Վանահայրն անդորր նայեց գրքին, հառաչեց և այս աշխարհից հեռացողի երագով նայեց գիրքը ծաղկողին:

– Այժմիկ պատրաստ եմ երթալ առ հարս, Թադե, ահավասիկ վաստակք իմ և կտակ իմ:

Ծաղկողը՝ Թադեն, համբուրեց վանահոր աջը և դուրս գնաց:

Վանահայրը մեղմաժպիտ նայեց Ջվարթին ու Ղունկիանոսին և սկսեց բարձրաձայն կարդալ իր հեղինակությունը: Նա տարվեց իր մտքերով և սկսեց այնպես կարդալ, որ չէր իմացվում, ի՞ր համար էր ընթերցումը, թե՞ ուսուցանում էր Ջվարթին և Ղունկիանոսին: «Կառուցումն է աշխարհն և աշխատք շինողական», – շրջում է գրքի էջը վանահայրը և ոգում¹. «Կառուցումն է քաղաքն, կառուցումն՝ խոսքն, կառուցումն՝ միտք»:

Եվ ցույց է տալիս երկինքը, երկիրը, վանքի շենքը, իր ճակատը, իր «միտքը»: Բացատրում է տիեզերական շինարարության արվեստը:

Ջվարթը բոցավառվում է: Նրա աչքերում գծագրվում և գունավորվում են շքեղ պատկերներ: Զնգում են մուրձերը և խստադեմ քարտաշները կտրում են ժայռերը, խոհուն որմնադիրներ կանգնեցնում են հոյակապ քաղաքներ՝ երկնապաց աշտարակներով: Փարթամ պարտեզներ կախվում են անդունդների վրա:

– «Աշխատ առնե բնությունն, կառուցանե ծառն, շինարարն մրջյունն: Եղեք և դուք կառուցողք և շինարարք, որպես մարդիկք երկրի, սիրեցեք աշխատք, զի կառուցումն և աշխատք սուրբ են...»:

– «Զբանա բռնություն, փոշիանան գահք և թագավորութ–

¹ ոգել – արտասանել, երգել, գովերգել

յունք, և մնա շինարարն...»:

Խորանում է ծերունին Զվարթի աչքերում: Այլակերպվում է այդ հրաշքներով լի մարդը: Սրա մոայլ սքեմը հավվում է, և նրա տակից դրսևորվում է «երկրի մարդը», որի միտքն զբաղված է մի մեծ կառուցողական տենչով ու երագով: Զվարթը խցից դուրս է նայում «աշխարհին»: Եվ այդ անհուն շենքի մեջ, ուր թռչունները հյուսում են մետաքսե բներ, մրջյունները կառուցում են իրենց բնակարանները, ամբողջ աշխարհը ներկայացնում է որպես մի հսկայական ճարտարապետական կառուցվածք իր երկնքի աշտարակով, նրա վերև կախված արևի ջահով, լեռների սյուներով ու անդունդների նիշերով:

Տանջվում է Զվարթը, գիշերները տապակվում է անքնությունից: Տանջվում է մի անըմբռնելի տենչից: Չգիտե որտեղից է գալիս այդ տենչը, և ինչ տենչ է դա, ի՞ր մեջ է, թե դուրսը, այլ տեղ՝ չգիտե:

Ղունկիանոսը նկատում է նրա տանջանքը և ուզում է օգնել նրան.

- Կարդա՛, Զվարթ, կարդա՛, - սիրտ է տալիս, հորդորում:

Զվարթը նայում է Ղունկիանոսին երագով ու տխրությամբ:

- Ես անիման եմ, Ղունկիանո՛ս, միտքս՝ տկար, է՛րբ պիտի ես էլ իմանամ, թե ի՞նչ եմ:

- Համբերի՛ր, Զվարթ, կգա տերը շնորհաց, կընդունես շնորհ և միտքդ կվառվի:

- Ի՞նչ բան է շնորհ ընդունելը:

- Շնորհ ընդունելն այն է, որ նա քեզ կասի, թե ի՞նչ ես կամենում և ի՞նչ պիտի անես:

- Ո՞վ է տերը շնորհաց:

Անհասկանալի բաներ է պատմում Ղունկիանոսը, այն, ինչ որ լսել է, բայց ինքն էլ չի հասկացել: Այդ տերը շնորհաց մի լույս է, այսպես է լսել Ղունկիանոսը վանահորից:

- Լճույս, - վախենում է Զվարթը, - չլինի՞ թե գա գիշերը, խավարի մեջ, միայնության ժամին: Շարունակ անհանգիստ մտածում է այդ էակի մասին:

Շրջում է այդ մտքերով Զվարթը անդնդի վրա, գարնանային արևը լուծվում է ժայռերի, ծաղիկների, ջրերի վրա, և Զվարթը նրանց արտաքին կերպարանքի տակ, նրանց մեջ բաներ է տեսնում, որ նրանց այլափոխում, դարձնում են շնչավոր, բանական էակներ, որոնց հետ ինքն իր մեջ խոսում է գաղտնի իրենից և գաղտնի լեզվով: Նա նրանց տեսնում է և ամենուրեք՝ ամպերում, պատերի վրա, խավարի մեջ: Նրանք շարժվում են, մարդու ձևեր ընդունում, խոսում իր հետ, ծիծաղում, կանչում իրեն:

Զվարթն ականա, ձեռքով, օդի մեջ գծում էր նրանց պատկերը: Բայց հենց որ մարմնացնում էր նրանց մտովի գծերով, օդի մեջ, նրանք խուսափուկ ու արագ անէանում էին, և նրանցից մնում էին ուրիշ բաներ - բառեր, կրակոտ բառեր, որ շնչում էին նրա ականջին:

Շշնջում, շշնջում և կորչում: Հետո կրկին ու կրկին...

Տանջվում է Զվարթը, տենչում ինչ - որ, ուր - որ...

Բարձրագմբեթ, կամարակապ մի օթևան: Նրա տակին միայնակ կանգնած է Զվարթը և ունկնդրում լռությամբ: Գիշերը ծծումբի աչքերով երկնքից նայում է ներս՝ գողտրիկ պատուհանների արանքով:

Խավար է օթևանում և տխուր: Միայն դուրսը, անդնդում անքուն գետն է վշշում, հովտում տնքում գիշերահավը:

Հանկարծ օթևանի պատը, որը թվում էր անհուն, հեռվից, շատ հեռվից ճեղքվեց, և ներս հոսեց ո՞վ՝ ինքը Զվարթը... Զվարթը չի գարնանում: Չէ՞ որ նրան նա տեսել է շատ անգամ՝ աղբյուրների ակունքներում, ցողի մեջ: Նա արեգակնափայլ աչքեր ուներ, որ վառվում էին գոհարների պես: Այդ

աչքերը այնպես էին նայում, որ Զվարթը զարհուրեց: (Իր մեջ ահա այդպիսի զարհուրելի բան կա եղել...):

Եվ չիշխեց վեր նայել նրան: Բայց մի ուժ դրդում էր Զվարթին նայել նրան: Եվ ահա, երբ նա աչքերը վեր բարձրացրեց, զարհուրած ընկավ հատակին: Երկար մնաց այդպես ընկած, հետո ինչ եղավ՝ չի հիշում Զվարթը: Միայն զգաց, որ էակը մոտեցավ իրեն և կռանալով ձեռքը դրեց նրա ուսին: Նրա կռանալն զգաց նրանով, որ նա շնչում էր: Անբացատրելի էր այդ շունչը, երգածայն, անուշ:

Զվարթը լսում էր ու օրորվում: Երգի եղանակի պես ձգվում էր այդ շունչը: Զվարթը երևակայությամբ շրջում էր եղանակը, և սա ընդունում էր այն ընթացքը և այն բառերը, որ կամենում էր Զվարթը:

Զարթնեց Զվարթը: Դեռ գիշեր էր: Անուշ քունը ետ էր քաշում նրան: Միայն մի անգամ աչքերը բացեց Զվարթը և խցի դռան բացվածքից նայեց երկնքին: Լուսոտ աստղը հալած ոսկու պես դողում էր լուսացող, հում երկնակապույտի մեջ: Բայց այն հրաշալի շունչը դեռ հոսում էր նրա ականջում:

Ըստո կրկին զարթնեց: Ծիծեռը սաղմոսում էր վանքի քիվերում: Դա նույն այն շունչն էր, որ քաղցր բարբառում էր:

Զվարթը դուրս ելավ և գնաց անդնդի եզրը և սկսեց շրջել քարից քար: Արևի շողքերը դեռ նոր էին նկարում ժայռերի մռայլ սյուները: Գետն անդնդի միջով գնում էր իր օտար ճանապարհը: Նրա երգի մեջ լսվում էր երազի այն շունչը:

Ըանկարծ Զվարթն անդրադարձավ՝ «ո՛վ էր նա»... չէ՞ որ ինքը չէր: Բայց և, ինչպես երազում, մտածում էր, թե նա ինքն է: Ո՞վ էր նա... Եվ նկատեց, որ ինքը շարունակում է այն շունչը, որ ինքն է շնչացողը:

Եվ իմացավ, որ երազի էակը ինքն է: (Ախր երկու էակ չկա միևնույնը...):

Եվ հանկարծ Զվարթը զարթնեց արթնության մեջ: Նա զգաց խոսքը: Նրա սիրտը մարեց մի անընթացաբանի տենչով: Նա տենչաց խոսել, խոսել բարձր, երգաձայն, հանդիսավոր, թեկուզ բազմության առաջ:

Եվ սկսեց մի ասք մրմնջալ կիսաձայն: Պատկերներ բազմաբովանդակ:

Վանականները հավաքված էին գարնան արևին, պարսպի տակ և դիտում էին ձորը: Հանկարծ նրանք տեսան Զվարթին անդնդի վրա երերալիս:

- Գինով է, կգահավիժի անդունդը, - ձայնեց արեղաներից մինը և վրա վազեց, բռնեց Զվարթին:

Զվարթը հրաբորբոք աչքերով նայեց նրանց և դողահար շրթունքները բաց սկսեց հևալ: Նրան բերին վանահոր խուցի դուռը: Վանահայրը դուրս եկավ:

- Ինչ ունես, հիվանդ ես, որոյակ:

Բռնեց ճակատը: Տաք էր: Զվարթը հետո էր ինչպես տենդի մեջ և երազով նայում վանահորը: Սա շոյեց նրա ճակատը և մեղմ հրամայեց.

- Խոսիր, որոյակ, ասա մեզ բան, ինչ է մտածություն քո:

- Խոսի՛ր, խոսի՛ր, - պնդեցին արեղաները:

Զվարթը նայեց նրանց, վանահորը և հանկարծ փայլատակեց, սկսեց ոգել: Ավելի հստակ զգաց, որ ինքը պիտի խոսի այն, որով լիքն է ինքը: Սիրտ առավ և կրակվեց աշխուժով: Նա սկսեց մի վեպ, թե ինչպես ինքը երազ տեսավ, ինչպես շնորհքն եկավ ու լցվեց իր մեջ, և որ ինքը կարող է ոգել, ինչ որ կամենա ամեն ոք: Նա ոգում էր հափշտակված, բառերը անարգել հոսում էին, նա ոչինչ չէր տեսնում. գալիս է գարունը, ձայն տալիս հողին, զարթնում է հողը, ձայն տալիս բոլոր բույսերին: Զարթնում է ձնծաղիկը, ձայն տալիս մյուս ծաղիկներին, թե զարթեցեք, զարթեցեք, քանի՞ քնեք հողում,

գարթեցեք, լցրեք աշխարհը ուրախությամբ:

Սար ու ձոր լցվում է ծաղիկներով:

Եվ՝

Ծափ է տալիս ծափծափը¹, ծիծաղում,

Աշխարհը թագ է բողբոսում գլխին,

Ղաթիֆան հագնում է ծիրանի,

Ծարուրիկը սուրմա քաշում աչքերին:

Եվ՝

Սեր է աշխարհին, սեր են մարդիկ,

Սեր է արևն, սեր՝ ծաղիկն,

Սեր են հավքերն ամեն երկնուց,

Միրով են ամենքը գեղեցիկ:

Վանականները լսում էին մթին քարերի պես, անարձագանք, սառն: Միայն նրանցից ամենաչարը, տխմարադեմ Ազարիան, դառն ու նախանձահույզ ձայնով հարցրեց, բողբոսեց.

– Որպես խոսի սա զբանս զայս. զի չէ սա վարդապետ:

Վանահայրը սաստեց նրան.

– Մի՛ բանսարկիր: Միտք նորա ինքնաբուխ են և պայծառ: Եվ իմաստուն է պատանին այս, քան զվարդապետ:

Վանականները սաստված նայեցին Զվարթին և պապանձվեցին:

Եվ նկատեց Զվարթը՝ նախանձահույզ Ազարիան, որ դավ էր ուզում նյութել իր դեմ, նախանձից դեղնեց: Մյուսները մռայլեցին, ոմանք ամաչեցին, իսկ ոմանք էլ շտապեցին խուսափել վանահոր աչքերից, թերևս նաև Զվարթից:

Վանահայրը արձակեց Զվարթին և վանականներին հրամայեց ցրվել իրենց խուցերը: Նրանք հեռացան ոխով լցված դեպի Զվարթը: Նրանք ատեցին Զվարթին: Եվ ամեն պա-

1 Ծափծափ, ծարուրիկ, ղատիֆա – բուրավետ ծաղիկ

տահելիս հարձակվում էին վրան, կշտամբում, բարկանում: Զվարթը չէր հասկանում նրանց, ժպտուն նայում էր և անցնում:

- Նա ծաղրի է մատնում մեզ, - փրփրալի ժայթքում են վանականները վանահոր վրա, որ նա իր պաշտպանության տակն է առել մի խելագարի:

Սկսեցին հալածանք բորբոքել նրա դեմ: Բանասարկեցին նրան՝ «հերետիկոս¹ է, չարի գործիք, դիվական գիրք է գրում նա, պետք է այրել այն»:

Վանահայրը լսեց այդ և շատ վշտացավ: Նա զգում էր իր մահը: Ո՞ւմ պիտի մնան իր կիսավարտ մտքերն ու գործերը, իր կառուցումների ոգին: Ղունկիանոսն անուսում է դեռ, Զվարթը՝ պատանի: Ո՞ւմ պիտի ավանդի իր կտակը: Չորս կողմը խավար, անապատ:

Մի օր վանականները Ագարիայի գլխավորությամբ պաշարեցին վանահոր խցի դուռը: Եկան պահանջելու, որ արտաքսի Զվարթին, որովհետև նա պղծում է սրբավայրը դիվական մտքերով:

Վանահայրը դուրս եկավ խցից.

- Որո՞ իրավամբ, ամբարիշտներ, - բողոքի և վշտի ձայնով հարցրեց նա, - տեսե՞ք նրա շնորհքը, նրա մտքերը:

- Թո՛ղ դուրս գա, խոսի կրկին, և մենք ցույց կտանք նրա մեղքը:

Վանահայրը դուրս կանչեց Զվարթին.

- Ե՛կ, որդյակ, ե՛կ արդարացիր:

Զվարթը դուրս եկավ և ժպտալով նայեց վանականներին:

- Ահա՛ դու առաջի մարդկանց ասա՛ մի բան, թող դատենք քեզ:

- Զվարթը մտածեց մի փոքր և ապա կերպարանափոխ-

1 հերետիկոս - կրոնական դավանանքից շեղված անձ

վեց: Նա սկսեց ոգել: Ինչի՞ մասին էր այդ:
Բովանդակությունը այս էր.

*Եկավ զարունը, ծաղիկները հորդեցին,
Մանիշակը ժողովեց բոլոր ծաղիկներին
Եվ դավ սարքեց վարդի հանդիման.
Վճռեցին սպանել վարդին, որ չլինի թե,
Գա զարդարվի վարդն կարմիր,
Ամենքի ուշը գրավի իր վրան,
Ամենքը նայեն վարդին կարմիր
Եվ իրենք աննկարելի մնան:
Հորոտ - մորոտը՝ ձայնեց ձնծաղկին,
Ձնծաղիկը շուշանին,
Շուշանը նունուֆարին,
Սուսամբարին, նարգիզին
Եվ ինչ - որ ծաղիկ կար երկրի երեսին,
Որ գնան կտրեն վարդն կարմիր:
Հանկարծ հնչեց ձայնը բլբուլի,
Եվ վարդը զարթնեց մեջն իր կանաչ վրանի,
Հանեց իր կանաչ կապան,
Հագավ իր վառ ծիրանին:
Ծաղիկները փախան, ցրվեցին, ոմանք ամոթից,
Ոմանք շփոթված, ոմանք սուգ մտան կապտեցին,
Ոմանք, երկյուղից դարձան դեղին:*

Վարդը զարդարեց իր բուրաստանը, եկավ բլբուլը նստեց
նրա մոտ, հարբեց նրա անուշ հոտից ու երգեց բարձրաձայն,
թե՝

*Սեր է ծառն, սեր ծաղիկն,
Սեր է հավքի ձայնն ի ծառին,*

1 հորոտ - մորոտ - անուշահոտ ու գեղեցիկ ծաղիկ

*Սեր է վարդն, սեր բլբուլն,
Միրով է նստել վրա վարդին:
Եթե չլիներ սեր իմ սրտիս,
Ձեի կախվի վարդի փշին,
Եթե սերն ինձնից զատվի,
Ինձ կտանեն ցուրտն ու քամին:*

Տենչում է վարդը բլբուլին, խնդրում է բլբուլին, որ համբուրի իրեն, և ցույց է տալիս սիրտը, մեջը դեղին: Դա իր վիշտն է: Եվ գանգատվում է.

*Պիտի քաղեն տանեն իրեն
Եվ եփեն դեղ հիվանդներին,
Դրանից է սիրտը դեղին:*

Զվարթը վերջացրեց և նայեց վանականներին, նրանց աչքերի սպիտակուցները փայլուն դանակների նման մերկացել էին իր դեմ:

Առաջ եկավ նախանձափրփուր Ազարիան, բացեց իր դառն բերանը և սկսեց բանսարկել.

- Մարմնավորաց են բանք վարդիս, և սեր աշխարհի է:
- Պիղծ են բանք դորա, - մոմռացին մյուս վանականները:
- Մի բանսարկեք, մաքուր են մտածությունք պատանվոյն:

Սակայն Ազարիան չսանձահարվեց: Նա ապերասան և կոկոզավիզ¹ առաջ եկավ:

- Դիվահար է, հարկ է սպանանել զնա և դնն, որ է ի նմա, - գոռաց նա դառնաշունչ և կատաղի եզան նման հարու տվեց Զվարթի վրա:

- Հեռո՛ւ, խավարի՛ ծնունդ, - բարձրացրեց ձեռը վանահայրը, - որո՞ իրավամբ սպանանես զանմեղն:

1 կոկոզավիզ - գոռոզաբար, վիզը բարձր պահած

Բայց անհանգստացավ վանահայրը: Խռովություն էր բռնկվում: Պետք էր փրկել պատանուն կատաղած մոլեռանդներից: Բնչ աներ... Նա հավատով նայեց Զվարթին:

– Կարո՞ղ ես խոսել բան մեկնության, – խոժոռ հրամայեց վանահայրը:

Զվարթը թափանցեց նրա հոգու տագնապի մեջ, մի վայրկյան թափառեց մտքերի աշխարհը և ետ եկավ լարված ու վստահ:

Ու սկսեց.

Ասե՛մ ով է վարդն կարմիր,

Կամ ով են ծաղկունքն ամեն,

Կամ թե ով է բլբուլը քաջ,

Կամ թե որն է ձայն բլբուլի:

Ծաղկունք քահանայքն են հին օրինի, վարդը՝ Հիսուսը, մանիշակը՝ Հուդան, որ դավեց նրան և բլբուլը Գաբրիելն էր, որ փողը փչեց: Վարդը, որ հագավ ծիրանին, Քրիստոսն էր, որ հարություն առավ, ծաղկունքը, որ թառամեցին, դեղնեցին, զինվորներն էին, որ փախան նրա գերեզմանից:

Գոհունակ ունկնդրեց վանահայրը, վանականները պայանձվեցին: Զվարթը հաղթել էր:

Սակայն Ազարիան Զվարթի աչքերում նկատեց չարածձի մի շող, ճարտար մտքի ճարպիկ խաղ: Նա զգում էր, որ Զվարթի միտքը «մարմնավորաց» էր: Բայց իր բուրժ միտքը չէր ծաղկում այնպես ճարտար, որ կարողանար հակաճառել: Խավարեց նա քարայրի պես և ետ քաշվեց: Գնացին և մյուսները:

Այնուիետև ամբողջ օրը խցերից լսվում էին անեծքի դառնաշունչ ձայներ: Վանահայրն անձկության մեջ էր: Զգում էր այս ամենի վախճանը:

Մի գիշեր երկար գրում էր նա իր գրքի շարունակության մեջ: Գրում էր իր կտակը: Նա դառնացած էր վանականների բանասարկու և նախանձահույզ հալածանքից:

Նա իր կտակի մեջ ձաղկում էր մարդկային սոցիալությունը, գովերգում էր ճշմարտությունը:

«... Անէանա մարմինն իմ որպես ծուխ և մնան միտք իմ ճշմարտության: Դուք կգողանաք իմ մարմինը, ցրիվ կտաք որպես խոիվ, բայց իմ միտքը կմնա որպես լույսն արեգական: Մի դիպչեք ինձ, որդիք խավարի, – սպառնում էր նա իր կտակի մեջ, – ճշմարտությունն եմ ես և ես վրեժխնդիր կլինեմ ձեզանից»:

Գրեց մինչև խորին գիշեր: Լուսաբացին զարթեցրեց Զվարթին և Ղունկիանոսին, մոտ կանչեց, համբուրեց նրանց և ասաց, որ գնում է:

– Ո՞ր, – հարցրեց Ղունկիանոսը, բայց և իսկույն հասկացավ և դառնորեն լացեց:

Վանահայրն իր նվիրական գիրքը հանձնեց պատանհներին և պատվիրեց լավ պահպանել: Եվ մեռավ:

Վանահորը թաղեցին բռնադատված շուքով, բայց խորին ատելությամբ:

Ղունկիանոսը նրա գիրքը գաղտնի տարավ Թաղեի մոտ, և նրանք թաղեցին քարե գաղտնարանում:

Հետևյալ օրը վանականները Զվարթին փակեցին մի մութ խցիկում և թույլ չտվին երգելու ծաղիկների երգը: Նրան այցելում էր միայն Ղունկիանոսը: Զվարթը թախիծով նայում էր նրան և սկսում խոսել, ոգել իր վեպը: Ղունկիանոսը լսում էր, լսում և երկուսով մոռանում, որ բանտի մեջ էին: Սիրում էր Ղունկիանոսը լսել այդ վեպը:

Բայց մի օր էլ նրան արգելեցին այցելել Զվարթին: Այնուհետև Ղունկիանոսը գալիս էր բանտի լուսամուտից նայելու,

գլուխը ծռած, տրտում: Ժպտում էր Զվարթը և նայում երագով, կարծես անհոգ:

Եվ մեռավ Զվարթն այդպես, հոգում ծաղիկներ:

Ավերակ վանքի խարխուլ խցում արևշող կյանք է ծաղկում: Այնտեղ Թադեն հողի հատակին արևի պես սփռում է գույներ, լույսեր, խազեր: Առաստաղից, կաշվե բարակ թելերից տախտակներ են կախ, վրաները մագաղաթ քաշած: Թաթախում է Թադեն սուր գրիչը երանգապնակի մեջ և արծվի աչքերը մագաղաթին՝ անշարժանում է, սպասում և հանկարծ այծամորուքը կախելով մագաղաթի էջին՝ սրբուքյամբ ծաղկում է էջը: Պատանիներ այծյամի աչքերով նայում են իրենց վարպետին: Վախենում են նրանից և սիրում նրան: Թադեն հրաշքներ է գործում իր գրչով: Քանի մռայլում է նա, այնքան ժպտում են մագաղաթները: Այնտեղ է Ղունկիանոսը: Նրա աչքերը գնում են կորչում այդ ծաղկած մագաղաթների ոսկու, լաջվարդի, նարնջի, հակինթի մեջ:

Հարցնում է՝ ինչ գիրք է այս:

Թադեն վեր նայեց: Նրա աչքերը խորն են հորիզոնի պես: Նա նոր տեսավ Ղունկիանոսին և արթնացավ: Երագի մեջ էր:

Նա կրկին կռացավ մագաղաթի վրա: Նրա ուշքը մի սիրամարգի կողմն էր, որի սրճագույն գլուխն ու վիզը հոխորտ կարկառել էր վերև և գետնի վրա սփռել իր փետուրների ասեղնագործ գորգը: Մանվածապատ ծաղիկներ հակինթների ու գոհարների ցոլքով խաղում են լուսանցքին: Իսկ վերևը՝ աստեղալույս երկնքում այնպիսի մի երկնակապույտ է, որ կարծես մագաղաթը ճեղքել էր, և ինքը երկինքն էր նայում այնտեղից:

Աշակերտները լռիկ ու հնազանդ լցնում էին ծաղկող վարպետի շրջանակները հավելյալ մանրամասներով:

Երբեմն Թադեն հայացքը շրջեցնում էր դեպի աշակերտ-

ները և իր նաղաշական¹ հրահանգներն էր տալիս նրանց.

– Ոսկեծույլ նշողն ընդ նարնջին... ծաղիկ ընդ ծաղկանց... բոլորակն ոսկեճաճանչ, կամարն երկնահան գույն... Պայծառ լաջվարդյութ, նոճին կանաչագեղ, թագագլուխ վարդն – այս է կանոնն...

Գիշեր է: Թաղեի խցում Ղունկիանոսը պատմում է Զվարթի կյանքը: Թաղեն լսում է: Մոլի է նա, արբած՝ իր գույներով, բայց գիշերվա մթնում չի կարող ծաղկել: Քունը չի տանում, քունը փախցրել են երանգները, որ վառվում են խավարի սև պաստառի վրա: Բնությունն է միայն, որ նկարում է երկնքի էջի վրա, սփռում ծաղիկների թերթեր: Թաղեն լսում է:

Ղունկիանոսը ոգեց Զվարթի երգը ծաղիկների մասին: (Խեղճ Ղունկիանոս, միայն մի հստակ հիշողություն ունի այս աշխարհում և բարի սիրտ):

Նա ոգեց գեղջուկ ձայնով և անկեղծ շեշտով: Թաղեն ականջները սրեց: Լսեց, լսեց և գլուխն օրորեց.

– Երանի՛, երանի՛, երանի՛, անո՛ւշ է սրտին:

– Ծաղկի՛ր Զվարթի վեպը, վարպետ, – ասաց Ղունկիանոսը արտասովելով:

Վարպետը ցնցվեց:

– Ճշմարիտն ասացիր, վաղիվն իսկ² կսկսեմ: Երանի՛ թե կարենամ:

* * *

Կրքոտված տանջվում է նաղաշը: Ծաղկում է Զվարթի վեպը վանահոր գրքի մեջ: Նայում է Ղունկիանոսը նաղաշին խոնարհ ու ջերմեռանդ: Սա խառնում է գույնը գույնին, խառ-

1 նաղաշ – նկարիչ

2 վաղիվն իսկ – վաղը ևեթ

նում, թողնում ու կրկին, կրկին: Կրակներ են վառվում մագաղաթի ճակատին ու լուսանցքներին: Բոցագույն վագրեր թռել են նարնջենի եղնիկների մեջքին և պատրաստվում են հոշոտելու նրանց: Դողահար է նկարում նաղաշը, նա թվում է մոլի, խելագար: Ինչ որ հիվանդագին ջերմի մեջ, նա հատնում է մոմի պես, որոնում է մի շատ դժվար նրբերանգ: Գույնը չի գտնվում: Նրա աչքերը մարեցին, կիսախուփ նայել սկսեցին կարծես մի անդունդ, որի հատակին վառվում է մի հազվագյուտ ծաղիկ, աներևակայելի նրբերանգով: Ու հենց այն է, գրիչը թաթախեց պնակի մեջ և դրեց մագաղաթի վրա, նրբերանգը փախավ ինչպես չնաշխարհիկ թռչուն: Նաղաշը հոգոց հանեց և հուսահատ նայեց դռնից դուրս: Աշակերտները պապանձվեցին, նայեցին իրենց վարպետին և ակնածանքով սպասեցին: Նրանք ապրեցին վարպետի տանջանքը:

Հանկարծ նաղաշը սրտնեղած վեր կացավ և լուռ, լուսնոտի պես գնաց դուրս, անցավ գավիթը և հեռացավ:

– Գնաց երանգը գտնելու, գնանք հետևից:

Աշակերտները և Ղունկիանոսն էլ նրանց հետ դուրս եկան: Նաղաշը գնում էր դաշտը: Ամբողջ օրը թափառեց նա իր աշակերտների հետ: Մոտեցավ, նայեց նկարին: Հետո վերցրեց գրիչը: Պատանիները քարացան: Սրբազան լուսնոտան մեջ ժպտաց մագաղաթը:

Ոսկեհուր մի գիրք, լի լույսերով և իմաստությամբ: Բոցավառ կենդանաթռչուններ, ձկնագազաններ և ծաղիկներ շրջանակել են երկու վեպ. մեկը՝ որ խոսում է աշխարհի կառուցողական սկզբունքի, շինարարական աշխատանքի սրբության մասին, իսկ մյուսը, որ կրակե ժապավենի նման հոսում է էջե էջ՝ Զվարթի վեպը ծաղիկների մասին:

* * *

Ձյուն է թափվում լույսի նման: Բայց սև է վանքը և մութ՝ նկուղը, որի մեջ բանտարկված է ձեռագիրների հետ մի գիրք և ոչնչանում է խոնավից: Ասում են այդպես է լինում միշտ՝ ոչնչանում են մագաղաթները խոնավից: Այդ գրքում ծաղիկներ կան: Արդյոք քնել են ծաղիկները գրքի մեջ, թե՞ ոչնչանում են նաև նրանք:

Վանականները պորտաբույծ կյանք են վարում: Նրանք փքվել են գորտերի պես ու մոռացել Ջվարթին, վանահորը, Թադեին և նրա աշակերտներին: Նրանց բոլորին քշել են վանքից, նրանք ցրված են ով գիտե ուր:

* * *

Գիշեր: Ձմեռը մրրկում է: Մրրկում է Հայաստանի լեռնաշխարհում: Ցուրտ է, երկինքը սառ ապակի: Լեռների լանջերով գնում է Ղունկիանոսը, մեջքին մի պարկ, ձեռին մի մրտու մետաքսե կապոց: Նրա կարկամած ձեռները կապտել են, բայց նա մատները երկաթի պես գամել է գրքի կազմին, որ մետաքսի տակից սառը կծում է: Կսառեն այդ մատները և նա գիրքը ձեռքից բաց չի թողնի: Նա փախել է մենաստանից: Միայն մի բան գիտե, որ գրքերն է ազատում: Միայն թե ազատվեն նրանք... Ո՞ւր է գնում, ինքն էլ չգիտե: Աշխարհավեր մրրիկ է լեռնաշխարհում: Զորքեր են հոսում հովիտներում: Այրվում են քաղաքներ, գյուղեր, վանքեր, գրադարաններ:

Առավոտյան դեմ բուքը բերանքսիվայր ընկավ դաշտերի ու լեռների վրա: Մի խարխուլ լեռնավանքի դռան, որ մի ծեր վանական բաց էր արել, ձյան մեջ մի կիսաթաղ մարդ է երևում, պարկը մեջքին, կողքին մետաքսախառն մի գիրք, որ բացվել է և ժպտում կապույտ երկնքին:

Ծեր վանականը նայեց գրքին և վերցրեց դողահար:

* * *

Խավար մի ամպ շղարշում¹ է գիրքը և նրա պատմությունը: Մի դարու պատմություն: Ոչինչ չի երևում ուրիշ: Մի փոքրիկ բացվածք միայն թույլ է տալիս նշմարելու մի բեկոր:

Զրնգում են ճանապարհները սուլթան Էլտըրըմի հեծելագնդերի սմբակներից:

Կարկուտ – ամպի պես է գնում նա սրընթաց: Պապանձվել է երկիրը, Էլտըրըմն է լավում միայն:

Վանքի մի խցում նստել է մի ծերուկ, գրքեր է քննում խորասույգ: Խուլ է նա դեպի արհավիրքը: Կարդում է: Ներս են գալիս երկու զինվոր: Չի նկատում նրանց: Չայն են տալիս նրանք: Չի լում: Զայրանում են զինվորները և նետահարում ծերունուն: Նա ընկնում է:

Մի փոքր անց, կրակն սկսեց լափել գրքերը: Ճենճահոտ՝ ծանր, դանն: Մագաղաթները կչրտում են: Զինվորները տաքանում են, զվարճանում գրքերի ճարճատյունից: Հետո հանգստացան, կշտացան, նայեցին չորս կողմ, ծերունուն: Նայեցին անչար աչքերով, երկյուղած: Զգում են, զուր սպանեցին նրան:

– Ի՞նչ գրքեր են սրանք:

– Ո՞վ գիտե...

– Ասում են գիրքը զայրանում է, պատժում... Նրանց մեջ ձշմարտությունն է գրած: (Խեղճ զինվոր, միայն գրքի մեջ, թե՛ նաև իր մեջ...):

Հանկարծ մի գիրք պայթեց ու թռավ մի կողմ կրակից: Դիպված չէր՝ մագաղաթ, յուղ, կրակ... Բայց ցնցվեցին և վրա

¹ Շղարշել – թաքցնել քողարկել

ընկնելով կրակին՝ հանգցրին: Գրքերը մխալ սկսեցին ծանր, դառն:

Դուրս ընկան ճանապարհ:

– Գիրքը զայրացավ:

– Այո՛, գիրքը չի կարելի վառել:

* * *

Ձորում սոսափեցին ուռիները, մտածեցին և կրկին սոսափեցին: Հետո պաղ գետի պես ձորավերևից հոսեց աշունը և գնաց ձորնիվայր: Սոսափին խառնվեց և մի ուրիշ սոսափ: Դա ջրաղացի բանդի՛ մամռահոտ ջուրն էր: Բաց թողեց ջրաղացպան Հակոբը բանդի ջուրը: Էլ կարիք չկա նավերից ջուրը հոսեցնելու:

Սով է համայն երկրում:

Հակոբը ուռենու տակ խորհուրդ արեց իր երիտասարդ որդու հետ.

– Գնա, Հուսիկ, Դամասկոս: Աղորիքները կանգնեցին: Գնա ցորեն բեր, ցանենք, կենդանությունը չմարի:

Հուսիկի կապույտ աչքերը թախծալի ժպտացին: Նա կրկնեց.

– Կենդանություն:

Ու բերանաբաց ժպիտով նայեց հորը:

– Ի՞նչ ես հիմար մտիկ տալիս: Խելքդ գլո՛ւխդ հավաքիր, երկիրը կործանվում է:

Հակոբը մտավ ջրաղաց, հանեց անկյունից մի ծաղկավոր խալաթ, հինգ մետաքս թաշկինակ և հետո կաշվե մատներով շոշափեց ու քսակից հանեց երեսուն դահեկան:

– Տաս բահ եմ շինել՝ նրա գինն է: Խալաթը ծախելով ձա-

1 բանդ – պատնեշ

նապարհը կկտրես, մի քիչ էլ կբանես, կբերես, գարնան մի բան գցենք հողին բերանը: Կենդանությունը չմարի:

Հուսիկը նայում է հոր աչքերին: Հայրը ազդում է նրան բնության նման: Նա ինչ – որ խորը, սարսափելի բան է ասում:

Հուսիկը ձանապարհ ընկավ դեպի Դամասկոս:

Գնում է Հուսիկը մի կապույտ, տրտմալի ժպիտ աչքերում: Հեռավորի կապույտը – հեռավոր հայրենիքի:

Հրաշեկ ձանապարհներ են կտրում երկիրը: Նրանք տանում են բուրալի հակեր՝ արմավի, ցորենի, փստոցի¹, սուրճի:

Գնում է Հուսիկը կարծես աշխարհի վրայով և մտածում է: Եվ յուրովի ժպտում է չարաձձիորեն.

– Ի՞նչ էր ասում հայրը՝ «Կենդանությունը չմարի»: Ո՞վ, ի՞նչը կփրկի մարդուն: Հո՞ղը՝ կխլեն: Ամիրան՝ իր գորքերով, նրա դեմ կանգնած են սելջուկների, թաթարների իշխանները, հեղեղ հեղեղի միջով գալիս են լափում, ջնջում իրար: Գուցե հարստությունը, բայց տեսավ Հուսիկը, թե ինչպես մերկացան հարուստները, ոսկին գնաց, մնացին կմախքները: Ուրեմն ի՞նչը կպահի կենդանությունը, ո՞րն է վեմը² կենդանության:

Վեմը՝ ահա թե ինչ է որոնում Հուսիկի միտքը:

Ու երերում է Հուսիկը քրտնախաշ, ազազիլ տատասկի պես արևի դեղին ծովի մեջ:

«Ա՛յ, եթե մարդ թռչուն դառնար, փախցներ իր հետ ոսկին, հանցը, զգեստը, կյանքը: Բայց ի՞նչ օգուտ, անգղներն ու արծիվները երկնքում կրճկտենին մարդուն և կհափշտակենին նրա բոլոր ինչքը»:

Ոսկեփոշի քաղաքը հուրհուրատում էր արևի լույսով: Մի հախուռն բազմություն ետում է այնտեղ: Հուսիկի աչքերը խայտացին, շլացան: Ահա մի կրակոտ երիտասարդ բրոնզե ձեռ-

1 փստոց – պիստակ

2 վեմ – միակտուր պինդ քար, սալաքար, ապառաժ

քերն օդի մեջ՝ ծռում է մի հրացայտ սուր: Պողպատը ցնցվում է ու շիտակվում օձի պես: Նրան շրջապատել են պղնձե երիտասարդները: Նրանք ծիծաղում են սադաֆի ատամներով: Ուղտեր են չոքել չինարների շուրջը, նրանց կողքին ցաքուցրիվ հակեր են ցորենի ու բյուր բարիքներով:

Նստեց հոգնած՝ այդ հակերի մոտ, մեջքը տվեց չինարու բնին: Արևը կիզում էր նրան, տոթը խեղդում: Նայում է շուկան շրջանակած տներին, մարդկանց՝ բոլորը խանձված են բարկ արևից: Կապուտակ ջրերի կոհակներ վետվետացին Հուսիկի աչքերում: Նա անգամ զգաց նրանց սառցի շրթերը իր պապակ շուրթերին: Քուն է գալիս աչքերին: Նայում է մշուշոտ հայացքով: Երկամբ էր նայում, քննել էր և զարթնել, չէր հիշում, նայեց և ահա տեսավ իր դեմ մի խառնված բազմություն, որ ծիծաղելով իրար ձեռքից առնում և բարկ մատներով կոպիտ բացուխուփ էին անում մի գիրք: Հուսիկը վեր կացավ, գրավվելով ինչ – որ ծանոթ բանով: Բնչ է դա: Այո, այդ գրքի տեսքը: Նա տեսել է դրանցից: Մոտեցավ: Անզգույշ, կոշտ եղունգներ քերում էին գրքի կողերը: Մի ուրիշ ձեռք խլեց գիրքը և ինքն սկսեց տնտղել նրա սևակաշի, արծաթ պատյանը: Հետո բացեց գիրքը և նայեց էջերին:

Գարուններ բացվեցին և մրգահաս աշուններ, երկինքներ սուտակ¹, բուրաստաններ, հրեղեն վարդեր, վագրեր ոսկեծույլ և ծաղիկներ մանվածապատ, ջերմ, հափշտակված, հրճվալից: Հուսիկի աչքերում նկարվեցին իր լեռների, հովիտների մտերիմ գույները:

Բնչ էր գրած այս գրքում, որ այդպես ջերմագին ծաղկազարդված էր: Գիրքը ծախում էին: Ծախողը մի արաբ զինվոր էր, բարեղեն ու անհոգ: Նա ձեռք էր բերել այդ իրը արշավանքի ժամանակ և հիմարություն էր արել բերելու մինչև

¹ սուտակ – կարմիր գույնի թանկագին քար

Դամասկոս... «Ինչին էր պետք»:

– Հը, ինչ տամ, – բերանը ծիծաղով ծռում է մի ուրախ մարդ:

– Երեսուն դահեկան:

Գնորդը փոթկաց, և գիրքը թռավ, ընկավ գետին, փռու մեջ: Մյուսները ոտներով խփեցին այս ու այն կողմ: Զինվորը ծիծաղեց, գնաց ծուլորեն վերցրեց գիրքը և բռնեց ձեռին: Զվարճանում է, որ ինքը ծախում է, նրանք էլ չեն առնում:

Հուսիկը մոտ գնաց և գիրքը շոշափեց: Տաք էր արծաթը նրա մատների մեջ: Բացեց գիրքը: Նայեց նրան թեթև, հանդարտ: Աչքեր երևացին ծաղիկների միջից: Մի գարնանային իմաստություն, մի հարատև կենդանություն բուրեց նրանց միջից: Գիրքը հանգիստ էր մի մարդու նման, որ գիտե կյանքի բոլոր օրենքները և կենդանության գաղտնիքը և չի վախենում մահից, սիրում է կյանքը և հավատով է ճակատագրի դեմ: Հուսիկը հեգելով կարդաց: «Զի աշխատք սուրբ են»:

Հուսիկը հիշեց, հիմա միայն հիշեց իր գինեսեր ու զվարթ Սարգիս ապուպապին, որի մասին ասել էին, որ մի առույգ որմնադիր էր եղել: Երգում էր եղել «բանելիս», երգում աղետների օրերին և երբեք չէր ծերանում: Մի անգամ գործից վերադառնալով նա տեսել էր, որ իր տունը կողոպտել էին: Ցիպ՝ մերկացավ ընտանիքը: Բայց Սարգիս ապուպապը քահ – քահ ծիծաղել էր.

– Ձեռքս չեն գողացել:

Ամենանեղ օրերին նա միշտ ասելիս էր եղել՝ «կաշխատենք–կապրենք»:

Այս էր ասել նաև նրա որդին՝ երևելի կառուցող, սրա որդին՝ և վերջինի որդին՝ Հուսիկի հայրը: Եվ ասել էր հայրը, լսել էր սրա հայրը, և սա էլ լսել էր իր հորից, որ ամենամեծ

1 ցիպ – լրիվ, բոլորովին

բանն աշխարհում աշխատանքն է:

- «Աշխատանքը սուրբ է», - այսպես է գրած գրքում, ասելիս են եղել Հուսիկի պապերը՝ բոլորն աշխատավոր: Կրկին կարդաց.

«Զի աշխատք սուրբ են»: Ուրեմն սա այն գիրքն է...

Հուսիկի աչքերը վառվում են և միտքը կորչում հեռուն...

Նա հանեց իր դրամները և տվեց զինվորին: Սա վերցրեց, գիրքը աշխույժ խորեց Հուսիկի բուռը և ծիծաղելով գնաց: Ծիծաղեցին նրա հետևից մյուսները և զարմացած նայեցին Հուսիկին:

Սա երազում էր:

Մոտեցան ուրիշ օտար մարդիկ, նայեցին գրքին, Հուսիկին: Ու մինչ սա գիրքը դնում էր իր տոպրակը, մի ծանոթ ձայն սթափեցրեց նրան: Սողոմոնն էր, իր հայրենակիցը:

- Դու խելամո ես, թե՞ հիմար: Փողդ տվիր գրքին:

- Հա, - կոտրած ժպիտով, փոքր - ինչ հիմար նայում է Հուսիկը Սողոմոնին:

- Ապա գարնան ի՞նչ ես ցանելու:

Հուսիկը ապուշ նայում է և աչքերում առկայծում է թախծալի մի շող:

Շփոթված է, թե՞ կատակ էր արեց:

- Հիմա գնա տուն, անխելք:

Կգնա տուն, և սովը նստած կլինի այնտեղ: Մոխրագույն մի անդունդ է ընկղմում գիրքը: Էլ ոչինչ չի երևում:

Ի՞նչ եղավ Հուսիկը, ինչպե՞ս վերապրեց սովը: Այսինքն՝ մահը: Խենթ, խենթ Հուսիկ...

Գրքի հիշատակարանում գրած է, թե ինչպես նա դրամը տվեց գրքի դիմաց... երևի կարծելով, որ ցորենն անգամ կենդանություն չէ, որ անգամ նա չի փրկի իր կյանքը մահից:

* * *

Հիվանդ երեխայի բարձի տակից (ահռելիորեն ծանր շարժվել, բայց անցել են կրկին դարեր) կյանքի հուսով նայում է նա, այն գիրքը: Ինչ գիրք է, ոչ ոք չգիտե անգրագետ հողագործի այս ընտանիքում: Նրան գտել են մի ավերակ տան մոխրանոցում: Ասում են՝ բժշկում է ամեն հիվանդություն: Երեխան հոգու հիվանդության ունի...

* * *

– Էս ինչ քարավան է, ո՞ր էսպես, Խոջան:

– Վենետիկ, ձենովա, թե բարին աջողի:

Խոջան կքել է, կարդում է անվերջ, շիկափուկ¹ ճանապարհի եզրին: Ուղտերի բեռներում՝ որդան–կարմիր, տորոն², մորթիներ, ակնեղեն:

Քարավանը հանգչում է: Ուղտերը որոձում են:

Կարդում է Խոջան և վանում ճանապարհի թախիծը:

* * *

Սև դարերի խորքից գալիս է մի գիրք: Խավարի միջին թափառող լույսի է նման՝ դողդողում է, բայց գալիս է. թե ինչ վտանգներ է անցնում, չի տեսնում նա: Ո՛չ ձմեռ, ո՛չ խավար: Ոչ կրակն է այրում նրան, ոչ շոգը խեղդում: Հրամշքն է պահում նրան, թե՛ պատահնունքը: Բայց սերունդները խնամում են նրան, թաքցնում, փրկում և ավանդում նրան հետնորդներին, ձեռքե – ձեռք անցկացնում դարերի փորձանքներից, անցկացնում հուր, սուր, ջուր:

1 շիկափուկ – շիկագույն փոկից պատրաստված

2 տորոն – բույս, որի արմատից ստացվում է կարմիր ներկ

Ժպտում է գիրքը: Միամիտ է նա, անհոգ է նա, խորամանկ է նա և գիտե իր գործը կարգադրել: Թե՛ իմաստուն է, հայտնի է իրեն իր ճանապարհի գիրը:

Նման արևի լույսին, որ անհոգ խաղում է փրփրած ծովի կատաղի ալիքների վրա: Դեղնում են ալիքները, կապտում, փրփրալի ժայթքում, գոչում, բռնցքում արևի դեմ, բայց նա ժպտում է: Վտանգ չի իմանում նա, ատելություն չի դիպչում նրան, ալիք չի փշրում նրան:

Հազար ձեռքեր պահել, շոյել, շոշափել են այս ծաղիկները՝ կյանքի գեղեցկությունը, հազար – հազար աչքեր նայել են նրանց հետևից սիրով ու թախիծով: Մոխրացել են հազար ձեռքեր, տենչալի աչքեր, և մնացել է այս ջերմ գիրքը:

* * *

Բնաջնջվում է մի ամբողջ ժողովուրդ: Ոչ թե մի գիրք: Թե՛ դանոթներն ահեղ վիճակում են, «նա կորած է»... ո՛չ, «նա փրկված է», «...հրա՛շք է, թե փրկվի...»:

* * *

Մի կարմիր հողմ փոթորկալի թերթում է ոսկելույս թերթերը գրքի, որ ընկած մի մեծ ճանապարհի վրա՝ նայում է նրան մտերմորեն: Նա փրկված է՝ իրեն միշտ փրկող ժողովրդի հետ:

Երկաթե գրադարաններում լռում են դարերը: Մի ալեհեր գլուխ հակված է պատմության անդունդը և խոր հովտում տեսնում է ծաղիկներ, ծաղիկներ, ծաղիկներ...

ԶՈՒԹԱԿ ԵՎ ՍՐԻՆԳ

Ո՞վ հնարեց ջութակը... Ո՞վ հնարեց սրինգը...

Թարմ գարուն էր, օրը պայծառ, կապուտակ, Գանգեսի մթին անտառի պուրակում ճխում էին թռչունները, հովը գալիս թել – թել տանում էր ծառերի թևերն ու քղանցքները, առուն քչփչում, և գեղեցիկ Լակըմեն սիրում էր երջանիկ Հայանթին:

Հայանթին եղեգնուտի մոտ թեք ընկել, աննպատակ եղեգ էր տաշում ու քաղցր միտք անելով նայում Լակըմեին, իսկ Լակըմեն ծաղիկ էր քաղում ու երգում, և այնքան երջանիկ էր նա, որ չէր իմանում, թե ինչ էր երգում:

Խոսում էր հեքիաթական անտառը, բզզում հսկա փեթակի պես լի կյանքով ու երգով:

Նայում էր Հայանթին իր սիրած աղջկան և աննպատակ տաշում, տաշում էր եղեգը, դեն ձգում, նորը վերցնում, էլի տաշում: Հետո, ինչպես եղավ՝ տաշած եղեգը դրավ բերնին ու սկսեց փչել: Եղեգը մեղմ սուլեց: Հանկարծ մի չարաձձի միտք ծագեց նրա գլխում... Ժպտաց քթի տակին ու եղեգը առնելով գնաց մտավ թփերի մեջ: Ու մինչ Լակըմեն միամիտ, իր համար երգում էր առվակի ափին՝ Հայանթին սկսեց սուլել եղեգը ու նմանեցնել նրա երգին: Սկզբում սուլոցը դժվար ու կոպիտ էր, բայց շուտով այնպես վարժվեց, որ պատրանքը հաջողվեց: Ու սկսեց բարձր ու համարձակ կրկնել Լակըմեի անգիտակից երգն ու խաղերը:

– Հայանթի՛, – հանկարծ սթափվելով ձայն տվավ աղջիկը, – այդ ո՞վ է ինձ տնազ գալիս:

– Չգիտեմ, – ասավ Հայանթին թփերից դուրս գալով՝ չարաձձի ժպիտը հազիվ պահելով:

Բայց Լակըմեն տեսնելով նրա ձեռքի եղեգը՝ գլխի ընկավ.

– Սատանա՛, էլի մի բան հնարեցիր, լավ էիր տնագու գալիս, էլ չանես:

Բայց Հայանթին ձեռք չվերցրեց իր հանաքներից: Այնքան նվազեց, այնքան սրան – նրան տնագ եկավ, որ թե՛ գործիքը կատարելագործեց և թե՛ լավ նվագող դառավ: Նվագում էր ու ամենքին զվարճացնում:

Մի տխուր տղա էլ կար՝ Նալը, որ սիրում էր Լակըմեին: Տխուր, հուսահատ կնայեր սրան, կարծես մայր մտնող լուսնյակ լինի՝ գունատ, պղնձագույն: Լակըմեն գիտեր նրա սերը, բայց էհ, երջանիկ էր, չէր մտածում նրա մասին: Ասում էին՝ ցնդած է այդ տղան, որովհետև մենակ շրջում էր անտառներում և հորթի աղիքներ կախում ծառի ճյուղերից, չորացնում, ոլորում: Ծիծաղելով ասում էին, որ նա էլ ինչ – որ նվագարան է շինում»...

Եվ ահա մի անգամ անտառում Հայանթին ու Լակըմեն ջահել տղաների հետ նստել մի ծառի տակ հանգստանում էին: Երգում, զվարճանում էին տղաները գարնան սեզի վրա, և նրանց քրքիջն անտառի լռության մեջ՝ զվարճացնում էր նրանց իր առակներով և ինքն էլ զվարճանում՝ լսելով նրանց անհոգ քրքիջը:

Այնտեղ էր և Նալը, որ հեռուն խտտերի վրա նստած նայում էր պատանիներին անժպիտ ու տխուր:

– Հայանթի, – ասավ բանաստեղծ Խալդունը, – մի բան նվագի՝ լսենք: Այ, Նալն էլ, ասում են, նվագել գիտե. նա էլ որևէ մի բան կնվագի, կզվարճանանք: Դե, ձեզ տեսնեմ, ջահելներս:

– Այո՛, նվագեցեք, նվագեցեք, – ձայն տվին բոլոր տղաները և զվարթացան:

– Նվագեցեք, – կատակեց չարածձիներից մեկը, – և ով որ հաղթի, թող նա լինի Լակըմեի սիրուն արժանի:

Բոլորը ծիծաղեցին: Ժպտաց լուսածիծաղ Լակրմեն և ուրախացավ, որ Հայանթին պիտի իր շնորհքը ցույց տա: Ժպտաց նաև Հայանթին, բայց հեգնորեն, ինքնավստահ և աչքի տակով նայեց Նալին, որն անշարժ նստել էր՝ իր ծիծաղելի գործիքը թևի տակին:

Եվ որ ցույց տա, թե ինքը ահ չունի, հայտնեց, որ առաջ ինքը կնվագի, «նվագեն, թող ձայները կտրեն», – մտածեց նա իր ուժը գիտակցելով:

Թեք ընկավ Լակրմեն փարթամ ծաղիկների վրա, պատանիների շրջանակի մեջ, կարծես ձյունափայլ լուսին լիներ սև նոճիների միջից նայելիս:

Ամենքը ակամա նայեցին նրա լուսափթիթ դեմքին ու սկսեցին երագել: Ժպտաց գեղեցիկ Հայանթին, ու այդ ժպիտի հետ ցոլաց նրա ձյունե ատամնաշարը:

Ու Հայանթին սրինգը դնելով վարդիթեր շրթունքներին, սկսեց նվագել:

Դուրս թռավ նվագը ու գնաց հովի պես շնկշնկաց ու սուրաց լռանիստ հովտի մեջ: Եվ սուլոցները այնպես առատորեն շաղ տվավ, որ կարծես աղբրի մարգարտաշար ու կլկլան կաթիլներ լինեին քարեքար թափվելիս անտառի հստակ լռության մեջ: Բյուրեղի պես մաքուր և արծաթի պես հնչուն էր այդ սուլոցը, առատ, զարմացնող, շոյիչ ու հարբեցնող:

Եվ ինչ բազմազան խաղեր, ինչ պատրանք... կարծես սոխակներ ու սայրակներ լինեին իրար ձայն տալիս երջանիկ մայիսին: Եվ ինչ զվարճալի տնազ երկու երջանիկների, որ ծաղիկների մեջ կարծես թովալիս, խաղալիս լինեին, և մի սիրած ու սիրված աղջիկ քրքջալիս երջանիկ մոռացության մեջ:

Ու այսպես ծվվաց ու կլկլաց եղանակը, արագ, ինչպես լճակի կայծկլտուք, և մի վերջին ժխորով ունկնդիրներին շշմեցրեց ու նետի պես թռավ, կտրվեց:

- Ապրեն, Հայանթի՛, ապրեն, - ձայն տվին ամենքը հիացած:

- Ապրեն, Հայանթի՛, - ասավ Լակմեն՝ չկարողանալով ծածկել իր հիացմունքը և գուրգուրոտ աչքերով նայեց շառագունած գեղեցիկ պատանուն:

- Ի՞նչ ճարպիկ ելևէջներ, չէիր ասի, թե մարդ էր նվագողը, - խոսեց մինը հափշտակված:

- Հը՛մ, ճարտար նվագ էր, - ասավ բանաստեղծ Խալդունը:

- Ապրեն, Հայանթի՛, ապրեն, - կրկնեցին ամենքը միաբերան և ծաղիկներ նետեցին նրա գիրկը:

Լուռ էր Նալը... անշարժ, ինչպես գիշերվա լռանիստ ու մռայլ արձան: Ունքերը խոժոռ, զուսպ սաստը աչքերում, հիվանդ իր խորհրդավոր արվեստով՝ գետին էր նայում, միշտ թևի տակ սեղմած տարօրինակ գործիքը:

Հերթը նրանն էր:

- Էհ, հիմի էլ թող Նալը նվագի, - կարգադրեց ծեր բանաստեղծը:

Ու մինչ Նալը կպատրաստվեր՝ մի շշուկ անցավ բոլորի մեջ, երբ նայեցին նրա ծիծաղելի, հողի գույն գործիքին:

- Շերեփ է, - փսփսաց մինը ու քիչ մնաց փռթկար:

- Թիակ է, - ասավ մյուսը, - վերցնես, մարդու մեջքին թակես:

- Սպասեցեք, գուցե մարդն ուզում է իր այդ աղեղով բուրդ գգել, - ծաղրեց երրորդը:

Ժպտաց մինչև անգամ Հայանթին, և չար էր այդ ժպիտը:

Միայն Լակըմեն չխոսեց: Երբ նայեց Նալի աչքերին, զգաց, որ այդ պատանու մեջ թաքնված է մի մռայլ ու աղետավոր հոգի: Եվ մի անորոշ ահ մտավ սիրտը:

Նայեց նրան և ծեր բանաստեղծը և գլուխը թեթևակի շարժեց:

Եվ նա, այդ խորհրդավոր Նալը, հանկարծ շուրջը նայեց, դեմքը այլակերպված էր, ոգևորված ու վճռական: Հանկարծ գունատվեց, կերպարանափոխվեց, և բոլորը սաստված շունչները պահեցին: Եվ նա գործիքը ծնկան, ինքը վրան կոացած, ինչպես գետնահակ լացող ուռենի՝ հանկարծ ջլուտ, նիհար ձեռքով քաշեց աղեղը լարերի վրայով ու սկսեց:

Տարօրինակ ձայն հանեց այդ գործիքը: Տխուր ու մաղձոտ մարդու ձայն: Ինչպես սիրտը լցված մարդ, որ հազիվ է զսպում հեկեկոցը՝ այնպես այդ խեղդված ձայնը ծանր ու տխուր սկսեց դողալ և հետզհետե լցվելով՝ ուժեղացավ, ծավալվեց ու գանգատավոր շեշտով մի հարցմունք արավ, հետո զսպելով իր փղծուկը, նորից սրտին ընկավ, մարեց:

Հետո, իբրև դրան պատասխան, մի ուրիշ ձայն, ավելի ուժեղ և հնչուն, սկսեց որբ ձայնով ոգել, արծարծել մի տխուր պատմություն, այնքան տխուր, որ կարծես տառապած մարդկության վեպը լիներ: Սկսեց այնպես հեծկլտալ, այնպես հոնգուր – հոնգուր լաց լինել, որ ծառերի բները լցրեց թախիծով, տրտմեցրեց ծաղիկները, սառեցրեց արևի լույսը, հորիզոնում ծավալեց անապատների անհուն տրտմությունը և աշխարհը դարձրեց տխուր – տխուր վշտերի հովիտ: Լուրջ էր այդ եղանակը, ինչպես մահը, և անկեղծ, ինչպես մարդու մեջ թաքնված սիրտը: Սրտից էր. ահա թե ինչու այնպես սաստեց ու հափշտակեց ամենքի սիրտը: Ճշմարիտ էր այդ երգը, և ամենքը տրտմած կախեցին գլուխներն ու այդպես գետնահակ մտածել սկսեցին այն մեծ տառապանքի վրա, որը գիտես որ կա, ճշմարիտ է, ամենուրեք, ամենքի համար:

Ու այսպես գնաց եղանակը, տաքացավ: Ու ոնց հուսահատ անապատի շուրթերից, ինչպես գերեզմանից դուրս գար դալուկ լուսնյակը և անապատին նայեր իր մեռելի դեմքով, այնպես հանկարծ դուրս ելավ չորրորդ լարի տխուր ձայնն

ու երգեց ծանր, լիաձայն ու տիրաբար: Ու երբ դրան խառնվեց նաև երրորդ լարը, լավեցին այնպիսի ոռնոցներ, կարծես այդ անկենդան անապատում լցվել էին գոս¹ տատասկներ, որ պառավ ձեռքերի պես օդում կարկառած գութ էին աղերսում: Բայց չկանր գութ... Հանկարծ զայրացավ եղանակը, անցավ բարակ լարերի վրա ու սկսեց այնպես սողոսկել, հեծել, ոնց որ խորշակը² փչելիս լիներ, տարուբերելով այն տատասկները, որ խելացնոր շարժումներով կարծես կոծապար³ էին բռնել: Եվ երբեմն լավում էին այնպիսի ճչոցներ ու լացեր, կարծես հուսահատ միայնությունը նստած ավազների վրա՝ փետում էր իր գորշ մազերը:

Այնպես երգեց, երգեց ու հետո մեղմելով հաշտվեց, հեռացավ ու տխուր, թախիծով սրտին ընկնելով լռեց... կարծես նորից մտավ իր գերեզմանը:

Մի ծպտուն իսկ չլավեց: Ուկնդիրները քարացած էին: Ամենքը ներշնչված այդ խորը նվազով՝ մռայլ հայացքները բարձրացրին դեպի Լակըմենն ու Հայանթին:

Ահա՛ թե որն է նվազը:

Ցած դրավ սրինգը պարտված Հայանթին և նախանձախնդիր նայվածքը ահով ուղղեց Լակըմենին: Մռայլվել էր Լակըմենն: Բայց այդ մռայլը նման էր մի թեթև թուխպի, որ գալիս սքողում է գեղեցիկ մայիսյան օրը: Ճիշտ է, վախով էին լցված նրա որսորդ տեսած եղնիկի աչքերը, բայց նա բարձրացնելով այդ շողշողուն աչքերը դեպի Հայանթին՝ ասավ կարծես նեղացած.

- Գնանք տուն, Հայանթի:

Տղայքը հարցական հայացքով նայեցին Լակըմենին ու

1 գոս – չոր, չորացած

2 խորշակ – տաք քամի

3 կոծապար – կոծի՝ սգի պար

չհասկացան նրա երկյուղը: Ու մինչ ամենքը շփոթված աչքերով նայում էին նրան, նա վեր կացավ և Հայանթու հետ հեռացավ:

Երբ քիչ հեռու էին՝ փսփսաց.

– Ես քեզ եմ սիրում, Հայանթի, քեզ, նա այնպես տխուր է... նա ինձ վախեցնում է իր գործիքով: Նրա նվագը օձի պես մտավ սիրտս ու գալարվեց: Գնանք, նվագի՛ սրինգդ և նորից ուրախացրո՛ւ ինձ:

Գնաց նա, և մոայլ շիրմաքարի պես մնաց Նալը՝ հայացքը դեպի հեռացող անսիրտ ու գեղեցիկ Լակըմեն, դողդոջ ձեռքը գործիքին սեղմած:

Մնացին ունկնդիրները և ծեր բանաստեղծ Խալդունը:

– Ապրեն, Նալ, – ասին նրանք, և այդ ասին մի ձայնով, որով մխիթարում են մեռելատերին: Տխրեց Նալը և գլուխը կախեց: Հանկարծ բարձրացրեց իր գործիքը և ուզում էր քարին խփի կոտորի, բայց միայն դառնորեն օդում թափ տալով ցած դրավ և գլուխն ափերի մեջ առած լռեց:

Նայեց նրան ծեր բանաստեղծը, ժպտաց գորովալից աչքերով ու ծանր թափ տալով իր ալևոր գլուխն՝ ասավ.

– Ինչո՞ւ ես ուզում կոտրես այն գործիքը, որ քեզ հետ պիտի մեռնի: Նալ, դու այն մարդկանցից ես, որ մեծ տառապանքի համար են աշխարհք գալիս: Եվ քո նվագը երգն էր այն մեծ արվեստագետի, որի ներշնչողը մահն է եղել, և որը լացել է ստեղծելիս: Նա արդեն բաց է արել աշխարհիս բոլոր խնդությունների ու ցավերի դռները և նայել ներս: Էհ, Նալ, քոնն է իսկական արվեստը, ու էլ ո՛չ մի գործիք չկա հնարելու: Ինչ է սրինգը սրա մոտ՝ ականջի զվարճություն և ուրիշ ոչինչ:

Գնան, կյանքի մեջ թշվառ և արվեստի մեջ երջանիկ Նալ, գնան, կրիր ակնակուռ թագերի թագը, և թող աշխարհիս ստրուկներն ու արքաները գլուխ խոնարհեն քո արվեստի առջև:

Ու տանջվիր... Այո՛, Լակըմեն սիրում է սրնգահարին, որը նրան տալիս է համեստներից համեստը, բայց մարդկանց համար թանկերից թանկը՝ այս կյանքը և նրա ուրախությունը: Նա քեզ չի սիրում և ինչո՞ւ սիրի... Դու կմաշես այդ թիթեռի կյանքը քո անկշռելի տառապանքների մեջ՝ միշտ լսել տալով քո աշնան կոծերն ու մահվան ձայնը...

Եվ ի՞նչ, դու նրան չես էլ կարող սիրել, աղետավոր հոգի, որովհետև քո արվեստը սիրողը ուրիշ բան չպիտի սիրի և արժի՞, և միթե կարող ես ուրիշ բան սիրել...

Այդ օրվանից Հայանթին ավելի երջանկորեն սուլեց իր սրինգը, իսկ Նալը գնաց տառապանքների մոայլ աշխարհները հեծելու և ստեղծելու:

Այդ օրվանից է, ասում են, որ սրինգը սուլում է սիրո մեջ երջանիկ պատանու նման, այնինչ ջութակը միշտ մի անպատմելի թախիծ ունի իր ձայների մեջ:



ՆՐԱՆՑ ԺՊԻՏԸ



ԿԱՅԱՐԱՆԻ ԱԿՈՒԸ

Դեռ գնացքին մի կտոր ժամանակ կա: Լուռ է երկաթուղու կայարանը: Հանգիստ քնած է ուղտի ականջում:

Բայց Ակոբն արդեն պոստի վրա է: Երկաթուղու պահակային գորամասից եկել հսկում է պլատֆորմին:

Ակոբը... Ուրիշ տղա է: Դարաչուխալու՝ նոր մկրատի՝ վերջին կաղապարի:

Առոճ՝ ինչպես կարմիր բողկ: Կայծերը կհանի: Կազմվածքն այնպես է հիմնավոր ու պլանը պինդ գցած, որ երկու հարյուր տարի կդիմանա:

Եվ ահա կանաչեզր գինվորական գդակը ծուռ դրած, հրացանն ուսին կախ, շալվարի տոտերը անհնարին ուժերով պրկած երկարավիզ կոշիկների մեջ՝ քոթ, քոթ քայլում է ետ ու առաջ: «Սապոկներ» չեն, այլ զրահապատ գնացքներ, դրետնոտուներ²: Կրակի պես սրբող «չիստի- ձին»³ անասոված պլալացրել է...

Ճոճոցը ողջ գավառում լսվում է:

Ահա հսկում է, ետ ու առաջ մտիկ տալիս, սրա նրա ձեռքին նայում:

1 դարաչուխալի - լոթի, ուտող - խմող, զվարճասեր մարդ

2 դրետնոտուտ, դրետնոտ, դրեդնոտուտ-մեծ, վիթխարի զրահանավ

3 չիստինի, չիստի - կոշկաջինջ, կոշիկ մաքրող ու փայլեցնող

Գողություն, «սենուչկա» չրթել, պապիրոս, ձվի կձեպ նե-
տել... Լուցկի որ ընկնի վար՝ ձեռաց կիմանա, պրոֆեսիոնալ
ականջը... Խեթ-խեթ մտիկ է տալիս գցողի կողմն ու.

- Ընկեր, չի կարելի:

Արդեն բնագոյորեն գիտի, թե այս թուպիս ինչ է կատար-
վում պլատֆորմի վրա, ներսը՝ կայարանում, բուֆետում...
գավառում: Գիտե, թեև իր գործը չէ գիտենալը, թե ուր են
գնում այսինչ որբանոցի աշակերտները, ո՞ր էքսկուրսիան
կհասնի այսօր:

Առավոտը ծեգը ծեգեց թե չէ՝ Ակոբից իմացիր, թե քա-
ղաքի որ ճաշարանում ինչ քեֆ է եղել և ո՞ւմ քիթն են ջար-
դել: Արդեն լուսաբացից առաջ լսել է «կողմերին»: Ինչից է
թե ինչպես՝ թեև հետները գործ չունի, բայց քաղաքից ամեն
մարդ, որ դիպչում է կայարան, պիտի տեսնի Ակոբին և մի
բան պատմի:

- Ակոբ, իրիգվա պոյեգոյով դալթաղչեցի Սերոբը չանցմով:

- Չէ, առավոտս պիտի գա, քթոցով հավկիթները ջարդել
է:

- Ծո, դրո՞ւստ, վայ՛ իմանսրզ¹: Է, ճենճոն քաղմքն է:

- Նախձրվան գնաց: Գալ շաբթու գուքա:

- Քաղմքը ինչ կա:

Ըետո մտիկ է տալիս Ակոբին ոտից գլուխ.

- Է, խո լսմվ լավ ես:

- Ջանսաղութեն, փափախիս տակը ման գուքամ²:

Լարցնողին արդեն այդքանը բավական է: Ակոբաչափով
կարելի է լավ իմանալ, թե ինչ կա գավառում: Եվ երբ Ակոբը
ասավ, թե ամեն բան լավ է, ասել է աշխարհքն իր տեղն է:

Այն էլ ճիշտ է, որ Ակոբը ծառայության կանչվելով՝ պաշ-

1 իմանսրզ - անհավատ, անխիղճ

2 փափախիս տակը ման գուքամ - պատվով ապրում եմ

տոնապես կտրված է քաղաքի կյանքին մասնակցելուց:

Գնացքի ժամանակը մոտենում է:

Ակորը աչքը չորս է անում, որ մի անկարգություն որսա: Բայց անկարգությունը գնդակով չես կարող վայր գցել: Չկա:

Մի էշելոն է եկել Երևանից և կանգ առել կայարանից հետո: Կարմիրբանակայինները ցատկում – թռչում են վագոնները, իրար բոթում, ծիծաղում:

Մի շոգեկառք գոմեշի պես տրլընգալով ետ ու առաջ է շարժվում ու փնչացնում: Մի քիչ հեռու չլսկչլսկում է դեպոն: Կուպրի – նավթի հոտը սրվում, լողում է օդի մեջ: Կայարանից լսվում է հեռախոսի ձնկձնկոցը: Ահա և քաղաքից կառքեր են սլանում լեղապատառ՝ նահապետական փոշիների հանդիսավոր շքախումբը հետևները գցած:

Եվ օրը պլպլում է, ծիծաղում, ինչպես կարմիր գաթա:

Կառքերը խցկվում են կայարանի հետևում, վեր են գալիս պատկոմներ¹, ապլաներ, կաշվեմարդիկ՝ խորհրդային ծառայողներ, ամերիկյան որբանոցների սանուհիներ՝ ձերմակ բրդե գուլպաներով և ընդարձակ չուստերով:

Պլատֆորմը կենդանացավ: Հետզհետե բազմությունը լցվեց, ժրեց ու մոլտոցը գցեց: Կայարանի ներսը մի դժվժոց է, որ կարծես կանանց ընդհանուր բաղնիս է կամ հրեաների սինագոգ²:

Ահա մի խումբ տարբեր հասակի ապլաներ եկան ու սերվիզի պես շարվեցին գծի հենց եզրին:

Երևում է, որ բնակչության այն խավերից էին, որ երեք տարին մի անգամ հազիվ են գալիս կայարան: Դսնավուր³ շորերով էին:

1 պատկոմ – պիոներների նախկին անվանումը

2 սինագոգ – հրեաների աղոթատուն՝ տաճար

3 դսնավուր (ժղ.) – տոնական

Պատավներից մինը նայեց Ակոբին ու բռթեց մյուսին:

– Ջանըմ, աս մեր Ակոբը չէ՞:

– Ակոբն է, – հաստատեցին մյուս կանայք ու հետաքրքիր մտիկ տվին Ակոբին, որ կանգսած էր ինչպես ինքն Աքիլես և հանդիսավոր հսկում էր:

Պատավներն սկսեցին դես – դեն մտիկ տալ: Ինչ – որ արտակարգ հուզման էին ենթարկվել, ընկնելով մի աղմկալի կենտրոն իրենց այն թաղից, որի անդորրությունը խանգարողը լինում էր շատ – շատ հարևան թաղից գաստրոլի եկած մի աքլորի մենամարտ՝ աքլորական շուկայի ազդեցության գոտու համար կամ շների մի համառոտ զզվոտութ և կամ տղամարդկանց երեկոյան զրույցը դայֆախսանայի ցերեկվա զրույցի մասին և այն մասին՝ թե «կոռպերատուրը»¹ չիթը քանիսի է բաց թողնում:

Հիմի ընկնելով այդ կայարանը, մի ավելի որոշ՝ քան անորոշ երկյուղով կանայք մտիկ էին տալիս կայարանի իրարանցման: Արդեն մարդիկ այնպես էին վազվզում, կարծես բոլորը քաղաքից փախչում են: Կայարանի դուռը բացվելիս ներսից պռոթկում է տոմսակ առնողների խուճապ գցող մոլտոցը: Իսկ հեռուն էշելունն է կանգնած՝ նա էլ է գնում...

Ջանգը տվին (գնացքը դուրս է եկել վերջին կայարանից): Պլատֆորմը ջղայնացավ:

– Ակոբ ջան, աս գորքը կերթամ, ինչի՞ կերթա, – անհանգստացավ պատավներից մինը:

– Բան չկա, մերս, մի վախենա, – «հասկանում է» Ակոբը, – լազո կերթա:

– Հան, օտացդ մեռնիմ... թե չէ... – հանգստանում է պատավը:

– Ինչի՞ կանհանգստանաս, մերս, աշխարհք խո իրար չանցանվ:

1 կոռպերատուր – կոռպերատիվ խանութի աշխատող

- Քա եսիմ, տնեն դուրս եմ էկե՝ ղարիպի պես եմ: Ղարիպն ու քոռը մեկ է:

Ու հանգստանում է: Որովհետև երբ որ Ակորը ասավ՝ էլ բավական է, ասել է աշխարհք հանգիստ է:

Ակորը ամեն բան գիտե:

Պառավները մտիկ են տալիս Ակորին, որ պինդ կանգնած է ինչպես հեղինակություն, սրա ծանր հրացանին, հաստ կոշիկներին ու լցվում գորովանքով:

Երևանի գնացքն եկավ, դիրդաց ու կանգնեց: Ապա սուլեց: Մարդիկ հարայ տալով, բեռները առջևից - հետևից կախ՝ խոյացան առաջ: Բեռները առաջ լողացին սառույց կտորող նավերի պես: Հայհոյանք, հրմշտուք, հիմնավոր հարվածներ ու բոթոցներ:

Պառավները շփոթվեցին և խուճապի մատնվեցին:

Բազմության միջից մի հասակավոր կին համարյա լացով որոնում էր պառավներին, որոնց գտավ վերջապես և ապա վազեց դեպի վագոնները:

Ակորը գնաց նրա վրա.

- Ո՞ւր կերթաս, մերս, - դիմեց տուպրակավոր կնոջը:

- Երևան կերթամ, տղես կարմիր բանակ է:

- Կեցի՛, - ու Ակորը երկաթի պես բռնեց նրան, - Երևանու պոյեզդը աս՝ չէ: Ետ քաշվի, իմաց կուտամ:

- Հան, օտացդ մեռնիմ:

Հանգստացան, տենչանքով նայեցին Ակորին ու հառաչեցին:

- Ինձի չե՞ն ճանչե:

- Ինչի՛ չեմ ճանչե. Սեթոյի մերը չե՞ն: Ի՞նչ կենե Սեթոն, լավ է:

- Ի՞նչ գիտնամ, նամակ էր էկե, հիվանդ է: Պիտի էրթամ

տեսնեմ ի՞նչ է էղեր:

- Ի՞նչ պիտի էլնի: Հիվանդ է՝ կլավնա, - որոշում է Ակորը:

Կարմիրբանակայինի մայրը հարցական նայեց Ակոբին.

- Հը՛, Ակոբ ջան, հրճըփ¹ պիտի լավնամ խեղճ անասունս,
- լացակումած հարցրեց մյուս պառավը, ըստ երևույթին կարմիրբանակայինի տատը:

- Կլավնա, մերիկ ջան, կլավնան, հեչ դարդ մի էնե:

- Մեռնիմ իրեն, սուրբ Աստվածածնա խոստըցեր են: Սեթոս օր լավնա՝ գամն պիտի մատողեն: Երբ օր կըսես կլավնա, ըսել է՝ կըլավնա:

Ակոբը ավելի լրջացավ.

- Ջանըմ ինչի՞ պիտի չըլավնա: Սավետսկի իշխանություն է, հեչ կրասնարմենյց կըթողնե որ հիվընդնա, յա բան պատահի: Հեչ, սրտերդ հանգիստ պահեք, հիմի բոլշևիկի պռավիլները ուրիշ տեսակ են:

Պառավը ձեռքը բարձրացրեց աղոթքի:

- Հառավոտ, իրիգուն սուրբ Տիրամոր կխնդրեմ՝ ինքը բարեխոս ըլի, օր բալշևիկին սապոկը դայիմ կպած մնա մեր հողին վրա:

- Քա հըլպըթ օր, բալշևիկին պահողը Աստված է, - ձայն տվեց կարմիրբանակայինի մայրը:

- Լուս իջնի Լենինին գերեզմընին, սրբոց դասը դասվի,- շարունակեց առաջինը,- էնիկ չէ՛ր, օր քաղաքը պրծուց: Էեէէ - սաղ աշխարհքը հաց լցուց, լիացուց:

Մի խումբ երիտասարդներ եկան պլատֆորմի մյուս ծայրից՝ թևերն իրար ուսով գցած: Երևի կամ ճամփու դնողներ էին, կամ պարապորդներ: Մոտենալիս լսելով պառավների և Ակոբի կրոնական գրույցը՝ նրանցից մինը մի ասեղ բաց թողեց².

- Հը՛, Ակոբ, բանդ Աստվածածնա է ընկե, կրոնական հար-

1 հրճըփ (բրբ.) - արդյոք

2 ասեղ բաց թողնել - խայթող խոսք ասել

բեցողություն կենես:

- Կրոնական հարբեցողություն էնողը մքլած պապիդ տեսնեիր, - խեթեց Ակոբը, - դու չէիր, օր զագս ու ժամ իրար խառնեցիր:

- Ծո, վո՛վ:

- Վո՛վ ըսողը:

- Էրեսդ խա՛չ հանես: Ես ժամ եմ գնացե, թե՛ զագս:

- Զագս... ձժե կոնրկիս: Գիտեմ ինչ զագս էր՝ տերտերը գլխուդ վրա:

- Ծո, այ օղու, տերտերը գոքանչս բերեց, թե՛ ես: Բարեկամ էր՝ կանչել եմ տուն քեֆի, ինձի ինչ:

- Հա՛, տերտերը բարեկամս էր, տիրացուն՝ քեռուս տղեն, - էս մեկը նապաստակի ջուրն էր, էս՝ նապաստակի ջրի ջուրը: «Կրոնական հարբեցողություն»... քեֆդ քյո՛ք պահե, մենք էլ ենք շուն կուլ տվե, էլ էդ տեսակ բաներ չենք մարսե:

-Ապա ինչո՞ւ մարսեցիր: Պառավները կոնունիզանդ ժամ տարան բերին:

- Իմ կոնունիզան ժամ չտարան: Կրասնարմեյցի մեր է, լեգուն էդպես կդառնա: Մի՛ վախենա, «սրբոց» ըսելով Լենինը սրբոց չեղավ: Խոսելը վնաս չունի՝ սիրտը մաքուր էղնի: (Կարմիրբանակայինի մորը) էս կո՛ղմը, կեցի, պոյեզդը կուգա, տակը չընկնիս:

Հանկարծ աչքը կարթեց¹ մի բարձրահասակ երիտասարդի, որ տուն վերադարձած կարմիրբանակայինի շորեր ուներ հագին:

- Ընկեր, պլատֆորմի վրա չի կարելի աղտոտել:

- Ես չեմ աղտոտե, - հերքեց երիտասարդը:

- Ատկա՛զ ինչի կենես: Բեզի կըսեմ մի՛ աղտոտե՝ մի՛ աղտոտե:

¹ աչքը կարթել - այստեղ՝ աչքով ընկնել, աչքը հատել

- Շառ էս, ծո՛, - բողոքեց երիտասարդը: Ակորը հայացքը մեխեց նրա աչքերին. - Դու կրասնարմեյց էղել էս:

Երիտասարդը չպատասխանեց և իր հերթին աչքերը չռելով՝ նայեց Ակորի աչքերին: Հետո արլորի պես.

- Դո՛ւ ում կուռեցնես:

- Ուռեցնե՛լս որն է: Պատյատկ նառուշիտ կենես ու հիմի եկել ես աչքերուս մեջը կաշես:

Երիտասարդը մի քիչ մոմռաց և նայեց ուրիշ կողմ: Հետո գանգատվեց.

- Բերանդ մեզի վրա կբացվի, այ օղո՛ւ: Աչքդ ինձի՛ տեսավ:

- Հս՛, աչքս քեզի տեսավ: Սեմուչկա ինչի՛ կչրթես:

- Ես եմ սեմուչկա չրթե, ըհր՛, սեմուչկա՛մ է:

Բաց է անում բուռը և ցույց է տալիս լուցկին:

- Գիտեմ սեմուչկա չէ, հըմը քանի՛ անգամ ներսը չրթեցիր: Աչքս չի տեսնի՛, - համատեց Ակորը և հրացանի փոկը ուղղեց ուսի վրա:

Երիտասարդը հեռացավ ու գցեց.

- Կարմիր տաքդեղ ես:

- Կարմիր տաքդեղը ես չեմ, - հետևից նետեց Ակորը, - կարմիր տաքդեղը պռավիլան է: Ո՞ւմ դուռութամիշ կենես:

- Հը՛, Ակո՛ր, խաշում ես, հս՛, - ծիծաղելով անցավ մի բանավոր:

- Դաղում, ճենձերն է հանում, - խոսեց մի ուրիշ ծառայող ու գնաց նրա հետևից:

Ակորը շուռ եկավ նրանց կողմը.

- Ես ի՛նչ, այ օղու՛ներ: Սլուժբա է, մորքուրիս տղեն չէ:

Հետո մի հավելված չորս կողմը հավաքվածների.

- Ղուռումսաղներ, ղայֆախանա չէ, պլատֆորմ է: Մեծ-մեծ բրդե՛ն էլ նո՛ր սորվաք: Խոսք ըմ կըսենք թե չէ՝ թաքարլամիշ

– Պլացկարտդ կոնրկիս¹, – ասաց մի գյուղացի և ռահվիրեց² դեպի այլ վագոն: Մյուսները խուճապեցին նրա հետևից:

Գնացքը մեկնեց: Դարձյալ կաթվածն իջավ կայարանի վրա: Ճամփու դնողներն սկսեցին քաշվել:

Ակորը նայեց գնացքի հեռացած կողմը, գդակն իջեցրեց աչքերին, հորանջեց: Ու աչքը մեքենաբար դարձրեց սրա նրա վրա: Եվ ահա նկատեց մի «խուժան», որ աչքը գետնին՝ պտտվում էր գծի վրա մնացորդ որոնելով:

Ակորը նրան նշան բռնեց ու աչքերը խոժոռեց վրան.

– Ծո՛, սալախանա³ շուն, էլի՛ էկար էստեղանները:

Խուժանն աչքի տակով նայեց Ակորին ու շարունակեց որոնելը:

– Էլի փախել ես մանկատնեն:

– Տեղ չկար:

– Տեղ կա, հրմը աչքդ գողության է: Սորվել ես խոզի աղտի մեջ պառկելու: Դե հայդե: – Ուզեց քացի տալ, բայց խուժանը սմբեց ու մնաց:

Ակորը նայեց նրան, գլուխն օրորեց ու վճռեց.

– Լավ: Էգուց արի Կարոյի դուքանը, ես քեզի տանեն դուրգար Պետրոսի քով, դուրգարութեն սորվե:

Տղան ըստ երևույթին համոզվեց:

– Արհեստ սորվի, մուրալով, փախցնելով փո՛ր կկշտանա: Ա՛ն, էսօր գնա կշտացի, էգուց արի:

Ու ձեռը գրպանը տանելով դուրս բերեց իր անդնդախոր պորտմանեն, կոշտ մատները կոխեց մեջը, հանեց երկու պայտի չափ պղնձե շահանոցներ, երկու խորհրդային կուշտ, առատ շահանոցներ և տվեց տղային.

1 պլացկարտդ կոնրկիս – փխբ. ինձ համար ոչ մի նշանակություն չունի

2 ռահվիրել – փխբ. ճանապարհվել

3 սալախանա (թրթ.) – դատարկաշրջիկ, փողոցային

- Դե, քելե, վազե, չափուկ¹:

Տղան ցեխոտ թաթը պինդ սեղմած, քիթը խպշտեց ու վազեց:

Ակորը դես - դեն նայեց, աչք ածավ պլատֆորմին, հանեց գլխարկը, մազերը սղալեց ու քոթքոթացրեց կայարանի հետևը:

¹ չափուկ (բրբ.) - արագ

ԷՇԵԼՈՆԸ

Նրա որդին՝ Նիկոլը, 1920 թվից դեսը չկար, չէր երևում:

– Կգա, մենակ ճամփաները որ կտրված են, դրա համար լուր չկա:

Ուրիշ ինչ կարելի էր ասել մի խեղճ մոր, որի միակ որդին գնացել է պատերազմ, հինգ տարի է չի երևում:

Մայրը հանգիստ չունի այն օրից, երբ իր Նիկոլին տա-
րան, այդ խեղճ ու կրակ ատաղձագործին, որ մինչև վերջին
օրը ուրագը ձեռին, ոտի վրա գործ էր անում՝ կարկատելով
պստլիկ խանութներ, նեղլիկ դռներ, աթոռ, սեղան...

Նրա կերպարանքը դեռ երևակայության մեջ տպված է,
նիհար, նրբակազմ մի տղա, թախծալի, մտերիմ ժպիտն աչ-
քերի մեջ: Եվ անխոն: Միայն կժպտար: Բան ասելիս էլ մեղմ,
անլսելի:

Նրանից ոչ մի գանգատավոր չի եղել քաղաքում: Այդ գա-
վառական քաղաքի չքավոր ծայրամասերը շատ լավ էին ճա-
նաչում բարի Նիկոլին: Տուն չի եղել, որին մի բանով օգնած
չլիներ, դուռ էր կոտրած լինում, պատուհանի փեղկ, օրորոցի
ոտ՝ եթե չքավոր տեղ էր՝ Նիկոլը մի արանք կգտներ, կգար
ձրի կշիներ:

– Նիկո՛լ, արի՛, հացը գցեցի:

Վեր կկենար ու ներսը մոր հետ կնստեր համեստ ընթրիքի:
Մայրը կխոսեր, կպատմեր, կբացատրեր՝ Նիկոլն ականջ
կդներ:

Չէր խոսի: Միայն մեղմ կժպտար:

Ահա այդ Նիկոլին էր, որ տարան պատերազմ, ու կորավ:

Մնաց մայրն ու պստլիկ տնակը՝ դատարկ լուցկու մի
տուփ՝ մի դուռ, մի պատուհան, երկաթուղու կայարանի մոտ:

Մայրը չէր իմանում, թե ում դիմի, ումնից տեղեկություն ստանա իր որդուց: Հարցրել էր քահանային, ծանոթ խանութպանների, կայարանում մեքենավարներին, դպրոցի ուսուցչին: Ասել, բացատրել էին անորոշ բաներ՝ միտքը չի մնացել: Չի հասկացել: Եվ հիմա ինչ պիտի անի, այդ էլ չգիտե: Իհարկե ամենքին խոսեցնում է, որ մի նշան, մի հնար երևա:

- Հիմի, տիկին, - ասաց մի գրագիր, - դրա պռավիլան էս է: Դու պիտի գտնես տղայիդ չաստը, թե որ դիվիդիան, որ պոլկն է եղել: Մի գայավլենի կտաս վոյենաչալնիկին...

Շատ բարդ է...

Եվ մայրը տխուր նայում է գետնին և գլուխը ցնցում:

Մի միլիցիոներ էլ այսպես բացատրեց.

- Էսպես է, մերս: Էդ գորամասը Ղարսից քաշվել եկել է Լենինական, ու էնտեղից կամ Ղարաքիլիսա է անցել, կամ Երևան: Քո տղեդ էլ հետները եկած կլինի:

- Հա՛, եկամ՞ծ կլինի:

Ու մայրը հրահրվում է մի գաղտնի հույսով:

- Հա, թե որ եկած լինի, էդտեղերք եկած կլինի:

Հարևան կանայք էլ վրա են բերում.

- Ուր է, ուր չէ՝ վերջը - վերջը կերևա: Երևի ճամփա չկա:

Ու գաղտնի իրար են նայում աչքի տակով:

Բայց անցնում են օրեր, իրար վրա դարսվում, դառնում ամիսներ, ամիսները դառնում տարի...

Միշտ միևնույն բանը՝ ոչինչ չի փոխվում այն բանից, որ Նիկոլը չկա:

Ու հարևան կանայք դադարում են նրա մասին խոսելուց:

Նա էլ չի խոսում:

Հասկանալի բաներ կան, որ եթե խոսվեն, դառնում են անհասկանալի:

Ու տեսնելով խեղճ կնոջ իրարանցումը, կայարան գնալ-

գալը, հարց ու փորձը, հարևանուհիներից մինը մի օր նկատեց.

- Մէրս, էդպէս գնալով գալով մի բան դուրս կգամ որ:
- Հա՛... Համա ո՞վ գիտե...

Յույց է տալիս, որ հույսը կորցրել է, բայց իր մեջ չի կոտրում, ընդհակառակը շոյում, մեծացնում է այդ հույսը:

Ու երբ կայարանից կամ ուրիշ փողոցներից վերադառնում է տուն՝ կրակ է անում, կերակուր դնում վրան, նստում կողքին, գուլպա գործում և սպասում Նիկոլին:

Այդպէս լավ է: Ա՛յ, ամեն ինչ պատրաստ է: Ուրիշ էլ ի՞նչ է մնում, որ իր տղան գա տուն:

Իհարկե ոչինչ:

Գնացքները գիշեր - ցերեկ դղրդալով գալիս անցնում են փոքրիկ տնակի առջևով: Ամեն ազգի, սեռի ճամփորդներ վժժում են վագոնների պատուհանների մոտ:

Մայրը նստում է դռանը, պաղ քարին ու մտիկ է տալիս գնացքներին՝ աչքերը լի մշուշով ու թախիծով:

Վագոններից մարդիկ են դուրս գալիս:

- Հը՛, էն մեկը Նիկոլը չէ՞...

Սիրտը թրթռում է, գուլպան վայր է դնում ու շտապում կայարան:

Ճամփորդների աղմկահույզ ամբոխը մի կարճ ժամանակ իրար է անցնում, գոռում, վազվզում, ու նորից շոգեմեքենան սուլում է, նորից կայարանը դատարկվում...

Մայրը հառաչում է, մի քիչ էլ կանգնում, նայում գնացքի ետևից, ապա դառնում տուն: Նա չի հուսահատվում: Ճամփին քաղցրացնում է երևակայությունը, և դա արդեն սովորություն է դառել, երագում է, որ իր որդին քաղաքի ուրիշ ճամփով է եկել տուն:

Հեռվից նայում է՝ արդյոք դռան մոտ մեկը չէ՞ կանգնել՝

իրեն սպասում:

- Ներս մտած լինէր... Բաց է անում դուռը.

- Նիկոլ...

Ոչ որ: Սենյակը դատարկ է, ինչպես միշտ:

Դե նա գիտէ այդ: Բայց այդ ամենը նրա ամենօրյա զբաղմունքն է, գործն է, որով լցնում է նա իր գոյությունը:

Մայիսի վերջերքն էր: Դաշտերը ժպտում էին իրենց կանաչ աչքերով:

Ինչ - որ ձայներ հեռվից կանչում էին ո՛ւմ որ, չես իմանում ինչն՛:

Մի կարմիրբանակային էշելոն էր եկել կայարան և հանգստանո՞ւմ, թե՞ հերթի էր սպասում, որ ճամփան շարունակի դեպի լագերը:

Նիկոլի մայրը՝ հնազանդ իր սովորության՝ քայլերն ուղղեց դեպի կայարան, դեպի անսովոր աղմուկը:

Էշելոնն իր ձիերով, խոտերով, երիտասարդ ձայներով կայարանից քիչ հեռու տարածության մեջ ժամանակավոր կյանք էր սկսել: Հարյուրավոր շիկահեր ու սյավ՝ գլուխներ էին վժվժում վագոնների շուրջը: Մատաղահաս կարմիրբանակայինները ծիծաղում, իրար բոթում, իրար գլխի բամփում, հռհռում էին: Ոմանք գործ էին անում:

Ահա մի սևաչյա կարմիրբանակային քրտինքը թուխ այտերից կաթեցնելով, դույլը ձեռին գնում էր ջրմուղից ջուր տանելու:

Նիկոլի մայրը կանգնեցրեց նրան.

- Տղա՛ ջան, կեցի քեզի բանըմ հարցնեմ:

Կարմիր գինվորը կանգ առավ, բայց անհամբեր ու շտապով հարցրեց.

– Ի՞նչ կա:

– Օտանցո՞ւ մեռնիմ, ախր մեր Նիկոլը... Նիկոլն էստեղ չէ՞:

– Նիկոլը, ազգն ի՞նչ է: Կինը լարվեց.

– Ա՞զգը: Ազգը Խաչատուրյանց է:

Կարմիր գինվորը մտածեց մի քիչ.

– Խաչատուրյանց: Ո՞ր վաշտն է:

– Չիտեմ:

– Խաչատուրյանց:

Ու դարձավ դեմից եկող մի ուրիշ կարմիր գինվորի.

– Սեթո՞ւ: Խաչատուրյանց ո՞վ կա գնդում:

Ուրիշները վրա եկան.

– Ո՞ւմ է հարցնում: Խաչատուրյանց: Նիկոլ՞:

Կարմիրքանակայինները եկան շրջապատեցին: Ու մտածում են:

– Ո՞վ պիտի լինի: Սեթոն հարցրեց.

– Վաշտը չգիտեմ:

– Ի՞նչ գիտնամ, ո՞չ ճար գիտեմ, ո՞չ ճամփա: Անունը Նիկոլ է, Խաչատուրյանց, կոնսիստորի¹ թղթի մեջ Ղարիբյանց – Խաչատուրյանց է:

– Տղերք, – դարձավ Սեթոն դեպի վագոնները, – Նիկոլ Խաչատուրյանց ո՞ր վաշտում կլինի:

Մի լուրջ, գունատ դեմք դուրս նայեց վագոնից.

– Խաչատուրյանց ես եմ, ո՞վ է հարցնողը:

Կինն աչքը սևեռեց այն կողմը և վախեցած նայեց.

– Չէ, այն չէ, – խոսեց ինքն իրեն կոտրված: Առաջուց գիտեր թեև, բայց էլի հույս ուներ: Ո՞վ գիտե, գուցե...

¹ Կոնսիստոր (մինչհ.) – թեմական հոգևոր մարմնի պետ, որն օժտված էր վարչական ու դատական լիազորություններով

- Գնդի մեջ ուրիշ Խաչատուրյանց չկա, - ասաց Սեթոն սիրտը կոտրած մորը: - Էդպես է, չէ՞, տղերք:

Կարմիրբանակայինները գլուխները կասկածով, թե բացասաբար շարժեցին:

- Չէ, չկա:

Ու լռեցին:

Գունատ կարմիրբանակայինը վայր իջավ վագոնից ու մոտեցավ կնոջը:

- Մեր է ծառայության մտել:

- Հինգ տարի կա:

- Հինգ տարի... Էդ ասել է՝ հին բանակումն է եղել: Ո՞ր է գնացել:

- Ղարսա կողմերը:

Կարմիրբանակայինները հազիվ զսպելով իրենց ծիծաղը՝ ժպտացին:

- Է, ի՞նչ էնեմ, հինգ տարի է կապասեմ, կապասեմ, թե կերևա, հա կերևա, հե՛չ չի երևա:

- Թիֆլիս, Բաքու, Երևան հարցրե՛լ ես, - ասաց գունատ կարմիրբանակայինը:

- Է՛հ:

- Ու հինգ տարի է սպասում ես, թե որդիդ գա տո՞ն...

Մայրը շրթունքները ծոմռեց ու սկսեց հեկեկալ:

Կարմիրբանակայինները ժպտալով մտիկ տվին և չէին իմանում ի՞նչ անեն:

Մի ուրիշ կարմիրբանակային մոտեցավ ու կլոր երեսն ընկերների ուսերի արանքով կաս - կարմիր գնդի պես ներս խոթելով՝ խզեց լռությունը:

- Հա՛, ի՞նչ կա:

Բացատրեցին:

- Ի՞նչ... Տղեդ մեռած կլլի, մերս, զուր մի սպասիր: Տղեդ

էլ վերջացավ, էն բանակն էլ, էն հին բանակ էր... Հիմի նոր բանակ է:

- Կարո՛, - աչքով արին մյուսները:

- Ջանըմ, թող լա, սիրտը իջնի: Հապա ի՛նչ: Մեռանվ՝ մեռավ: Սաղ ըլիմ են:

Սեթոն հռհռաց ու բռունցքով խփեց Կարոյի մեջքին.

- Հայ սատկիս դու:

- Խա՛չ: Սաղ ըլիմք ես, դու, մենք:

Կարմիրբանակայինները բարձր ծիծաղեցին:

Իսկ կինը լաց էր լինում:

Մի ծանր քար, որ ահա հինգ տարի է նստած էր նրա սրտի վրա՝ շուռ եկավ հիմա: Եվ եթե նա բաց արեց իր որդու գերեզմանը, բայց մյուս կողմից էլ «նա» ընկավ նրա սրտից, հեռացավ: Աշխարհքը դառավ մի դատարկ բան, չքացավ ինքն էլ ու թեթևացավ.

- Էլ ի՛նչս մնաց...

- Ի՛նչը, մնաց աշխարհքը: Կարմիրբանակայինները բարձր ծիծաղեցին:

Գունատ կարմիրբանակայինը, որ կարեկցությամբ նայում էր կնոջը՝ մեղմեց մի փոքր..

- Մի՛ նեղանա, մայրիկ, հանաք է անում: Քո որդին գնաց, մենք էլ քո որդիքն ենք:

- Էդ էլ դրուստ է, - ծիծաղեց Կարոն, - մեկը չըլի՝ հազարը ըլի: Այ, տես, ու Կարոն գդակը հանելով բամփեց բոլորի գլխին՝ սրանց գլուխը թաղեմ, սրանք բոլորն էլ քո որդիքն են:

Կինը աչքերը սրբեց ու հառաչեց.

- Հըլպը՛թ որ... սաղ ըլիք դուք:

- Հեչ դարդ մի՛ անի, մերս, - կատակեց Կարոն, - մի բան որ պատահի՝ այ էսպես հուպ կտանք: - Եվ հուպ տվեց Սեթոյի

վիզը:

– Վանյ, վանյ, վանյ, տո՛, կամանց, – ծվաց Սեթոնն ու վիզն ազատելով ընկավ փախչող Կարոյի հետևից:

Կարմիրբանակայինները ծիծաղելով նայեցին նրանց կողմը: Սեթոնն հասավ ու բռնեց Կարոյին: Սա շուտ եկավ ու սկսեց պաշտպանվել: Սկսվեց կոխը: Բոլորը շրջապատեցին նրանց և կնոջից հեռացան:

Սա նայեց նրանց և մի անասելի հաճույք զգաց, մոր հաճույքը խայտացող երեխաների առջև: Եվ մի անգամ էլ գորովանքով դիտեց նրանց ու հառաչեց:

Ապա վերադարձավ տուն: Մոտենալով տանը, բաց չարեց դուռը, ներս չնտավ:

Այնտեղ այլևս ոչ ոք չկար: Նիկոլն այնտեղ չէր այլևս:

Մութն ընկնում էր: Ձայները լռեցին: Միայն դեռ լսվում էր կարմիրբանակայինների անհոգ, երիտասարդ աղմուկն ու երգը:

ՍԱԹՈՆ

Սաթոն Կոտայքի գյուղերից Երևան գալով՝ վարձվեց մի սովետական ծառայողի ընտանիքում տան աշխատակից: Ջահել աղջիկ էր, մազերը գգգգված, շորերից ծլանգները կախ: Խիստ հայացք ուներ, բայց ներքուստ հանդարտ էր, բարի:

Ծառայողի ընտանիքը բավականին խստապահանջ մարդիկ էին: Բավական էլ շատվոր: Ինքը՝ տեխնիկ Սմբատյանը, կինը՝ «տիկին Աննան», աղջիկները մեծ ու կրտսեր և փոքրիկ Կոլյան:

Հյուրեր շատ էին լինում և հաճախ, այնպես որ՝ Սաթոն հենց սկզբից գործից աչք չէր բաց անում: Երբ դուրսն իր նման բան անող աղջիկները նրան հարցնում էին.

– Գործդ ո՞նց ա, աղջի:

– Շատ ա, – պատասխանում էր Սաթոն և ավելացնում, – դէ, տուն ա, ո՞նց կարա գործը շատ չլինի: Գեղում քիչ ա:

Սաթոն այդպես էլ նայում էր գործի վրա, որ գործը կա, կան ու կա՝ գետի պես գալիս է, լցվում, իսկ դու պիտի կանգնես ավին, անդադար ջուրը քաշես: Գործը վերջ չունի:

Առավոտը վաղ կոշիկներ սրբել, թեյ պատրաստել, գնալ հացի հերթի, գնալ Գյուղկոոպ պանրի, յուղի, մեղրի, շուկա՝ մթերքի: Ապա սենյակներ մաքրել, ճաշին հսկել, աման լվալ, հետո էլի թեյ, ընթրիք... Հյուրեր եկած ժամանակ էլ մինչև կեսգիշեր սպասել, որ ընթրիքը վերջանա, հյուրերը գնան...

Սա անտանելի էր Սաթոյի համար: Նա, որ սովոր էր գյուղում հավերի հետ քնել, արլորի հետ զարթնել՝ նստում էր խհանցում և գլխով «տանձ կշռում»: Քնում էր և իսկույն երազ տեսնում՝ իրենց գյուղն է, գետափը, ուռիների ստվերներում հավաքված են իր ընկերուհիները: Ինքը նստած է գետափի

քարին, ջուրը վշտում է, թշնամ: Ընկերուհիներն իրեն շրջապատել՝ ծիծաղում են. «Աղջի Սաթո, ջուրը թափվեց, իջեցրու, իջեցրու»: Սաթոն ժպտում է միայն, «գետի ջուրը ո՞նց կիջեցնեն»:

- Աղջի, քեզ հետ եմ, է՛, թափվեց, իջեցրու:

Սաթոն աչքերը բաց է անում:

Ոչ գետ, ոչ աղջիկներ: Չարացած տիկին Աննան է, կողքին կերոսիսի վրա թափվող թեյամանը: Կրակը բարձրացել է:

- Քնո՞ւմ ես, ինչպե՞ս կարելի է, աչքդ վրան պահի,- գոռում է տիկինը:

Սաթոն վեր է թռչում, ամոթխած ժպտում և աչքերը տրորելով իջեցնում կերոսիսկան: Թեյ է պատրաստում, որ պիտի խմեն ընթրիքի վրա:

Կեսգիշերն անց է, հավերը խոսում են արդեն:

«Տնաշենները երբ են քնում», - մրթմրթում է քնաթաթախ Սաթոն և կոնատակը քորում: Իսկ ներսից լսվում է սովետական ծառայող ժորժի արլորային ձայնը.

- «Ռոռաս - կա - ժիտե վի - յեյ...»:

Սաթոն ձեռը կոնատակին քնում է և գլուխը կշռում, վեր թռչում, կրկին քնում:

Այսպես ծանր է գիշերը: Իսկ ցերեկները ոչինչ, տանում է: Սիրում է գործ անել: Առողջ է, եռանդուն, բարեխիղճ:

- Թշերից արյուն է կաթում, - ասում է տիկին Աննան՝ կարծես հանդիմանորեն:

Սաթոն առավոտից մինչև գիշեր տանն է, տան գործում, նա ոչ մի տեղ չի գնում:

Դուրսն էլ ո՞վ ունի որ: Իրենց գյուղից մեկը հազիվ պատահի, որին խնդրի շատ բարև տանել նանին:

Մի անգամ, փողոց գնացած ժամանակ, ուշացավ: Տիկին Աննան խիստ հանդիմանեց.

- Փողոցներում ի՞նչ բան ունես: Գործդ տանն է, եկ տուն:
Եվ Սաթոն մնում էր տանը՝ անգամ այն ժամանակ, երբ մի
ժամ պարապ էր:

Այն ժամանակ էլ զբաղեցնում էր փոքրիկ Կոյային, որ
նրան ձի արած, նստում էր վզին, ստիպում իրեն ման ածել
պատշգամբում:

Մի ուրիշ անգամ էլ Սաթոն հրաման ուզեց կինո գնալու:

- Ո՞վ է տանում, - անհանգստացավ տիկին Աննան:

- Ես, բիլեթ առա:

- Ո՞վ սովորեցրեց տեղը, - գոչեց տիկին Աննան, կարծես
հանցանք էր գործված:

- Ծանոթ աղջկերքը:

- Ծանոթ աղջկերքը թող իրենք գնան: Դու փող ունիս՝
պահի քեզ համար, գյուղ կուղարկես: Հարկավոր չէ, էլ չգնաս:

Սաթոն խոստացավ և գնաց կինո:

Երբ Սմբատյանը եկավ տուն և ուզեց ծխախոտ բերել տալ՝
ասացին, որ Սաթոն կինո է գնացել:

- Աչքներս լո՛յս, - մրթմրթաց Սմբատյանը, - հը՛ն, հը՛ն...

- Մենք նստենք տանը, քոծը գնա կինո, - նկատեց մեծ
աղջիկը և քնծիծաղ տվեց:

- Կինոն դեռ ոչինչ, եթե դուրսն իրավունքներ - բաներ
չսովորի:

Այնուհետև Սաթոն փողոց գնալ գալով՝ բերում էր ականջն
ընկած ամեն տեսակ խառն - խումն տեղեկություններ, լավ էլ
չհասկացած:

- Կին - բաժնի հրահանգչուհի է:

- Ո՞վ է «հրահանգչուհի...», - դեմքը կոկիկ ծամածռում է
տիկին Աննան և աչքով անում մեծ աղջկան:

- Ընկեր Ասլանյանը: Էրթում է մեր գեղարենքը կազմա-
կերպելու, - ասում է Սաթոն միամիտ գրույցի ձայնով:

Նրա անսպասելի բառարանը զվարճացնում է տանեցիներին:

Նրանք իրար են նայում կոմիկ լրջությամբ և քթների տակին ծիծաղում:

– Ասում ես հրա – հանգ – չուհի է, էլի, – աննկատելի հեգնում է տիկին Աննան, – լավ, ինչ է անում գյուղում:

– Կանանց անգրագիտությունը վերացնում ա, – պատասխանում է Սաթոն կոտրած ժպիտով:

Բոլորը ծիծաղում են: Ծիծաղում է և ինքը՝ Սաթոն, մասամբ իր անսովորության, մասամբ էլ հենց իր գործածած բառերի վրա, որ իր էլ ծիծաղը բերում են: Խորթ է նոր բաների մասին խոսելը:

Մի օր էլ հացի գնալով ուշացավ:

– Որտեղ էիր, – խեթեց տիկին Աննան:

– Պրոֆմիություն էի գնացել: Ասում են՝ պիտի մտնես պրոֆմիությունը:

– Ըհը՝ կծեց լեզուն տիկին Աննան և հազիվ լսելի մոմռաց:

– Էդ էր պակաս:

Սաթոն կողքանց մտիկ տվեց տիկնոջն ու վրա ընկավ իր ամաններին, սկսեց արագ – արագ լվալ:

– Է՛ լավ, ինչիդ է պետք պրոֆմիությունը, – փորձեց տիկին Աննան:

– Ինչ իմանամ, ասում են՝ հմի ամեն աշխատանք անող պիտի գրվի:

– Մխալ են ասել, կուզես՝ կգրվես, կուզես՝ ոչ:

– Չեմ իմանում, ընկերուհիներս տարան:

Տիկին Աննան անհանգստացավ: Ճաշին հայտնեց Սմբատյանին: Լուրը մեծ անախորժությամբ ընդունվեց աղջիկների կողմից:

– Հիմի կնստի մեր շլնքին: Ժամով կաշխատի, հանգստյան

օր կուզի, ժողով, կոլեկտիվ, նորմա, լիկվիդացիա: Գտանք գլխացավանքը:

– Բան, մենք կդառնանք քոժ, նա՛ տանտիկին, – ասաց տիկին Աննան:

Մի քանի օր հետո Սաթոն բոլոր ձևականություններով մտավ պրոֆմիություն:

Այդ օրը ճաշը վերջացավ տխուր լռությամբ: Սմբատյանը «հըմ, հըմ» արավ և ծխախոտը վառեց:

– Ինչ կիրանայես անել, – ձեռները չռելով եզրակացրեց նա. – «աշխատանքի կոմիսարիատ», «պրոֆեսիոնալ շահեր», «բանվոր ուժի կազմակերպում»...

– Եվ... գեղացի Սաթո՛, – ծիծաղեց կրտսեր աղջիկը:

– Մո՛ւս, – արեց տիկին Աննան, – «եկավ»: – Ներս մտավ «կազմակերպված» Սաթոն՝ ափսեները տանելու: Բոլորը լուռ նայեցին նրան և նոթերը կիտած տվին իրենց ափսեները:

Դեպքն անսխորժ էր: Ձեռաց ամեն ինչ փոխվեց: Սաթոն դառավ դեմք, ֆիզուրա, որակ: Կարծես երկաթը փոխվեց պողպատի՝ կորցնելով հին հատկությունը: Սաթոյի դիմագծերն անգամ արտահայտություն ստացան: Կոպիտ հոնքերի արանքում կամքի մի շեշտ գծագրվեց՝ տանեցիների համար խիստ անդուրեկան: Եվ այդ նախկին բարեխիղճ, աշխատող և աշխարհից անտեղյակ Սաթոն, որ իր առույգ, գյուղական բազուկներով սրբում, լվանում, եփում, խոհանոցից ներս էր բերում ախորժ, հաճույք, հարմարություն, որը չէր հիվանդանում, չէր տնքում, միշտ պատրաստ էր վազելու բժշկի, դեղի, մթերքի, լուրի, անգիտակ իր արժեքին, իրավունքներին, ահա այդ Սաթոն հիմի քաղաքացի է, կազմակերպված մարդ...

Բայց վերջիվերջո հաշտվեցին «աղետի» հետ: Նոր հարմար աղջիկ չկար, եղածներն էլ կամ «գող» էին, կամ «ծույլ»:

Սաթոն օրինակելի էր, ժիր, բարի: Եվ, վերջապես, լիկվի-

դացիոնի հարց կար...

Նրան թողին իրենց մոտ և սկսեցին զգույշ լինել: Ծանր էր այդ «զգույշ»-ը, բայց էլի լավագույնն այդ էր:

Շուտով դրությունը լրջից փոխվեց նաև կոմիկականի. Սաթոն սկսեց տերմինների անխնայ կոտորուք:

«Քաղաքի մաշտաբով հաց ա եկել»:

«Կանանց օրն այս տարի նոր տեմպով պտի անեն»:
«Հարյուր տոկոսով ասում եմ, որ ձիշտ ա»:

Ծիծաղից մեռնում էին...

Երբեմն էլ, թեյին կամ ճաշին, Սաթոն մնում էր սեղանատանը կանգնած և սկսում պատմել պրոֆմիության գծով տարած աշխատանքների մասին: Լավ չէր մարտել կազմակերպության արտաքին ձևերը, բայց ներքին էությունը բնագործով ըմբռնել էր:

Խոսում էր այլևս ազատ, խտիր չդնելով իր և տանեցիների մեջ: Շուտով սկսեց խառնվել նաև Սմբատյանի և հյուրերի խոսակցությանը: Ընդհատում էր նրանց և, չնայած որ հյուրերը նրան չէին հարցնում, սիրում էր իր սեփական բացատրությունները տալ: Բացատրում էր երկար, դժվար էր նրան ընդհատել: Սաթոն հարկադրում էր իրեն լսել՝ թեկուզ արտաքին քաղաքավարությամբ:

Մի անգամ էլ կարծիք հայտնեց.

- Ուսումնականների գործն, իհարկե, դժվար ա, ամա բանվորի ու գյուղացու գործին չի հասնի, սրանք որ չլեն՝ աշխարհք չի ապրի:

- Ուրեմն ուսումը ոչինչ, իշի գլխի պէս ապրենք, ուսումնականներին ջուրն ածենք, - տաքացավ Սմբատյանը, ինչ որ ներքին կուտակված թույներ ժայթքելով:

- Ինչի՞ համար, - խոսեց հանդարտ Սաթոն, - ուսումը լավ բան ա: Այ էն էլ ձեռք կրերենք ու ամեն բան կթամամի:

- Ձեռք կրերեք էդպես շուտ, անյ, չէ՛մ գիտում:

Սաթոն անխռով ամանները դուրս տարավ: Նա լավ էլ չէր հասկանում տնեցիների չարության պատճառը:

- Այ, էդպես է. գլուխները լցնում են ու բաց թողնում:

- Ինչ կարող ես խոսել սրա դեմ, - ասաց Սմբատյանը ծխելով:

Մի երեկո Սաթոն շատ ուշացավ: Գնացել էր ժողով: Տիկին Աննան պատվիրել էր, որ չուշանա: Բայց ուշացավ և ուշացավ այն ժամանակ, երբ լվացքը կիտված էր կիսավվա, ջրնուղի ջուրը կտրվել, հացի մեծ հերթ կար: Միաժամանակ, երեխան էլ նոր էր առողջանում, պետք էր դեղի գնալ:

Սա արդեն հանդգնություն էր: Տիկին Աննայի տան հիմքերը խախտվում էին:

- Քոծ չի, այլ իշխանուհի: Քանի գնաց՝ լրբացավ, - գոչեց տիկին Աննան գայրացած, - ես անկարող եմ այսպես ապրել: Թող գա՝ ցույց կտամ ժողովը:

- Ծառան ծառա չի, - նկատեց մեծ աղջիկը, - ապերախտ խոզ, հին վերարկուս էլ տվի՝ թե խելոքանա:

- Թող գա տուն՝ դուրս կանեմ, կասեմ՝ ջհանդամվիր ուր ուզում ես, - վճռեց տիկին Աննան:

- Հը՛մ, հը՛մ, - արեց Սմբատյանը և սկսեց շվացնել:

Երեկոյան թեյն ուշանում էր, հաց չկար, դեղ էր պետք երեխայի համար, լվացքն անախորժ բուրմունքով սպասում էր լվացարար ձեռքի: Հարևաններն էլ ջուր չունեին: Սարսափը տիրեց ընտանիքին:

Տիկին Աննայի կրտսեր աղջիկը վերցրեց փոքր վեդրոն և բարձրակրունկ քայլերով վեդրոն շրջագզեստից հեռու բռնած՝ գնաց ջուր բերելու, բայց իսկույն հետ դարձավ: Չարացած կանայք այնպիսի դժվժոց էին բարձրացրել, որ ֆիզիկական ուժ էր պետք նրանց միջից ջուր հանելու համար:

- Հիմի ո՞վ ջուր բերի, ո՞վ հաց բերի, ի՞նչ կրակ ու պատիժ էր, - սկսեց կատաղել տիկին Աննան, - մարդ գնա էդ ժողովը, մազերը պոկելով տուն բերի, է՛:

- Հը՛մ, հը՛մ, - արեց Սմբատյանը և ժպտաց դառնագին, - էդ ո՞ր գնացիր...

Վերջապես Սաթոն եկավ: Նա լուրջ էր, կենտրոնացած: Պատշգամբից բարձրացավ թե չէ՝ տիկին Աննան հարձակվեց վրան.

- Ինչո՞ւ ուշացար:

- Ջեկուցում կար:

- Բա մեր ջո՞րը, հա՞ցը, լվա՞ցքը:

- Ես ի՞նչ անեմ, սպասիր՝ կըլի: Բա ժողով չգնամ:

- Ի՞նչ անեմ ժողովդ՝ ես էստեղ սոված, ծարավ:

- Էդ ա. ուզում ես՝ ուզի, ուզում ես՝ չէ:

- Չեմ ուզում, էգուց գնա՛ իմ տանից:

- Շատ լավ, - ասաց Սաթոն հանդարտ և սկսեց իր գործը, կարծես բանի տեղ չդնելով սպառնալիքը:

Իսկեց խոշոր վեղրոնները և, պատշգամբը դմբդմբացնելով վազեց ջրի: Շուտով կարմրած, առույգ, հևալով ետ դառավ, ջուրը կաթկթացնելով: Ապա վազեց հացի և մի տասը բոպեից բերեց լավ թխած անուշահոտ հացի բոքոնը: Մեռած տունը լցվեց ախորժ աշխուժով, դադարած կյանքը եկավ լցվեց տունը: Մի փոքր անց՝ երեկոն արդեն քաղցր սկսում էր հավվել դուրսը, բակում, սենյակում:

Ամեն ինչ խաղաղեց: Էլեկտրական լույսը ոսկեգօծեց թեյասեղանն ու շուրջը շարված Սմբատյանի ընտանիքը: Թեյի թարմ բուրմունքը մլլում էր օդի մեջ՝ հացի հոտի հետ: Տրամադրությունները բացվեց: Մոռացան Սաթոյի արարմունքը, և ասելության փուշը կոտրվեց միառժամ:

- Հը՛, հիմի դո՞րս ես անում, - հարցրեց Սմբատյանը կնո-

ջը՝ ետ նստելով աթոռին:

– Ախր, ո՞նց եմ դուրս անում, – գանգատվել սկսեց տիկինը, – ո՞նց գտնեմ նորը, ո՞նց ջուկեմ: Մենք սրա ձեռքին գերի ենք:

– Հը՛մ, բա ո՞նց գիտեիր... Ի՞նչ ենք մենք...

Սմբատյանը վեր կացավ, մոտեցավ նարդուն և փոքր աղջկա հետ սկսեց խաղալ: Մեծը նստեց դաշնամուրի մոտ և մատները սահեցնելով ծայր տվեց Շոպենի սոնատին: Տիկին Աննան գնաց խոհանոց:

Հենց ներս մտավ՝ լվացքի թանձր գուլորշին անախտրժ համբուրեց նրա այտերը:

Սաթոն լվացք էր անում: Բարկացած էր, բայց գուսպ: Միայն ջլապինդ մատները խլելով սպիտակեղենը ուժով խեղդում էին տաշտի մեջ:

Քաղքենի «տիկինը» կանգնեց, մտիկ տվեց «երեկվա» գյուղացի աղջկան, որ գյուղից եկավ, աճեց, բարձրացավ և այսօր սկսել է հուպ տալ իրեն:

Ատելությամբ դիտեց նրան և լռեց: Սաթոն առողջ էր ինչպես կյանքը և իր աշխատանքով կյանքից բաժին էր շնորհում քաղքենի տիկնոջ:

Սա ճնշվեց, վախեցավ ծպտուն հանել, զգաց իր անպետքությունը և զգույշ, գող կատվի պես դուրս եկավ խոհանոցից:

ՀԱՅՐԵՆԻ ԿՏՈՒՐԻ ՏԱԿ

Հայկական դիվիզիան՝ ինչպես մի ալիք ամբողջ անծայրածիր օվկիանոսի մեջ՝ հորձանք է տալիս: Նա ևս լցված է այն հարձակման ոգով, ինչ որ տոգորել է ազատարար ժողովուրդներին և կապել իրար: Նա էլ է գնում ազատելու մարդկությանը:

Երեք մարտիկ՝ Հակոբը, Ռուբենը և Ալեքը՝ միշտ անբաժան են այս երթի մեջ: Նրանցից առաջինը՝ Հակոբը, երկուսի կատակների առարկան է միշտ՝ անխոս, բադի պես օրորվելով գնում է՝ մեջքին ուղմական ծանր բեռը տանելով: Նրանց դասակը աչքի է ընկել իր խիզախությամբ, ուստի և նրանք շարունակ իրար հետ կատակում են ու ծիծաղում: Հակոբը մի փոքր դժվարաշարժ երիտասարդ է: Տանը լավ բանող կոխոզնիկ էր: Բանում էր դանդաղ, բայց հաստատ: Եվ հիմա, երբ գորամառը շարժվում է արագ ընթացքով՝ գունդուկծիկ Հակոբը քրտինքի մեջ կորած է: Կաթիլները գլորվում են նրա քթի ծայրից: Նա թևով սրբում է այդ կաթիլները, հետո հրացանի փոկը նետում է մի ուսից մյուսը, թափ է տալիս իրեն և մշմշալով քայլում:

Օդում տագնապ կա սակայն:

Մարտիկներից առաջ մի առաջապահ զորամաս շփման մեջ է թշնամու հետ: Այնտեղից հեռվից լսվում է նրա հրանոթների խուլ որոտը:

Ջորամառը գնում է հասնելու և փոխարինելու նրան:

Ճանապարհի սառած հողն ու սառույցը փշրվել, խառնվել են իրար՝ գծելով մի սև ժապավեն: Աջ ու ձախ թափված են ջախջախված տանկեր, սայլեր ու ավտոններ: Տեղ - տեղ անշարժ փովել են մարդիկ: Դա գերմանացիների դիակներն են: Նրանք մի վերջին շարժում ևս կանեն տեղից մինչև գերեզ-

ման և այնտեղ կմնան հավիտյան անշարժ:

Ջորամասը մտավ մի բնակավայր: Ամայի, ավերակ, այրած մի վայր էր դա: Քառակուսիներ՝ գետի վրա, ածուխի և մոխրի սև գույնով տպված, դա նախկին տներն են: Երկար ձգված է մի սև շերտ, դա գյուղի գլխավոր փողոցն է: Երբեմն միայն մի նեղ քառակուսի սվաղած սյուն տնկված մնացել է այդ քառակուսիների մեջ. դա վառարանի հետքն է:

- Մինչև տակը վառել են անիծածները, - ասաց Ռուբենը:

- Քար չկա, եղածը փայտ է, բա ի՞նչ կլի, - բացատրեց Ալեքը:

Հակոբը լուռ նայեց ավերակներին և խուլ հագաց: Նրա աչքերից չեն խուսափում ամայի գյուղերի մոխրակույտերը: Նա մտածում է հին բաների մասին: Իրենց գյուղերը հեռավոր հայրենիքում:

- Մերն ուրիշ տեսակ էր. պատերը մնում էին, - ասաց Ռուբենը:

- Դե մերը քար էր, - ասաց Ալեքը:

Ճանապարհից մի փոքր աջ՝ թմբի վրա մի բարակ ծուխ էր զգգզվում քամուց: Մի կարմիր թիթեղե կտուր էր, որ հրդեհից իջել էր, նստել գետնին: Ահա նրա տակից, ինչպես գետնի տակից, ծուխը դուրս էր գալիս: Ինչ - որ խորհրդավոր բան կար այնտեղ: Ինչ ծուխ էր դա... Ռուբենը քայլերը ծռեց դեպի այն կողմ:

- Հա՛, ի՞նչ կա, - հետաքրքրվեց Ալեքը:

- Գնամ տեսնեմ ի՞նչ ծուխ է:

- Զգո՛ւյշ... - խուլ խոսեց Հակոբը:

Ռուբենը չպատասխանեց և գնաց: Ալեքը չուզեց նրան մենակ թողնել, հետևեց նրան:

Հակոբը կանգնեց:

Ռուբենը մոտեցավ ավերակին:

Թիթեղե կտուրից մի փոքրիկ թիթեղե խողովակ էր ցցված, որտեղից ծուխն էր դուրս գալիս: Կտուրի մի եզրին գետնափոր սանդուղք էր փորած, որ տանում էր ներքև, փոսը: Ռուբենը կոացավ նայեց: Կիսամութի մեջ մի կին էր կծկվել փոսի մեջ՝ երեխան գրկին: Կինը վեր նայեց, բայց չչարժվեց տեղից: Ռուբենը ժպտաց.

- Էս ի՞նչ բան է, էս ո՞ր ես մտել, - հարցրեց նա կնոջը:

Կինը միայն տխուր վեր նայեց:

- Ի՞նչ բան է, - հարցրեց Հակոբը և մոտեցավ, հետաքրքրված նայեց փոսին:

- Չլինի՞ վիրավոր կա:

- Չէ, ի՞նչ վիրավոր, - ասաց Ալեքը, - մտել է ծակուռը, տաքանում է:

Հակոբը նշանակալից նայեց կնոջը, գրկի երեխային, թիթեղե առաստաղին, փոսին, վառարանին՝ կարծես շատ կարևոր էին այդ բազմազնին դիտողությունները: Հետո գլուխն օրորեց:

- Վաղո՞ւց է եկել ես, - հարցրեց կնոջը:

- Չէ, - պատասխանեց կինը, - հենց որ մերոնք մտան գյուղ՝ թաքստոցից եկա տուն:

- Տո՞ւն... ախր սա ի՞նչ տուն է, - ծիծաղեց Ռուբենը:

- Դե ո՞ր գնար, - բացատրեց Ալեքը:

- Ասենք՝ դրուստ է, - մտածեց Ռուբենը բարձրաձայն: Հակոբը համակված նայեց կնոջը, և ինչ - որ բան անցավ նրա հոգով՝ ծանոթ այնպես, սիրելի... Եվ նա գլուխն օրորեց:

- Լավ է այդտեղ, քույրի՛կ, - հարցրեց նա կնոջը:

- Իհարկե լավ է, իմ տունն է, - պատասխանեց կինը՝ օրորելով գրկի քնած երեխային:

- Ինչո՞ւ չսպասեցիր, մինչև կարգի ընկներ ամեն բան, - հարցրեց Ռուբենը:

Կինը ժպտաց.

- Չէի կարող համբերել... Ինչքան չլինի՝ տունս է, էլի տաք է այստեղ: Հանգիստ է սիրտս:

Կինն արտասովեց և թևով սրբեց արտասուքը:

- Բա ախր ինչ է մնացել էստեղ, - խոսեց ինքն իրեն Ռուբենը, - պատերը մոխիր են դառել, առաստաղը գետնին է կպել:

Կինը վիրավորվեց և ցասումնալի շեշտով գոչեց.

- Ինչ է մնացել, շատ բան է մնացել... ինչպե՞ս չեք հասկանում:

Հակոբն աչքով արեց Ռուբենին.

- Թող...

- Ինչպե՞ս ոչինչ չի մնացել: Այստեղ իմ ամուսինն է ապրել, իմ երեխաներն են ապրել: Այստեղից են նրանց տարել սպանելու: Այստեղից են մոխիկ տվել մեր գյուղին, իմ համագյուղացիներին, ապրել մեր կոլխոզի հետ... Այստեղ շատ բան է մնացել:

Կինը թևով սրբեց աչքերից կրկին հոսող արցունքները.

- Այստեղ իմ տունն է, ասել է իմ հայրենիքը, այստեղ իմ ուրախությունն է մնացել, իմ ազատությունը: Առաստամղը - ոչինչ, կրարձրացնեն, պատերը կշինեն: Տունը տեղն է: Տունը կա՛, - դա իմ սիրտն է: Ինչպե՞ս ոչինչ չի մնացել:

Հակոբը հառաչեց, հանեց պարկից հացի բոքոնը և վայր գլորեց դեպի կինը.

- Միրտդ պինդ պահի, քույրիկ, ամեն բան լավ կլինի:

Ու հեռացավ: Ռուբենն ու Ալեքը հետևեցին նրան:

Հակոբը համակված կնոջ խոսքերով՝ մտածեց... Կրկին այն հաճելի բանն անցավ նրա հոգով, այնպես ծանոթ, այնպես սիրելի: Դա իր տունն էր իր Հայաստանում, որտեղից այս րոպեիս նույնպես մի բարակ ծուխ էր ոլորվում դեպի

լազուր երկինքը: Եթե նայես այդ ծխի քուլաներին՝ նրանց արանքից կտեսնես գլուխները երկինք հասցրած երկու հսկա Մասիսները: Եվ մի կին՝ Հակոբի կինը՝ երեխան գրկին նույնպես նստած է այնտեղ վառարանի կողքին: Բայց չգիտես ինչու դառն եկավ նրա սրտին այդ պատկերը: Ամենքը, ամենքը սպասում են նրա վերադարձին, այն բանին, որ՝ կյանքը քաղցրանա: Որքան՝ հեռու, հեռու են նրանք: Բայց և որքան մոտ են նրանք, նման են իրար: Այնտեղ շեն է ամեն ինչ, բայց նրանց գլխին էլ նույն միտքն է սավառնում... Պետք է լիովին դիտել այն բոլորին: Այն բոլորը քոնը չէ՝ եթե չես հաղթի թշնամուն...

Տո՛ն - դա ասել է հայրենիք...

ՔԱՋ ՆԱԶԱՐ

Հեքիաթ-կոմեդիա հինգ արարով
փոքր մեծերի և մեծ փոքրերի համար

ՆԱԽԱԲԱՆ

ՎԱՐԱԳՈՒՅՐ ԲԱՅ ԱՆՈՂ – (Ժպտադեմ, գերուկ ու բարի մարդ՝
արևելյան պայմանաձևով: Դուրս է գալիս նախաբեմ ու դի-
մում հասարակությանը):

Միրել հասարակին, մեծին ու պատիկին, ուրախ ժամու՝ ող-
ջոյն շար:

Պատիվ ունինք հայրնելու հարգելի հանդիսականներիդ,
որ Քաջ Նազարը եկել է և այժմ թափրոնումն է: Հենց նոր րեդս
ժամանեց իր խմբով Նազարստան աշխարհի Նազարաշեն
քաղաքից և հերոսական քրտինքների մեջ շապիկ է փոխում:
Ու եթե իր քաջության կատաղի թափից բեմի փախտակամածը
չխորտակվի, քաջակորովն Նազար բեմի վրայից պիտի ընդու-
նե ամենքիդ արքայաբար:

Հաստատում ենք նրա առանձին սերն ու խնամքը, որ փա-
ծում է դեպի ձեզ: Եվ մինչև Գերագոյնը ինքը անձամբ դուրս
գա բեմ ամենքիդ փեսությունը երջանկացնելու՝ իր իսկ բերնով

ձեզ ողջոյն հրամայեց նախապէս:

Շար բարև է անում ձեզ ինքը՝ Քաջ Նազարը, նրա կինը՝ Ուսրիան խանումը, և ցնդած փիրացուն: Եվս շար բարև են անում Զորբասրանցի հերոսները՝ սարսափելի Սաքոն, աշխոյժ թամադան, մագաղաթե վարժապետը, ալախոսիկ փերփերը և մյուսները:

Եվս շար բարև ունեն յոթն հսկաները՝ Զորբասրանի իմաստուն Ղոռոբրոդան, խելքի ծով Դանգիզը, Խոզենին, Արջաթոթոշը, Ղառադոռան, Ղորոնթին, Ղուզդունը և սրանց քոյր Փերիշանը:

Եվս նաև բարև ունեն ճարտարախոս սենեկապետը, նագիր – վեզիրը, պալատականները, զորքը, ժողովուրդը, վագրը և ամենքը:

Եվ վերջապէս շար բարև ունի այս դյուցազներգոյթյան հեղինակը, որ այս թուպիս թարգմանում չէ: Իր քննադատների խորհրդով գնացել է աքլորի մոտ երգեցողոյթյան դաս առնելու: Դասը վերջանալուն պէս՝ նա էլ թարգման արարի գա: Այժմ շար է համեստացել նա: Եվ եթե այս երեկո ծեծի չհանդիպի, այլ իր հերոսի պէս ինքն էլ անսպասելի բախտով ձեր ծափերի ձայնը լսե, համեստորեն բեմ արարի դուրս գա վերջին արարի մեջ՝ իր շնորհակալութունը հայտնելու ձեզ:

(Խոնարհ ողջոյն է փալիս հանդիսականներին և սպա իր երկար գավազանով բաց անելով վարագոյրը՝ հեռանում):

ԱՐԱՐ ԱՌԱՋԻՆ

ՔԱՋ ՆԱԶԱՐԻ ՏԱՆԸ

Տեսարանը ներկայացնում է Նազարի տան բակը: Չախսկողմը չարդախավոր խրճիթ է, մի պարուհանով և դռնով: Դիմացը բակի պարիսպն է, որ դեպի աջ ձգվելով առաջ է ծովում, և հենց այդ անկյունում բակի դռնն է: Այնտեղն պատը դեպի առաջ է գալիս և վերջանում այնպես, որ աջակողմը մի փոքրիկ հրապարակ է գոյանում:

Խրճիթի ձախ անկյունից մուտք է բացվում դեպի նրա հեղուկը: Դիմացի պարսպի հեղուկ և աջակողմը անսրտ է:

Պարսպի դիմաց պատին լվացքի գոյնզգոյն շորեր են փռված:

Չախսկողմը տան դռան և չարդախի անկյունում մի կամ է դրած, որի հեղուկը ծակոտ է գոյանում:

Օրը թեքվում է դեպի երեկո: Արևը ցոլում է բակի մեջ, որ մի չինարի սրվեր է անում: Ծների հեռու հաչոց է լսվում:

ՆԱԶԱՐ – (Ծոյլ շարժումներով, զգգգված մազերով, խոշոր հասակավոր մարդ, երկար բեղեր ունի, կզակը խուզված է: Մորթին գցել է դռանը և վրան թեք ընկած, կիսաքուն երագում է: Սթափվելով և առանց ներս նայելու)... Ուստիան:

ՈՒՍՏԻԱՆ – (Չարադեմ, կոպիտ և հասարակ կին, կերակուր է խառնում թոնրի մեջ) Հրամայի, աղա:

ՆԱԶԱՐ – Ուստիան, ինչ եմ ասում, օրը թեքվեց հը:

ՈՒՍՏԻԱՆ – Քո՞ն ես, մտիկ արա:

ՆԱԶԱՐ – Ես էլ էդ եմ ասում:

ՈՒՍՏԻԱՆ – Թե որ էդ ես ասում՝ էլ ինչ ես խոսում:

ՆԱԶԱՐ – Ասում եմ գնամ գեղամեջ, թալանը բերեմ:

ՈՒՍՏԻԱՆ – (Հեղափոխություն) Թալան, համ, ուր է, բեր:

ՆԱԶԱՐ – (Ծոծորակը քորելով) Ասում եմ վեր կենամ մի գնամ:
(Վեր է կենում և մորթին քարշ գալով բերում գցում է թոն-
րի կողքին և վեր ընկնում վրան) Գնամ, ասում եմ, էն իբր,
գեղամեջ...

ՈՒՍՏԻԱՆ – Բը ք... էլ ուր վեր ընկար:

ՆԱԶԱՐ – Հա, էդ եմ ասում ես էլ...

ՈՒՍՏԻԱՆ – Բա գնում էիր գեղամեջ թալան բերես:

ՆԱԶԱՐ – Ես էլ էդ եմ ասում: Տեսնեմ տղերքը գեղամիջումն
են: Մի դարկեմ սարը, քարվան-բան անցկենալիս կլինի...

ՈՒՍՏԻԱՆ – Չեմ իմանում ինչ ես ասում: Բա ասում էիր թա-
լանը եկել է:

ՆԱԶԱՐ – Ինչ թալան:

ՈՒՍՏԻԱՆ – Կրեմ գլուխդ, բա ուր էիր ասում:

ՆԱԶԱՐ – Էդ չէ. ասում են Քյոռոզլու իգիթներն են եկել գեղը:
Գնամ մի տեսնեմ էդ ո՞նց են սիրտ արել:

ՈՒՍՏԻԱՆ – Ինչ... էլի գնում ես գեղամիջում շնթես: Ինչ գործ
ունիս գեղամիջում:

ՆԱԶԱՐ – Իգիթ եմ, պիտի գեղամիջում երևամ:

ՈՒՍՏԻԱՆ – Դու մկան ծակը հազար թումանի ես առնում,
ասում ես՝ իգիթ եմ:

ՆԱԶԱՐ – Կարգին խոսի:

ՈՒՍՏԻԱՆ – (Մեծաբերան ու սպառնազին) Բա ո՞նց չէ, «կար-
գին խոսի»: Գեղի իշխանն ես: Գլուխդ թաղեմ: Էդ ո՞նց է, որ
կարգին չեմ խոսում:

ՆԱԶԱՐ – Չեմ հասկանում՝ դու ինձ ինչի տեղ ես դրել, որ
ասում ես «իշխան եմ»: Ապա ի՞նչ եմ: Էդպես մի խոսի, թե
չէ՝ վեր կացա, համ...

ՈՒՍՏԻԱՆ – Բոյդ թաղեմ, դու ո՞վ ես, որ վրադ չխոսեմ: Մի
թալան ես բերում տո՞ն, թե՞ մի հունար ունես: Էդ էլ ինձ

պահելու տեղն է:

ՆԱԶԱՐ – Ինչ ես դուրս տալիս, էն պիտի քեզ պահեն, թե՛ դու ինձ:

ՈՒՍՏԻԱՆ – Ո՞նց թե: Ինչո՞ւ չես աշխատում:

ՆԱԶԱՐ – (*Սպառնանքով*) Էդ ի՞նչ իմացա, էդ ի՞նչ համարձակությունն էր...

ՈՒՍՏԻԱՆ – (*Ակամա զարմացած*) Ի՞նչ եղավ:

ՆԱԶԱՐ – Էդ ո՞նց բերնից թոցրիք: Նազարն աշխատի: Գիտե՞ն աշխարհք իմանա, ինչ կանի քեզ:

ՈՒՍՏԻԱՆ – Բո՛ւ ո՛ւ... թագավոր ես գլխիս, որ չաշխատես:

ՆԱԶԱՐ – Իմացիր, որ ես չպիտի աշխատեմ, դու պիտի աշխատես;

ՈՒՍՏԻԱՆ – Ինչո՞ւ, հողեմ գլուխդ, դու ի՞նչ ես:

ՆԱԶԱՐ – Էնդուր, որ ես ազնիվ եմ:

ՈՒՍՏԻԱՆ – Ո՞նց թե ազնիվ ես: Էդ էլ նո՞ր հնարեցիր:

ՆԱԶԱՐ – Ի՞նչ պիտի հնարեմ: Գրքերի մեջ գրած է: Պապիս ապուպապը թագավոր էր: Մենք ցեղով ազնիվ ենք:

ՈՒՍՏԻԱՆ – Ցխեմ պապիդ գլուխը: Ցեղով ազնիվը դու դառար, հա՛: Չես աշխատում հերիք չի՛ հիմի էլ իմ ազնվությունն ուզում ես ձեռիցս խլես: Ազնիվը դո՞ւ ես, թե՛ ես:

ՆԱԶԱՐ – Պո, դու է՛լ ազնիվ դուրս եկար: Դու ի՞նչ ազնիվ ես:

ՈՒՍՏԻԱՆ – Ազնիվը ես եմ: Դու որ չես իմանում, աշխարհք չի՛ իմանում:

ՆԱԶԱՐ – Էդ ո՞նց եղար ազնիվ, խելքի տոպրակ:

ՈՒՍՏԻԱՆ – Ո՞նց թե: Ազնիվ որ չէի, էլ իմ հերը ո՞ր կասեր:

ՆԱԶԱՐ – Ոտներդ քեզ քաշի: «Ազնիվ»: Չհամարձակվե՞ն Նազարի մոտ էդ խոսքերն ասես, մին էլ աշխատանքի անուն տաս: Սովոր ես վրաս բերան պատռես: Անունս աշխարհք է դմբդմբացնում: Մի տես՝ իմ ահից Քյոռոզլին մոտենում է գեղին: Էդ ո՞ւմ շնորհքն է: Ա՛յ իմ գործը: Դու իզի-

թի պատիվն ինչ ես իմանում: Ի՞նչ... խոսեցրիր ու գործից
զցցեցիր: Ո՞վ է իմանում գեղամիջում ինչ կռիվ է: Մի գնամ
էդ Դադստանի ավազակների աչքին երևամ, գեղին վնաս
չտան: *(Վերցնում է մորթին ու քարշ փայխս դռան հետև՝
վեր է ընկնում վրան):*

ՈՒՍՏԻԱՆ – Հավերին քըշ արա, բակը չմտնեն, թե չէ՝ *(ցոյց
փայլով պուճախը)* տեսել եմ պապական դագանակը:
Կարկաժդ կձղեմ:

ՆԱԶԱՐ – *(Ներս մտիկ փայլով)* Կաց մի էս կռիվը վերջանա՛
տես թե ինչ հարսանիք եմ սարքում գլխիդ:

ՀԱՐԵՎԱՆՈՒՇԻ – *(Ներս մտնելով փան հետևի մուտքից)* Ուս-
տիա՛ն:

ՈՒՍՏԻԱՆ – Ո՞վ է: Գյուլզա՛ր: Արի:

ՀԱՐԵՎԱՆՈՒՇԻ – Ի՞նչ ես շինում, ա կնիկ: Էս ո՞նց է, որ մարդդ
տունը չի:

ՈՒՍՏԻԱՆ – Ո՞նց տանը չի: Հրեն շնթեղ է դռան հետև:

ՀԱՐԵՎԱՆՈՒՇԻ – *(Մի փոքր ցած)* Էլի բանի չի՞:

ՈՒՍՏԻԱՆ – Ո՞նց կլինի, որ բանի լինի: Էսքան կնկա մարդ՝
գնաց աշխարհք թալանեց բերեց տուն, սա ընկած է գլխիս
պարապ հացակեր: Ձեռիցը ոչ թալան է գալիս, ոչ աշխա-
տանք:

ՀԱՐԵՎԱՆՈՒՇԻ – Գեղացիք նախրապան են ուզում: Չի մտնի՞:

ՈՒՍՏԻԱՆ – Նազարը նախրապան: Դու մելիք, իշխան ասա,
սարդար, խան ասա, թե չէ՝ նախրապանություն լայե՞ղ կա-
նի:

ՀԱՐԵՎԱՆՈՒՇԻ – Բա ո՞նց է անելու:

ՈՒՍՏԻԱՆ – Ի՞նչ իմանամ. էն է ընկած է միթելի պես ու առա-
վոտ – իրիկուն սուլթանից ու մելիքից է խոսում:

ՀԱՐԵՎԱՆՈՒՇԻ – Ո՞վ է իմանում, այ կնիկ, կարելի է մելիք է
դառնում: Ի՞նչ կա որ: Կասի, կասի, մի օր էլ կդառնա:

ՈՒՍՏԻԱՆ – Է, փսլնքոտը: Քիթը չի կարում սրբի, ասում ես
մելիք:

ՀԱՐԵՎԱՆՈՒՇԻ – Ես ասում եմ՝ կդառնա:

ՈՒՍՏԻԱՆ – (*Սիրածելով*) Կդառնամ... ինչ գիտես:

ՀԱՐԵՎԱՆՈՒՇԻ – Լավ, չե՞ս ուզում դառնա:

ՈՒՍՏԻԱՆ – Ինչի՞ չեմ ուզում: Պակամ մելիքի կնիկ եմ: Համա
ես փալասի կտորը պիտի իմ գլխին մելիք դառնա: Խարվեց
իմ հերը, ինձ տվեց սրան: Թե չէ ես իմ հոր տանը մելիքի
աղջիկ էի, հիմի ինչ է իմ հալը: Մի կտոր հաց չունենք:

ՀԱՐԵՎԱՆՈՒՇԻ – Դու էլ որ տեսնում ես մարդդ անպետք է՝
ինքդ աշխատի:

ՈՒՍՏԻԱՆ – Ախր ո՞նց աշխատեմ, մատաղ: Էսօր հերս գեղի
իշխան է: Ինձ լայեղ է, որ աշխատեմ:

ՀԱՐԵՎԱՆՈՒՇԻ – Բա ո՞նց է լինելու ձեր բանը:

ՈՒՍՏԻԱՆ – Ո՞նց է լինելու: Գլուխը կջարդեմ, աշխատել
կտամ՝ կուտեմ: Տեսնեմ ո՞վ է մելիքը: Բա ի՞նչ: Կթողնեմ, որ
մելիքի աղջկան էսպես պահի, ու հըլա իշխանի տեղ իրան
դնի: Ազնիվը ես եմ:

ՀԱՐԵՎԱՆՈՒՇԻ – Ինչ եմ ասում, Ուստիան, երեխես վախեցել
է, մի գաս վախը չափես, հենց ապրես:

ՈՒՍՏԻԱՆ – Գնանք: Ես էլ հենց գեղամեջ էի գնում: (*Դուրս են
ելնում քան հեղևի մուտքից: Միջոց*):

ՆԱԶԱՐ – (*Թմրել, ննջում է գլուխը դռանը հենած*):

ԶԱՐԱՃՃԻ ԵՐԵՒԱՆԵՐ – (*Կամացուկ մուրենում են և փայտով
նրա քթի հեղ խաղալով զարթեցնում են նրան*):

ՆԱԶԱՐ – (*Վեր թռչելով*) Հը՛, ո՞վ է: (*Ներս փախչելով*):

ԵՐԵՒԱՆԵՐ – (*Փախչում են: Հեռվից*) Փսլնքոտ Նազար:

ՆԱԶԱՐ – Ձեննե՞րդ կտրեցե՞ք, լակոտնե՞ր, ձեր հերերն եք տե-
սել, չեք տեսել Քաջ Նազարը: Էս է, գալիս եմ:

ԵՐԵՒԱՆԵՐ – Վախկոտ Նազար:

ՆԱԶԱՐ – Սպասեցեք, ձեր հերը կանհոծեմ:

ԵՐԵՆԱՆԵՐ – *(Հեռանում են):*

ՆԱԶԱՐ – *(Միջոց: Պառկում է: Ճանձերն սկսում են անհանգիստ անել: Քշում է նրանց) Քշան... (Ծույլ հորանջելով) Չեն թողնում քնի մարդ: Իի ՚ի ՚... շան կնիկ, արի մի սրանց քշի, էդ էլ ես անեմ: (Ներս է նայում) Վա՛, գնացել է: Ուստիան: (Ուզում է մորթին վերցնի, ներս գա՛ ծուլանում է և վեր ընկնում): Իի ՚ի ՚... բեզարած եմ, թե վեր կենամ: (Միջոց) Հիմի մուլթն էլ կընկնի... ո՞վ է իմանում... գողի, ավազակի տարի է: (Ճանձերին) Դե, քշա, է... իմ ցավն ինձ հերիք չի, դուք էիք պակաս: (Մորթին դեպի ներս է քաշում մարմնով և ինքն էլ սողում է ներս) Իհի՛... Սատանան ասում է, վեր կաց ու միանգամից ջարդի պրծի: (Բարկանալով) Տո, դուք ո՛ւմ հետ գործ ունեք *(Խփելով իրա երեսին)*, այ ձեզ, այ ձեզ, այ ձեզ: Հը, սատկեցի՞ք: Դե, գնացեք: Քաջ Նազարն եմ, ասող ու անող եմ: *(Նայելով ցած թափված ճանձերին)* Հը, քանիսն են: Մեկ, երկու, երեք, չորս, հինգ: *(Ծուլանալով)* Դե, էն է հազար ասա, պրծի: *(Գոռում է)* Քաջ Նազարն եմ, մին գարկեմ, կջարդեմ հազար:*

ՄԻ ՅՆԴԱԾ ՏԻՐԱՅՈՒ – *(Նիհար, գիսախոշիվ, մազադաթե գիրքը կռան փակին ներս է ընկնում):*

ՆԱԶԱՐ – Ո՞վ է: *(Վեր է թռչում)* Հա՛, տիրացուն...

ՏԻՐԱՅՈՒ – *(Զույգ ոտքով փեղում փրփինգ փայլով) Թալեմ բռնեմ, բռնեմ թալեմ: (Նկատելով Նազարին):*

Բարեողջոյն, եղբայր Նազար,

Այդ ի՛նչ այդպես ջարդես հազար:

ՆԱԶԱՐ – Իի ՚ի... աշխարհքը. ավարում եմ, թե վեր կենամ ջարդեմ:

ՏԻՐԱՅՈՒ – Ժամանակի՛ նշան է:

ՆԱԶԱՐ – Բայց մտքումս դրել եմ, պիտի աշխարհքը ջնջեմ,
ճանձերից եմ սկսել:

ՏԻՐԱՑՈՒ – Ժամանակի նշան է:

ՆԱԶԱՐ – Ահա, տես, մեկ զարկեցի ջարդեցի հազար:

ՏԻՐԱՑՈՒ – Ժամանակի նշան է: *(Գիտելով ճանձերին)* Ո՛վ
Նազարե, այս ճանձերը՝ ճանձեր չեն, այլ դյուցազններ:
(Ոգևորված և հերզհերե արագ ու մեքենայական) Դյու-
ցազն մի ահավոր տեսա երազիս, աջին՝ սուր, ձախին՝
դրոշ: Հայտնվեցավ իբրև հուր երկնային և ջարդեց հա-
զար դյուցազն: Ողորմությամբ Աստուծո, դու ես այդ դյու-
ցազնը: Ո՛վ կատարումն երազիս: Դու կտիրես աշխարհին,
Նազարիս, և թագավորք կդողան քեզնից: *(Բաց է անում
գիրքը և բակի մեջ շրջան գործելով՝ սկսում է նայել գրքին
ու փնթփնթալ)* Ահա՛ եկի, գտա, տեսի և ստուգեցի Տիրոջն
օգնականությամբ: Օրն է մեծ, երազն ի բարին:

Որ և՛ ստուգեմ, և՛ գուշակեմ, և՛ մեկնեմ: Ահավասիկ *(Համբուս
է ճանձերը)*, մեկ, երկու, երեք, չորս, հինգ, այսինքն՝ հա-
զար: *(Գրքին նայելով)* Նշանն է ճշգրիտ: *(Մտրենալով պա-
րին փռած մի ձերմակ փայլասի)* Ահավասիկ և գրեմ, դրոշ-
մեմ ի լուր աշխարհի: *(Մատր կոխելով իր թանաքամանի
մեջ՝ գրում է փայլասի վրա: Կարդում է):*

Անհաղթ Նազար, քաջ Նազար,

Մին կզարկի, ջարդի հազար:

(Փայլաւը ցոյց տալով օդի մեջ) Նշան աստվածային, բան
խորախորհուրդ, դրոշ երկնապարզև, գիր զարհուրելի:
Որով և հույս Աստված՝ կտիրես աշխարհին: *(Փայլաւը կա-
սում է Նազարի նիզակին և մեկնում Նազարին)* Ա՛ռ, *(Շեշտ
նայում է Նազարի աչքերին)* ան, *(Ավելի մտրենում է)* ան...

ՆԱԶԱՐ – Ինչ անեմ... *(Եր-եւր է քաշվում):*

ՏԻՐԱՅՈՒ – Առ այս դրոշն ասարվածազայր,
Զարկ թշնամյաց բյուր ու հազար:

ՆԱԶԱՐ – Հա՛... դե հիմի ալարս գալիս է: Դիր էն պուճախը,
վաղը վեր կենամ ջարդեմ աշխարհքը:

ՏԻՐԱՅՈՒ – (Դրոշակը դնում է անկյունը) Ահա դնեմ հանկ-
յանն խորանին, և կատարի բանն մարգարեին, թե՛ (Եր-
գեղով) «Ծառա իմաստուն տիրեսցե տերանց անմտան անց»:
(Հանում է ծոցից մի համայիլ) Ահավասիկ համայիլ մի:
(Վերցնում է գեղնից մի – երկու փոշի) Ահավասիկ փոշին
հսկաների (Փայթաթում է փոշին համայիլի մեջ և մեկնում
Նազարին) Ա՛ռ:

ՆԱԶԱՐ – Ինչ է, ի՞նչ անեմ:

ՏԻՐԱՅՈՒ – Դիր համայիլն այդ ի ծոցիդ և հաղթիր թշնամյաց:
(Նազարն առնում է: Տիրացուն հանկարծ կանգ է առնում և
տեղն ու տեղը րարինգ րայով՝ խնդմնդում է) «Բռնեմ թա-
լեմ, թալեմ բռնեմ» (Դուրս է ընկնում):

ՆԱԶԱՐ – Տիրացո՛ւ, տիրացո՛ւ, մո՛տս կաց, մարդու վնաս չտամ:
(Ուզում է վեր կենալ և նրա հետևից գնալ, բայց ծուլանում
է) Ի՛ի ՚ի... (Ականջ է դնում: Վախ զգալով իրան սիրտ է րա-
լիս) Մթնում է հա՛, մթնում է, քեզ տեսնեմ: Քաջ Նազար:
(Հանկարծ վահեցած վազում է խրճիթ) Էս շան կնիկն ի՞նչ
եղավ: Ո՛ւստիան: (Ավելի հեռվից) Ո՛ւստիան... (Կրկին
ներս է վազում և դուռը խփելով կողպում է: Իսկոյն դուռը
ծեծում են) Ո՞վ է: (Ականջ է դնում) Հաջի – Մուրա՛դ: (Լռությ-
յուն) Գոմե՛ջ – Պատռա՛ն, դո՛ւ ես:

ՈՒՍՏԻԱՆ – Հը՛, սատանաները կերամ:

ՆԱԶԱՐ – (Խրճիթից դուրս գալով): Բերանդ շաղ մի՛ տա: Դու
չես իմանում ինչ ժամանակ է: Ինչի՞ ուշացար: Ո՞ւր էիր:

ՈՒՍՏԻԱՆ – Քե՛զ էի հարցնում:

ՆԱԶԱՐ – Էդ իսկի իգիթի կնկա պատասխան չէր:

ՌԻՍՏԻԱՆ – Էնդու էլ սրտաճաք ներս ընկար, կասես հետևդ
ավազակ էր ընկել:

ՆԱԶԱՐ – Ի՛նչ պակաս մարդ եմ, որ հետևս ավազակ չընկնի:
Փախչելն էլ մի հունար է, բաս ի՛նչ իգիթ եմ, կփախչեմ էլ,
կփախցնեմ էլ, կզարկեմ էլ, կզարկվեմ էլ: Իգիթի բանն
էդպես է: Լավ, լավ, հորդ օղորմի: Հաց գցի ուտեմ:

ՌԻՍՏԻԱՆ – Գրողս կեր: Շահգաղա՛մ ես, հրամայում ես:

ՆԱԶԱՐ – Ես գիտեմ իմ բանը: *(Նստում է թոնրի ափին: Ուս-
տիանը ձրագ է վառում, բերում է խոնչան չինարու փակ,
հաց է փռում և կերակուր դնում)* Մթնեց... հը՛մ, աչք աչքի չի
գալիս... Ես ասեմ՝ գիշերը գեղին վրա կտան, մեր տունն էլ
գեղի ծերին: Կնիկ, թուրս պատրաստ պահի:

ՄԻ ԶԱՅՆ – *(Դրսից)* Էհե՛յ...

ՆԱԶԱՐ – *(Մտնելով խրճիթը և գլուխը դռնից դուրս հանելով)*
Մի տես՝ ո՛վ էր... Դրսի դուռը կողպիր:

ՌԻՍՏԻԱՆ – *(Հանգիստ ուրում է):*

ԶԱՅՆԸ – *(Մոտենալով)* Հրես գալի՛ս եմ, հրես գալի՛ս եմ, հրես
գալի՛ս եմ...

ՆԱԶԱՐ – Ի՛, է՛, է՛... Դուռը չբանաս, արանքից մտիկ արա:
(Զայնը հեռանում է) Թե մին էլ կգա՝ ես նրան ցույց կտամ:
Երևի չէր իմանում, թե ում դռանն էր գոռում: *(Ականջ է
դնում)* Ը՛հ, փախավ... Էս է՛ գեղամիջում հասկացրին
իրեն, որ Նազարն էստեղ է: *(Դուրս գալով խրճիթից)* Ձենը
Դաղստանի էր: Ո՞վ է իմանում լեզգի Հաջի – Մուրադն էր:
Ախր ասում եմ ձենը ծանոթ է: Հայ գիղի, հա՛... ի՛նչ օրեր
ենք անցկացրել միասին: Մի իգիթի կնկա շնորհք չունե-
ցար, թե տուն կանչեիր: Լավ, էգուց ինքս կերթամ սար,
տուն կբերեմ: *(Նստում է և սկսում ուրել):*

ՈՒՍՏԻԱՆ – Էրնանկ ինձ: Մարդս իգիթ, ես ոսկե պալատում լվլվում եմ:

ՆԱԶԱՐ – Տղամարդու պատիվ պահի, ամեն ինչ կլինի:

ՈՒՍՏԻԱՆ – Քեզ նման տղամարդը չունենամ էլ՝ կլինի:

ՆԱԶԱՐ – Ինձ պես տղամարդը չունենա: Էդ ի՞նչ տղամարդ ես գտել, որ ինձ հավան չես:

Աչքդ դուրսն է, համ: Լիսդ կթոցնեն: Ինձ Քաջ Նազար կասեն: Համբերությունից մի հանի, թե չէ դագանակը պուճախից քաշող ենք, համ...

ՈՒՍՏԻԱՆ – (Վեր է թռչում) Բո՛... Դո՛ ես դագանակը քաշողը: (Վեր է թռչում և դագանակն անկյունից վերցնելով հարձակվում է Նազարի վրա) Դե քաշի տեսնեմ դագանակը:

ՆԱԶԱՐ – Վահ, վահ, վահ... (Ցարկում է րեղից և պրփրվում չինարու չորս կողմը, աշխարելով ազարվել դագանակի հարվածից) Մի վախի, բան չեմ անի: Դեսը տուր դագանակը:

ՈՒՍՏԻԱՆ – Կանգնի տեղդ, կանգնի:

ՆԱԶԱՐ – Տո կնիկմարդը տղամարդ ծեծի՞... Էդ եղավ մարդկություն... (Փախչում է մրնում կամի տակը: Գլուխը դուրս հանելով) Կաց, ո՛ր ես փախչում, գալիս եմ: Հրես եկա, անզգամ կնիկ... Դեսը տուր դագանակը:

ՈՒՍՏԻԱՆ – Դուրս արի գլուխդ ջարդեմ, սիրտս հովանա: Դուրս արի:

ՆԱԶԱՐ – Դուրս չեմ գա: Խոսքս՝ խոսք է:

ՈՒՍՏԻԱՆ – Ո՞նց թե դուրս չես գա:

ՆԱԶԱՐ – Ես տղամարդ եմ խոսքիս տերն եմ: Դուրս չեմ գա:

ՈՒՍՏԻԱՆ – Համ, դե որ տղամարդ ես՝ կաց էդ ծակուռում:

Հողեմ պարծենկոտ գլուխդ: (Եր է քաշվում:)

ՆԱԶԱՐ – (Գլուխը դուրս հանելով): Դագանակը տեղը դիր, թե չէ դուրս կգամ:

ՈՒՍՏԻԱՆ – Դուրս արի : *(Հարձակվելով Նազարի վրա):*

ՆԱԶԱՐ – *(Գլուխը ներս է փանում):*

ՈՒՍՏԻԱՆ – *(Նստում է տեղը):*

ՆԱԶԱՐ – Կնիկ, դագանակը տեղը դիր: Բնությունս վատ է: Վախում եմ արյունս գլուխս տա, վեր կենամ ջարդեմ քեզ: Դրա համար եմ ծակուռը մտել: Ուզում ես, որ գեղամիջում ասեն, թե կնկա վրա ձեռ եմ բարձրացրել: *(Միջոց)* Դագանակը տեղը չեմ դնում: Լավ: Դե սրանից դենը հերն անիծեմ էն մարդու, որ իր խոսքը գետնով տա: Կաց էդտեղ ու սատկի: Դուրս չեմ գա: *(Գլուխը կոխում է ծակուռը: Միջոց: Ուստիանը դագանակը վար է դնում: Նազարը գլուխը հանելով)* Դագանակը տեղը դիր, չարանում եմ:

ՈՒՍՏԻԱՆ – Դագանակը տեղն է:

ՆԱԶԱՐ – Դենը տուր:

ՈՒՍՏԻԱՆ – Արի ան:

ՆԱԶԱՐ – *(Տեսնելով վայր դրած դագանակը և քաջալերվելով)* Հերսից տրաքվելն եմ: Նալլաթ չար սատանին: Վախենում եմ մի վնաս տամ: Անզգամ կնիկ *(Դուրս է վազում ծակուռից, բայց հանգիստ մոտենում է հացի սուսիրին)* Լավ, ես կովի գլուխ չունեմ: *(Նստելով)* Մենք ցեղով տղամարդ ենք, կնկա վրա ձեռք չենք բարձրացնի: *(Գդալը վերցնում է և շարունակում է ուրել)* Մի բան լինես՝ վնաս չունի, թե չէ ես կթողնեմ, որ վրաս դագանակ վերցնես; Ո՛ւր է, ահից մի սար էլ չես գալիս, որ տեսնես ոնց եմ ավազակների գլուխը ֆոռացնում: Թե չէ՝ տան չորս պատերն ես տեսել, սարսաղ: Տանը դագանակ վերցնելը տղամարդկությունն է:

ՈՒՍՏԻԱՆ – Էդ մի գազ լեզուդ էլ որ չլինի՝ օրդ ինչ օր է:

ՆԱԶԱՐ – *(Ծոծրակը քորելով և հորանջելով)* Ասում եմ՝ կովի գլուխ չունեմ: Հացը հավաքի ու տեղաշորս գցի: Շուտ քնեմ, շուտ վեր կենամ: Էգուց Չախմախլի սարում Քյո-

նողլու կռիվն է: Պիտի գնամ:

ՌԻՍՏԻԱՆ – Լեզուդ որ բլբլում է, էդ լեզվիդ համար, ինչ կա որ... աշխարհք, մարդիկ...

ՆԱԶԱՐ – Աշխարհք, մարդիկ... փի, բանի անուն տուր: Իսկի ոտիս եղունգն արժե՞ն: Աշխարհքը որ կա՝ իմ գերին է, էն-պես, բաց եմ թողել, որ գնան իրենց համար ապրեն: Որ ուզենամ՝ ոտիս տակ կգցեն:

ՌԻՍՏԻԱՆ – Դո՞ւ աշխարհքը ոտիդ տակ գցես:

ՆԱԶԱՐ – Ե՛ս: Դու ինձ մեր գյուղի քոստաները գիտես:

ՌԻՍՏԻԱՆ – Էս որ իսկի մարդու չի հավանում՝ էդ եմ տրաքվում, է՛:

ՆԱԶԱՐ – Տրաքվելը դու էն ժամանակ մտիկ, որ ինձ մեծ փառքերի մեջ նստած կտեսնես:

ՌԻՍՏԻԱՆ – Երևելի՛ մարդ ես դառնալու՝ աշխարհք զարմացնես:

ՆԱԶԱՐ – Սպասի, տես, թե քու ջգրու՝ ո՞նց եմ աշխարհքը քանդելու: Էդ քո ասած երևելի մարդկանցից էլ բարձրը պիտի բազմեն: Ո՞նց ես, որ հիմի վեր կենամ նստեմ աշխարհքի գլխին:

ՌԻՍՏԻԱՆ – Տո, մի տեսեք էս փախքոտ քթի տակին ինչ մեծ գոռոզություն կա:

ՆԱԶԱՐ – Ի, ի... Ծուլանում եմ, թե վեր կենամ սրան մի շնաթակ տամ: Աղջի, ասում եմ ձենդ կտրի՛:

ՌԻՍՏԻԱՆ – Տես մի մեջքին գալի՞ս է:

ՆԱԶԱՐ – *(Շարժում անելով)* Տո դու ո՞ւմ վրա ես խոսում: *(Բայց ծուլանալով)* Լավ, մնա՛ էգուց: *(Հանում է չուխան և պատրաստվում է քնելու)* Ափսոս, որ ինձ պես տղամարդու պատիվը չես իմանում: Քոնն ինչ է՝ նստես ու վրաս վռվռաս, էլ չես ասում, թե ես էնտեղ ինչ բանի եմ: Մի աշխարհք է մտքովս անց կենում: Աշխարհք եմ տալիս, առ-

նում: Էնքան բան, որ իմ մտքովս անց է կենում, մի պար-
ծանք է քեզ համար է: *(Պատկոմ է: Միջոց: Երազանքով)*
Կնիկ ինչ կասես... Մի օր գալիս են թե՛ թշնամին վրա
տվեց: Զորք եմ կապում, նստում եմ ձիս, թուրս քաշում,
շիփ – շիտակ քշում թշնամու վրա ու կեցցես Նազար...

ՈՒՍՏԻԱՆ – *(Ամանները դեպի ձախ դուրս է տանում):*

ՆԱԶԱՐ – *(Վեր է թռչում)* Է՛, է՛, է՛... ո՛ր, ո՛ր:

ՈՒՍՏԻԱՆ – Գնա վրա՛ տուր թշնամուն... ո՛ր ես գալիս: Տես,
ամաններն եմ տանում տեղը դնեմ:

ՆԱԶԱՐ – Մենակ ո՛ր ես գնում: Սպասիր հետո՞ գամ՝ չվախես:

ՈՒՍՏԻԱՆ – Տեղդ վեր ընկի, տեղդ *(Դուրս է ելնում):*

ՆԱԶԱՐ – *(Հեղուկից գնալով)* Ո՞նց թե: Էս գողի, ավազակի տա-
րին՝ ես կնիկ-մանրդ կթողնեմ, որ մենակ դուրս գա տանից:
Խալխն իմանա՛ ինչ կասի:

ՈՒՍՏԻԱՆ – *(Ներս է մտնում):*

ՆԱԶԱՐ – *(Հեղուկում է նրան)* Էդպես: Վախիլ մի: Ես էստեղ եմ:

ՈՒՍՏԻԱՆ – *(Կրկին ուզում է դուրս ելնել և մտրենում է ձախ
մուտքին):*

ՆԱԶԱՐ – *(Հեղուկում է նրան: Բայց Ուստիանը միտքը փոխե-
լով ետ է դառնում, ինչ – որ բան մտածելով ուզում է փակել
դարբասի դռը):* Ուստիան, բան եմ ասում: Քանի չես քնել՝
մի դուռը բաց պահի, լուս արա, գնամ ախտը տեսնեմ իշի
առջև գարի կա՛:

ՈՒՍՏԻԱՆ – *(Դժկամ կապարում է խնդիրքը):*

ՆԱԶԱՐ – *(Դուրս է ելնում: Դրսից լսվում են նրա խոսքերը)*
Դուռը չփակես, էդտեղ կաց: *(Քիչ ավելի հեռվից)* Էս էշի
առջև գարի չկա՛, ինչ է: *(Միջոց)* Վախիլ մի, ես էստեղ եմ:
(Լռությոն: Լուսինը դուրս է գալիս) Լուսնակը դուրս եկավ:
(Միջոց) Կնիկ, ինչ քարվան կտրելու գիշեր է: Դեսը բեր

զենքերս, գնամ Դաղստանու խանի քարվանը կտրեմ բերեմ:

ՈՒՍՏԻԱՆ – *(Արհամարհանքով)* Դե, քիթդ սրքի, ծակո՞ւող մտի, քեզնից քարվան կտրող դուրս չի գա:

ՆԱԶԱՐ – Այ կնիկ, համբերությունից մի հանի: Քեզ ասում եմ, զենքերս բեր գնամ քարվանը կտրեմ:

ՈՒՍՏԻԱՆ – Սա որ էսպես խոսքի տակ չի մնում, էն հերսիցս ուտում եմ ինձ... *(Վճռական)* Քարվան ես ուզում կտրել:

ՆԱԶԱՐ – Բա ի՞նչ: Շան կնիկ, ինչի՞ չես թողնում գնամ՝ քարվան կտրեմ:

ՈՒՍՏԻԱՆ – Էլ հերիք եղավ, քո մարդ ասողի հերն անիծած, *(Ներս մտնելով և դուռը փակելով)*, դե գնա քարվան կտրի:

ՆԱԶԱՐ – Վահ, վահ, վահ, դուռը, դուռը, ի՞նչ ես անում:

ՈՒՍՏԻԱՆ – Ռանդ եղի: Քեզ հետ ապրելու սիրտ չունեմ:

ՆԱԶԱՐ – Դուռը բաց արա՛ թե չէ՛ կջարդեմ:

ՈՒՍՏԻԱՆ – *(Լռում է):*

ՆԱԶԱՐ – Բաց արա դուռը, չեմ ծեծի:

ՈՒՍՏԻԱՆ – Դու ես ծեծողը: Կրեմ գլուխդ: *(Լռությոն):*

ՆԱԶԱՐ – Ուստիան, դուռը բաց, ավազակները գալիս են:

ՈՒՍՏԻԱՆ – Գնա ձաքի՛, չեմ բանա:

ՆԱԶԱՐ – *(Ուրիշ կողմից)* Բաց արա դուռը, ավազակները եկան, զենքերս պիտի կապեմ:

ՈՒՍՏԻԱՆ – *(Պատրից վայր է բերում Նազարի ժանգոյր սուրը, վերցնում է դրոշակը, չուխան և դռան արանքից դուրս է լցնում):* Առ անտերներդ, չքվի գնա՛:

ՆԱԶԱՐ – Հիմի էս մթանը ո՞ր գնամ:

ՈՒՍՏԻԱՆ – Գնա Դաղստան, գլուխդ պահի: Էլ քեզ կնիկ չեմ: *(Պատկում է):*

ՆԱԶԱՐ – *(Վերցնում է չուխան, հագնում, զենքը կապում է, դրոշակը բռնում)* Ուստիան, եկան... *(Նայում է անտառի կողմը)*

և կուչ գալիս դռան մոտ) Եկան: Բը, բը, բը... *(Ավելի բարձր)*
Բը, բը, բը... *(Ավելի բարձր)* Բը, բը, բը... Ո՞ւմ վրա եք գա-
լիս... Կայծերդ կհանեն... Բը, բը, բը... Էհեյ... *(Փսիչում է*
տրան հեղուկ ձախ կողմից):

ՍԱՔՌ – *(Ծառերի միջից ներս գալով աջակողմը, ձերմակ փա-
փախը գլխին)* Աման, աստվածասեր, տո՞ն է գե՞ղ է, ո՞վ կա,
հասե՞ք, ճամփեն կորցրել ենք:

ՈՍԿԱՆ – *(Առաջ գալով նրա հեղուկից նայնպես ձերմակ փափա-
խով)* Ա՛յ տղա, ձին կապի ծառից, տեսնենք ո՞ր ընկանք:

ՍԱՔՌ – Աման, Ոսկան, ձեռից գնացինք: Ջահանդամ – դարա-
սին ենք ընկել:

ՈՍԿԱՆ – Աստված ողորմած է: Մի՛ վախի, Սաքո:

ՆԱԶԱՐ – *(Մոտենալով ձախից, բայց դեռ չի երևում)* Քաջ
Նազարն եմ, համ, մի՛ն կզարկեմ, կջարդեմ հազար:

ՍԱՔՌ – Աման, Ոսկան, էս ի՞նչ Քաջ Նազար է:

ՈՍԿԱՆ – Չեմ իմանում: Նստի, ժաժ մի գա: *(Կուչ են գալիս*
թփերի մեջ):

ՆԱԶԱՐ – Համբո՞: Բուրջի՛ ծերի՞ն ես: Լավ մտիկ տուր, դեմի-
ցը քարվան է գալիս: Թե Քյոռոզլունն է, կտրենք: Էգուց
Սարդարի մոտ ճաշի ենք: Ընծա տանենք: Էս է՛ ձիս թամ-
բում եմ: Տղերք, դուք էլ պատրաստվեցեք: *(Լռությո՞ւն: Ինքն*
իրեն հարց է տալիս) Քաջ Նազար, էդ ո՞ւմ հետ ես խոսում:
(Պատասխանում է) Ա՛շի, բեզարեցի էդ Քյոռոզլու գոր-
քը ջարդելուց, տղերանցը տանում եմ: Գնանք ջարդենք:
(Հարց է տալիս) Էդ Քյոռոզլուց վազ չես գալիս, էլի՛: Մեղք
է, բաշխի՛: *(Պատասխանում է)* Չէ՛, պիտի գլուխը աղեմ.
(Ականջ է դնում) Է, ո՞վ կա էդտեղ, Համբո, էդտեղ մինը
կանգնել՝ ականջ է դնում, տես ո՞վ է, բռնի բեր: Բռնեցի՞ր:
Պոկի վիզը: Պոկեցի՞ր: Համ, դե լավ, դեն գցի: Էդպէս:

1 բուրջ – բարձր աշտարակ՝ որպես ռազմական դիրք

ՍԱՔՈ – Աման, վայ թե մեր օրն էլ էստեղ պիտի հատներ:

ՈՍԿԱՆ – Սուս կաց:

ՆԱԶԱՐ – *(Սպառնազին և սարսափած)* Հենե՛ եպ...

ՍԱՔՈ – *(Արագ)* Հիսուս – Քրիստոս... Հիսուս – Քրիստոս... Հիսուս – Քրիստոս...

ՆԱԶԱՐ – Բմբուլներդ կթոցնեմ երկինք, հմ: *(Լռությոն)* Էլի՛ մարդ կա: Դալի – Ասլան, էն կուռը բռնի: Գիջա – Ղուշի, էս կուռը: Էս է՛ նստում եմ ձիս:

ՍԱՔՈ – Ոսկան, փախչենք...

ՈՍԿԱՆ – Ո՛ր, ճամփան կտրել են:

ՆԱԶԱՐ – Նստեցի: Եկան: Քարվան – Ղռան, հասի: Ջամնուշ – Պատռան, խփի: Բռնեցե՛ք... Էհե՛յ... ջարդուրդուրդ կանեմ: *(Վազում է դեպի աջ, նախաքեմ: Ոսկանը մտնում է թիերի արանքը: Սաքոն դուրս է վազում թիերից և մնում շփոթված: Նազարը գալիս է, դիպչում Սաքոյին և ցած ընկնելով սկսում է սարսռալ)* Հը՛ ը... մմ ը՛ մը՛ մը՛...

ՍԱՔՈ – Հը՛ ը... մմ ը՛ մը՛ մը՛...Քաջ Նազար...

ՆԱԶԱՐ – Քյոռողլի՛...

ՍԱՔՈ – *(Փաթաթվում է Նազարի մեջքին և գոռում)* Էհե՛յ...

ՆԱԶԱՐ – *(Նույնպես փաթաթվում է Սաքոյի մեջքին և գոռում)* Էհե՛յ...

ՍԱՔՈ – *(Գոռում է)* Բա՛ց թող...

ՆԱԶԱՐ – *(Գոռում է)* Բա՛ց թող... *(Երկուսն էլ հանկարծ իրար բաց են թողնում և փախչում, Նազարը՝ ձախ, դեպի տան հեղևը, Սաքոն՝ աջ, թիերի մեջ):*

ՈՍԿԱՆ – *(Թիերից դուրս գալով)* Սա՛քո, ձղի՛... *(Վազում է աջ կողմը):*

ՍԱՔՈ – Ա՛ման, Սո՛րբ Մայր Աստվածածին: *(Վազում է նրա հեղևից: Լռությոն):*

ՆԱԶԱՐ – *(Բերանքսիվար տրամկում է գեղնին, Ոսկանն ու*

Սաքոն նրա վրայով վազում են դեպի աջ և անհետանում:
Նազարը դեռ պատկած է, ապա հեղձեցրե վեր է կենում:
Ապա սկսում է դիպել Սաքոյի ձիուն: Մի քիչ վայրահ) Հը՛,
անտեր, տերդ կորցրեց ինձ, թե՛ էլի գալու է: (Լռություն):
Չէ, չի երևում... Փախավ, ինչ արավ... կըլնի որ փախավ...
(Վայրահ) Հը՛, ո՞վ է ասում, թե քաջ չեմ: (Գոռում է) Էհեյ, մի՛ն
զարկեմ, հազար կջարդեմ:

(Մոտենալով դռանը) Ո՛ւստիան, դուռը բաց: (Լռություն)
Է, սրանից դենը հերն անիծած էն տղամարդու, որ կնիկ
մարդու անունը տա: Ես գնացի: Էհեյ, ճանփա տվեք, խա՛-
բարդա: Քաջ Նազարն եկավ: (Ականջ է դնում: Ուստիանը
լուռ է): Լավ, մնա՛, լուսը բացվի, մի շնաթակ տամ քեզ՝
հետո կերթամ: (Լռություն): Շան կնիկ, գնացի: (Նստում է
ձիւն): Էհեյ...

ՈՒՍՏԻԱՆ – (Վեր ցարկելով՝ խլում է դազանակը և դուռը բաց
անելով՝ դուրս ելնում): Հերիք, զահլա չտանես: (Դազանա-
կով հարվածում է Նազարին ու ձիուն) Ա՛՛՛՛՛ քեզ, քյոփակ:

ՆԱԶԱՐ – Է, է՛, է՛, ձիւն կփախցնի... (Ձիւն փախցնում է նրան)
Փախցրեց... աման... հասեք: (Ձայնը հեռանում է և կանչում):

ՈՒՍՏԻԱՆ – (Ներս գալով) Դե, հիմի գնա՛ ու սրտաձաք եղի,
աչքդ է՛լ կարեմ: (Ներս է մտնում, որ քուն մտնի):

Վարագույր

ԱՐԱՐ ԵՐԿՐՈՐԴ

ՔԱԶ ՆԱԶԱՐԸ ԶՈՐԲԱՍՏԱՆՈՒՄ

*Անպատ, դիմացը, աջ ու ձախ շավիղներ: Մեջտեղը փոքրիկ
բացար: Գյուղական քեֆ է: Հյուրերը բոլորել են սուփրի շուրջը:*

ՀՅՈՒՐԵՐ – Ա՛յ ջան, ա՛յ ջան, ա՛յ ջան:

ՄԻ ԱՌՈՒՅԳ ԾԵՐՈՒՆԻ – (Շորորայով ու կոպրայովելով կեն-
դրապար է պարում, հեղին էլ ինքն իրան չափ է փալիս:
Գինով է) Ը՛մ, տարա – նի ի՛, ի՛, ի՛, նիյ–նան ը՛մ, տարանի ի՛,
ի՛, նիյ – նան (Դիմում է հյուրերից մեկին) Խնամի Թաթոս,
դոչանդ ես... Հան, դոչադ կաց, թե չէ կայծերդ կհանեն... ը՛մ,
տարանի ի՛, ի՛, նիյ – նամ:

ՀՅՈՒՐԵՐ – (Պարողին) Զան, Ղունկիանոս խնամի, ջան:

ՄԻ ՀՅՈՒՐ – Զան, Ղունկիանոս խնամի, նստի՛: Այ տղա, Ղուն-
կիանոս խնամու համար գինի ածեք:

(Առոյգ ծերուկին նսրեցնում են):

ԹԱՄԱԴԱ – Գեղի իշխանավորներին՝ հրաման: Թասերդ լցրե՛ք:

ՄԻ ՀՅՈՒՐ – Զան, իշխանավոր Թամադա: Հրամայի, մեր
տերն ես:

ԹԱՄԱԴԱ – Ասելս էն է, որ Աստված մեր դոռը հաստատ պա-
հի գեղերի գլխին: Էս էլ Աստված շեն պահի մեր խնամի ու
մեր գեղի քեթխուդա Մաթոսենց Թաթոսին:

ՀՅՈՒՐԵՐ – Ա՛յ ջան, ա՛յ ջան, ա՛յ ջան: Խնամի Թաթոս, կե-
նանցդ: *(Խմում են):*

(Դուրսը աղմուկ է լսվում)

ԹԱՄԱԴԱ – Մի տեսեք էն ո՞վ է, ի՛նչ ձիավոր է:

ԶԱՅՆԵՐ – Ճամփորդ է:

ԹԱՄԱԴԱ – Ճամփորդը Աստծու հյուրն է: Ձիուց վեր բերեք, սուփրի մոտ: *(Դուրս են ելնում և դեմից ներս են բերում Նազարին, որ դրոշակը ձեռին, սուրը կապած՝ կանգնում է և վախեցած ու խոժոռ նայում է հյուրերին: Հյուրերն էլ կասկածելով մտիկ են փախիս նրան):*

ԹԱՄԱԴԱ – *(Նայելով նրա դրոշակին և երևոյթին կասկածոր)*
Համեցեք: *(Իր մոտ նստողներին)* Ա՛յ տղա, ճամփա տվեք հյուրին, անց կենա դեսը: *(Ճամփա են փախիս):*

ՆԱԶԱՐ – *(Անվարտահ, բայց խոժոռ հայացքով նայում է չորս դին, հազում է և իր դրոշակով գալիս, նստում է Թամադայի, Վարժապետի և ծերերի կողքին: Լռությոն: Նորից հազում է):*

ԹԱՄԱԴԱ – *(Նույնպես հազում է):*

ՆԱԶԱՐ – *(Կիսուվին վեր է կենում, որ փախչի):*

ՀՅՈՒԲ – *(Փախչելու շարժում են անում):*

ԹԱՄԱԴԱ – *(Նազարի վարանոտը շարժումը նկատելով)* Համեցեք, անո՛շ արա:

ՀՅՈՒԲ – *(Մի փոքր հանդարտում են և սկսում ուրել):*

Ա. ՀՅՈՒԲ – *(Իր մոտ նստածներին)* Ո՞վ է, Ի՞նչ մարդ է:

Բ. ՀՅՈՒԲ – Հա, է՛, էս դրոշակը, թո՛ւրը...

Գ. ՀՅՈՒԲ – Ինքն էլ սուս ու փուս:

ՄԻ ԾԵՐՈՒՆԵ – Սա որ էդպես դրոշակով, թրով նստեց, սրա տակին շատ բան կլինի:

(Լռությոն):

ՆԱԶԱՐ – *(Հազում է)* Հը՛մ...

ԲՈԼՈՐԸ – *(Նայում են նրան):*

Ա. ՀՅՈՒԲ – Ի՞նչ ասավ:

Բ. ՀՅՈՒԲ – Ասավ՝ «հը՛մ»:

Գ. ՀՅՈՒԲ – Ի՞նչ ասավ:

Դ. ՀՅՈՒԲ – Ասավ՝ «հը՛մ»: *(Հերթով նոյն հարցն ու պատասխանը՝ մինչև մի ծերունուն):*

ՄԻ ԾԵՐՈՒՆԻ – Որ ասավ «հըն»՝ ասել է Քյոոոլլին է:

Բ. ԾԵՐՈՒՆԻ – (*Ձեռքը ճակտին հովանի անելով և մտիկ տալով Նազարին*) Չէ, Քյոոոլլու թոռն է:
(*Լռությոն*)

ՆԱԶԱՐ – (*Հայտրտ*) Գյադա: Մի բան կուզեմ իմանամ էս ժողովրդից: Դուք Դադստանցի՞ եք:

ԹԱՄԱԴԱ – Չէ, մենք Զորբաշենցի ենք:

ՆԱԶԱՐ – Աշխարհքի անոնը

ԹԱՄԱԴԱ – Զորբաստան:

ՆԱԶԱՐ – (*Գլուխը ծանր շարժելով*) Զորբաստան: Շատ լավ: Էդ կուզեի իմանամ: (*Բեղերը սրում է: Լռությոն: Հագում է*) Գյադա՛, Հնդստանու ճամփեն ո՞ր կողմով է գնում:

ԹԱՄԱԴԱ – Չենք իմանում:

ՆԱԶԱՐ – (*Գլուխը ծանր շարժելով*) Չե՞ք իմանում: Հա: Լավ: Էդ կուզեի իմանամ: (*Լռությոն*):

ԹԱՄԱԴԱ – Հրամանքդ ո՞ր աշխարհքից ես:

ՆԱԶԱՐ – Նազարստան աշխարհքից: Նազարաշեն քաղաքից:

ՄԻ ԾԵՐՈՒՆԻ – Նազարաշեն քաղաքից: Հան, գիտեմ: Իմ պապիս քաղաքն էր:

Ա. ՀՅՈՒՐ – Զանըմ, մի իմացեք, տեսեք ո՞վ է:

Բ. ՀՅՈՒՐ – (*Իր կողքինին*) Մի իմացի ո՞վ է:

(*Շարունակ բոթելով մեկմեկու և երբեմն մի քանի մարդ մեջ տալով՝ հարցնում են «ո՞վ է», մինչև հասնում են Տերտերին, որ նստած է Նազարի կողքին*):

ՎԵՐԶԻՆԸ – (*Տերտերին*) Տերտեր, մի իմացի ո՞վ է, ի՞նչ մարդ է:

ՏԵՐՏԵՐ – (*Մտիկ տալով Նազարի դրոշակին և կարդալով՝ սարսափում է: Ապա դիմելով վերջին հարցողին՝ կիսաձայն*)

Անհաղթ Նազար, քաջ Նազար,

Մին կզարկի՝ ջարդի հազար:

ՎԵՐՁԻՆ ՀԱՐՑՆՈՂ – *(Իր կողքինին, սա էլ հերթով մինչև Ա. հյուրին):*

*Անհաղթ Նազար, քաջ Նազար,
Մին կզարկի՝ ջարդի հազար:*

ԹԱՄԱԴԱ – Հըմ...

ԲՈԼՈՐԸ – Հըմ...

ՆԱԶԱՐ – *(Հազում է):*

ՍԱՔՈ – *(Ներս է մտնում մռայլ ու հպարտ):*

ՀՅՈՒՐԵՐ – Օհո՛, Սաքո՛, բարո՛վ, Սաքո՛, համեցե՛ք:

ՍԱՔՈ – *(Լուրջ) Աստծու բարին:*

ԹԱՄԱԴԱ ԵՎ ՄՅՈՒՄՆԵՐԸ – Համեցե՛ք, նստի, էս ո՞ր քամին
բեզ բերեց:

ՍԱՔՈ – Կացե՛ք մի, խիստ բեզարած եմ:

ՀՅՈՒՐԵՐ – Զիդ որտե՞ղ է:

ՍԱՔՈ – *(Նստրելով խոր շունչ քաշելով)* Էս է, ինչքան զորքը
խոտի պես հարել թափել էի ոտիս տակ, էդ անտեր ձին
տակիս չոքեց: Ոտով եմ եկել:

ՀՅՈՒՐԵՐ – Վահ, կռիվ կա՞ր:

ՍԱՔՈ – Սուս կացե՛ք, մի դիամաթ էր՝ որ կուռս դադարեց:
Պահ, էդքան ջարդել կըլնի՞:

ԹԱՄԱԴԱ – Հլա մի հաց անուշ արա... այ տղա, էդ ինչե՛ր ես
ասում:

ՍԱՔՈ – *(Զիբուխն է լցնում: Սաստիկ տարված է պայամելու
մարմաջով: Ամենքն սպասում են հեղափոխի: Վառում է
չիբուխը, փսրփսրացնում և սաստիկ մեծամիտ ձայնով
սկսում)* Էն է՛ ախպեր ջան, ախպորս որ ասեմ, ձիս նստել՝
գնում էի Դումանլու, Չամլըբել: Էնպես գիշերվա դառը կե-
սը կլիներ, մին էլ տեսա, որ ընկել եմ Ղարանլուխ Մեշի
Ջահանդամ-դարասին: Հիմի, ախպեր ջան, ականջս ձե-
նի՛ ձիուն հարաքյաթ, դամշուն բարաքյաթ՝ գնում եմ: Ամա՛

մի մթնագիշեր էլ է, որ աչք աչքի չի գալի: Մին էլ մի ձեն ընկավ ականջս: Ասի, յա գազան է, յա ավազակ: Ականջ դրի, որ գազանի, ավազակի բան չի, սելավի պես գալիս է: Այ տղա, էս ինչ բան է: Էս մտքով էի, մին էլ տեսնեմ ինչ, մի զորք է գալի, մի զորք է գալի, ոնց որ դիամաթ: *(Ունկնդիրները սարսափով նայում են)* Ձեն տվի, ադա, էդ ո՞ւմ զորքն է: Ձեն չտվին: Էն է՝ թուրս պլոկեցի, ձիս կրակեցի, ընկա էդ զորքի մեջն ու սկսեցի դամշիլը: *(Չիրուխն է փարփարացնում և թութունը դրսարում):*

ՈՍԿԱՆ – *(Ներս է մտնում ձախից և տեսնելով, որ ամենքը զբաղված են՝ չիսանգարելու համար զգույշ մտրենում է Սաքոյին և հետևը կանգնում: Ապա տեսնելով Նազարին՝ ճանաչում է և զարմանում, դրդում իր մտր նսրած հյուրերից մեկին)* Ո՞վ է:

ՄԻ ՀՅՈՒՐ – Քաջ Նազարն է:

ՈՍԿԱՆ – *(Սարսափած նայում է Նազարին և լռում):*

ՍԱՔՈ – Էդպես դամշեցի մի վախտ, մին էլ տեսնեմ մթան մեջ մի ձիավոր ձեն է տալիս: «Սախկալ-Թուրթան, Ջամուշ-Պատռան, խփի՛»:

ՆԱԶԱՐ – *(Կիտվի վեր է կենում տեղից՝ պարտասարվելով փախչել: Մյուսների ուշքը Սաքոյի վրա է):*

ՍԱՔՈ – Էս իմանալս էր: Որ ձիս չթոցրի՞, չհասա ու սրան հենց էսպես ձեռքով ձիախառն գետին չզարկի՞...

ՆԱԶԱՐ – *(Այլայլվում է)* Բը՛, բը՛, բը՛, բը՛:

ՈՍԿԱՆ – *(Անհանգիստ նայում է Նազարին):*

ՍԱՔՈ – Սա փաթաթվեց ոտիս ու մենակ էսքան գոռաց. «Ա՛ման, Քյոռոզլի՛, բա՛շխի»: Տո, քու Քյոռոզլու ըսենց ընենցը... Ախպեր ջան, սրան գցեցի ոտքերիս տակ, ըմ, հիմի ո՛նց եմ տալի փորին, գլխին, մեջքին... մեջքին, փորին, քթին... շի՛նեցի քյուֆթա... էստեղ լուսնյակը դուրս եկավ: Մտիկ տվի

որ՝ Քաջ Նազարն է:

ԲՈՒՈՐԸ – *(Շփոթված)* Ա՛յ տղա, ա՛յ տղա... դէսը, դէսը... *(Հագում են):*

ՈՍԿԱՆ – Հա՛, է՛ն մեր բանն ես պատմում...

ՍԱՔՈ – Շինեցի քյուֆթա...*(Հանկարծ նկատելով Ոսկանին)*
Հա՛, հա՛...

ՈՍԿԱՆ – *(Ցած)* Սաքո, Քաջ Նազարն է: Սաքո, Քաջ Նազարն է:
(Աչքով է անում և ցոյց փայխա Նազարի վրա):

ՍԱՔՈ – *(Բողորովին շփոթվելով)* Հա՛... հա՛... հա՛, է՛... *(Հանկարծ նկատելով Նազարի այլայլմունքը)* Բը՛, բը՛, բը՛, բը՛...

ՆԱԶԱՐ – *(Նոյնպես շփոթված)* Բը՛, բը՛, բը՛, բը՛...

ՍԱՔՈ – Հա, է... Տո... Մի դրոշակ էր ձեռին, թո՛ւր էր, ինչ էր...
որ մին վրա չընկա՛մ... այ ջանըմսըն Քաջ Նազար... Հիմի
սա ո՛նց է տալի փորին, մեջքին, գլխին, մեջքին, փորին...

ՈՍԿԱՆ – Մենք էլ լավ ձեռքինք:

ՍԱՔՈ – Հա, բաներ շատ եղան... բը, բը, բը... *(Ցած ձայնով դիմում է իր կողքի ընկերներին)* Բ՛նչ եք ասում, ո՛վ է, ի՛նչ է...

Ա. ՀՅՈՒՐ – }

Բ. ՀՅՈՒՐ – } Քաջ Նազարն է:

Գ. ՀՅՈՒՐ – }

ՍԱՔՈ – *(Կասկածով նայում է Նազարին և նստում)* Ասեք, էլի՛...
Բը՛, բը՛, բը՛, բը՛...

ՆԱԶԱՐ – *(Նոյնպես նստում է և կասկածով նայում Սաքոյին):*

ՀՅՈՒՐԵՐ – Վերջը, ո՛նց եղավ: Ջարդողն ո՛վ էր:

ՍԱՔՈ – Ո՛վ պիտի լիներ: Քաջ Նազարը... Մենք էլ կովի մեջ
էինք ու... *(Իր կողքի նստողներին)* Ո՛ր տեղի Քաջ Նազարն
է:

ԿՈՂՔԻՆԸ – Նազարաշենի:

ՍԱՔՈ – Հա՛, Նազարաշենի Քաջ Նազարն է: Վահ, ինչքան
փոխվել է. միանգամից չճանաչեցի:

Ա. ՀՅՈՒՐ – Ճանանչ ես, համ:

ՍԱՔՐՈ – Ո՞նց թե ճանանչ ես, տնաշեններ, Դադստանու կռվին հինգ տարի միասին ախպերություն ենք արել:

ՆԱԶԱՐ – *(Սպասնալի)* Հըն... *(Նայում է Սաքրին: Սաքրն երեւր շոռ է փալիս և կծկվում):*

ԹԱՄԱԴԱ – Ճանանչ ես, համ: Բա ձեն հանի, է՛...

ՀՅՈՒՐԵՐ – Ճանանչ ես, համ:

ՍԱՔՐՈ – *(Նազարին)* Քաջ Նազար: Ինչ ես ասում: Ճանանչ եմ:

ՆԱԶԱՐ – *(Անորոշ ձայն է հանում և ձեռք թափ փալիս):*

ԹԱՄԱԴԱ – *(Նազարին)* Քաջ Նազար ախպեր: Բարով եկար: *(Ձեռ է փալիս նրան)* Անունդ վաղուց էինք իմացել, մենակ քեզ չէինք տեսել: Հիմի մեզ համար մեծ բախտավորություն է, որ տեսանք:

ՀՅՈՒՐԵՐ – *(Հերթով վեր են կենում և մոտենալով ձեռ են փալիս Նազարին)* Բարով եկար, Քաջ Նազար ախպեր:

Ա. ՀՅՈՒՐ – *(Սաքրին)* Այ տղա, ո՞նց էլ ճանաչեցիր Քաջ Նազարին:

ՍԱՔՐՈ – Տեսա՞ք, ո՞նց լուս գցեցի Քաջ Նազարին: Այ հայ, Դադստանից մինչի Հնդստան երկու իգիթ եմ ճանաչում. մինը Քաջ Նազարն է, մինն էլ... Քաջ Նազարն ինքը կասի ով է:

Բ. ՀՅՈՒՐ – Հասկանում եմ ինչի համար եկած կլինի մեր կողմերը: Կա ու չկա էն է:

Ձայներ – Ինչի՞ համար:

Բ. ՀՅՈՒՐ – Հետո կասեմ:

ԱՌՈՒՅԳ ԾԵՐՈՒԿ – Գիտեմ, գիտեմ ինչի համար է: *(Աչքով է անում Նազարին)* Էն որ ես ու դու գիտենք:

ՄԻ ԾԵՐՈՒՆԻ – Ես հլա ձեն չեմ հանում, տեսնեմ դուք գլխի կրնկնե՞ք, թե ով է Քաջ Նազարը:

Բ. ԾԵՐՈՒՆԻ – Քաջ Նազարին ո՞վ չի ճանաչում: Սաղ աշ-

խարհքը գիտի: Քառասուն տարի է մեր սարերում ման է գալիս Քաջ Նազարը:

ՀՅՈՒՐԵՐ – Այ ջան, այ ջան, այ ջան:

ԹԱՄԱԴԱ – (*Նազարին*) Է, Նազար ախպեր, մենք էսքան խոսեցինք՝ դու սուս կացար: Ո՞վ գիտե, մտքումդ ի՞նչ բաղեր գնացիր ու եկար: Հիմի տեսնենք մեզ համար ի՞նչ ես բերում էդ բաղերից: Հրամանքդ հիմի որտեղից ես գալիս:

ՆԱԶԱՐ – (*Հպարտ հազարով*) Ախպորս ասեմ՝ ես հիմի Քաֆրստանու միջիցն եմ գալիս: Գնացել էի Բաղր խանի գլուխը կտրելու: Կտրեցի ու եկա: Ճամփին էլ Քյարիմ խանի գլուխը կտրեցի:

ՀՅՈՒՐԵՐ – Վանհ...

ԹԱՄԱԴԱ – Դալար կենա կուռդ: Ժողովուրդ էլ ջարդում ես:

ՆԱԶԱՐ – Ճանճի պես, մին զարկում, հազար ջարդում:

ԹԱՄԱԴԱ – Ասել է խաների գլուխը կտրելով ու ժողովուրդ ջարդելով ման ես գալիս:

ՆԱԶԱՐ – Էդպես է մեր սովորությունը: Մենք էլ ուրիշ գործ չունենք: Մեր գործը ջարդելն է:

ԹԱՄԱԴԱ – Հիմի Աստված որ հաջողի՛ սաղ աշխարհքը ջարդելու ե՛ս

ՆԱԶԱՐ – Մտքներս էդ է:

ԹԱՄԱԴԱ – Դալար կենա կուռդ: Բա որ էդպես է՝ մի խնդիրք պիտի անեմ:

ՆԱԶԱՐ – Ասա, լսում եմ:

ԹԱՄԱԴԱ – Այ, էսպես, որ տեսնում ես մեզ, հենց բռնի՛ ամենքս գեղերի իշխաններ ենք: Բայց ի՞նչ անենք, որ գերի ենք մեր հարևանների ձեռին:

ԲՈԼՈՐԸ – Գերի՛ ենք, գերի՛ ենք:

ՆԱԶԱՐ – Ո՞նց թե գերի եք:

ԹԱՄԱԴԱ – Գերի ենք, Նազար ախպեր, գերի ենք: Չեն ու-

զում իրենց աշխարհքը մեզ տան: Չի՞ լինի մեզ ազատես դրանց ձեռից: Մեզ կերան:

ՆԱԶԱՐ – Իրենց աշխարհքը ձեզ չէ՞ն տալիս: Ո՞նց թե: Ես Նազարը լինեմ, ականջս էդպես բան իմանամ: *(Ուրքը գեպին խփելով)* Էսպես եք պահում իմ ժողովրդին: *(Բողորը ցնցվում են)* Դրա համար են իմ պապերը թագավոր եղել, որ իմ ժողովուրդը զուր էսպես նեղության մեջ պահե՞ք:

ԲՈԼՈՐԸ – *(Ուրքի են կանգնում և փափախները հանում):*

ՆԱԶԱՐ – Է, չասե՞ք, ովքե՞ր են:

ԹԱՄԱԴԱ – Յոթը հսկաներ են:

ՆԱԶԱՐ – *(Վեր թռչելով տեղից, վախեցած):* Յոթ հսկանե՞ր...

Բը՛, բը՛, բը՛, բը՛...*(Անհանգիստ)* Որտե՞ղ են:

ՋԱՅՆԵՐ – Հեռու են:

ՆԱԶԱՐ – *(Հանգստացած)* Հան, հեռու են: *(Սրտասպնդվելով)*

Էհ, ո՞նց են համարձակվել էդքան հեռու լինեն: Որտե՞ղ են: *(Սաքոյին)* Գյադա, մի տես որտեղ են՝ գնա բեր, մի հում – հում ուտեմ դրանց: Ո՞նց թե իրենց երկիրը ձեզ չեն տալիս, էդ քանի՞ գլուխ ունեն, որ ձեզ էդպես նեղություն են տալիս: Բա դրանք չէ՞ն իմանում, որ ես հսկա փշրող եմ: Հազար հատ է՞ն օրը փշրտեցի, այլուր շինեցի, սվի քամուն: Էս երկու հատիկ փոշին մնաց՝ է՞ն էլ դրի համայիլիս մեջ: *(Ցույց է տալիս համայիլը):*

ԲՈԼՈՐԸ – *(Չարմացած և երկյուղած)* Պահ...

ՏԵՐՏԵՐ – Տուր մի հատը մեր գեղին հիշատակ, օրհնյա՛լ:

ՆԱԶԱՐ – *(Բաց է անում համայիլը, մի հարիկ տալիս է Տերտերին)* Առ: *(Մյուսներին)* Կացե՞ք, էս հսկաներին էլ փոշի շինեմ, ամենքիդ մի-մի հատ կտամ հիշատակ: Դե, ինձնից հրաման իմ ժողովրդի քեթխուղաներին: Ձեր բոլոր հարևանների երկիրը ձեզ: Իմացա՞ք:

ԲՈԼՈՐԸ – Իմացանք, Քաջ Նազար:

ՎԱՐԺԱՊԵՏ – *(Մագաղաթի նման մարդ)* Հասավ մեծ ժամանակը, եկավ ազգի հերոսը:

ԹԱՄԱԴԱ – Ջան, Վարժապետ, ջան:

ՏԵՐՏԵՐ – Խորհուրդ խորին, անհաս, անսկիզբն:

ԹԱՄԱԴԱ – Քո էլ կարգդ օրհնվի, Տերտեր, խոսի մի, է:

ՆԱԶԱՐ – Նախաթ չար սատանին: Էդ հսկաները ձեզ էդպես նեղություն տան: Հապա ես ո՞ր եմ: *(Սաքոյին)* Գյադամ: Ասա ձիուս գարի տան: Էս է, վեր կենամ գնամ դրանց վերջացնեմ:

ՍԱՔՈ – *(Մի կողմ)* Ասեք գարի տան:

ԲՈՒՈՐԸ – Ա՛յ ջան, այ ջան, այ ջան:

ՎԱՐԺԱՊԵՏ – *(Վեր թռչելով)* Ո՛վ հասարակություն, ո՛վ ժողովուրդ, ո՛վ ազգ ամենայն: Հասել է ժամանակը: Քաջակրոն Նազար, սուրբ գործի համար գնում է Հնդկաստանի ազգի վրա, որ մեր պապերի հողը ետ խլի: Մեծ Նազարը պիտի նստի թագավոր: Նա վեր է կացել բոլոր աշխարհի, բոլոր ազգերի դեմ:

ՏԵՐՏԵՐ – Մենք Քաջ Նազարի ազգն ենք, և դրանով, գոհություն Աստուծո՛ւ ամեն ազգից բարձր ենք:

ԱՌՈՒՅՔ ԾԵՐՈՒԿ – Թահո՛ւ... կթողնե՛նք, որ մեր ազգի վրա մեկ ուրիշ ազգ ծուռը մտիկ տա: Բմբուլները երկինք կհանենք, հա՛...

ՎԱՐԺԱՊԵՏ – *(Ընդհատելով, ուրքի է թռչում)* Ոտքի կանգնեցեք: Մահ Հնդկաստանի թագավորին: Կեցցե՛ Քաջ Նազարը:

ԲՈՒՈՐԸ – *(Ուրքի են կանգնում):* Կեցցե՛ Քաջ Նազարը: Ապրեն, Քաջ Նազար: *(Նայում են):*

ԹԱՄԱԴԱ – Քաջ Նազար, հիմի ո՞նց ենք անում մեր հարևան հսկաների բանը:

ՆԱԶԱՐ – Զնշեցի, գնաց: Էլ հսկաներ չկան: Պատրաստվեցեք, գնում ենք:

ԹԱՄԱԴԱ – Գնում ենք:

ԱՌՈՒՅԳ ԾԵՐՈՒԿ – Ես էլ եմ գալիս:

ՄԻ ԾԵՐՈՒՆԻ – Հլե ես էլ եմ գալիս:

ԲՈԼՈՐԸ – Մենք էլ ենք գալիս:

ԽՆԱՄԻ ԹԱԹՈՍ – (*Հարցական*) Հը...

ԲՈԼՈՐԸ – (*Նրան*) Խնամի Թաթոս, գնում ենք հսկաներին ջնջենք:

ԽՆԱՄԻ ԹԱԹՈՍ – Ես էլ եմ գալիս:

ԹԱՄԱԴԱ – (*Դուդուկչիներին*) Ապա մի «Քաջ Նազարի» ածեք:

ԴՈՒԴՈՒԿՉԻՆԵՐ – (*Նվագում են*)

ՎԱՐԺԱՊԵՏ – (*Նվագի հետ արտասանում է*):

*Կեցցեն Նազար, ապրեն Նազար,
Որ ջարդում ես հազար, հազար,
Ապրիր դու մեր ազգի համար,
Ջարդիր միշտ զերթ, բողկ ու գազար:*

ԹԱՄԱԴԱ – Ջան, Վարժապետ, ասա մի, է՛ շնորհքդ թափի:

ՀՅՈՒՐԵՐ – Ա՛յ ջան, այ՛ ջան, այ՛ ջան:

ԹԱՄԱԴԱ – (*Նվագի հետ*) Քա՛ջ Նազար, գնում ենք: (*Խմում է*):

ՆԱԶԱՐ – Գնում ենք, հայրիկ ջան, գնում ենք: (*Խմում է*):

ՏԵՐՏԵՐ – (*Չայնը մաքրում է և սկսում կերկերաձայն ինքնասհնար եղանակ, որին ձայնակցում են դուդուկչիները և հյուրերը*):

*Ի ոսրանեն Նազարաշեն,
Ի ամրոցե Պղնձաշեն,
Ելավ արև առյուծ Նազար,
Եկ., արեգակ մեր, եկ
Եկ, անձկալիդ մեր, եկ:*

ՀՅՈՒՐԵՐ – Ջան, տերտեր, ջան: Օրհնվի կարգդ:

ԱՌՈՒՅԳ ԾԵՐՈՒԿ – Քաջ Նազար, ջնջում ենք: (*Խմում է*):

ՆԱԶԱՐ – Զնջու՛մ ենք, հայրիկ ջան, ջնջո՛ւմ ենք: *(Խմում է):*

ԹԱՄԱԴԱ – Խնամի Թաթոս, գնո՛ւմ ենք:

ԹԱԹՈՍ – Գնո՛ւմ ենք:

ՀՅՈՒՐԵՐ – Ա՛յ ջան, ա՛յ ջան, ա՛յ ջան:

(Դուդուկը դադարում է):

ՎԱՐԺԱՊԵՏ – Թասներդ լցրեք: Սուրբ կենաց պիտի առա-
ջարկեմ: Խմենք մեր քաջակորովն Նազարի կենացը:

ԲՈԼՈՐԸ – Քաջ Նազարի կենացը: Քա՛ջ Նազար, կենացդ:
(Խմում են: Դուդուկչիները տուշ են ածում, սպա խորին լռությո՛ւն):

ՆԱԶԱՐ – *(Ծանր ու հպարտ վեր կենալով տեղից)* Շնորհակալ
եմ իմ ժողովրդից: *(Խմում է ու նստում):*

ԹԱՄԱԴԱ – Անո՛ւշ:

ԱՌՈՒՅԳ ԾԵՐՈՒՆԻ – Զանրդ անուշ:

ԲՈԼՈՐԸ – Հրամանքդ անուշ:

ՆԱԶԱՐ – Դո՛ւք անուշ:

ՏԵՐՏԵՐ – Սրանից դենը տղա շատ ծնեցեք: Բոլորի անունը
պիտի դնեմ Քաջ Նազար:

ՆԱԶԱՐ – *(Գինով)* Ըմ, հո՛ւմ – հո՛ւմ կուտեմ... Շո՛ւտ արեք:

ՄԻ ՀՅՈՒՐ – *(Հանկարծ նայելով դեպի ձախ)* Էն ո՞վ է, ի՞նչ մարդ է:

ԲՈԼՈՐԸ – *(Հարբած ձայնով)* Ի՞նչ է...

ՄԻ ԳՅՈՒՂԱՅԻ – *(Անստի խորքից՝ աջից):* Ա՛ման, հասեք,
ի՞նչ բանի եք:

ԲՈԼՈՐԸ – *(Անհանգիստ)* Ի՞նչ կա...

ԳՅՈՒՂԱՅԻ – *(Ներս ընկնելով)* Ա՛ման, հասեք, վագր է լուս
ընկել անտառը:

ԹԱՄԱԴԱ – *(Քահ-քահ ծիծաղում է)* «Վագր է լուս ընկել»:

ԲՈԼՈՐԸ – *(Նոյնպես ծիծաղում են)* «Վագր է լուս ընկել»:

ԳՅՈՒՂԱՅԻ – *(Շփոթված)* Ինչի՞ եք ծիծաղում: Բան եմ ասում,
վագր է լուս ընկել անտառը...

ԹԱՄԱԳԱ – *(Հանգիստ ժպիտով)* Լուս է ընկել, թող ընկնի...

Նազարն էստեղ չի՞, վագրի հոգեառը:

ԳՅՈՒՂԱՅԻ – Ինչ Նազար, ինչ գառաֆաթ... շեները փչացրեց, հասեք...

ՍԱԲՈ – *(Հազում է և վեր կենալով կամաց – կամաց մոտենում է ձախ մուտքին և հանկարծ փախչում):*

ՆԱԶԱՐ – *(Դեպի դուրս)* Գյադա: Զուր տվեք ձիուս: Էս է վեր կացա: *(Գյուղացուն)* Ո՞րտեղացի ես, բարեկամ:

ԳՅՈՒՂԱՅԻ – Քյալլագյոզ գեղից:

ՆԱԶԱՐ – *(Գլուխը ծանր շարժվելով)* Հա: Ինչ է, ինչ վագր է: որտեղ և ո՞նց է սիրտ արել մտնի ձեր անտառը:

ԳՅՈՒՂԱՅԻ – Մեր անտառը չի, էս անտառն է մտել ու հիմի գալիս է...

ՆԱԶԱՐ – *(Վեր թռչելով և հազարով)* Գյադա՛:

ԹԱՄԱԳԱ – Հը՛, Քաջ Նազար, էսպես բաներ սիրում ես: Տեսա՞ր ո՞նց բախտդ բանեց:

ՆԱԶԱՐ – Սիրում եմ...*(Միրահոգ ման է գալիս)* Բը՛, բը՛, բը՛... *(Գյուղացուն)* Ո՞ր կողմից է գալիս, գյադա...

ԳՅՈՒՂԱՅԻ – *(Աջ կողմը ցույց տալով)* Էս կողմից:

ՆԱԶԱՐ – *(Բարձր հազարով վեր է կենում և պատրաստվում է փախչելու)* Կայծերդ կհանեն, հա՛մ ա՛ն ա՛ն... *(Փախչում է ձախ կողմից):*

ԲՈՂՈՐԸ – Ո՞ւր է գնում, ո՞ւր է գնում:

ԹԱՄԱԳԱ – *(Ձախ կողմից)* Վագրի ճամփան է ուզում բռնի: Ինչ անշնորհքն էք: Դո՛ւք բռնեցեք, նա գնա վագրի վրա: Դենս էկեք:

(Գյուղացիները վազում են դեպի ձախ և մտնում են Նազարի քամակը և պատի պես արգելում նրան փախչելու):

Քաջ Նազար, դու վագրի վրա գնա, մենք կբռնենք վագրի ճամփան:

ՁԱՅՆԵՐ – (Աջից) Գալիս է, գալիս է...

(Մեծ մասը փախչում են դեպի աջ):

ՁԱՅՆԵՐ – (Աջից) Գալիս է, գալիս է...

(Շփոթություն: Մի մասը փախչում է դեպի ձախ, մյուսը՝ աջ, երրորդը՝ դիմացի կողմը):

ՆԱԶԱՐ – Բը, բը, բը... (Փախչում է դեպի դիմացի կողմը):

ԴԻՄԱՅ ՓԱՆՉՈՂՆԵՐ – (Ետ վազելով) Էս կողմից է գալիս:

ՆԱԶԱՐ – (Ետ է փախչում դեպի աջ) Բը, բը, բը...

ԱԶԻՑ ՓԱՆՉՈՂՆԵՐ – (Ետ վազելով) Էս կողմից է գալիս:

ՆԱԶԱՐ – (Ետ է փախչում դեպի ձախ) Բը, բը, բը... (Դուրս է վազում, բոլորն ընկնում են Նազարի հետևից: Նազարը ներս է ընկնում դեմից, վազում դեպի աջ և ապա դուրս վազելով՝ ներս է մտնում դեմից):

ՁԱՅՆԵՐ – Եկավ, եկավ...

ԹԱՄԱԴԱ – Նազարին առաջ գցեցեք: Նազարին առաջ գցեցեք: (Բոլորը թաքնվում են Նազարի թիկունքում):

ՎԱԳՐԸ – (Երևում է աջից: Նազարին հրում են վագրի վրա և իրենք փախչում են դեպի ձախ: Նազարը սարսափից և շփոթությունից մնում է տեղում սառած: Ապա հանկարծ մազլցում է ծառի վրա: Վագրը գալիս է մտնում նույն ծառի փակ և կանգնում թիերի մեջ):

ՁԱՅՆԵՐ – (Հեռվից) Փախեք. փախեք... (Լռություն):

ՆԱԶԱՐ – (Ծամաժուռ ձայնով, սարսափահար) Ամն ան – ան (Վագրը կաղկանձում է: Նազարը սարսափով նայում է վագրին և դողում: Հանկարծ վայր է ընկնում ծառից ուղիղ վագրի մեջքին և, սարսափից հեծնելով վրան, պինդ կաշում է գազանի մեջքից: Վագրը վախենում է և, ցարկելով փեղից, սկսում է փախչել՝ Նազարին մեջքին առած):

ԹԱՄԱԴԱ – (Դիմաց, մուրքի մոտ, դեպի դուրս) Ա՛յ տղա, հասե՛ք, վագրին բռնել է, վագրին բռնել է...

ՁԱՅՆԵՐ – Գալիս ենք, գալիս...

ԹԱՄԱԴԱ – *(Դեպի ձախ)* Պի՛նդ բռնի, Քաջ Նազար, պի՛նդ բռնի: *(Գյուղացիներին՝ դեպի աջ)* Հասե՛ք, զարկե՛ք: *(Վագրը ներս է մտնում ձախից՝ Նազարը վրան: Գյուղացիք հետևում են վագրին բահերով, փայտերով ու քարերով, շրջապատում են վագրին և ամեն կողմից հարվածելով սպանում են նրան: Նազարը սարսափից իրեն կորցրած դեռ նստած է վագրի մեջքին: Լռությո՛ւն):*

ՄԻ ՁԱՅՆ – Ուշքը վրան չի:

ՈՒՐԻՇ ՁԱՅՆ – Սո՛ւս կացե՛ք... Թու՛նդ է չարացած:

ԵՐՐՈՐԴ ՁԱՅՆ – Մորթին է պատռում:

ՉՈՐՐՈՐԴ ՁԱՅՆ – Վեր բերե՛ք՝ չպատռի:

ԹԱՄԱԴԱ – Մի պատռի՛ թող հիշատակ մնա:

ԲՈԼՈՐԸ – *(Նազարին)* Վեր արի, Քա՛ջ Նազար, բավական է: *(Վայր են բերում վագրի մեջքից):*

ԹԱՄԱԴԱ – Վագրը մաշկեցե՛ք: Ի՛նչ անձարակն եք: Էդ է՛լ Նազարն անի:

(Մի քանիսը վագրը քաշում են դեպի խորքը՝ մաշկելու):

ՆԱԶԱՐ – *(Ուշքի գալով)* Ո՞ւր է վագրը:

ԲՈԼՈՐԸ – Սպանեցի՛նք:

ՆԱԶԱՐ – *(Նայելով վագրին՝ հագում է ինքն իրեն)* Հա՛, հը՛մ...
Էսպես էր եղել բանը... *(Վագրին դիմելով)* Լավ պրծար էս մի անգամն էլ: *(Բարձր հազալով, գյուղացիներին)* Բա էս անելո՞ւ բան էր, որ արիք:

ԲՈԼՈՐԸ – *(Շփոթված)* Ի՛նչ կա:

ՆԱԶԱՐ – Ի՛նչի սպանեցիք, ո՞վ էր ասում սպանեք:

ԲՈԼՈՐԸ – Բա չսպանելի՛նք:

ՆԱԶԱՐ – Ես չէ՛ի կարող սպանել: Ափսո՛ւ: Հազիվ մի ձի արել, նստել քշում էի: Վագրին էլ մարդ ձեռ տա՛: Անվնաս անասուն:

ԲՈԼՈՐԸ – Չէինք իմանում, էս մեկը բաշխի, էլ չենք անի:

ՍԱՔՈ – *(Ձախից ներս պրծնելով)* Ո՞ւր է, ի՞նչ վագր է, ասում են վագր է եղել:

ԲՈԼՈՐԸ – Ուշացար: Քաջ Նազարը սպանեց:

ՍԱՔՈ – *(Մեծաբերան)* Ջարդուխուրդ կանենք, հա՛... ապա ի՞նչ գիտեք...

ՎԱԳՐ ՄԱՇԿՈՂՆԵՐ – *(Ձեռների վրա պարզած առաջ են բերում մորթին)* Այ հայ՛...

ԹԱՄԱԴԱ – Բերեք փռեք Քաջ Նազարի ոտքի տակ: *(Փռում են)* Ապրես, Քաջ Նազար, մեր տեր, մեր փրկիչ: Էսպես էլ աշխարհքը գցես ոտիդ տակ: *(Գյուղացիներին)* Դե, հիմի վեր կացեք, գնանք Նազարի հետ, ջարդենք հսկաներին:

ԲՈԼՈՐԸ – Գալիս ենք:

ՎԱՐԺԱՊԵՏ – Ելե՛ք:

ՏԵՐՏԵՐ – Ե՛լ, ժողովուրդ:

ՎԱՐԺԱՊԵՏ – Ո՛վ ազգ ամենայն, գնանք Քաջ Նազարի հետ-
կից, փրկվենք և ճաճանչավորվենք հայրենյաց փառքով:

ՏԵՐՏԵՐ – Եվ կամքն Աստուծո օրհնյալ եղիցի:

ԲՈԼՈՐԸ – Դե՛, Քաջ Նազար, առաջ ընկի: Բերեք Քաջ Նազարի ձին:

(Բերում են: Վագրի մորթին գցում են ձիու վրա, Նազարին նստեցնում են վրան, ձեռքն են փայլա դրոշակը և, շրջապատելով նրան, պատրաստվում են շարժվելու դեպի ձախ):

ԹԱՄԱԴԱ – *(Դուրդուկներին)* Ապա՛ մի զուռնա:

ԴՈՒԴՈՒԿՉԻՆԵՐԸ – *(Հանում են զուռնաները և փչում):*

ՆԱԶԱՐ – *(Անհանգստացած կաշեղով ձիուն)* Գյաղա՛... Առաջ ընկեք... Բը՛, բը՛, բը՛...

ԹԱՄԱԴԱ – *(Մյուսներին)* Առաջ ընկեք:

ՍԱՔՈ – *(Մյուսներին)* Առաջ ընկեք:

ԹԱՄԱԴԱ – (Առաջ ընկնելով) Եկե՛ք (Եվ իսկոյն ետ է գալիս):

ՎԱՐԺԱՊԵՏ – Հառանջ: (Առաջ է ընկնում և իսկոյն ետ գալիս):

ՏԵՐՏԵՐ – (Ետ – ետ գալով): Ի զեն, առանջ:

ԲՈԼՈՐԸ – Էհեյ (Կանգնած են տեղները):

(Հանկարծ Նազարի ձին իրորնում է և նրան փանում):

ԲՈԼՈՐԸ – Հասե՛ք...(Վազում են նրա հետևից):

Վարագոյր

ԱՐԱՐ ԵՐՐՈՐԳ

ՔԱԶ ՆԱԶԱՐԸ ՀՍԿԱՍՏԱՆՈՒՄ

*Խոր անտառ: Հասարարուն ծառերի բները գերանների պես
ցցված մթնեցնում են խորքը: Մի բացված է գոյանում ուղիղ
դիմացը, ուր բարձրանում է հսկաների կիկլոպյան ամրոցը: Մի
քարե անկանոն սանդուղք է իջնում ամրոցի դռնից: Մեջքեղը
բացար է: Աջ ու ձախ շավիղներ:*

ԽՈՉԵՆԻ – *(Խոշոր աչքերով, փքված հսկա: Գլխարաց է, մա-
գերն ածիված, միայն գագաթին մի փունջ կա: Երկար բե-
ղերը հասնում են մինչև ականջները և ավելի: Փոքրի պես
է շնչում և երբեմն ինչ-որ ձայն է հանում, նման խոզի խոր-
դալուն: Գլուխը դուրս հանելով ամրոցի արամներից՝ դեա-
դեն է մրիկ գալիս)* Հըն մ մ ...

ԴԱՆԳԻԶ – *(Ծոյլ դանդաղաշարժ հսկա, քնար և ցավոք աչ-
քերով: Ամրոցի խորքից ծոր է գալիս)* Խոռզն ք ք նիի:

ԽՈՉԵՆԻ – *(Նայնպես ծոր գալով)* Բնչ է է է ...

ԴԱՆԳԻԶ – Խոզեն ի ի ի... լսում ք ք էս...

ԽՈՉԵՆԻ – Հան, հա, հա... Բնչ է է է ...

ԴԱՆԳԻԶ – Մի մտիկ տուր չորս կողմը, տես ինս, ջինս, մարդ,
քարավան չի երևում:

ԽՈՉԵՆԻ – Լանանավ: *(Նայում է չորս կողմը, հորանջում է,
կոպրարվում և ապա խորդում)* Հըն մ մ ...

ԴԱՆԳԻԶ – *(Խորքից)* Ղուզղուն, Ղոռոբուղա... *(Գլուխը դուրս
հանելով)* Ղառաղուռ...

ԽՈՉԵՆԻ – Էստեղ չեն, Էստեղ չեն:

ԴԱՆԳԻԶ – Ո՛ւր են:

ԽՈՉԵՆԻ – Ո՛րսի են, ո՛րսի են, ո՛րսի:

ԳԱՆԳԻԶ – (Մի կերպ հասկանում է, ապա գլուխը կծկելով ուսերի մեջ՝ ներս է ընկնում):

ԽՈԶԵՆԻ – (Դեպի ամրոցի խորքը թեքվելով) Աղջի Փերիշան...

ՓԵՐԻՇԱՆ – (Միամիտ, խոշոր աչքերով ժպտադեմ հսկա աղջիկ: Խորքից, երկարացնելով մինչև ներս գալը) Ի՞նչ է է է է...

ԽՈԶԵՆԻ – Մեծ ապերը հրես կգա որսից: Պղինձները դիր կրակին:

ՓԵՐԻՇԱՆ – Լաճաճաճ: (Երկարացնում է մինչև ամրոցի խորքը գնալով):

ԽՈԶԵՆԻ – (Խորդում է և բեղերը ոլորելով մտիկ փայլիս դես ու դեն):

ԳԱՆԳԻԶ – (Խորքից) Խոզենի՛...

ԽՈԶԵՆԻ – Ի՞նչ է է...

ԳԱՆԳԻԶ – Սոված եմ:

ԽՈԶԵՆԻ – Արի գոմեշ կեր:

ԳԱՆԳԻԶ – (Դորս ցարկելով ամրոցից՝ փաթաթվում է ամրոցի սպասաներից մինին) Ո՞ւր է, բեր:

ԽՈԶԵՆԻ – (Հսկայաբար և երկար ծիծաղում է) Հա՛, հա՛, հա՛, հա՛, փա՛հ, փա՛հ, փա՛հ, փա՛հ, փա՛հ, փա՛հ, հո՛, հո՛, հո՛, հո՛, հո՛ւ, հո՛ւ, հո՛ւ, հո՛ւ...

ԳԱՆԳԻԶ – (Բռնելով նրան) Ծիծաղդ պրծի՛ բան եմ ասում, ծիծաղդ պրծի՛ բան եմ ասում:

ԽՈԶԵՆԻ – (Շարունակում է ծիծաղել, կարծես այդ ծիծաղը անկախ բան է նրանից):

ԳԱՆԳԻԶ – Տես, պրծա՛վ ծիծաղդ, տես, պրծա՛վ ծիծաղդ:

ԽՈԶԵՆԻ – (Հանկարծ դադարելով) Հա՛, պրծա՛վ: Ի՞նչ ես ասում:

ԳԱՆԳԻԶ – Ղոռոբուղան էստեղ չի՛:

ԽՈԶԵՆԻ – Ո՛րսի է գնացել, ո՛րսի...

ԳԱՆԳԻԶ – (Կանգ առնելով և մրսածելով) Ասում ես որսի՞: (Էլի

կանգ է առնում և մտածում):

ԽՈՋԵՆԻ – Տէս, հասկացա՞ր:

ԴԱՆԳԻԶ – *(Կանգ առնելով և մտածելով)* Հա՛, հասկացա
(Ընկղմում է: Սակայն իսկոյն դուրս գալով) Մեծ պղինձը ես
պիտի ուտեմ:

ԽՈՋԵՆԻ – *(Ճղղում է)* Բանան, ո՞նց թե: *(Բամփում է գլխին)* Այ
քեզ: Հը՛ն մնմ ...

ՓԵՐԻՇԱՆ – *(Հանկարծ դուրս պրծնելով ամբողջ խորքից, օդը
հոտոտելով)* Մարդահոտ եմ առնում...

ԽՈՋԵՆԻ – Մարդահոտ... Հը՛ն մնմ:

ՓԵՐԻՇԱՆ – *(Կռանալով դեպի ներքև)* Ղորոնթի... Մարդահոտ
է գալիս...

ՂՈՐՈՆԹԻ – *(Շիլ հսկա, շեկ մազերով: Գլուխը դուրս հանելով)*
Մարդահոտ...*(Հոտոտում է օդը):*

ԽՈՋԵՆԻ – *(Ցույց տալով դեպի ձախ)* Ղոռոբուղա ապերը, Ղա-
ռաղուռան:

ՓԵՐԻՇԱՆ – Մեծ ապերն եկանվ, մեծ ապերն եկանվ: *(Ծափ է
տալիս):*

*(Ձախ կողմից ներս են մտնում Ղոռոբուղան և Ղառաղուռան,
առաջինը վիթխարի հսկա է թավ հոնքերով, երկրոր-
դը՝ ավելի փոքր, կարճահասակ հսկա է: Երկուսի գլուխն
էլ ածիլած է, միայն գագաթներին թողած է մի-մի փունջ:
Շալակներին բերում են արջ և որսի այլ կենդանիներ):*

ՂՈՌՈՒՑՈՒՂԱ – *(Խորդալով ցած է դնում բեռը)* Հը՛ն մնմ ...

ՂԱՌԱՂՈՒՌԱ – Հը՛ն մնմ ... *(Նայնպես ցած է դնում բեռը):*

ՓԵՐԻՇԱՆ – Մեծ ապեր, մենք բան գիտենք:

ՂՈՌՈՒՑՈՒՂԱ – Հը՛ն մ ...Ի՛նչ:

ՓԵՐԻՇԱՆ – Մարդահոտ է գալիս:

ՂՈՌՈՒՑՈՒՂԱ – *(Ցույց տալով ձախ)* Հը՛ն մն. այ, Ղուզղունը
բերում է, ձամփին գտանք: Հը՛ն մ ...

ՂՈՒԶՂՈՒՆ – *(Ներս է մտնում ձախից՝ շալակին Տերտերը):*

ՓԵՐԻՇԱՆ – Բ՛ն, էս ի՛նչ բան է:

ՂԱՌԱՂՈՒՌԱ – Ո՛ւր քարշ տվիր սրան, հիվանդություն կբե-
րի հետը: Տարեք դե՛ն գցեք:

ՓԵՐԻՇԱՆ – Այի, ինձ տվեք՝ խաղամ:

ԽՈՋԵՆԻ – *(Մտքենայով Տերտերին, ժպտալով և հեղափոխելով)*
նայում է նրան, և ապա գրկում ու գցում Ղորոնթիի գիրկը):

ՂՈՐՈՆԹԻ – *(Գցում է Ղուզղունի գիրկը):*

ՂՈՒԶՂՈՒՆ – *(Գցում է Ղառադոնայի գիրկը):*

ՂԱՌԱՂՈՒՌԱ – *(Գցում է Դանգիզի գիրկը):*

ՓԵՐԻՇԱՆ – *(Լաց է լինում)* Վե՛մ:

ԴԱՆԳԻԶ – Փի՛, մեռելի հոտ է գալիս, դե՛ն գցեք:

ՂԱՌԱՂՈՒՌԱ – Զուրը գցեք, թող տանի...
ՂՈՌՈՐՈՒՂԱ – Չէ՛է՛... Կացեք, բան պիտի հարցնեմ:

ՏԵՐՏԵՐ – Ա՛ման, օրհնյալներ, բայց թողեք, սիրտս կճաքի:

ՂՈՌՈՐՈՒՂԱ – Կանց... Ի՛նչու հարևանություն չեք անում էլ...
Ի՛նչու քանի օր է էլ աղ չեք ուղարկում մեզ...Հըմմմմ...

ՏԵՐՏԵՐ – *(Վեր թռչելով)* Բոլոր աղը մատաղի ենք տվել,
օրհնյալ: Աղ չի մնացել:

ՂՈՌՈՐՈՒՂԱ – Մատա՛ղ... Հը՛, ի՛նչ մատաղ: Հը՛մ մ:

ՏԵՐՏԵՐ – Մի քաջ մարդ է ընկել մեր աշխարհքը, մատաղ ենք
անում Աստծուն, որ նրա պատուհասից մեզ ազատե:

ՂՈՌՈՐՈՒՂԱ – Ի՛նչ մարդ է, անունն ի՛նչ է: Հը՛մ մ:

ՏԵՐՏԵՐ – Քաջ Նազար:

ՂՈՌՈՐՈՒՂԱ – Քաջ Նազար... Ղոռոբուղմ, Քանջ Նազար...
Ղոռոնթի, Քանջ Նազար... հո՛, հո՛, հո՛, հո՛, *(Հսկայաքար ծի-
ծաղում է: Ծիծաղում են և մյուսները մինչև տնալը):*

ՏԵՐՏԵՐ – Դուք ծիծաղում եք, օրհնյալներ, բայց Քաջ Նազարը
գերի է արել մեր աշխարհքը: Զարդում է ու ջարդում:

ԽՈՋԵՆԻ – Հա՛, հա՛, հա՛, հա՛...

ՂՈՌՈՔՈՒՂԱ – Հո՛, հո՛, հո՛, հո՛...

ՂԱՌԱՂՈՒՌԱ – Հի՛, հի՛, հի՛, ո՛նց է ջարդում: Հըս՛ մ:

ՏԵՐՏԵՐ – Ձեզ համար հեշտ է, բայց մեզ համար դժվար է, օրհնյալներ:

ՂՈՌՈՔՈՒՂԱ – Հան՛, էդ մեկը դորթ է: Հըս՛ սմն:

ՏԵՐՏԵՐ – Ավելի դժվար է հոգևորներիս համար: Քանի որ աշխարհքիս մեղքը մենք ենք բառնում:

ԽՈԶԵՆԻ – *(Կիսովին վեր է կենում ու ժպտալով և հեղաբարձիկ մոտենում է Տերտերին և բռնելով նրա միրուքի ծայրից՝ շոշափում է)* Էս ի՛նչ է:

ՏԵՐՏԵՐ – Միրուքս է, օրհնյալ:

ԽՈԶԵՆԻ – Ինչի՛ է սուր:

ՏԵՐՏԵՐ – Նվազ ենք, քիչ ենք ուտում:

ԽՈԶԵՆԻ – Վոռամյ քիչ եք ուտո՞ւմ, խեղճ: *(Միրուքը բռնած դես-դեն է քաշում Տերտերին):*

ՏԵՐՏԵՐ – *(Խեղճ ու լացակոմած ձայնով)* Այո, օրհնյալ, մենք Աստուծո փոխանորդն ենք: Քիչ ենք ուտում, որ եթե աշխարհքիս բեռը շալակներիս բարձրանանք երկինք, Աստուծո մոտ՝ թեթև լինենք: Այո՛, մենք աշխարհքի ծառաներն ենք: Աղետ է լինում՝ աղոթում ենք, և դրա փոխարեն մի քիչ ցորեն, մի քիչ յուղ ենք հավաքում և համեստ ապրում: Իսկ երբ աշխարհքում ջարդ է լինում՝ լաց ենք լինում այսպես: *(Լաց լինելով)* Մեան՛ն:

ՂՈՌՈՔՈՒՂԱ – Լավ մարդիկ եք դուք...

ՏԵՐՏԵՐ – Այո, օրհնյալ, լավ մարդիկ ենք:

ՂՈՌՈՔՈՒՂԱ – Ապա էդ Քաաջ Նաազաարը ի՛նչի է ջարդում ձեզ: Հըս՛ն:

ՏԵՐՏԵՐ – Մեզ շատ չի ջարդում: Հսկաներին է ջարդում:

ՂՈՌՈՔՈՒՂԱ – Բոո՞...

ՏԵՐՏԵՐ – Մին զարկում է, հազար ջարդում:

ՂՈՌՈՒԲՈՒՂԱ – Բճ, ո՛նց թե...

ՏԵՐՏԵՐ – Դրոշակ ունի ձեռին, սրբոց ձեռամբ գրած, թե՛ անհաղթ Նազար, Քաջ Նազար, մին կզարկի, ջարդի հազար (*Լսցակոսմած*) Ախ, օրհնյալներ, կրակ է դժոխային, հուր աստվածային:

ՂՈՐՈՆԹԻ – Հը՛ ը՛... վախեցնում ես...

ՂԱՌԱՂՈՒՌԱ – Փի, թե վախեցրել ես՝ հըրանմ...

ՏԵՐՏԵՐ – Չէ, օրհնյալ, չէ, ճշմարիտ է, վկա Աստված կենդանի: Այդ Քաջ Նազարը ձեզնից մեծ ուժի տեր է:

ՂՈՌՈՒԲՈՒՂԱ – Բճո՛:

ՏԵՐՏԵՐ – Այո, օրհնյալներ, փախեք՝ քանի չի եկել:

ՂՈՌՈՒԲՈՒՂԱ – Փի՛ն... Ի՛նչ է ասում:

ՏԵՐՏԵՐ – Ա՛ման, օրհնյալ, ճշմարիտ եմ ասում: Փախեք, ազատվեցեք: Դուք ձեր հսկաններն եք տեսել, չեք տեսել Քաջ Նազարը: Քաջ Նազարը գալիս է ոչնչացնելու հսկաներից եղը: (*Երգածայն*) Ահավասիկ, ամեն ասեմ ձեզ և պատմեմ, զոր տեսի աչոք իմոք և լվա ականջոք: Տեսիլ զարմանահրաշ: Հինգ հարյուր հսկաներ իմ աչքի առջև ջարդեց, փշրեց, փոշի շինեց, տվեց քամուն: (*Ծոցից հանելով մի մասնատրուխի և պորոսցով հանելով մի փոշի*) Ահա, էս մի հատիկ փոշին մնաց, այն էլ ես վերցրի հիշատակ: (*Լսց է լինում*) Մեանման:

ՂՈՌՈՒԲՈՒՂԱ – (*Սաստիկ ազդված*) Ղորոնթի՛ն, մի փոշի է մնացել... Ղառաղուռա... Ղուզղո՛ն...

ՂԱՌԱՂՈՒՌԱ – (*Գլուխը բռնելով*) Գողացավ: Հըրանմ... (*Տերպերին*) Գողացավ: Հըրանմ...

ՂՈՌՈՒԲՈՒՂԱ – Ախր ձեզ ասում էի՝ էս մեռել ուտողին մի բերեք դերը: Տեսնա՛ք, ո՛նց խելքդ գողացավ:

ՏԵՐՏԵՐ – Չէ, Աստված մի արասցե:

ՂՈՌՈՒԲՈՒՂԱ – (*Մոտենալով Տերպերին*) Քեզ չասի՛, թե մի

վախեցնի: Ճզմենմ:

ՏԵՐՏԵՐ – *(Ղոռոբրուղայի քամակը մտնելով)* Կանիծեմ...

ՂՈՌՈՔՈՒՂԱ – Բո՛, բո՛...

ՏԵՐՏԵՐ – Կանիծեմ, որ ձեզ էլ Նազարը ջնջի, դնի մասնատուփը: *(Ուզում է դուրս գալ հսկաների օղակից)* Մի ձամփա որ տայիք՝ լավ կլինեք: Էստեղ մի քիչ շոգ է: *(Հևում է սարսափից):*

ՂԱՌԱՂՈՒՌԱ – Հը՛նամ: *(Շալակում է Տերտերին):*

ՂՈՌՈՔՈՒՂԱ – Չէ՛, չենք թողնի: Դու մեզ գիր արիր: *(Ղոռոբրուղային)* Քեզ գիր արեց: Բռնի ու բաց մի թողնի դրան, մինչև գիրը չանցնի:

ԽՈԶԵՆԻ – *(Նայելով դեպի ձախ)* Մեծ ապեր, մեծ ապեր, է՛ն ովքեր են: *(Ցույց է փալիս ձախակողմը):*

ՂՈՌՈՔՈՒՂԱ – Հը՛նամ:

ՏԵՐՏԵՐ – Ա՛ման, Քաջ Նազարն է:

ՀՄԿԱՆԵՐ – Հը՛նամն... *(Սարսափում են):*

ՂԱՌԱՂՈՒՌԱ – Բերդը մտեք: *(Վազում է ամրոցը, մյուսները հեղևում են նրան):*

ՂՈՌՈՔՈՒՂԱ – *(Գրկած փախցնում է Տերտերին):*

(Բոլոր հսկաները պահվում են ամրոցի մեջ: Ձախից ներս են մտնում Նազարը, Թամադան, Սարոն, Վարժապետը և մյուս գյուղացիները):

ՄԻ ԳՅՈՒՂԱՅԻ – Ախպեր, էս մեր Տերտերը գնաց հսկաներին գտնելու՝ ինքը ո՛ր կորավ:

ՎԱՐԺԱՊԵՏ – Գնաց շահատակ, ընկավ նահատակ: Հայրենյանց համար: Հառանջ...

ԹԱՄԱԴԱ – Է, լավ, տերտերը կորավ: Բա հսկաներն ուր կորան:

ՆԱԶԱՐ – Հսկաները կորչեն: Գլուխներդ կջարդեմ, թե կորցրել եք: Քաջ Նազար եք բերում էստեղ ու հսկա եք կորց-

նում: *(Սաքոյին)* Գյաղա, շուտ գնա, բեր էդ հսկաներին:
(Մյուսներին) Գնացեք գտեք: Գտաք թե չէ ինձնից հրաման.
– վրա տվեք, ինձ մի նայեք: Ես գիտեմ իմ անելիքը: Իմա-
ցա՛ք: Դե, գնացե՛ք:

ՎԱՐԺԱՊԵՏ – Սաքո, գնա՛:

ՍԱԿՈ – Էս սհաթին *(Կրունկի վրա պտույտ է գործում և կանգ-
նում քեղնուքեղը: Մյուսներին)* Գյաղեք, գնացե՛ք:

ՄՅՈՒՍՆԵՐԸ – *(Դրսից՝ ուրիշներին)* Գյաղե՛ք, գնացե՛ք:

ԲՈԼՈՐԸ – *(Կանգնած են իրենց քեղը և ոչ ոք չի գնում):*

ԹԱՄԱԴԱ – Էհ, հապա մի նստի, որդի, հաց անուշ անենք:

ՎԱՐԺԱՊԵՏ – Նստի՛ր, հերոս, նստի՛ր: Թող քաջությանդ կա-
տաղությունը իջնի պահ մի:

ԹԱՄԱԴԱ – Գինու տիկը բերեք: *(Բերում են դնում Նազարի,
Թամադայի, Վարժապետի և մի երկուսի առջև: Մրանք
նստում են և սկսում են ուտել, խմել):*

ԹԱՄԱԴԱ – *(Գոռում է)* Էյ, հսկաներ, ո՞ր ծակն եք մտել... Հիմի՛
դուրս արիք, է...

ՆԱԶԱՐ – Կամաց, մի՛ գոռա, չփախչեն:

ՄԻՆԸ – Նազար ախպեր, արի էդ հսկաներին էս մեկ անգամը
ներիր, մեղք են:

ՆԱԶԱՐ – Չէ, էդ չխնդրվեք, որ չեմ ընդունի: Էս մեկ կռիվն է
ու Աստված: Մրանց պիտի ջնջեմ:

ՄԻՆԸ – Քաջ Նազար, էդ ո՞նց է, որ չես վախում:

ՆԱԶԱՐ – Վա՛խ, ի՞նչ բան է վախը: *(Խմում է):*

ՄԻՆԸ – Բա քաջությունն ի՞նչ տեսակ բան է, որ քաջերը միշտ
էսպես են խոսում:

ՆԱԶԱՐ – Քաջությունը... դատարկ բան է քաջությունը: Ահա էս-
պես բռնում են հսկաներին *(Ցույց է տալիս)*, էսպես խփում,
գլուխները թոցնում. դա եղավ քաջություն: Այ քաջությունն
էն է, որ իմանաս, թե ի՞նչ բան է վախը: *(Խմում է):*

ՄԻՆԸ – Ա՛յ քա՛ջ: Բաս էնդուր ես անվախ կովում, է՛:

ՆԱԶԱՐ – Կռի՛վ, ո՞վ է կովում: Հենց գիտես թե ե՛ս: Կռիվը ինքը իրեն – իրեն կովում է: Կռվի միջին իսկի միտս էլ չի, թե կովում եմ:

ՄԻՆԸ – Խոսքդ շաքարով, Քաջ Նազար, հսկա շա՛տ ես ջարդել:

ՆԱԶԱՐ – Բի՛... հսկա՛...*(Գինի է լցնում և խմում)* Ճանճի չափ...

ՂԱՌԱՂՈՒՌԱ – *(Դուրս է նայում ամբողջ արամներից, նրան հեղկում են Ղոռոթրոդան և մյուսները):*

ԹԱՄԱԴԱ – } *(Անհանգիստ շարժում են անում):*

ՎԱՐԺԱՊԵՏ –

ՆԱԶԱՐ – *(Վեր է թռչում)* Հը՛, հսկաներն են:

ԹԱՄԱԴԱ – Չէ՛, դու քո բանը պատմի:

ՆԱԶԱՐ – Գինի տվեք: Էդ հսկաները որ չկան՝ սիրտս շատ տխուր է: Համա մի անգամ...

ՎԱՐԺԱՊԵՏ – Լսի՛ր, ժողովուրդ, լսի՛ր:

ՆԱԶԱՐ – Կռիվ եղավ մի անգամ, գյադա, Գոգ-Մազոգաց աշխարհքում: Հսկաները եկան վրաս:

Հարյուրը եկան՝ փրթեցի, հազարը եկան՝ փրթեցի: Հետո եկան, եկան, եկան... Գալիս են, փրթում եմ, գալիս են փրթում եմ: Վերջը ձեռքիս թողի, ինչ ուզում է թող ինքը անի: Էսպես ջարդելով, ջարդելով հասա Հաբեշտան: Էն է, երբ զարթնեցի՝ տեսա, որ բոլորին էլ փոշի եմ դարձրել, տվել քամուն: *(Հանում է մի շորի փաթաթած կտոր)* Էս մի հատիկ փոշին է մնացել էդ հսկաներից հիշատակ: Մինն էլ Տերտերի մոտ է:

ՀՍԿԱՆԵՐ – *(Գլուխները հանում են և հեղաբրբիր նայում են փոշու հարիկին):*

ՆԱԶԱՐ – Էս է՛ էս հսկաների գլուխն էլ կտրեմ ու պրծնեմ:

ՀՍԿԱՆԵՐ – *(Գլուխները պահում են):*

ԹԱՄԱԴԱ – (Գոռում է) Էյ, հսկաներ, դ՛ր ծակն եք մտել, հիմք
դուրս արիք, է՛:

ՆԱԶԱՐ – Կամանց, կփախչեն:

ԹԱՄԱԴԱ – Վախենում եմ փախած լինեն:

ՎԱՐԺԱՊԵՏ – Հաղթություն, փախավ թշնամին: Հերոսական
հաղթություն:

ԹԱՄԱԴԱ – (Ջոռնաչիներին) Ապա մի զուռնա՛:

ԶՈՒՌՆԱԶԻՆԵՐ – (Ածում են մի զվարթ եղանակ):

ՆԱԶԱՐ – (Վեր է թռչում րեղից դրոշակը և սազ անելով սկսում
է երգախառն արյասանել):

Ձեռս գցեք, հում – հում ուրեմ դրանց ես,

Ոսկորները կրչըր – կրչըր ջարդոյրեմ.

Ձեռս գցեք, փոշի շինեմ քամու պես,

Երկինք հանեմ, հեփքն ու փոշին կորցնեմ:

Էյ, որրե՛ղ եք, մեյդան արիք, հսկաներ,

Գլուխներդ ֆռոսցնեմ, գցեմ վեր:

ԲՈԼՈՐԸ – Ա՛յ ջան, այ ջան, այ ջան:

ՆԱԶԱՐ – Քաջ Նազարն եմ, Նազարաշեն քաղաքից,

Ցեղս ազնիվ, ապուպապս թագավոր.

Թոս, զարկի ինչպես կայծակ երկնքից,

Կրակն ելավ, բռնեց աշխարհք, սար ու ձոր:

Էյ, որրե՛ղ եք, մեյդան արիք, հսկաներ,

Գլուխներդ ֆռոսցնեմ, գցեմ վեր:

ԲՈԼՈՐԸ – Ա՛յ ջան, այ ջան, այ ջան:

ՆԱԶԱՐ – Գյաղա, էդ հսկաներին բերեք, աղցան շինեմ դրանց,
մի ձանկս գցեք դրանց ոսկորները, մի էսպես կրչըռացնե-
լով ջարդեմ, ջարդմրթեմ, փշրտեմ, տամ քամուն, է՛:

ԹԱՄԱԴԱ – Հակառակի պես չեն էլ երևում:

ՆԱԶԱՐ – Էնքան գոռացիք, որ էլ հսկա՛ կմնա: (Սաքոյին) Հը՛,

ի՞նչ խաբար:

ՍԱՔՈ – *(Ներս գալով)* Շատ փնտրեցինք, չկան:

ՄՅՈՒՄՆԵՐԸ – *(Ներս գալով)* Քաջ Նազար, հսկաները չկան:

ՆԱԶԱՐ – Չկան: Էդ եք ուզում, որ ասեք՝ չկան: Էդ ի՞նչ խոսք էր իմացա: Էսքան տեղը Քաջ Նազար եք բերում ու կանգնում թե՛ չկան: Դեհ, հոգիներդ պահ տվեք: *(Վերցնում է միրուսկը և հարձակվում Սաքոյի վրա):*

ՍԱՔՈ – Քաջ Նազար, բանջիսի:

ԹԱՄԱԴԱ – Էս մեկը բաջիսի:

ՆԱԶԱՐ – Թող, սրանց պիտի վերջացնեն: *(Խփում է Սաքոյին և մյուսներին):*

ԲՈԼՈՐԸ – Քանջ Նազար, բանջիսի...

ՂՈՌՈՒՄՆԵՐԸ – *(Գլուխը հանում է ամրոցից):*

ՍԱՔՈ – *(Տեսնելով նրան)* Փախեք: *(Փախչում է):*

ԹԱՄԱԴԱ – Հը՞... *(Փախչում է):*

ՄՅՈՒՄՆԵՐԸ – Ա՛ման...*(Փախչում են):*

ՆԱԶԱՐ – *(Սիրրակում է ծառերը)* Ո՛ւնց թե չկան:

ՂՈՌՈՒՄՆԵՐԸ – *(Վեր թռչելով)* Բճ, բճ...*(Սարսափած դուրս է վազում դեպի Նազարը):* Հանամ...

ՄՅՈՒՄՆԵՐԸ – *(Հեղձում են նրան և բոլորը շրջապարելով Նազարին, թափվում գետնի վրա):*

ՆԱԶԱՐ – *(Փախչում է դեպի Ղոռոքոսդան):*

ՂՈՌՈՒՄՆԵՐԸ – Հանամ...*(Աղաչական, բազկապարած սողում է դեպի նա)* Բանջիսի:

ՆԱԶԱՐ – Ա՛ ան ան... *(Փախչում է դեպի Ղորոնթին):*

ՂՈՐՈՆԹԻ – Հանամ... *(Բազկապարած սողում է դեպի նա)*
Բանջիսի...

ՆԱԶԱՐ – Ա՛ ան ան... *(Փախչում է դեպի Ղուզղոնը):*

ՂՈՒԶՂՈՒՆ – Հանամ...*(Բազկապարած սողում է դեպի նա)*
Բանջիսի...

ՆԱԶԱՐ – Ա՛ ան ան... (Զանազան կողմեր է վազվզում և հանկարծ վախի կայարադության մեջ գոռում է): Էհէյ... (Բռնում է ծառի բնից):

ՂՈՌՈՒՌՈՒՂԱ – (Բաց թողնելով Տերտերին, չոքեչոք վազում է նրա մոտ) Օջմխո էնք ընկել, Քաանջ Նաազար:

ՆԱԶԱՐ – Բը՛, բը՛, բը՛...

ՄՅՈՒՍ ՀՍԿԱՆԵՐԸ – Օջմխո էնք ընկել, Քաանջ Նազար, բանջ-խի...

ՏԵՐՏԵՐ – Թողություն արա, Քաանջ Նազար:

ՆԱԶԱՐ – (Տերտերին տեսնելով) Հը՛...

ՏԵՐՏԵՐ – Հաղթվել են, խնայիր, մեղավոր են...

ՀՍԿԱՆԵՐ – Բանջխի, Քաաջ Նազար:

ՆԱԶԱՐ – (Կասկածոր նայում է Տերտերին, հսկաներին և սպա գլխի ընկնելով ուշքի է գալիս) Հը՛մ, էսպես էր եղել բանը: Ապրեն, Քաաջ Նազար: (Վախեցած մտիկ է տալիս Ղոռոբրուդային:)

ՂՈՌՈՒՌՈՒՂԱ – (Ճակատը գեղնին զարկելով և բարձրացնելով) Քաանջ Նանազար, լսել էինք անունդ, քեզ չէինք տեսն ... Շատ աղաչանք ենք անում, գաս դառնաս մեր մեծավորը, մենք էլ կդառնանք քո ձորտը: Հրամայի, աշխարհք քանդենք, բերենք ոտդ: Մենակ բաշխի մեզ:

ՀՍԿԱՆԵՐ – Բանանջխի:

ՆԱԶԱՐ – Գյադա, ի՛նչ է ձեր աշխարհքի անունը:

ՏԵՐՏԵՐ – Հսկաստան:

ՆԱԶԱՐ – Հսկաստան: Լավ: Բաշխեցի՛նք:

ՏԵՐՏԵՐ.— (Խաչակնքելով) Խաղաղություն ամենեցուն: (Ինքն իրեն:) Հազիվ ազատվեցինք: Օրհնյալ լինիս, ո՛վ քաջ: (Լռություն:)

ՂՈՌՈՒՌՈՒՂԱ – Հանամ: Հրաման է, վեր կենանք, մեծավոր:

ՆԱԶԱՐ – Վեր կենանք: (Սիրածում է) Վեր կացեք ու... մի քիչ

հեռու կանգնեցեք:

ՂՈՌՈՔՈՒՂԱ – Թուրդ հանի, մասնտաղ, տակրվն անցնենք:

ՆԱԶԱՐ – *(Հանում է թորը և հսկաներն անց են կենում:)*

Լռությոն

ՂՈՌՈՔՈՒՂԱ – Հիմի ի՞նչ կիրամայես, մեծավոր:

ՆԱԶԱՐ – Ոչինչ չեմ հրամայում: *(Դես դեն է նայում, որ հնար գրնի փախչելու: Ման է գալիս:)*

ՂՈՌՈՔՈՒՂԱ – *(Հեպրևում է նրան)* Հիմի ո՞նց է ուզում սիրող: Աղուհացի սուփրան էստեղ բաց անենք, թե՛ ներսը՝ ամրոցում: Հւմ մն...

ՆԱԶԱՐ – *(Տարակուսանքով)* Սուփրամն: Էստեղ բաց արեք: Էստեղ, ներսը մութ կլինի:

ՂՈՌՈՔՈՒՂԱ – Ոնց որ քեֆդ է, մասնտաղ: *(Նազարի հեպրևից ման գալով):* Քանջ Նազար: Չե՛ս նստում, մատանի:

ՆԱԶԱՐ – Հը... *(Նստում է և տարակուսանքով մտիկ տալիս հսկաներին):*

ՂՈՌՈՔՈՒՂԱ – *(Նստելով նրա մոտ և դառնալով մյուս հսկաներին)* Ինչ եմ ասում... Ճաշ պատրաստեցեք: Հւմ մնմ...

ՀՍԿԱՆԵՐ – Աչքներին վրա: *(Հեռանում են):*

ՂՈՌՈՔՈՒՂԱ – *(Նրանց հեպրևից)* Արջաամիս շամփրեցեք: *(Ավելի բարձր)* Հւմ մնմ... Գոռնշամիս խաշեցեք: *(Ավելի բարձր)* Հւմ մնմ... Ուղտամիս տապակեցեք: Հւմ մնմ...

ՆԱԶԱՐ – *(Ամեն նոր շեշտին վեր է թռչում տեղից):*

ՀՍԿԱՆԵՐ – Շամփրո՞ւմ ենք, ապեր, տապակո՞ւմ ենք *(Ընկնում են ծառերի մեջ և հսկայական շարժումներով, լայն քայլերով ու արագ սկսում են ծառերն արմատահան անել, մրնում են ամրոցը, դուրս են բերում ահագին թաբախներ, դանակներ, վերցնում են ահագին քարեր, դնում իրար կողքի խարոյկի համար):*

ՆԱԶԱՐ – *(Սարսափից շփոթված)* Հսկա ախպեր...

ՂՈՌՈՒՌՈՒՂԱ – (Անհանգիստ) Հան ան...

ՆԱԶԱՐ – (Նրանից վախենալով լուռ նստում է տեղը):

ՓԵՐԻՇԱՆ – (Հանկարծ սայթաքելով ընկնում է մի ծառի վրա, ծառը ջարդվում է, և ճյուղերը թափվում են Նազարի առջև, Նազարը վեր է թռչում, Խոզենին ծիծաղում է, մյուսները վարակվում են, հանկարծ փոթվում է նաև Ղոռոբրուհան: Սկսվում է անզուսպ ծիծաղի մի փոթորիկ: Նազարը վեր է կենում տեղից և սկսում է դարձյալ անհանգիստ անցուդարձ անել):

ՂՈՌՈՒՌՈՒՂԱ – (Նորից ներվելով) Քաջ տղերք են, մեծավոր, լավ կռվել գիտեն:

ՆԱԶԱՐ – Ձենները թող կտրեն:

ՂՈՌՈՒՌՈՒՂԱ – Ձեններդ կտրեցեք:

ՀՍԿԱՆԵՐ – (Լռում են: Միայն Խոզենին ծիծաղը չի կարողանում զսպել: Հսկաները վրա են թափվում և սկսում են թափել) Պրծամվ, պրծամվ: (Շահարկում են իրենց գործը):

ԽՈԶԵՆԻ – (Ուզում է պոկել Նազարի գլխավերևը կախված ծառի մեծ ճյուղը):

ՓԵՐԻՇԱՆ – (Արգելելով նրան) Մի՛ պոկի, մի՛ պոկի, փտած է: (Հսկաները Խոզենուն նետում են դեպի խորքը):

ՀՍԿԱՆԵՐ – (Վերջացնում են ծառ պոկելը և սկսում են պղինձները դնել խարոյկի վրա):

ՂՈՌՈՒՌՈՒՂԱ – (Նկատելով Նազարի մրսահոգ դեմքը) Սիրտդ նեղանում է: Հան ան... Մի արջ բերեմ պատռես:

ՆԱԶԱՐ – (Վախեցած) Չէ՛, հարկավոր չէ:

ՂՈՌՈՒՌՈՒՂԱ – Լավ խոշորները կան: (Մյուս հսկաներին) Հան ան: Ճաշը բերեք:

ՀՍԿԱՆԵՐ – Բերում ենք: Հան ան...(Բերում են պղինձը, դնում Նազարի առաջին):

ՓԵՐԻՇԱՆ – (Թփերը քշված՝ ձեռք կոխում է պղինձը. խառ-

նում է շերեփով):

ՀՍԿԱՆԵՐ – (Թփթփայլով նստում են շորջը):

ՂՈՌՈՔՈՒՂԱ – (Նազարին) Հան մն... անուշ արա, մանտաղ, սիրտդ ինչ է ուզում: Եզ: Հան մն...(Ավելի բարձր) Ո՞ւղտ: Հանմն...Փիղ... Հան մն... (Թևքերը քշած հանում է մսի խոշոր կտորներ և դնում Նազարի առջև) Անուշ արա: (Մյուսներին) Կերեք (Ինքը քաշում է մի մեծ կտոր, մյուսները նույնպես թևքերը քշած հարձակվում են պղնձի վրա ու սկսում լափել):

ՂԱՌԱՂՈՒՌԱ – Հանմն... մունետիկ, իմաց տուր թագավորին, թող գա կռիվ անենք: Ասա, Փերիշանին քեզ կնիկ չենք տալու: Ասա, էլ մեր թագավորը չես:

ՄՈՒՆԵՏԻԿ – Աչքիս վրա: (Ածում է պարկապզուկը՝ ձախ ձեռքի մատներով, իսկ աջով փչում է զոռնասն) Էյ, թագավոր, քեզ իմացում, Փերիշանը քեզ չենք տալիս: Էլ մեզ թագավոր չես: Արի կռիվ անենք:

ՂՈՌՈՔՈՒՂԱ – (Վեր է թռչում) Հան մնմ...

ՆԱԶԱՐ – (Ցնցվելով) Մնար մի ուրիշ անգամ, իմանում ես:

ՂՈՌՈՔՈՒՂԱ – (Դես – դեն ընկնելով, անհամբեր, կովի փրամադրված) Իմանում եմ, մատաղ, իմանում եմ... (Հսկաներին) Լասով զինվեցեք, կռիվ պիտի տանք... Հանմն... (Շառաչ հանելով հագնում է զենք ու զրահը: Հսկաները նույնպես: Ապա բարձրանում է ամրոցը, այնտեղից դիտում է շրջակայքը, վազում է վար ու դարձյալ պրոստրներ գործում դեստոդեն):

ՆԱԶԱՐ – (Նրա հեղուկից ման գալով) Ը՛, ը՛, գյադամ, ինչ եմ ասում...

Խաղաղությունն ավելի լավ է... Իմանում ես:

ՂՈՌՈՔՈՒՂԱ – Հը՛, հա՛ (Մեքենայաբար կրկնում է) Խաղաղությունն ավելի լավ է... (Վազում է նորից ամրոցի գլուխը

և իջնում ցած) Հան մմմ... Եկան:

ՄՈՒՆԵՏԻԿ – Դեսպան եկավ թագավորից:

ՆԱԶԱՐ – (Հագում է) Ըհը...

ԴԵՍՊԱՆ – (Միրնելով ձախից):

Այդ ինչ մարդ եք բերել, ընտրել
Ձեր աշխարհքին փեր ու իշխան.
Թագավորին չեք հարցրել
Ու անպատվել այնպես նրան:
Շոնփ, վնր ստեք այդ նոր պերին,
Շղթա դրեք ձեռ ու ոտին,
Հիմա կգա թագավորը,
Սևացնելու դրա օրը:

ՆԱԶԱՐ – (Դողից արամները կափկափելով, դեստոդեն է ընկ-
նում) Բը, բը, բը, բը... Էս էլ քեզ նոր խաթա... Տեսնենք ո՞նց
ես պրծնում:

ՂՈՌՈՔՈՒՂԱ – Կորի, գնա, անխելք մասարդուկ,
Քասջ Նագարին չեք փեսել դոք,
Տեսել եք ձեր թագավորին,
Մժեղ – մյասկ ձեր զորքերին:
Գնա, սաս թասագավորին,
Որ էլ իրեն չենք ճանաչում,
Ճանաչում ենք Քաջ Նագարին,
Ասրված վերև, նա՛ մեր միջում:

ԴԵՍՊԱՆ – Կերթամ կասեմ թագավորին:

Գա սև կապի թող ձեր օրին: (Գնում է):

ՆԱԶԱՐ – (Ճանփա որոնելով փախչելու) Զանըմ, էս իմ ձին
ո՞ր տարան:

(Ման է գալիս անհանգիստ):

ՂՈՌՈՔՈՒՂԱ – (Հսկաներին):

Հւմ մնմ. զեւնք կապեք, պասարասարվեցեք,
Քաաջ Նազարին հեարևեցեք:
Եկե՛ք մեջտեղ – շասարվեք մի – մի,
Կոհիմվ պիտի բացվի հիմի:

(Փողեր են փչում)

ՄՈՒՆԵՏԻԿ – Թշնամիները երևացին...

ՂՈՌՈՔՈՒՂԱ – Հւմ մ... Բերեք շուտով Նաազարի ձին:

ՆԱԶԱՐ – Գյաղա, մի ուրիշ անգամ կանեիք *(Հազում է)*: Ինչ
դրա ժամանակն էր:

ՀՄԿԱՆԵՐ – Մեջտեղ բերեք Նազարի ձին,
Թշնամիներն երևացին:

ԺՈՂՈՎՈՒՐԳ – Այրի մեր մեծ Քաջն Նազար,
Ո՛ւց պիտի ջարդի հարյուր հազար:

*(Բոլորը զինված շարժվում են աջակողմը, հսկաները, բա-
ցի Ղոռոքոսայից, բարձրանում են ամրոցի գլուխը: Հեովից
լավում է փողերի ձայն: Ապա հեարզեարե զորքերի գոռոց):*

ՄՈՒՆԵՏԻԿ – Զորք է գալիս, պահ, պահ, պահ, պահ:

ՀՄԿԱՆԵՐ – Զորք է գալիս, վահ, վահ, վահ, վահ:

ՂՈՌՈՔՈՒՂԱ – Քաաջ Նազարը էստեղ է, հւմ...

ՀՄԿԱՆԵՐ – Փախչենք, ապեր, շատ են, վայ, վայ:

ՂՈՌՈՔՈՒՂԱ – Ո՛ւր եք փախչում, շաան լակոտներ: Հոզիններդ
կհանեն, հւմ... Քաաջ Նազարը կթողմի՛, որ փախչեք: Հւմ
մնմ... Գուրգերդ ամուր բռնեցեք:

ՀՄԿԱՆԵՐ – Մեծ ապեր, արի տեն, շատ են:

ՂՈՌՈՔՈՒՂԱ – *(Բարձրանում է ամրոցը)* Բո՛ո՛ո՛ո՛... էէս ի՛նչ է:
(Վայր իջնելով և ընկնելով Նազարի ոտները) Հւմ մնմ...
Աման, Քաջ Նազար:

ՆԱԶԱՐ – Աման:

ՀՄԿԱՆԵՐ – *(Նոյնպես ընկնելով Նազարի ոտները)* Աման:
Քաջ Նազար:

ՆԱԶԱՐ – Աման: *(Առանց զենքի դուրս է փախչում):*

ՂՈՌՈՒՑՈՒՂԱ – Ո՛ր է գնում առանց զենքի: Բռնեցեք:

ՀՍԿԱՆԵՐ – *(Բռնում են Նազարին և հեղբայրները զենքեր են կապում նրա վրա):*

ՂՈՌՈՒՑՈՒՂԱ – Բերեք մեր ձին *(Բերում են):* Նստեցե՛ք:
(Նստեցնում են)

ՆԱԶԱՐ – *(Սասարիկ անհանգիստ է: Չորս կողմն է նայում, որ ձանկա գրնի փախչելու և երկյուղից հեղզհեղբուն ինքն իրեն քաջալերելով ու սարսափի մեջ գլուխը կորցնելով) Ըրըր՛, կրիվ է, քեզ տեսնեմ, հայ – հանամ յ:*

ՂՈՌՈՒՑՈՒՂԱ – Հի՛մի, մաատանդ, հի՛մի, համբերի՛:

(Սակայն Նազարը մի հնարք է ուզում գրնել փախչելու: Հանկարծ աչքը զգում է փրած ծառի ոստիկ, որ կախված է իր գլխի վերևը: Ծարժումներ է անում, որ հարմարեցնի այնպեղ բարձրանալու: Հեռվից աղմուկ է լսվում, որ գնալով սասարկանում է):

ԹԱԳԱՎՈՐԻ ԶԱՅՆԸ – *(Աջից) Ո՛ր է անզգամ ապստամբը, առաջ բերեք:*

ՂՈՌՈՒՑՈՒՂԱ – *(Դուրս նայելով) Պի՛նդ կաց տեղդ, հի՛մի կգա: (Նազարին) Դե, քեզ տեսնենք, Քայջ Նազար:*

ՀՍԿԱՆԵՐ – Վրա տուր, Քայջ Նազար:

ՆԱԶԱՐ – *(Դողում է ահից) Էհենե՛յ... (Շոտ է գալիս և նստում երեսը դեպի ձիու գավակը, ու ձեռները զգում է ծառի ոստիկ: Հսկաները գոռում են: Հանկարծ ձին խրպնում է և թռիչք գործում առաջ: Ըյուղը կոտրվում է, մնում է Նազարի ձեռքին: Եվ սա ձիու հեղբայր միասին թռչում է դեպի թշնամին: Լսվում է Նազարի գոռոցը) Աման...*

ԹՇՆԱՄՈՒ ԶՈՐՔ – *(Դրսից) Ծառը պոկե՛ց, փախե՛ք...*

ՂՈՌՈՒՑՈՒՂԱ – Թշնամին փախչում է... Հասե՛ք...

(Հսկաները հարձակվում են թշնամու զորքի վրա):

ԶՈՐՔ – Ա՛ման, Քաջ Նազարն եկավ...

ՂՈՌՈՔՈՒՂԱ – Զամրկեք: *(Կռիվ, գոռոց, իրարանցում, որ գնալով հեռանում է):*

ԶԱՅՆԵՐ ԴՐՍԻՑ – Այ ապրեն Նազար, ո՛նց է քշում:

– Ո՛նց պոկեց ծառը, տես ո՛նց է ջարդում:

– Փախան՛, մարդ չմնաց: *(Լռությո՛ւն):*

– Նազարին բերում են:

(Զայները մոտենում են հեղձկեղև, և շուտով ներս են գալիս հսկաները, ժողովրդի հեղձ, ձիու վրա բերելով Նազարին, որ սարսափից ուշագնաց է եղել):

ՂՈՌՈՔՈՒՂԱ – Ծառը ձեռիցն առեք, վեր բերեք ձիուց: Ապրի Նազարը:

(Նազարին վայր են բերում ձիուց և առնում ձեռքի ձյուղը):

ՂՈՌՈՔՈՒՂԱ – Խաալիներ բերեք, բաարձեր շարեք: Նաազար իշխաանը թող հանգստանա, գնացեք դաշտից ավաարը բերեք:

ՏԵՐՏԵՐ – *(Թաքնված տեղից դուրս գալով):* Մատաղների էլ պղինձը շարեք:

ՎԱՐԺԱՊԵՏ – Ազգային ճաշի սուփրան բաց արեք:

ՄՈՒՆԵՏԻԿ – *(Աշտարակից)* Փախած թշնամուց դեսպան է եկել:

ՂՈՌՈՔՈՒՂԱ – *Հա՛ն սնան...*

Նեեղն է ընկել,

Կասանչեք, տեսնենք,

Վիհզը պոկենք:

(Դեսպանին ներս են բերում):

ԴԵՍՊԱՆ – *Հաղթված, ջարդված մեր քաջ գորքից,*

Ժողովրդից ու աշխարհից

Խնդիրքով ենք եկել ահա,

Քաջ Նազարին խնդրենք հիմա:

ՂՈՌՈՒՌՈՒՂԱ – Հւն մնմ... սասմ...

ԴԵՍՊԱՆ – Մեր թագավորն սպանվեց էս կռվի մեջ: Ժողովուրդն ու աշխարհքը մնացել է անթագավոր: Հիմի մեր ջարդված զորքը, ողջ աշխարհքը խնդրում է Քաջ Նազարին, որ նա մեր աշխարհքն էլ միացնի ձեր աշխարհքին և դառնա մեր ու ձեր թագավորը:

ՂՈՌՈՒՌՈՒՂԱ – *(Նազարին)* Քաաջ Նազար, կուզե՞ս թաագավոր դառնաս:

ՆԱԶԱՐ – *(Ուշքի գալով, ձայնը փորն ընկած)* Բերեք, կդառնամ:

ՂՈՌՈՒՌՈՒՂԱ – *(Դեսպանին):*

*Գնա հայտնիր ձեր քաջ զորքին,
Ժողովրդին ու աշխարհքին,
Որ մեր Նազար մեծավորը,
Դառավ մեր – ձեր թագավորը:*

ԴԵՍՊԱՆ – Երթամ հայտնեմ մեր քաջ զորքին, ժողովրդին ու աշխարհքին: *(Մեկնում է)*

ՎԱՐԺԱՊԵՏ – Կեցցե՛ն թագավոր փրկիչ Նազարը, ջարդեց հազարը, ջարդի հազարը:

ԺՈՂՈՎՈՒՐԴ – Կեցցե՛ն Նազար թագավորը:
(Զոռնասչիները նվագում են)

Վարագոյր

ԱՐԱՐ ՉՈՐՐՈՐԴ

ՔԱՋ ՆԱԶԱՐԸ ԹԱԳԱՎՈՐ

Պալատական սրահ, արևելյան ոճով զարդարված, աջակողմը՝ արքայական թախար, դիմացը՝ վարագույրով սքողած մուտք: Իսկ ձախակողմը՝ պարզգամք, որ բացվում է հրապարակի վրա: Պարզգամքի պատի վրա, դիմաց ու ձախ պատերի անկյունում դեպի դուրս է նայում մի այլ փոքրիկ պարզգամք՝ հովանիով: Թախարի մուտք պատին է կպցրած վագրի մորթին:

ՍԵՆԵԿԱՊԵՏ – (Ներս է գալիս և բարև բռնած կանգնում վարագույրի աջակողմը: Չոր ու ցամաք, արագաշարժ, մանրաքայլ արարած՝ մկան աչքերով, շարժուձևերը ծիսական, մեքենական):

ՆԱԶԻՐ – (Ներս մտնելով խոնարհ ողջոնում է Սենեկապետին) Տեր իմ:

ՍԵՆԵԿԱՊԵՏ – (Պարսկական ողջոյնով) Տեր իմ:

ՆԱԶԻՐ – (Կանգնում է Սենեկապետի դիմացը):

ՎԵՋԻՐ – (Ներս մտնելով Սենեկապետին ու Նազիրին ջոկ – ջոկ) Տեր իմ:

ՆԱԶԻՐ –

ՍԵՆԵԿԱՊԵՏ – } (Իրենց հերթին) Տեր իմ:

Մտնում են սպա մյուս պաշտոնյաները՝ Ջորապետ, Գանձապետ, պալատականներ, ու բոլորը նոյն կարգով ողջոնելով իրար՝ կանգնում են երկշարք ու բարև բռնած՝ սպասում երկյուղածությամբ:

ՆԱԶԻՐ – (Սենեկապետին) Արթնացել է Գերագույնը:

ՍԵՆԵԿԱՊԵՏ – Երեկոյան ընդունելով մահիձ՝ անփույթ ննջեց

մինչև արշալույս, ծագեց արեգական հետև և ահա իսկույն կճառագե արեգնափայլ:

ՆԱԶԻՐ – Անմոռանց օրեր են: Ի՞նչ էր մեր պետության նավը մեր նախկին պարտված թագավորի օրոք: Ալեկոծյալ տախտակամած:

ՎԵՋԻՐ – Այո՛, ինչ Գերագույնը հաղթեց մեր նախկին ժլատ ու ապիկար թագավորին, ես երջանկությունից չեմ քնում:

ՆԱԶԻՐ – Ես ևս չեմ քնում: Եվ արդարև, Նազար երջանիկը երջանկացրեց մեր պետությունը և հիմա արժան է և իրավ, որ ինքը հանգիստ առնե պահ մի:

ՄԻ ՊԱԼԱՏԱԿԱՆ – Երջանկությունը իմ էլ աչքերից քունը խլեց: Վայելում եմ հարատև արթնություն մի, որ դրախտային քնի է օրինակ:

ՆԱԶԻՐ – Երջանկություն: Սա թագավոր չէր, այլ երկնային մանանա՛: Եվ անձկալի՛: Վեց նահանգ սրա օրով ես կցեցի իմ իշխանության կալվածներին:

ՎԵՋԻՐ – Չորս նահանգ էլ ես կցեցի:

ԶՈՐԱՊԵՏ – Ես կալվածատեր դառա, որ երբեք չէի լինի նախկինի օրոք:

ՄԻ ՊԱԼԱՏԱԿԱՆ – Հոգևոր դասն էլ պարարեց օրինավոր:

ՆԱԶԻՐ – Միով բանիվ՝ ամենքս լավ դրստվեցինք:

ՎԵՋԻՐ – Դու դեռ սպասիր, տեր իմ, էլի կդրստվենք:

ՄԻ ՊԱԼԱՏԱԿԱՆ – Աստված մեծ է: Աղաչենք մի պատերազմ էլ տա:

ՆԱԶԻՐ – Այն Աստվածը, որ մինը տվեց՝ մյուսն էլ կտա հայրաբար:

ԶՈՐԱՊԵՏ – Թագավորներս էլ՝ Աստծու տվածից քաջարին դուրս եկավ: Սպասենք նոր հաղթանակի:

ՆԱԶԻՐ – Ուրեմն, տիարք, օգնենք թագավորին իր ծանր պարտականությանց մեջ:

ԲՈԼՈՐԸ – Օգնենք, օգնենք:

ՆԱԶԻՐ – Եվ Աստված պահե թագավորին:

ՍԵՆԵԿԱՊԵՏ – *(Անհանգիստ շարժումներով դուրս է վազում և ներս նայելով)* Գերագույնը...

ԲՈԼՈՐԸ – *(Երկրպագում են և մնում երեսները գեպնին):*

ՍԵՆԵԿԱՊԵՏ – *(Ներս վազելով ու դողող ձեռներով վարագոյրը բաց անելով)* Ահիվ կացցուք:

(Ներս է մտնում Նազարը՝ թագավոր. և շար հպարտ գլխների վրայից անցնելով՝ առաջանում է դեպի թախարը և կանգնում է նրա մոտ՝ երեսը դեպի պալատականները: Նրա հետևից՝ նույնպես պալատականների գլխի վրայից անցնելով գալիս է Սաքոն, նոր զգեստներով ու դրոշակը ձեռին կանգնում է նրա հետևը):

ՍԵՆԵԿԱՊԵՏ – Երջանիկ ընդունելություն Նազար արքային:

Օր երեսներորդ: Երկյուղածությամբ առանց մատիք: Աստված պահե թագավորին:

ԲՈԼՈՐԸ – *(Կիսաբոլոր կանգնում են Նազարի առաջ և խոնարհ երկրպագում)* Ամեն: *(Մնում են երեսները գեպնին):*

ՍԵՆԵԿԱՊԵՏ – *(Առաջ է գալիս և ոլորած թուղթ բանալով՝ գլուխ է փալիս Նազարին և սկսում կարդալ)* Թագավոր քաջ, արեգակն արդարության, ծով խելաց, կարողության բազուկ, բերան ճշմարտության, համարձակվում եմ կարդալ այսօրվան հրամանը, որ գիշերս հրամայեցիր այսօրվան օրվան, որ և ահավասիկ ահա: – « Ես, Նազար հազարերորդ անհասանելի կամոքն Աստուծո թագավոր և կրոնապետ Նազարստանի, Տիտանստանի, Գոգա և Մոդոգա, Աճուճա և Պաճուճա և այլն, և այլն: Տեր աշխարհի, հաղթող ամենից և ամենայնի, ահավասիկ հրամայեմ, կարգադրեմ, օրինեմ և տնօրինեմ: Թող այսօր էլ արեգակը ծագե արևելքից և մայրամուտ ունենա արևմուտքում: Մարդիկ

ծնվեն և մեռնեն: Եվ ամենայն գործ մարդկային, որ գործվի, թող շարունակե գործվել: Որով թող կատարվի խոսքն Աստուծո և օրենքը մարդկային, թե «թագավորք հրամայեն և աշխարհք դառնա»: Ստորագրված է՝ «Նազար հազարերորդ»։ Ընդ իսկականին ձիշտ է՝ քարտուղար-քարտուղարաց՝ Բաղախորիկ»:

ՆԱԶԱՐ – *(Ձեռքով նշան է անում, թե հավանում է):*

ՍԵՆԵԿԱՊԵՏ – Համարձակվում եմ բարձրացնել աչքս դեպի երկինքը երեսհարքիդ՝ սպասելով, թե ունեն այլ հրաման, կենտրոն տիեզերաց: *(Լռությոն):*

ՆԱԶԱՐ – *(Գրպանից հանելով բանալի և մեկնելով Սենեկապեդին)* Քիշմիշ բեր:

ՍԵՆԵԿԱՊԵՏ – Քիմք նրբաձաշակության, արդյոք Հնդկաստանի խաղողանույշ կհաճեիր, թե՞ Հաբեշտանի:

ՆԱԶԱՐ – Ինչ է դուրս տալիս: Քիշմիշ բեր, որը կլնի՝ կլնի:

ՍԵՆԵԿԱՊԵՏ – Ստույգ հրամայեցիր, բերան ձմարտության: Կնշանակե՛ երթամ բերեմ որևէ քիշմիշ:

ՆԱԶԱՐ – Հա՛, հա՛, «որևէ քիշմիշ», հայվան, դե հայդա:

ՍԵՆԵԿԱՊԵՏ – *(Գնում է):*

ՆԱԶԻՐ – *(Ընկողմանում է թախարի վրա և աջ ոտը դնելով վերը, ձախը կախ է գցում կիսովին: Համրիչը մեկնելով պալատականներին)* Է, դեսը մտիկ: Տերությունը կարգին է: Սխալությունն հո չկա՛: Նազիր – վեզիր:

ՆԱԶԻՐ – } Ամեն ինչ օրինավոր է, թագավոր իրավագոր:
ՎԵԶԻՐ – }

ՆԱԶԱՐ – Զորապետ, գորքը ո՞նց է:

ԶՈՐԱՊԵՏ – Քանջ, թագավոր քաջ:

ՆԱԶԱՐ – Խազնադար, խազնամն ո՞նց է:

ԳԱՆՁԱՊԵՏ – Հաշիվներն ստույգ են, թագավոր բազմահարուստ:

ՆԱԶԱՐ – Հիմի կերթաք ու տերությանը լավ մտիկ կտաք:
Ամեն բան կարգին: Զորք է, հաշիվ է, հարստություն է՝ լավ
կպահեք, թե չէ կարկաժներդ կձղեն, հանրամզադաներ:
Ահա ինձնից հրամանք: Տերության մեջ գողություն չլինի:
Թալանները լավ տեղավորեք: Զգողանան: Իմացա՞ք:

ԲՈԼՈՐԸ – Իմացանք, տեր արքա:

ՍԵՆԵԿԱՊԵՏ – *(Ներս գալով)* Փոթորիկ բարկության, նոր իշ-
խաններն ակնկալում են ունկնդրությանդ:

ՆԱԶԱՐ – Հը՞:

ՆԱԶԻՐ – Զորբաշենցի Թամադա իշխանը և Ղոռորուդա Բդեշ-
խը իր խմբով:

ՆԱԶԱՐ – Է, վե՛րջը...

ՍԵՆԵԿԱՊԵՏ – Ասել կուզե՛ իշխանն Սենեկապետ Բոնաշենցի
այլ և խոզերինջն և Վարազենի և համհարզ նորին:

ՆԱԶԱՐ – *(Անհանգիստ շարժումով)* Ովքե՛ր են, ջանքը, ասա
ներս գան:

ՍԵՆԵԿԱՊԵՏ – *(Ներս է հրավիրում Թամադային, Ղոռորուդա-
յին և մյուս հսկաներին, բոլորն էլ իշխանական նոր զգեստ-
ներով):*

ՆԱԶԱՐ – *(Նրանց տեսնելով)* Բո՛, Թամադան է, Ղոռորուդան,
Էլի, Էդպես ասեք: *(Նրանց)* Հը՞, եկա՞ք:

ԹԱՄԱԴԱ – Եկանք, թագավորն ապրած կենա:

ՆԱԶԱՐ – Լավ եք:

ԹԱՄԱԴԱ – Փառք Աստուծո, լավ ենք, թագավորն ապրած կե-
նա:

ՆԱԶԱՐ – Բոլոր զորբաշենցիներիդ և հսկաներիդ մի – մի երկ-
րի իշխան կարգեցի: Հող ու ժողովուրդ ստացա՞ք:

ԲՈԼՈՐԸ – Ստացանք, թագավորն ապրած կենա:

ՆԱԶԱՐ – Հիմի ինձանից հրամանք: Բոլոր զորբաշենցիքդ
ու հսկաներդ պիտի ապրեք պալատիս մեջ, ղուլամ պիտի

դառնաք: Անձ պիտի պահենք: Ձեր հողերը կտաք կառավարչի, ժողովուրդը կաշխատի՝ դուք կուտեք: Եվ հրաման չէ, որ դուք աշխատեք: Հիմի ամենքդ ազնիվ եք: Իմացա՞ք:

ԹԱՄԱԳԱ – Իմացանք, թագավորն ապրած կենա:

ՆԱԶԱՐ – Ղոռոբուղա իմացա՞ր:

ՂՈՌՈՐՈՒՂԱ – Իմանցա: Հանձ մնմ... Թագաավոր:

ՆԱԶԱՐ – Կամանց: Ձենդ քաղաքավարի՛ հանի: Պալատ է, ախտո չէ: Հայվան: *(Ամենքին)* Դե, հիմի սաղ եղեք: *(Սաքոյին)* Իշխան Սաքո, դրոշակը թող:

ՍԱՔՈ – *(Դրոշակը փակում է թախարի ծայրին):*

ՊԱԼԱՏԱԿԱՆՆԵՐ – *(Խոնարի գլուխ են փալիս ու հեռանում):*

(Սաքոն հեղկում է նրանց, Սենակապետը հեղկում է սրան):

ՆԱԶԱՐ – *(Լավ ընկողմանելով թախարի վրա)* Ուխխան...ԷճճՖ...

ՍԵՆԵԿԱՊԵՏ – *(Ներս է մտնում մի մանկլավիկի հետ, որ ձեռին մաքրոցարան ունի՝ վրան քիշմիշ: Սենակապետը նշան է անում մանկլավիկին, որ հրամանի թագավորին: Մանկլավիկը զանազան ձևեր է անում, սպա աջ ծունկը գեղնին դնելով և բարձրացնելով՝ մոտենում է Նազարին և հրամանում քիշմիշ):*

ՆԱԶԱՐ – *(Ապտակելով մանկլավիկին)* Ի՞նչ ես ծոմովում մեյմուհի պես: Քիշմիշը բեր, էլի՛:

ՄԱՆԿԼԱՎԻԿ – *(Քիշմիշը դնում է Նազարի թախարին):*

ՆԱԶԱՐ – Ռանդ եղիր:

ՄԱՆԿԼԱՎԻԿ – *(Հեռանում է զանազան ձևերով):*

ՆԱԶԱՐ – *(Սենակապետին)* Դո՛ւ ինչ տնկվեցիր իշի պես:

ՍԵՆԵԿԱՊԵՏ – Պատկերդ գեղեցկության, երեսհարքդ այսօր դեռ լվացումն ու օծումն չի ընդունել արքայաբար:

ՆԱԶԱՐ – Ի՞նչ:

ՍԵՆԵԿԱՊԵՏ – Արդյոք վարդաջրով հաճելի կլինի թարմացնել երեսհարքդ, ստվեր արեգական, թե՛ այլ բուրալից թարմա-

շունչերով:

ՆԱԶԱՐ – Չհասկացանք:

ՍԵՆԵԿԱՊԵՏ – Ձյուն մաքրության, այսօր դեռ չես լվացվել:

ՆԱԶԱՐ – Ինչ հորս ցավն է էդ ամեն օր լվացվելը: Ծովաքամր
եմ, թե՛ լվացքի տաշտ: Չի՛ լինի, որ չլվացվեմ:

ՍԵՆԵԿԱՊԵՏ – Կարգ է թագավորաց: Գանձարան օրինապա-
հության:

ՆԱԶԱՐ – Իշի կարգ: Ամեն օր լվացվի, հա՛ լվացվի:

ՍԵՆԵԿԱՊԵՏ – Կբարեհաձե՛րի անցնել լողարանի օթյակը: Ձայն
ավետյաց:

ՆԱԶԱՐ – Ինչ, բաղնիս:

ՍԵՆԵԿԱՊԵՏ – Այո, տեր իմ, բաղնիս:

ՆԱԶԱՐ – Երեսարբիչը թրջի, բեր, թող վերջանա գնա: Ո՛վ
գլուխ ունի տեղից վեր կենալու:

ՍԵՆԵԿԱՊԵՏ – *(Խոր գլուխ փայլով)* Կատարող եմ բոլոր հրա-
մանացդ, էլ ոչինչ չե՛ս օրինում, գրիչ երկնային:

ՆԱԶԱՐ – Դե, էլ հերիք է, յա՛լա: *(Քացի է փայլա)*:

ՍԵՆԵԿԱՊԵՏ – *(Գլուխ է փայլա և հեռանում)*:

ՆԱԶԱՐ – Բաղնիս: Իշի թոռ, պապս բաղնիսում մեռավ, ա՛ն:

ՍԵՆԵԿԱՊԵՏ – *(Մրնում է երկու սպասավորի հետ, որոնցից մի-
նը բերում է անուշահոտ ջրեր, իսկ մյուսը թևին զցած երեսար-
բիչներ, դենջակ և սփածանելի: Նրանք Սենեկապետի ցույց
փլած ձևերով նախ թաց երեսարբիչով սրբում են Նազարի
երեսը, սպա և օձելով նրան՝ լաթերը փաթաթում են մեջքին:
Սենեկապետի ցուցմունքով)*:

ՍԵՆԵԿԱՊԵՏ – *(Ցույց է փայլա)* Օձեցեք նախ քիթը արեգակնա-
յին գեղեցկության: Այդպես: Սփածանալի հրամցրեք: *(Սպա-
սավորները սրբում են Նազարի քիթը)*: Այդպես: Հիմա յոթն
կաթիլ հնդկական վարդեջուր կաթեցրեք դնչին շնորհաց
աղբյուրի: Այդպես: Ղենջակ *(Սրբում են դոնսը)* Երեք կաթիլ

արաբական ստաշխենի սքանչելյաց ծոծրակին: Այդպես: Ղենջակ: Ամենայն զգուշությամբ և երկյուղածությամբ երեք անգամ կաթիլ Շիրազի վարդեջուր՝ ամպաշուք հոնքերին և ընչանցքներին: Այդպես: Ղենջակ:

ՆԱԶԱՐ – *(Ծամածոռելով դեմքը և աչքերը ձայնալսելով)* Կացե՛ք, կացե՛ք, հայվաններ, աչքերս լցվեցին:

ՍԵՆԵԿԱՊԵՏ – Դադար պահ մի:

ՆԱԶԱՐ – *(Հոտորելով օդի մեջ)* Հըն... Լավ հոտ ունի անիծածը: Ապա մի էն թասի մեջ մի քիչ ածեք բերեք: *(Բերում են: Խսելով)* Լավն է: Բո՛ւ... զուր տեղը ինչի՞ եք փչացնում: Էլ չփչացնեք: Հարկավոր չէ: Ամեն օր բերեք, ես կխմեմ: Հիմի՛ յալլա՛:

ՄԱՆԿԱՎԻԿՆԵՐ – *(Հավաքում են շշերն ու սրբիչները և գնում: Սենեկապետը հետևում է նրանց):*

ՆԱԶԱՐ – *(Թիկն է փալիս ու քիշմիշ ոտրելով, սկսում է երգել: Նրան ձայնակցում է Սաքոն)* Աման էյ, այ ջան, ջան, ջան, է՛յ աման, աման:

ՍԵՆԵԿԱՊԵՏ – *(Ներս մտնելով)* Ունկն ողորմածության: Մի գեղջուկ կին է եկել և հրամանոցդ տեսությունն է խնդրում:

ՆԱԶԱՐ – Հա, հետո՞: Ի՞նչ թոռ:

ՍԵՆԵԿԱՊԵՏ – Մի գեղջուկ կին է եկել, կհաճի՞ս արժանացնել իրեն արեգնատեսիլ երեսհարքիդ:

ՆԱԶԱՐ – Չեմ հասկանում ինչ ես ասում, գնա ասա *(Երգելով)* Հա՛...:

ՍԱԲՈ – *(Երգում է)* «Գնա ասա հա՛»...

ՍԵՆԵԿԱՊԵՏ – *(Գնում է):*

ՈՒՍՏԻԱՆ – *(Ներս է մտնում և կանգնում շեմքին):*

ՆԱԶԱՐ – *(Չի նկատում նրան, շարունակում է երգել):*

ՈՒՍՏԻԱՆ – *(Մի քայլ առաջ է գալիս):*

ՆԱԶԱՐ – *(Նայելով նրա կողմը)* Հը՛, ո՞վ է:

ՈՒՍՏԻԱՆ – *(Առաջ գալով):* Չես էլ ուզում ձանաչե՞ս... Ես եմ,

Ուստիանը:

ՆԱԶԱՐ – Փիւճ... Աղջի Ուստիան, դու ես: Արի՛, արի՛:

ՈՒՍՏԻԱՆ – Վայ: Էս դրուստ է: Էս ի՛նչ բան է: Երա՛զ է: *(Առաջ է գալիս և զարմացած նայում Նազարին)* Էս ի՛նչ բանի ես, այ մարդ:

ՆԱԶԱՐ – Տեսնում ես, էլի: Աշխարհքը բռանս միջին:

ՈՒՍՏԻԱՆ – *(Տարակուսելով)* Վայ, ինձ ասում էին, չէի հավատում: Յանի էս դրո՞ւստ է:

ՆԱԶԱՐ – Դրո՞ւստ է, Ուստիան խանում, դրուստ է: *(Մոտենում է և քիթը մոտեցնում Ուարիանի քթին)* Ասում էիր, թե ինձնից բան չի դուրս գա: Տեսա՞ր: Ասում էիր, թե վախկոտ եմ: Տեսա՞ր: Հիմի ո՞վ է ինձնից քաջ, ո՞վ է ինձնից խելոք, ինձնից հարուստ: Հւմի ո՞վ է ինձնից քաջ, ո՞վ է ինձնից խելոք, ինձնից դողում: Գիտե՞ս, թե տերություններ են ինձնից դողում: Գիտե՞ս, թե տերությանս սահմանները ո՞ր աշխարհքի ծերերն են: Դուռը վրաս կփակե՞ս: Դե գնա, հիմա թագավոր եմ: Կերա՞ր: *(Գնում է իր տեղը):*

ՈՒՍՏԻԱՆ – *(Աչքի քակով նայում է նրան)* Գլխի չեմ, թե էս ո՞նց եղավ...

ՆԱԶԱՐ – Լավ մտիկ տուր: Տեսածիդ հավատո՞ւմ ես: Թագավոր եմ:

ՈՒՍՏԻԱՆ – Ի՛նչ ասեմ, դրուստ է, թագավոր ես:

ՆԱԶԱՐ – Հա – բբա՛... թագավոր եմ ու աշխարհք եմ դողացնում: Հիմի ի՛նչ կասես քո խելքին:

ՈՒՍՏԻԱՆ – Ի՛նչ պիտի ասեմ:

ՆԱԶԱՐ – Չէ, ասա, էլի՛, խելքդ խնայք էր:

ՈՒՍՏԻԱՆ – Ի՛նչ ասեմ: Մի՛նչև հիմի ունեցած խելքով՝ էսպես չպիտի լիներ: Հիմի երևում է, որ իմ խելքը դրուստ խելք չէր եղել:

ՆԱԶԱՐ – Հւմ, էդպես: Դե հիմի արի ձեռս պաչ արա ու դառի թագավորի թագուհի:

ՈՒՍՏԻԱՆ – Բ՛ն, բ՛ն... արևինդ մատաղ, դրճուստ: (*Համբարում է Նազարի ձեռքը*) Վայ, խելքս կկորցնեմ, ես թագուհի՛մ եմ:

ՆԱԶԱՐ – Դե հիմի շորերդ փոխի ու խելքդ էլ հետը, էն հին խելք էր: (*Դեպի դուրս*) Է, տո՛ Սենեկապետ:

ՍԱԲՈ – Է, տո՛ Սենեկապետ:

ՍԵՆԵԿԱՊԵՏ – (*Ներս է մտնում*):

ՆԱԶԱՐ – Ուստիան խանումի համար հին թագուհու շորերից մի լավ ձեռք հանել կտաս վերի ամբարիցը: Իմացա՛ր:

ՍԵՆԵԿԱՊԵՏ – Խոնարհաբար իմացա, շեփոր հրամանի: Միայն, երկինք մտածության, զգեստը իբրև օծյալի՛, թե՛ հարձի համար լինի:

ՆԱԶԱՐ – Մոտ արի՛: (*Սենեկապետը մտրենում է, ծոծրակին բռթելով*) Հը՛ լեզվի՞դ տուր, էլի՛ էդ լեզուն: (*Մի հայր քացի տալով*) Դե, հայդե:

ՍԵՆԵԿԱՊԵՏ – (*Գնում է և ետ գալիս*) Առաքեցի պատվերն առ պատկանելույն: Անձրև կենաց, և ճեպական արագությանը կհղվի զգեստը:

ՆԱԶԱՐ – Լավ: Սամույր քուրքս բեր գցի վրաս ու գնա: Ուստիան խանումի համար չարագ բեր, մինչև շորերը պատրաստեն: Էն ոսկե սինիով բեր, թող տեսնի: (*Սենեկապետը դուրս է գնում և ներս է մտնում սպասավորների հետ, որ բերում են Նազարի ծիրանին և միաժամանակ ոսկե մարուցարան՝ վրան զանազան քաղցրավենիներ և չոր մրգեղեն: Սենեկապետի ցուցմունքով, սպասավորները հագցնում են Նազարին և սպա մարուցարանը դնում Ուստիանի առջև, որ գյուղական կնոջ նման խունջիկ – մունջիկ անելով վերցնում է*): Հիմա էլ գնա ոսկե թագս բեր: (*Սենեկապետը գնում է: Նազարը ձգվում է թախարի վրա*) Օխայ... Է՛նՖ... սյ տղա, ի՛նչ լավ բան է թագավորությունը: Ափսոս չէ: Ի՛նչ էի անխելքացել, է՛նքան ժամանակ մնացել գեղում վեր ընկած:

Մատս մատիս չեմ կպցնում: Կեր, խմի՛ր, քնի՛ր, վեր կաց, գնա
բաղչում ման արի, եկ ճանդ անուշ արա, հետո թի՛նկը տուր
բարձին ու նարգիլե քաշի *(Երգում է)* Ա՛ման, անման, այ ջան:

ՍԱՔՈ – *(Չայնակցում է):*

ՍԵՆԵԿԱՊԵՏ – *(Բերում է թագը և դարձյալ նայն ձևերով դնում
Նազարի գլխին, որը դեռ երգում է):*

ՆԱԶԱՐ – Մի՛ սխմի, հայվան: *(Ուարիանին)* Հա՛, առավոտից,
ախպեր ջան, նստում եմ թախտը ու հրամայում եմ մինչև
ճաշ: Հետո բերում եմ ճաշը, ու աչքդ բարի տեսնի՛ դնում եմ
առջևդ լավ եղը, մեղրը, կարագը, գաթան, գառան փլավը:
Անո՛ւշ արա:

ՈՒՍՏԻԱՆ – Ես էի, որ չորթան էլ չունեի տանը:

ՆԱԶԱՐ – Պալատս, ախպորս ասեմ՝ հարստության ծով է:
Հարյուր ու հինգ հազար ծալք տեղաշոր, լավ դուրսի յոր-
դան – դռակ մենակ էս վերի քյոշկում կա: *(Մենեկապերին)*
Գյադա, աշխարհքը բեր, բռնեմ:

ՍԵՆԵԿԱՊԵՏ – *(Գնում է):*

ՈՒՍՏԻԱՆ – Վնյ, ի՛նչ լավ է: Ասել է մեզ համար կապրենք հի-
մի:

ՆԱԶԱՐ – Կապրենք... քեփ կքաշենք, ասա: *(Երգում է կարճ)* Ա՛-
ման, անման, այ ջասան:

ՈՒՍՏԻԱՆ – Կապրենք ու սրանից դենը էլ իրար դիպչողական
խոսք չենք ասի: Մարդ ու կնիկ ենք՝ ի՛նչ ունենք բաժանելու:
Էսօր – էսօր դու թագավոր ես, ես՝ թագուհի: Մեզ համար
հիմի սազական չի հասարակի պես ժամ գալը, կովելը, ես
ի՛նչ իմանամ:

ՍԵՆԵԿԱՊԵՏ – *(Բերում է աշխարհագունդը սպասավորի ձեռ-
քով, մաքրոցանում է Նազարին և դորս ելնում):*

ՆԱԶԱՐ – Լավ կյանքի մեջ ընկա: Ուստիան, լավ, ափսոս առաջ
էր եղել: Ասում ես երագ է, էլի *(Դեպի դորս)*: Էյ, գյադա,

Սենեկապետ: *(Սենեկապետը ներս է գալիս)* Մոտ արի:
(Թեթև ապրակ է փայլիս նրան) Հը...

ՍԵՆԵԿԱՊԵՏ – Ինչ կիրամայես, տեր իմ:

ՆԱԶԱՐ – *(Քթից բռնում թափ է փայլիս)* Հը... *(Սպասում է)* Ցավեց:

ՍԵՆԵԿԱՊԵՏ – Ցավեց, տեր իմ:

ՆԱԶԱՐ – *(Բռնում է Սենեկապետի ականջը: Ուստիանին)* Ահան, հիմի տես: *(Հուպ է փայլիս: Սենակապետը աշխատում է դեմքի կծկումները զսպել և կոչ ու ձիգ է գալիս՝ նստելով ու վեր կենսայով)* Էս երա՞զ է *(Սենեկապետին)* Ռատդ եղիր: *(Սենեկապետը գնում է)* Չէ, ջանմ, քեֆիդ նայիր, երազ չկա, բոլորը ձիշտ է: *(Երգում է)* Ա՛ման, անան, այ ջան: *(Իրան դրստելով)* Էճֆ...*(Չանձրոյթ զգայով)* Էհ, հիմի ի՛նչ անենք: Հա: *(Դեպի դուրս)* Նազիր – Վեզիր:

ՆԱԶԻՐ – *(Ներս ընկնելով և դռան մեջ իրար դիպչելով):*

ՎԵԶԻՐ – Հրամայի, թագավորն ապրած կենա:

ՆԱԶԱՐ – *(Դեպի դուրս):* Զորավար, Խազնադար:

ԶՈՐԱՎԱՐ – *(Ներս ընկնելով)* Հրամայի, թագավորն ապրած կենա:

ԳԱՆՁԱՊԵՏ – *(Լռությոն):*

ՆԱԶԻՐ – Ինչ կիրամայես, տեր:

ՆԱԶԱՐ – Ինչ կիրամայե՛մ: *(Հայր – հայր արդասանելով)* Ոչինչ չեմ հրամայում, գնացեք:

ԲՈՂՈՐԸ – *(Գնում են):*

ՌԻՍՏԻԱՆ – Ինչի՞ կանչեցիր:

ՆԱԶԱՐ – Ոչինչ, հենց էսպես, քեֆի համար: *(Ծիրանին դրստելով և իրան շփրտելով)* Էճֆ...տեսնում ե՛ս, Ուստիան, ո՛նց են հոլի պես պտտվում չորս կողմս *(Ուստիանի ուրելը դիտելով)* Լսվ անուշ արա, Ուստիան, շատ կա, վախիլ մի: Մի քիչ էլ ջերդ ածա, բաղչում չարազ կանես. լավ Բաղդադու խուրմա կա մեջը:

ՈՒՍՏԻԱՆ – Է, ասել է, էլ տուն չենք գնա:

ՆԱԶԱՐ – Տո՛ւն: Ի՞նչ հորս ցավն եմ թողել տանը: Տունը պրծավ:

Հայ գիտի տուն: Երազը նա էր: Իսկը որ երազ:

ՍԵՆԵԿԱՊԵՏ – *(Ներս մտնելով նաժիշկների հետ Ուստիանի զգեստներով)* Եթե թագուհին կբարեհաճի զգեստավորվել, նաժիշտները պատրաստ են:

ՆԱԶԱՐ – *(Տնտրելով նրան և ծամածռելով)* Բն, բն, բն, բն, բն, բն...

ՍԵՆԵԿԱՊԵՏ – Ուրեմն ի՞նչ կիրամայես կարգադրության մասին, Օրենսդիր շնորհաց:

ՆԱԶԱՐ – *(Լեզու հանելով և ծամածռելով)* Բն, բն, բն, բն, բն, բն...լեզվիդ տուր... Ի՞նչ ես ուզում:

ՍԵՆԵԿԱՊԵՏ – Թագուհու շորերը պատրաստ են, տեր:

ՆԱԶԱՐ – Դե, էդպես ասա, իշի կտոր: *(Ուստիանին)* Դու շորերդ հագի, ես էլ մի բարձրանամ այվանը, աչք ածեմ տերության, տեսնեմ ամեն բան կարգի՞ն է, որ կպրծնես՝ իմաց արա, գնանք բաղչա: Իշխան Սաքո, դրոշակն առ: *(Սաքոն բռնում է դրոշակը)* Ջաբադար, Խազնադար:

ՋԱԲԱԴԱՐ – }

ԽԱԶՆԱԴԱՐ – } *(Ներս ընկնելով)* Հրամայի, թագավորն ապրած կենա:

ՆԱԶԱՐ – Առաջ ընկեք, գնանք տեսնենք տերության գործերը ի՞նչ հալի են: *(Ջաբադարն ու Խազնադարը մեջքները կռացած՝ առաջ են ընկնում: Նազարը հետևում է նրանց և դորս ելնելով դիմացի դռնից բարձրանում է ներսից երևացող պարզգամբը և սկսում է դիտել շորջը: Սաքոն նրա մոտ բռնում է դրոշակը: Իսկ Ջաբադարն ու Խազնադարը ծածկվում են պարի այն կողմը):*

ՈՒՍՏԻԱՆ – *(Վեր է կենում, որ գնա, բայց մի բան մտաբերելով կանգ է առնում և դառնում Սենեկապետին)* Ի՞նչ եմ ասում,

գյաղա, լսում ես:

ՍԵՆԵԿԱՊԵՏ – Գերապատիկ, այո: Արթուն է ականջս լսելու գույգն հրամանիդ:

ՌԻՍՏԻԱՆ – Չէն իմանում ոնց դառավ թագավոր: Ախար Նագարս տանը մի քիչ վախկոտ էր:

ՍԵՆԵԿԱՊԵՏ – *(Սարսափից ժպտալով)* Ականջս չի լսում, համեստափայլ թագուհի:

ՌԻՍՏԻԱՆ – *(Բարձր)* Ասում եմ, էս մարդս առաջ վախկոտ էր, ոնց դառավ թագավոր: Էլի՞ չլսեցիր:

ՍԵՆԵԿԱՊԵՏ – Կրկին չլսեցի, լուսեղեն, խնայիր, ես այստեղ չեմ... ես չկան...

ՌԻՍՏԻԱՆ – *(Շարժվելով դեպի դուռը)* Գլուխս մեռնի, թե բան եմ հասկանում: *(Սենեկապետին)* Էս դռնով պիտի գնանք:

ՍԵՆԵԿԱՊԵՏ – Գերաձշմարիտ, այո, այդ դռնով, երանության տիեզերաց:

ՌԻՍՏԻԱՆ – Որ ասում եմ՝ երազ է *(Դուրս է գնում: Սենեկապետը հեղձում է նրան):*

ՆԱԶԱՐ – *(Այվանից դեպի դուրս)* Էյ, էյ, էյ, էյ, էյ, էյ, էյ ո՞վ է էդ գյաղեն: Խարջը չի բերել, ձիաբեռ է տանում տոն: Տվեք դրս կարկաժին: Տվեք էդ հառոսանգադին, էս է վեր եկա, հան, ան, ան...

ՍԵՆԵԿԱՊԵՏ – *(Վերադառնալով չղջիկի պես կծկվում է վարագույրի մոտ և սպասում: Ներս են մտնում Նագիր – Վեզիր, ապա և հեղձիկները զորավարներ և այլ պալատականներ):*

ՆԱԶԻՐ – *(Սենեկապետին գլուխ տալով)* Տեր իմ:

ՍԵՆԵԿԱՊԵՏ – *(Գլուխ տալով)* Տեր իմ:

(Վեզիրը և մյուսները գլուխ տալով Սենեկապետին՝ նույն խոսքն են փոխանակում):

ՆԱԶԻՐ – *(Սենեկապետին)* Ո՞ւր է Գերագույնը:

ՍԵՆԵԿԱՊԵՏ – Հաճեց ամբառնալու պատշգամբը՝ պետության

անձամբ շրջահայելու:

ՆԱԶԻՐ – *(Զգոյշ)* Պատերազմի շուկներ դեռ չկան:

ՍԵՆԵԿԱՊԵՏ – Տակավին ոչ:

ՆԱԶԻՐ – Ինչ է ասել Գերագույնը նորափոթի մեր թագուհու հետ անույշը վայելելու մասին:

ՍԵՆԵԿԱՊԵՏ – Առանձնապես ոչինչ:

ՆԱԶԻՐ – Ուրեմն, տիարք, պարապ չմնանք: Գնանք օգնելու մեր թագավորին իր ծանր պարտականությունների մեջ: Բարձրանանք պատշգամբ և դիտենք պետությունը:

ԲՈՒՈՐԸ – Գնանք: *(Դառնում են դեպի Սենեկապետը և գլուխ փայխ)* Տեր իմ:

ՍԵՆԵԿԱՊԵՏ – *(Նրանց գլուխ փայլով)* Տեր իմ: *(Հեռանում են և ծածկվում պարի հետևը: Սենեկապետը դուրս է գնում և իսկույն վերադառնալով՝ եր է անում դռան վարագույրը: Ներս է մտնում Ուարիանը թագուհու զգեստներով և ծանր ու բարակ, լուրջ, գալիս նստում է թախարի վրա: Սենեկապետը կծկվում է վարագույրի մոտ: Դուրսը անորոշ աղմուկ է լսվում: Սենեկապետն շրապում է այն կողմը):*

ՄՈՒՆԵՏԻԿԻ ԶՅՅՆԸ – Ահազան նգ, զարթի՛ք, կոչնա՛ն կ... *(Լսվում է փողերի ձայն):*

ՆԱԶԱՐ – *(Ներս է վազում, Սաքոն՝ նրա հետևից):* Գյաղա, էս ինչ է: Ա՛ կնիկ, էս ինչ բան է;

ՈՒՍՏԻԱՆ – Չեմ իմանում:

ՆԱԶԱՐ – *(Սաքոյին)* Մի տես ինչ եղավ:

ՍԱՔՈ – *(Վախենալով մտրենում է վարագույրին և հանկարծ դուրս գնալով՝ կծկվում է վարագույրի հետևը, այնպես որ երևում է նրա այնպեղ լինելը):*

ՍԵՆԵԿԱՊԵՏ – *(Ներս վազելով)* Բազուկ հաղթության, սուրհանդակ:

ՍԱՔՈ – *(Ներս է վազում նրա հետևից):* Ղիամաթ է:

ՆԱԶԱՐ – Ինչ դիմամաթ:

ՍԵՆԵԿԱՊԵՏ – Ուզում է ասել՝ այլայլումն:

ՆԱԶԱՐ – Գնացեք, կարգին բան իմացեք: (*Սաքոն և Սենեկապետը դուրս են գնում, ներս են վազում Նագիր- Վեզիր, Զորավար և այլ պալատականներ*) Ինչ կա: Ինչ դավաճալ է:

ՆԱԶԻՐ – Թագավոր քաջ, սուրհանդակ եկավ և հայտնեց, որ թշնամի թագավորները՝ թվով տասն, խախտելով ուխտը հարևանության՝ զորք են կապել և հարավից, հյուսիսից, արևելքից և արևմուտքից առաջ են խաղում մեր երկրի վրա:

ՆԱԶԱՐ – Է, թագավոր եղանք՝ պրծանք: Էլ ինչ են ուզում: Նոր բան կամ:

ՆԱԶԻՐ – Ուզում են մեր պետությունն ու թագը խլել:

ՆԱԶԱՐ – Թագը խլեն: Ո՞նց թե... (*Հանելով թագը և փայլով Սենեկապետին*) Գյաղա, տար պահի: Շանց կտամ դրանց թագը:

(*Սենեկապետը առնում է թագը և փանում*):

ԶՈՐԱՎԱՐ – Թագավոր քաջ: Արդյոք զորք կապենք, թե՞ դարձյալ դու մենակ անձնական զորությամբ կխորտակես հանդուգն թշնամուն: Ինչպես կհրամայես:

ՆԱԶԱՐ – Ինչ պիտի հրամայես: Գնացեք կովեցեք:

ԶՈՐԱՎԱՐ – Ինչպե՞ս, մե՞նք կովենք, թագավոր քաջ:

ՆԱԶԱՐ – Բա ի՞նչ, է՛ս պիտի կովեն:

ԶՈՐԱՎԱՐ – Թագավոր քաջ, ես ուզում եմ ասել, որ դու կառաջնորդես, և զորքը հետևից կգա:

ՆԱԶԱՐ – (*Շվաքնելով*) Շիյո՛ւ ւֆ... պրծավ: Էլ Նագարը կռիվ չի գնա: Ոնց որ կուզեք՝ արեք:

ԶՈՐԱՎԱՐ – Քաջ հրամայեցիր, թագավոր քաջ: Բայց եթե դու չգաս՝ զորքը մենակ պիտի գնամ թշնամու դեմ:

ՆԱԶԱՐ – Թող մենակ գնա: Ամեն անգամ է՛ս պիտի գնամ:

ՆԱԶԻՐ – Թագավորն ապրած կենա: Այստեղ մի դժվարութ-
յուն կա:

ՆԱԶԱՐ – Ի՞նչ դժվարություն:

ՆԱԶԻՐ – Զորք շատ կջարդվի:

ՆԱԶԱՐ – Զարդվում է՝ ջարդվի, շատ վեջս է:

ՆԱԶԻՐ – *(Ուրախացած)* Օհ թույլ ես տալիս...

ԲՈՒՆՐԸ – *(Մաստիկ նորախացած)* Երջանիկ բան եղավ:

ՆԱԶԻՐ – Այսպես՝ առնվազն քառասուն հազար մարդ կջարդ-
վի:

ՆԱԶԱՐ – Քառասուն հազար: Լավ, մեր աշխարհքում ինչքան
մարդ կա՝ թե որ էդքան ջարդվի:

ՎԵԶԻՐ – *(Թղթակալը բանապով և նայելով)* Ուղիղ հարյուր հա-
զար և հազար ինը հարյուր հինգ մարդ:

ՆԱԶԱՐ – Որ էդպես է՝ թող ջարդվի: Գնացեք, ասեք թող կռվեն:

ԲՈՒՆՐԸ – *(Մաստիկ նորախ)* Աստված պահի թագավորին:
*(Գլուխ են տալիս և հեռանում: Դուրսը լավում են փողերի
ձայներ, ռազմական շոինդ, աղմուկ, կեցցեններ, մունեպիկի
ձայնը. «Պատերազմ»... և այլն, որ հեղզհեղզե դադարում է):*

ՆԱԶԱՐ – Հա, թագավորական պարտքս կատարեցի: Հիմի թող
նրանք կռվեն, մենք մեր քեֆին նայենք: *(Դեպի դուրս)* Էյ,
գյադա: *(Մենեկապեղը ներս է գալիս)* Գնա թագս բեր, մի
քիչ էլ չարագ բեր: *(Մենեկապեղը գնում է: Թիկն է տա-
լիս բարձերին)* Էոֆ...*(Երգում է)* Ամն ն, ամն ն... այ ջան ն...
Հը: Ուստիան, թագուհի դառար. հիմի ո՞վ կդիմանա քեզ:
(Դիպելով նրան) Հը, չես խոսում, ո՞նց է քո բանը, քեֆդ լա-
վացավ: Տեսմ որ հասար:

ՈՒՍՏԻԱՆ – *(Շատ լուրջ)* Գանգատ չունեմ Աստծուց: Իմ քեթ-
խուդա հոր սրտով եղավ: Ցեղս ազնիվ էր, հալբաթ որ...

ՆԱԶԱՐ – Էլի՞ ազնիվ ցեղդ մեյդան բերիր, այ կնիկ:

ՈՒՍՏԻԱՆ – Լսիր, ինչ եմ ասում, այ մարդ: Մի ուզում եմ իմա-

նամ, թե ո՞նց դառար թագավոր:

ՆԱԶԱՐ – Աստծո կամքով: Թագավորական հրամանի մեջ էդ-պես էլ գրված է. «Ան – հա – սանելի կամոքն Աստուծո»:

ՈՒՍՏԻԱՆ – *(Երեսը խաչակնքելով)* Հալբաթ որ... մեռնեն նրա գորությանը:

ՍԵՆԵԿԱՊԵՏ – *(Սպասավորների ձեռքով մրգեր է բերում և հրամանել փայխ Նազարին և Ուարիանին, սպա մանկլավիկների հետ հեռանում):*

ՆԱԶԱՐ – *(Մի քիչ նեղացած)* Է, ի՞նչ շատ ես հենց մի գլուխ՝ «Ո՞նց եղավ, ո՞նց եղավ»:

ՈՒՍՏԻԱՆ – Մի տեղովը դրուստ չասիր, այ մարդ, թե էս ո՞նց եղավ:

ՆԱԶԱՐ – Հասանք, էլի ...

ՈՒՍՏԻԱՆ – Կովի – բանի մեջ եղա՞ր:

ՆԱԶԱՐ – *(Շվացնելով)* Շիյո՛ւֆ... Էն էլ ո՞նց...

ՈՒՍՏԻԱՆ – Նեղ տեղեր շատ ընկա՞ր:

ՆԱԶԱՐ – Նեղ տեղեր... Ասեղի ծակեր անցանք ու մազե կանուրջներ որ... Հանաք բան գիտե՞ս: Կոիվներ եղան, որ աշխարհքն ամբարի պես դմբդմբում էր:

ՈՒՍՏԻԱՆ – Ախր էս ամենը քաջության, խելքի բան է ու...

ՆԱԶԱՐ – Հա դե, ի՞նչ խոսք: Քաջություն, խելքը իրա կարգին: *(Մըսծում է)* Ի՛ ի՛ նյ – շի, ի՞նչ քաջություն, ի՞նչ խելք, ի՞նչ զառաֆաթ: Բախտն է բանը, բախտը: Բախտ ունի՞ս, քեֆ արա, քոնն է աշխարհքը: Քամին կատտի, կատտի՛ կրերի հարստությունը գլխիդ կածի: *(Երգում է)* Այ, տես, բախտ չի: Կոիվ է: Կոտորվում են ճանճի պես: Ասող լինի՛ էդ ո՞ւմ համար եք էդպես կոտորվում: Իհարկե Նազարի համար: Նրանք կոտորվում են, մենք ձաշ ենք անուշ անում: Հիմի կոիվը կվերջանա: Թե կոտորվեցին՝ ինձ ի՞նչ: Թե չկոտորվեցին փառք ու պատիվը ո՞ւմ պիտի տան: Իհարկե Նազարին:

Էստեղ ինչ անի իմ խելքը: Ինչ անի քաջությունը: Բախտի քան է:

ՈՒՍՏԻԱՆ – Ասում ես բախտի բան, հը...

ՆԱԶԱՐ – Դրուստն ես ուզում: Մի ժամանակ կար, նեղը որ ընկնում էի վախենում էի: Վերջը տեսա, որ ամեն տեղ էլ դուրս եմ պրծնում: Հիմի էլ տեսնում եմ, որ հերն անիծած... քե՛ֆ արա, մարդիկ էնքան սարսաղ են, որ ամեն տեղ էլ կպրծացնեն: Սարսաղ աշխարհք է, սարսաղ մարդիկ: Աշխարհք էսպես սարսաղ է եկել, սարսաղ էլ պիտի գնա: *(Երգում է)* Ա՛ման, աման, այ ջան:

ՄՈՒՆԵՏԻԿ – *(Դրսից)* Կոչնաանակ: *(Աղմուկ է լսվում, որ հեարզ-հեարե մուրենում է):*

ՆԱԶԱՐ – *(Վեր թռչելով)* Գյադա՛: Սենեկապե՛տ: *(Սենեկապեարը ներս է վազում)* Գյադա, էս ինչ է:

ՍԵՆԵԿԱՊԵՏ – Այլակերպում է վիճակի, տեր իմ:

ՆԱԶԱՐ – Ղոլամներս կանչի: Ինչ ես դուրս տալիս *(Սենեկապեարը դուրս է վազում և իսկույն ներս գալիս Թամադայի, Սաքոյի, Ղոռորոդայի և մյուս հսկաների հետ):*

ՆԱԶԱՐ – Հան, էստեղ ե՛ք: Կանգնեցեք էստեղ, տեսնե՛ք ինչ քան է:

ՆԱԶԻՐ – *(Ներս գալով)* Կոիվը մեծացավ, արքայից արքա: Տագնապ է: *(Դուրս է վազում):*

ՆԱԶԱՐ – *(Մյուսներին)* Գնացեք դռանը կանգնեցեք: *(Թամադան, Սաքոն, Ղոռորոդան դուրս են ելնում):*

ՈՒՍՏԻԱՆ – Էս ինչ զուլում էր: Անջախ իմ թագուհի ժամանակս պիտի էդ շները թափվեին վրադ:

ՆԱԶԱՐ – *(Անհանգիստ)* Գյադա՛: Էս էսպես չի լինի: *(Պատրաստվում է փախչելու)* Հը՛: *(Աղմուկը մեծանում է)* Քաղաքը մտան: *(Դեսուդեն է ընկնում փորը բռնած)* Վո՛յ, վո՛յ, վո՛յ, վո՛յ...

ՈՒՍՏԻԱՆ – Այ մարդ, ի՞նչ եղավ:

ՆԱԶԱՐ – Զահրումար եղավ – թագավորություն չեղավ, վնյ, վնյ, վնյ, վնյ... ֆոթոնա է, տերությունը խառնվեց:

ՈՒՍՏԻԱՆ – Հը... տերությունը... ամն ն: *(Դեստոդեն է ընկնում և զանազան թանկագին իրեր է կոխում գրպանը: Հանկարծ կանգ է առնում և ականջ դնում)* Հէ: *(Աղմուկը մեծանում է)* Զէ, մեծացավ: *(Ծոցն է դնում զանազան իրեր):*

ՆԱԶԱՐ – Վնյ, վնյ, վնյ, վնյ... *(Վազվզում է զանազան կողմեր):*

ՍԵՆԵԿԱՊԵՏ – *(Ներս վազելով)* Օ... Գերագույն... օգնության հասիր... *(Դորս է վազում):*

ՍԱԲՈ – *(Ներս է վազում)* Բը, բը, բը, բը...

ՆԱԶԱՐ – *(Տեսնելով նրան և չճանաչելով)* Ո՞վ է: *(Փախչում է զանազան կողմեր):*

ՍԱԲՈ – *(Խղում է դրոշակը և վազում Նազարի հետևից)* Բը, բը, բը, բը...

ՆԱԶԱՐ – *(Նրանից փախչում է դեպի դորս):* Բը, բը, բը, բը...

ՍԱԲՈ – *(Հետևում է նրան):*

ՆԱԶԱՐ – *(Վախից գոռում է)* Էհե՛ յ... *(Գոռալով բարձրանում է այվանը):*

ԶԱՅՆԵՐ – *(Դրսից)* Քան ջ Նազան բը: Քաջ Նազան բը:

ԶՈՐԱՎԱՐ – Վրան տվեք...

ՈՒՐԻՇ ԶԱՅՆԵՐ – Փախեք, փախեք...

ԱՌԱՆՁԻՆ ԶԱՅՆԵՐ – Վրան տվեք...

ՈՒՍՏԻԱՆ – Սուրբ Մարիամ Աստվածածնա, իրան եմ ապավինել, մեռնեմ իրեն: *(Երեսը խաչակնքում է: Աղմուկը մեծանում է):*

ՆԱԶԱՐ – *(Որ նոր էր հասել այվանի վրա՝ արագ իջնում է ցած և վազում ներս... Սրնում է գահի տակ):*

ՍԱԲՈ – *(Վազվզում է սենյակում):*

ՁԱՅՆԵՐ – Հաղթություն:

ՆԱԶԱՐ – (Գլուխը դուրս է հանում) Հը: Հաղթել են: Գյադամ, ո՞վ է հաղթել: (Դուռը բախում են: Սաքոյին) Բը, բը, բը, բը... դուռը կապի: (Գլուխը ներս է պահում):

ՍԱՔՈ – (Դողալով գնում է դուռը կողպելու: Ուստիանը բաց է անում վարագույրը, որ տեսնի դուռը):

ՆԱԶԻՐ ԵՎ ՄՅՈՒՄՆԵՐ – (Դրսից բախում են դուռը):

ՍԵՆԵԿԱՊԵՏ – Հաղթություն, թագավոր ջան:

ՈՒՍՏԻԱՆ – Ա՛յ մարդ, հաղթեցին:

ՆԱԶԻՐ ԵՎ ՄՅՈՒՄՆԵՐ – (Բախելով դուռը) Թագավոր քաջ, հաղթություն:

ՆԱԶԱՐ – (Դուրս է նայում գահի տակից) Ո՞վ հաղթեց: Հը, մե-րո՞նք են... հաղթեցին:

ՍԵՆԵԿԱՊԵՏ – (Ներս մտնելով ոտիչ դռնով) Տեր իմ, մերոնք հաղթեցին:

ՆԱԶԱՐ – (Հանգստանում է, քրտինքը սրբելով դուրս է գալիս) Հա, լավ արին, որ հաղթեցին, թե չէ է՛ն է՛ աշխարհքը քան-դուս էի: Հազում է) Ըհո՛...

ԺՈՂՈՎՈՒՐԳ – (Դրսից): Հաղթություն, կեցցե՛ն թագավորը:

ՆԱԶԱՐ – Հայ, բախտդ սիրեմ: Քաջ Նազար՝ էս էլ փրթեցիր: Էհ, Ուստիան, հիմի աչքդ բարին տեսնի՛ դու թալանին մտիկ տուր, որ կբերեն:

ՈՒՍՏԻԱՆ – (Խնդրուզի տալով) Վո՛յ, ինչ լավ բան է թագավոր – թագուհին:

ՆԱԶԱՐ – Բա՛, քե՛ֆ սրան կասեն: (Սաքոյին) Գյադա, բաց արա դուռը:

ՍԱՔՈ – (Բաց է անում և գալիս է ներս, դրոշակով կանգնում Նազարի մոտ):

ՍԵՆԵԿԱՊԵՏ – (Ներս է մտնում նշանազգեստի գլխարկով և առանձին ձևերով) Արքայից արքա, Նազիր – Վեզիրը, պա-

լատականները ընդունելություն են խնդրում:

ՆԱԶԱՐ – Հրաման եմ անում, որ ներս գան: *(Սենեկապետը դուրս է ելնում: Ներս են գալիս Նազիր – Վեզիրը, գորավարներ)* Ինչ կա, ինչ եք իրար անցել:

ՆԱԶԻՐ – Թագավորն ապրած կենա: Ուրախացնում ենք ձեր արքայական սիրտը մեծ ուրախությամբ: Անարգ թշնամին խորտակված է:

ՆԱԶԱՐ – Շատ լավ բան է եղել, գյադա՛:

ՆԱԶԻՐ – Քո ահեղավիթխար տեսքը որ տեսան՝ ոչնչացան: Տասը թագավորն էլ սպանված են պատերազմի դաշտում: Մեր քաջարի զորքը, շնորհիվ քո թագավորական խելքի իմաստության և քաջության՝ անօրինական գրոհով տապալեց թշնամուն:

ՆԱԶԱՐ – Շատ լավ բան է եղել, գյադա՛:

ՎԵԶԻՐ – Կեցցե՛ն թագավոր քաջը:

ԲՈՒՐՈՐԸ – Կեցցե՛ն թագավոր քաջը:

ՆԱԶԻՐ – Թագավոր քաջ: Ժողովուրդն անհամբեր է երկնային երեսհարքդ տեսնելու: Աղաչում է, քո հաղթության այս մեծ օրը գոնե մի անգամ երջանկացնես ժողովրդին և անձամբ դուրս գաս նրա ողջույնը ընդունելու:

ՆԱԶԱՐ – Լավ: *(Վեր է կենում և բարձրանում պարզգամբը, նրան հեղկում է Սաքոն դրոշակով):*

ՍԱԲՈ – *(Ժողովրդին)* Թագավորը:

ԺՈՂՈՎՈՒՐԴ – *(Դրսից)* Կեցցե՛ն մեր քաջ թագավորը:

ՆԱԶԱՐ – *(Ձեռքով նշան է անում ժողովրդին, որ լսեն)* Շատ շնորհակալ եմ ժողովրդից:

ՆԱԶԻՐ ԵՎ ՄՅՈՒՄՆԵՐԸ – *(Արդասավակալելով)* Ինչ երջանկություն:

ԺՈՂՈՎՈՒՐԴ – Կեցցե, կեցցե, կեցցենենեն...

ՆԱԶԱՐ – Զորքին և ժողովրդին ճաշ տվեք:

ՆԱԶԻՐ ԵՎ ՄՅՈՒՄՆԵՐԸ – Ինչ առատաձեռնություն:

ՆԱԶԻՐ – Ով ժողովուրդ: Մեր ողորմած թագավորը ոչ միայն հաղթեց թշնամուն իր քաջությամբ, այլև փայլեց իր առատաձեռնությամբ: Գնացեք ճաշ կերեք և օրհնեցեք թագավորին: Դե, կեցցե, կեցցե ողորմած թագավորը:

ԺՈՂՈՎՈՒՐԴ – Կեցցե, կեցցե, կեցցե, կեցցե, կեցցենեն...

ՆԱԶԱՐ – *(Ներս է գալիս):*

ՎԵՋԻՐ – *(Առաջ գալով)* Թագավորն ապրած կենա, իսկ ավա՞րը որտեղ տեղավորենք:

ՆԱԶԱՐ – Ամբարներում:

ՎԵՋԻՐ – Շատ իմաստուն հրամայեցիր *(Դեպի դուրս)* Թագավորը հրամայում է ավարը լցնել մթերանոցները:

ՆԱԶԱՐ – Կացեք մի, գյաղա՛: Էդ թալանից հալա բերեք մի՛ Ուստիան խանումին շանց տվեք... *(Սենեկապետը դուրս է վազում և վերադառնում սպասավորների հետ, որ բերում են զանազան կերպասներ, թերմանի շալ, մեղաքսեղեն, զգեստ, ոսկեղեն ամաններ և այլն)* Հը՛, Ուստիան խանում, ինչ որ սիրտդ կուզի՛ վերցրու: Լավ թալան է, հախ Աստծու:

ՈՒՍՏԻԱՆ – *(Զննում է շշկլած)* Վախենում եմ երազ լինի:

ՆԱԶԱՐ – Մատդ կծի:

ՈՒՍՏԻԱՆ – *(Կծում է մապը և շլացած դիպում է թալանը):*

ԺՈՂՈՎՈՒՐԴ – *(Երգում է)* Անհաղթ Նազար, Քաջ Նազար, մին կզարկի, ջարդի հազար:

ՆԱԶԱՐ – *(Նազիրին)* Գյաղա՛, ասա ունի՞ ըլեն:

ՆԱԶԻՐ – *(Ուզում է գնալ, բայց Սաքոն ինքն է առաջ ընկնում և դիմում ժողովրդին):* Դեսն արեք, ժողովուրդ, հավաքվեցեք: *(Ժողովուրդը հավաքվում է)* Ինձ մտիկ, գյաղեք: Որ ձեզ ասում են ուղի ըլեք, էդ ժամանակ պիտի ուղի ըլեք, իմացա՞ք:

ԺՈՂՈՎՈՒՐԴ – Իմացանք:

ՍԱՔՈ – Դե, յալլան, հառանգադերք (*Ժողովուրդը հեռանում է*):

ՆԱԶԱՐ – (*Վախեցած*) Բե՛, բե՛... թագավոր է ուզում դառնա՛մ...

ՆԱԶԻՐ – Իշխան Սաքո...

(*Սաքոն գալիս է*):

ՆԱԶԻՐ ԵՎ ՍԱՔՈ – (*Վախեցած իրար են նայում*) Բե՛, բե՛, բե՛...

ՆԱԶԱՐ – Ի՛նչ կա...

ՍԱՔՈ – Բա՛...բա...բան չկա...

ՆԱԶԱՐ – Դե ռադ եղի (*Սաքոն գնում է*):

ՆԱԶԻՐ – Կհամարձակվե՛նք հեռանալ, անձրև կենաց:

ՆԱԶԱՐ – Կացեք, գյադեք: Էզուց առավոտ կգաք, որ ես իմ ողջ տերության թագավորական խոսք պիտի ասեմ: Հիմի հրաման է ինձնից, որ հեռանաք:

ԲՈՂՈՐԸ – Աստված պահե թագավորին (գնում են):

ՈՒՍՏԻԱՆ – (*Նրանց գնալուն պես՝ վեր է կենում և սկսում ինչ-որ բան որոնել զանազան անկյուններում և գրնելով մի լայն կտավ՝ բերում է մեջտեղ ու կապում ջվալի պես*):

ՆԱԶԱՐ – Էդ ի՛նչ բանի ես, այ կնիկ:

ՈՒՍՏԻԱՆ – Հազիր ես իմ ձեռքով կպահեմ ու մի քնջում կտեղավորեմ: Դու ասում ես երազ չէ: Ո՞վ է իմանում: Աշխարհք է, մի էլ տեսար դուրս եկավ, որ երազ է: Ձեռներս մի բան էլ է կունենանք:

ՆԱԶԱՐ – Քե՛ֆ արա, ջանըմ. բախտը կբերի: Ա՛ման, անման, այ ջան:

ՈՒՍՏԻԱՆ – (*Կապած թուր քաշելով*) Այ մարդ, խաղի ժամանակ չի: (*Թուրը նրան տալով*) Քան՛չի, մի պնդացնենք: Քան՛չի.. (*Երկուսով քաշում են*):

Վարագույր

ԱՐԱՐ ՀԻՆՔԵՐՈՐԴ

ՔԱՋ ՆԱԶԱՐԻ ՎԵՐՋԸ

Նոյն պալապրական սրահը:

ՆԱԶԱՐ – (Բազմած է թախարին. Սաքոն նրա հեղուք բռնել է դրոշակը: Նազիր-Վեզիր, զորավարներ, պալապրականներ, Տերպեր, Թամադա, Ղոռոքուդա և մյուս հսկաները կանգնած են Նազարի դիմացը և երկյուղած՝ սպասում են նրա խոսելուն: Լռությոն: Սպասավորները՝ Սենեկապետի առաջնորդությամբ, խնկամանները ձեռներին մտնելով ներս, զանազան ձևերով խնկարկում են Նազարին և ապա Սենեկապետի հետ զգույշ, ակնածությամբ դուրս են ելնում: Շար լուրջ և կարևոր վճիռների առջև է, ձևերն արտասովոր են, հազում է և սկսում) Ի՛նձ նայեք, գյադեք: Ձեզ հրաման պիտի տամ ու թագավորական խոսքս պիտի ասեմ: Շատ կոիվների մեջ եղա, շատ կովեցի ու շատ հաղթեցի: Էս վերջին մեծ կովից էլ, Փառք Աստծու, տեսաք, որ էլի հաղթող դուրս եկանք: Գյադա, էս ի՛նչ բաներ են, գյադա՛, էս ի՛նչ նշանակ է, էս ի՛նչ տուրք է, գյադա՛: Էս է՛ն տուրքն է, գյադա՛, էս է՛ն օրենքն է, գյադա՛, էս տեսնում եմ գյադա՛, որ Աստծու մատը խառն է էս ամենի մեջ: Ու Աստծու օրենքի մեջ էդպես էլ հատուկ ինձ համար գրած է, որ ամեն անգամ ես պիտի հաղթեմ:

ՏԵՐՏԵՐ – Վկա է Աստված կենդանի:

ԲՈՒՈՐԸ – (Խոնարհվում են ի նշան խորին երկյուղածության):

ՆԱԶԱՐ – Ու հիմի, գյադեք, ահա ես իմ բերնով հրամանք եմ անում ձեզ, որ իմ ցեղս սուրբ է, իմացիր, գյադա, որ ժո-

ղովուրդը ինձ համար է ծնվում, ինձ համար ապրում, ինձ համար մեռնում: Ժողովուրդը պիտի աշխատի, ես ուտեմ: Դրա համար էլ ուզում եմ, որ սրբերի դասը դասվեմ:

ՏԵՐՏԵՐ – Եղիցի՛, եղիցի՛, եղիցի՛:

ԲՈԼՈՐԸ – *(Երկյուղածությամբ խոնարհվում են):*

ՆԱԶԱՐ – Հիմի ինձ նայեք, գյաղեք: Մինչև հիմի Աստված էր օգնում ինձ, հիմի իմ գործը ես իմ ձեռքով պիտի տեսնեմ: Հիմի ես ամենքին կհաղթեմ: Դրա համար էլ, գյաղեք, հիմի ես ուզում եմ, որ ողջ աշխարհքը զգեն ոտիս տակ: Ինչացու՞ է էսքան տերությունն ու թագավորը: Ես հերիք եմ:

ՏԵՐՏԵՐ – Եվ եղիցի՛:

ԲՈԼՈՐԸ – Ամեն՛:

ՆԱԶԻՐ – Ստվեր Աստծո: Երջանիկ միտք է ծագել արքայական գլխիդ մեջ: Հրամայիր՝ կատարենք:

ՆԱԶԱՐ – Հիմի ես հրամանք եմ անում թագավորական: Գնացեք նոր գորք կապեցեք և հրաման տվեք իմ կողմից, որ գնա ողջ աշխարհքի վրա, թալանի ու բերի ինձ: Ժողովրդին էլ հրամանք՝ որ նոր հարկեր տա: Իմացմք:

ԲՈԼՈՐԸ – Իմացանք, թագավոր սուրբ:

ՆԱԶԱՐ – Ղոռոբուղա, իմացմք:

ՂՈՌՈՒՐՈՒՂԱ – Հանմն, իմացա, թագավոր:

ՆԱԶԱՐ – Այ գահրունմնր քեզ, քար ու քացմխ: Քաղցրացրու ձենդ, էլի՛, դու էլ: Չեղավ, որ մի քաղաքավարություն սովորեցնեմ: Հայվան: *(Տերտերին)* Հոգևոր տեր: Դու էլ գնա, հոգևոր դասը առ խաչ-խաչվառով արի ինձ եկեղեցի տար: Աղոթք պիտի անեմ աշխարհքի փրկության համար: *(Բողոքին)* Դե, հիմի, թագավորական խորհուրդ ունիմ կնկանս հետ:

ԲՈԼՈՐԸ – Աստված պահե թագավորին *(Գնում են, քացի Նազիր-Վեզիրից:)*

ՄՈՒՆԵՏԻԿ – (Դրսից) Պատերաճանձան... (Աղմուկ է լսվում, որին հետևում է դիոլ – զոռնայի ձայնը):

ՆԱԶԻՐ – (Դուրս է գնում ներքևի պատշգամբը) Լսեցեք, ով գորք ու ժողովուրդ: Մեր ազատարար ու սուրբ թագավորը բազմաթիվ թշնամիներից մեր երկիրը ազատելուց հետո՝ աստվածային սուրբ հոգու զորությամբ՝ վեր է կենում ազատելու ամբողջ աշխարհը անարժան թագավորներից: Խստագույն հրաման է, որ ժողովուրդը հարկ տա, և գորքը գնա տիրի ամբողջ աշխարհքին: Հաջողություն թագավորին և հաղթություն ձեզ:

ԶՈՐՔ ԵՎ ԺՈՂՈՎՈՒՐԳ – (Դրսից) Կեցցե՛ մեր քաջ թագավորը (Ռազմի փողեր, երգ, զոռնա, զենքի շառաչ, որ հեռանում է):

ՍԵՆԵԿԱՊԵՏ – (Ներս մտնելով) Ժպիտ հյուրընկալության, թագուհին բարեհաճում է ընդունվելու:

ՆԱԶԱՐ – Հը՛:

ՍԵՆԵԿԱՊԵՏ – Թագուհին գալիս է:

ՆԱԶԱՐ – Գալիս է՝ թող գա. ի՞նչ ես նախրի իշի պես առաջ վազում: (Սենեկապետը գնում է) «Թագուհին»: Աղունակի ձն է: Մերաջ չփխվի՛: (Ներս է մտնում Ուարիանը թագուհու զգեստներով):

ՈՒՍՏԻԱՆ – (Ծանր ու բարակ առաջանայով դեպի Նազարը և նրա կողքին բարձ որոնելով և չգտնելով՝ ներս է կանչում Սենեկապետին): Սենեկապետ: (Սենեկապետը ներս է գալիս) Քյոփակ, ո՛ր է բարձս:

ՍԵՆԵԿԱՊԵՏ – Վայ, բարձը չե՛ն բերել (Դողում է):

ՆԱԶԱՐ – (Գավազավով խփում է Սենեկապետին) Շուն, շան որդիք: Ուստիան թագուհին գա նստելու՝ բարձ չբերե՛ք:

ՍԵՆԵԿԱՊԵՏ – (Չոքելով) Հանդերձապետն է մեղավոր, խնայի, խնայի, կարկուտ բարկության:

ՆԱԶԱՐ – Գլուխը կտրեցեք: *(Սենեկապետը դուրս է գնում):*

ՌԻՍՏԻԱՆ – Մեղա, թագուհին գալիս է՝ նստի, բարձ չեն դնում:

Ես չոր գետնին պիտի նստեմ:

ՍԵՆԵԿԱՊԵՏ – *(Ներս գալով)* Թագավորն ապրած կենա: Հանդերձապետի գլուխը կտրեցին:

ՌԻՍՏԻԱՆ – Հողեմ գլուխը: Շատ էլ լսվ աբին: Արարմունքին մտիկ:

(Սենեկապետը դուրս է գնում և բարձ է բերել փալիս մանկլավիկի ձեռքով, որ դրվում է Ուստիանի փակ):

ՆԱԶԱՐ – Սրանից ետ ավելի փափուկ բարձ բերեք; Ուստիան թագուհու մտերը փափուկ են: *(Լռություն):*

ՌԻՍՏԻԱՆ – Քեֆդ ինչո՞ւ է խարաբ:

ՆԱԶԱՐ – Քեֆա խարաբ չէ: *(Ավելի լուրջ կերպարանք է առնում):*

ՌԻՍՏԻԱՆ – Ինչ իմանամ, երեկվանից դեսը մի տեսակ ես:

ՆԱԶԱՐ – *(Մի քիչ սրտնեղ)* Հանաք, մապխարություն մի գիտենա, Ուստիան: Տերություն եմ դարձնում: Խելք է պետք: Էսօր աշխարհքի աչքը վրաս է տնկված: Հիմի իմ ժած գալս, խոսքս, խելքս, պատիվս ամենքին օրինակ է: Օրավուր մեծ խելքի տեր ենք դառնում: Հիմի ես ուրիշ մարդ եմ:

ՌԻՍՏԻԱՆ – Աստված տա, ո՞վ չի ուզում:

ՆԱԶԱՐ – *(Չգելով)* Է, տերության գործը շատ էր էսօր: Թամամ բեզարեցի; Մի քիչ քեֆ անենք: *(Սենեկապետին)* Է, գյաղա: *(Սենեկապետը ներս է գալիս):* Ճաշ բեր: *(Սենեկապետը գնում է):* Մի լավ ճաշ ուտենք, հը՛, Ուստիան խանում:

ՌԻՍՏԻԱՆ – *(Շատ լուրջ)* Թե ուզում ես՝ ուտենք: *(Ներս է մտնում Սենեկապետը սպասավորների հետ, որ ճաշ են բերում սինիներով՝ վրան պես – պես խորտիկներ, ծաղիկներ և այլն: (Սինիները դնում են Նագարի և Ուստիանի առջև՝ խոնջալի*

վրա: Երկու մանկլավիկ անցնում են Նազարի և Ուստիանի հեղինի կողմը՝ թևքերին և ուսերին զանազան սրբիչներ ու սպասում են, որ սրանք ուրեն: Մանկլավիկները բաց են անում սրբիչները, ու երբ Նազարը կամ Ուստիանը ուզում են բերանները, մարները սրբել, կիսովին ետ են շրջում դունչները կամ ձեռները, և սպասավորները սրբում են հեղինից): ԷճՖ: Լազանթ: (Հանկարծ բրնձի հատիկն ընկնում է Նազարի քիթը:)

ՆԱԶԱՐ – *(Փռշտալով և դեմքը ծամածռելով)* Է, է, է...

ՈՒՍՏԻԱՆ – Աման, ինչ է...

ՍԵՆԵԿԱՊԵՏ – Արհավիրք, արհավիրք, կոչնակ... Բրնձի հատիկ ընկավ Գերագույնի քիթը... *(Ներս էն վազում բոլոր պալատականները, դրսից լսվում է)* «Արհավիրք»:

Կոչնակ են զարկում:

ԲՈԼՈՐԸ – Արհավիրք... *(Չոքում են:)*

ՆԱԶԱՐ – *(Փռշտում է և ազատվում բրնձի հատիկից:)*

ՆԱԶԻՐ – Խոհարարն է մեղավոր:

ԲՈԼՈՐԸ – Ինչ ոճիր:

(Դեպի դուրս):

ՎԵՋԻՐ – Կտրեցեք խոհարարի գլուխը: *(Գնում են հրամանը կատարելու:)*

ՆԱԶԱՐ – Փլավ տվեք...

ՏԵՐՏԵՐ – Հրաշագործ փրկություն արքային մերո:

ԲՈԼՈՐԸ – Փանոք տիրոջ... *(Արտասովում են):*

ՍԵՆԵԿԱՊԵՏ – *(Դեպի դուրս)* Ցնծություն, ժողովուրդ... *(Դուրսն ուրախության ձայներ, կոչնակ և այլն)* Հայտնվեց հատիկը վեհի քթից:

ՄԻ ՊԱԼԱՏԱԿԱՆ – *(Ներս գալով)* Թագավոր մեծ, խոհարարի գլուխը կտրեցին:

ՈՒՍՏԻԱՆ – Կարեմ բերանը. շատ էլ լավ արին, թագավորա-

կան փլավն էսպես կեփեն...

ՆԱԶԱՐ – Դե գնացեք, գնացեք, յալլա (*Բոլորը դուրս են գնում*):
Ինչ էի ասում: Իշի կտորներ: Թողնում են, որ մարդու միտ-
քը տեղը մնա: Հա: Փլավից էլ մի քիչ դեսն արեք (*Հեռաց-
նում են, ուրում է*) Էճֆ: Գիսի լցրեք; (*Նազիր, Վեզիր, Զո-
րավար և պարսպականներ ներս են վագում*):

ՆԱԶԻՐ – Թագավոր ջան: Հազար յոթ հարյուր մարդ էլի
ջարդվեց:

ՆԱԶԱՐ – Դրանք էլ ինչ հավես արին ջարդվելու: Փլավի են
քշում: (*Լռությամբ*) Է, լավ, ինչի էին ջարդվում:

ՆԱԶԻՐ – Չեն կարողանում, տեր իմ:

ՆԱԶԱՐ – Գնացեք ասեք՝ կարողանան: Ջանըն, կռիվն ինչ
բան է, որ չեն կարողանում: Իշխան Սաքո՛...

ՍԱԲՈ – (*Վախեցած*) Ինչ է, թագավորն ապրած կենա...

ՆԱԶԱՐ – Մի գնա փրթի էդ թշնամուն...

ՍԱԲՈ – Բը, բը, բը, բը... Գնամ:

ՆԱԶԱՐ – Գնա՛ փրթի... (*Սաքոն դուրս է գալիս և թաքնվում
դռան հետևը*):

ՆԱԶԻՐ – Ուրիշ ինչ կիրամայես, տեր իմ:

ՆԱԶԱՐ – Հրամանք են անում: Ժողովրդին առաջ գցեցեք,
թող գնա համ կռվի, համ էլ հառամադա գորքի շլքին
տա մոտս բերի, տեսնեմ ինչ խորհուրդ են անում:

ՆԱԶԻՐ – Իսկույն կուղարկեմ ժողովրդին: (*Մոտենալով պա-
րուհանին*) Մուսետիկ, նոր հրաման: Կանչիր ժողովրդին:

ՄՈՒՆԵՏԻԿ – Հավաքվեցեք... նոր հրաման... (*Աղմուկ և ժո-
ղովրդի բացականչություններ*՝ «Եկեք, եկեք»):

ՆԱԶԻՐ – Ո՛վ ժողովուրդ: Նոր երջանկություն: Մեր քաջ թա-
գավորն աշխարհ է տիրում ձեզ փրկելու համար, խստա-
գույն հրամայում է ձեզ, որ գնաք ձեր քաջարի գորքին
օգնության: Դե ծն, դուք, որ միշտ մեռել եք թագավորի

համար, հիմա էլ գնացեք մեռեք:

ՆԱԶԱՐ – Դե հիմի ռադ եղեք ու էլ զահլա մի տանեք: Տերության գործը մնաց: Կերակուրները սառեցին: Ես գործ ունեմ: Ես հաց պիտի ուտեմ: Հասկացա՞ք, հայվաններ: Էլ սրանից դենը քանի կջարդվի՝ զարկեցեք, քանի կջարդվի՝ զարկեցեք: Ու մին էլ թե ներս եք եկել ու կռվի վրա խոսք եք բաց արել՝ կարկաժներդ միջից կկիսեմ: Իմացա՞ք:

ԲՈՒՆՈՐԸ – Իմացանք, ստվեր Աստծո:

ՆԱԶԱՐ – Հայդե, յա՛լլա: *(Գնում են)* Է, մեր գործին նայենք: *(Սենեկապետին)* Գյադա, արի հացը հավաքի: Ուստիան, մի քիչ էլ գնանք կտեր ծերին նստենք, դայլան քաշենք: *(Սենեկապետին)* Կասես, որ դայլան բերեն: Իշխան Սաքո՞: Դրոշակը առ *(Սաքոն՝ վերցնում է դրոշակը: Դուրս են գնում Ուստիանի հետ: Նրանց գնալուց հետո Սենեկապետը ներս է կանչում սպասավորներին, նշան անում, որ սեղանը հավաքեն: Հավաքում են և հեռանում: Ապա մի վայրկյան դուրս գնալով իսկույն ետ է վազում և կծկվելով կպչում է վարագույրներին):*

ԶՈՐԱՎԱՐ – *(Ներս վազելով)* Ո՞ր է թագավոր քաջը:
Ամբողջ զորքը լքել է ռազմադաշտը ու ետ է գալիս:

ՍԵՆԵԿԱՊԵՏ – Գերագույնը նարգիլե է խնկարկում ի պետս հայրենյաց:

ԶՈՐԱՎԱՐ – Շուտափույթ պետք է հայտնել իրեն: Եվ քանի որ թագավոր քաջը մահվան սպառնալիքով արգելեց մեզ իր հետ խոսել զորքից և պատերազմից, շատ կաղաչեի, որ ի սեր հայրենյաց, ինքդ հանձն առնեիր այդ մահը: Հայտնի՞ր թագավորին լուրը:

ՍԵՆԵԿԱՊԵՏ – Անպատճառ: Իմ անձը հենց հայրենիքի համար եմ պահել, որ գոհվեմ: Միայն իսկույն չեմ կարող լուր հայտնել, քանի որ Գերագույնը հենց նոր ավարտեց նար-

գիլեի առաջին կրակը: Երկու կրակ ևս կավարտի, և ես կհայտնեմ:

ԶՈՐԱՎԱՐ – Ուրեմն հուսամ քո անձնվիրության վրա, տեր իմ:

ՍԵՆԵԿԱՊԵՏ – Կատարելապես, տեր իմ:

ԶՈՐԱՎԱՐ – (Գնում է):

(Ներս են մտնում Նազիրը և Վեզիրը)

ՆԱԶԻՐ – } (Գլուխ տալով Սենեկապետին) Տեր իմ:

ՎԵԶԻՐ – }

ՍԵՆԵԿԱՊԵՏ – (Գլուխ տալով) Տեր իմ:

ՆԱԶԻՐ – Հուսանք, որ նոր լուրերը հայտնել ես արքային:

ՍԵՆԵԿԱՊԵՏ – Ինձ ոչինչ հայտնի չէ: Դուք որևէ բան գիտեք, տյարք իմ:

ՆԱԶԻՐ – Կատարելապես ոչինչ:

ՍԵՆԵԿԱՊԵՏ – Ուրեմն ի՞նչ նոր լուր է, տյարք:

ՎԵԶԻՐ – Ներիր, տեր իմ: Կարծես նոր լուր ասիր:

ՍԵՆԵԿԱՊԵՏ – Ոչ, պարզապես սայթաքումն բարբառի:

ՆԱԶԻՐ – Եվ ի՞նչ է քեզ հայտնի, տեր իմ:

ՍԵՆԵԿԱՊԵՏ – Ականջս խուլ է և ինքս այնքան մտազբաղ...

(Լռություն) Իսկ...

ՆԱԶԻՐ – } Հա՛...

ՎԵԶԻՐ – }

ՍԵՆԵԿԱՊԵՏ – Բան ասիք, տյարք:

ՆԱԶԻՐ – } Ոչինչ:

ՎԵԶԻՐ – }

ՎԵԶԻՐ – Ինչպե՞ս է քո կենցաղավարությունը:

ՍԵՆԵԿԱՊԵՏ – Գերերջանիկ: Աստված պահե թագավորին:

(Լռություն) Առո՞ղջ եք, տյարք:

ՆԱԶԻՐ – }

ՎԵԶԻՐ – } Կատարելապես, տեր իմ:

ՍԵՆԵԿԱՊԵՏ – Այն ժամանակ իսկույն պահիկ մի հեռանամ և

արքային նախապատրաստեն, որ ոչ մի լուր չկա:

ՆԱԶԻՐ – Ճշմարիտ կետին նշանեցիր, տեր իմ:

ՍԵՆԵԿԱՊԵՏ – *(Դուրս է գնում դիմացից, բայց և իսկոյն դրսից մուրենալով վարագոյրին՝ սկսում է այնտեղից ականջ դնել: Երևում է նրա կերպարանքը վարագոյրի հերկից):*

ՆԱԶԻՐ – *(Վեզիրին՝ ցած)* Չի գնացել, ականջ է դնում:

ՎԵԶԻՐ – *(Ցած)* Ավելի լավ: Եվ երևում է, որ գիտե լուրը:

ՍԵՆԵԿԱՊԵՏ – *(Ներս է նայում վարագոյրի ձեղքից):*

ՎԵԶԻՐ – Ախ, ինչպէս տեղեկացնենք թագավորին, որ մենք այդ լուրին չենք հավատում:

ՆԱԶԻՐ – Ահա, տես, տեր իմ, ես ասում եմ, որ ժողովուրդը ապստամբել է թագավորի դեմ:

ՎԵԶԻՐ – Ահա և ես, ասում եմ, որ խռնվում է պալատի շուրջը: *(Սենեկապետը վարագոյրի ձեղքից նայում է: Նազիրը և Վեզիրը նույնպես նայում են Սենեկապետին: Երեքն էլ բռնվում են և անշարժ իրար երեսի նայում):*

ՆԱԶԻՐ – Աչքերս վշտից կարճատես են դառել:

ՎԵԶԻՐ – Տվայտանքից կուրացածի պես եմ:

ՆԱԶԻՐ – Ինչպէս է արքայից արքան:

ՍԵՆԵԿԱՊԵՏ – Անդորր, ինչպես ծովի հատակը:

ՎԵԶԻՐ – Փսնոք Աստծո:

ՆԱԶԻՐ – Քանի որ կան տերություններ, որոնց ժողովուրդը ապստամբում է թագավորի դեմ:

ՍԵՆԵԿԱՊԵՏ – Այո, այլալուծն ինչ – ինչ և տվայտանք պես – պես:

ՆԱԶԻՐ – Եթե արքայի կյանքին վտանգ սպառնա՝ բավական է մեր մասին մտածես՝ քնած տեղից անգամ իբրև նետ կթռչենք օգնության:

ՎԵԶԻՐ – Եվ կհաղթենք:

ՍԵՆԵԿԱՊԵՏ – Տյարք: Իմ սիրտն ու միտքը ստվերի պես շրջում են ձեր հետևից: Կարիքի դեպքում իմ հավատքս

ձեզ հետ է:

ՆԱԶԻՐ – }
ՎԵՋԻՐ – } Եվ մերը ձեզ հետ: *(Գլուխս են ցալիս)* Տեր իմ:

ՍԵՆԵԿԱՊԵՏ – Տեր իմ: *(Գլուխս են ցալիս Նազիր և Վեզիր հեռանում են: Նրանց հետևից)* Երեխան խաշվեց, օրհնյալ-
նէր, ուրիշը բերեք»:

(Վարագույրի հետևում ձայներ: Սենեկապետը թաքչում է նրա ծայքերում):

ՆԱԶԱՐ – *(Երգում է)* Աման, աման, այ ջան:
(Իջնում է կտորից Ուստիանի հետ):

ՍԵՆԵԿԱՊԵՏ – *(Ներս է գալիս և կանգնում ժպտադեմ):*

ՆԱԶԱՐ – *(Նրան)* Հը՞, ներս ու դուրս արա, ներս ու դուրս արա
մկան պես: Ինչ կա էլի: Հը՞, դուրս, հառամզադա:

ՍԵՆԵԿԱՊԵՏ – *(Անշարժ կանգնած է):*

ՆԱԶԱՐ – Չե՞ս իմանում, քյաֆթա՞ն:

ՍԵՆԵԿԱՊԵՏ – Կենաց աղբյուր: Նախկին պատերազմի երեք
պարտված թագավորի թագուհիները եկել են և լուսա-
պայծառ տեսությամբ են հայցում:

ՆԱԶԱՐ – Երեք թագուհի՞... Ինչ են ուզում:

ՍԵՆԵԿԱՊԵՏ – Նազիրը գիտե, թագավոր կենաց:

ՆԱԶԱՐ – Կանչի գա Նազիրին: *(Սենեկապետը գնում է):*

ՌԻՍՏԻԱՆ – Բան չունե՞ս: Ինչի՞դ են պետք թագուհիները: Ճամ-
փի, գնան:

ՆԱԶԱՐ – *(Բազմում է թախտի վրա)* Օխանյ... Էնֆ... Հը, Ուս-
տիան, աշխարհքի թագավոր ենք դառնում: Ո՞նց է քո բա-
նը:

ՆԱԶԻՐ – *(Ներս մտնելով և մտրենալով Նազարին մի քիչ կա-
մաց)* Թագավոր սուրբ: Մեր թշնամի թագավորների թա-
գուհիները տեսնելով, որ իրենց ամուսինները սպանվեցին
պատերազմում՝ լսելով ձեր խելքի և քաջության համբավը՝

սիրահարվել են ձեզ և եկել են ընկնելու ձեր ոտքերը և սեր հայցելու:

ՆԱԶԱՐ – Սիրո՞ւն կտորներ են:

ՆԱԶԻՐ – Լուսնյակի տասնըփնգը:

ՆԱԶԱՐ – Կերթաս իմ կողմից խանումներին կասես, որ իրենց վրա սեր են կապել, թող ներս հրամանեն: (*Նազիրը գնում է*):

ՈՒՍՏԻԱՆ – Բան են ասում: Չի՞ լինի, որ չկանչես:

ՆԱԶԱՐ – Չէ, ո՞նց կարող են: Թագավորի արք է, ազնիվ թագուհի են:

ՈՒՍՏԻԱՆ – Ազնիվ թագուհիս որն է, ջանք, թագուհին թագուհի չի՞:

ՆԱԶԱՐ – (*Հանգիստ*) Չէ՛: Կա խամ թագուհի, կա ազնիվ թագուհի: Ազնիվ թագուհին աշխարհքի թագուհին է:

ՈՒՍՏԻԱՆ – Էհ, բան չունեն: Բան են ասում: Ճամփի, գնան:

ՆԱԶԱՐ – Չէ, թագավորի պարտք է: Ջանս էլ որ դուրս գա՛ պիտի կատարեն:

ՈՒՍՏԻԱՆ – Լավ պարտք է: Էդ ի՞նչ պարտք է՝ մի իմանանք:

ՆԱԶԱՐ – Բնությանս հակառակ է, որ չհասկացած գործերին խառնվում ես:

ՈՒՍՏԻԱՆ – Ինչի՞ չեմ հասկանում: Լավ էլ հասկանում եմ:

ՆԱԶԱՐ – (*Կեղծ գործնական և հասարակ*): Լսիր: Ուստիան, մի քիչ թագավորական գործ ունիմ, գնա մյուս օթախը:

ՈՒՍՏԻԱՆ – Մեղա: Սիրո՞ւն կնիկները ներս առ՝ թե «թագավորական գործ ունեմ»: Էս եղավ թագավորական գործ:

ՆԱԶԱՐ – Էդպես է, Ուստիան խանում, Էդպես է:

ՈՒՍՏԻԱՆ – Ի՞նչն է Էդպես: Էնպես ես խոսում, կարծես թե էստեղ թագուհի չեմ, իրավունք չունեմ:

ՆԱԶԱՐ – (*Սրբոնեղ*) Թագուհիները պիտի գան: Տերության գործ ունիմ, մի ուշացնի: Գնա մյուս օթախը: (Լռություն):

(Նազարը սպասում է, որ Ուստիանը գնա: Սենեկապետը նայում է վարագոյրի ձեղքից: Նազարը փեսանում է այդ ու հագում:)

ՈՒՍՏԻԱՆ – *(Նոր շարժումով)* Բնչ եմ ասում, Նազար, ես ըլեմ աշխարհիքի ազնիվ թագուհի:

ՆԱԶԱՐ – Չես կարող:

ՈՒՍՏԻԱՆ – Կարող եմ:

ՆԱԶԱՐ – Չէ, չէ:

ՈՒՍՏԻԱՆ – Է, լավ, ինչ տեսակ բան է, որ չեմ կարող:

ՆԱԶԱՐ – *(Երգում է քթի տակ, կիսաար)* Ա՛ման, անման այ ջան: *(Ուստիանին)* Ծանդր բան է թագավորական գործը, ծանդր... *(Սենեկապետին)* Էյ, գյադա՛: *(Սենեկապետը ներս է գալիս)* Գնա մի քիչ անուշ ջուր բեր, փչի վրաս: *(Սենեկապետը դուրս է վազում)* Էհ... *(Շինծու թթված ձևով)* Աշխարհք թափվել է վրաս: Հա՛, խելք տուր, հա՛ քաջություն բանացրու, հա՛ էս արա, հա՛ էս արա: Տնաշեններ, մի մենակ թողեք՝ խելքս գլուխս գա: *(Սենեկապետը վազելով ներս է գալիս սպասավորների հետ, որ փչում են անուշահոտ ջրերը և շտապով հեռանում):*

ՈՒՍՏԻԱՆ – Լավ, էդ, որ ուրիշների ես բերում, էլ ես սագական թագուհի չեմ:

ՆԱԶԱՐ – *(Լեզուն ծրպացնելով)* Ծը՛:

ՈՒՍՏԻԱՆ – Ինչի՞ համար:

ՆԱԶԱՐ – Էնդուր:

ՈՒՍՏԻԱՆ – Չէ, ասա մի տեսնենք ինչի՞ համար:

ՆԱԶԱՐ – Ես ազնվ գեղից կնիկ պիտի առնեմ, որ գեղս իսկը ազնվանա:

ՈՒՍՏԻԱՆ – Բա էդ անելու բան է, որ անում եմ:

ՆԱԶԱՐ – Մենք անող ենք, Ուստիան խանում:

ՈՒՍՏԻԱՆ – Չէ, չեմ թողնի, որ անես:

- ՆԱԶԱՐ** – Արյունը գլուխս մի խփիլ տա, թե չէ վեր կացա, հա՛մ...
 Գլուխս մի տանի: Մի քիչ ազնիվ ցեղի պիտի խառնվիմ:
 Ժամանակ չունեմ: Բանի՞դ գնա;
- ՌԻՍՏԻԱՆ** – Զանրմ, ի՛նչ ազնիվ ցեղ, ի՛նչ բան: Սիրտդ ուրիշ
 կնիկ է ուզում՝ էդ ասա... Արարմունքդ հասկանո՞ւմ ես...
- ՆԱԶԱՐ** – Խաղաղություն ամենեցուն : Կարճ կապի:
- ՌԻՍՏԻԱՆ** – Հետոները պիտի պսակվես՝ էդ է: Էլ կարճը ո՞րն
 է, երկարը ո՞րն է (*Լուռ է*): Լավ, հիմի ես ի՛նչ պիտի անեմ:
- ՆԱԶԱՐ** – Եսի՛մ: Փող, ապրանք կտամ, գնա գեղը:
- ՌԻՍՏԻԱՆ** – Բո՛հ... Էստեղից հեռացողը չեմ:
- ՆԱԶԱՐ** – Կերթանս, Ուստիան խանում, կերթանս:
- ՌԻՍՏԻԱՆ** – Չե՛մ գնա: Ղալմաղա՛լ կանեմ:
- ՆԱԶԱՐ** – Ի՛նչ ղալմաղալ:
- ՌԻՍՏԻԱՆ** – Կասեմ՝ վախկոտ ես:
- ՆԱԶԱՐ** – Ո՞վ է վախկոտ:
- ՌԻՍՏԻԱՆ** – Դու:
- ՆԱԶԱՐ** – Գտա՛ր վախկոտը, աշխարհքներ եմ զարգանդեց-
 նում:
- ՌԻՍՏԻԱՆ** – Օյիներ են, ջանրմ, սուտ բան է: Տեսնես ի՛նչ ֆան-
 դեր ես բանացրել: Հիմի որ բաց անեմ, ո՞նց է բանդ:
- ՆԱԶԱՐ** – (*Հարձակվելով Ուստիանի վրա*) Ո՛ւյ, քեզ հիմի, հա-
 ռամ...մմ... (*Խոսքը կիսատը՝ ներս են մտնում Նազիր - Վե-
 զիրը, Սենեկայեպը, պալապականներ, Թամադա, Ղոռո-
 բողա և նրանցով շրջապատված երեք թագուհիներ, որ
 ժպտալով ու խոնջիկ - մոնջիկ անելով առաջ են գալիս և
 բարև բռնած կանգնում Նազարի առջև: Ուստիանին՝ դեմքը
 թթվեցնելով և կեղծ գործնական*) Ո՛ւստիան, ժողովք է հի-
 մի, գլուխներս խառն է, մի քիչ գնա է՛ն օթախը:
- ՌԻՍՏԻԱՆ** – (*Կեղծ քաղաքավարի*) Հա՛մ, ժողովք է: Լավ: (*Վեր
 է կենում, որ դուրս գնա աջ կողմից*) Ո՛չ բարով վայելես:

(Խեթ նայում է Նազարին):

ՆԱԶԱՐ – *(Կասկածով նայում է Ուստիանին և ինչ – որ ուզում է անել, բայց թագուհիների տեսքը շրացնում է նրան և նրանց նայելով մոտենում է Ուստիանին):*

ՈՒՍԻԱՆ – *(Հեռանալով աջ կողմից՝ մի անգամ էլ մտիկ է ցրայիս թագուհիներին և մոթամոթում):* Լրբերին մտիկ, սիրահարվել են... հողեմ ձեր գլուխը *(Դուրս է գնում):*

ՆԱԶԱՐ – *(Ժպտալով)* Սրամք են թագուհիները: Ինչ էլ փամփփիկներն են: Նստեցեք: *(Թագուհիները նայում են)* Ա՛յ, հիմի բաղչում սուփրա կրանան, գնանք ծաղիկների մեջ նստենք քեֆ անենք: *(Սենեկապետին)* Գյաղամ: Գնա ասա լավ չարագով սուփրա գցեն: Սազանդար կանչի, գան մեզ բաղչա տանեն: *(Սենեկապետը գնում է և իսկույն վերադառնում):* Նազարը դառնում է պալատականներին) Դուք էլ մեզ ճամփու կղնեք բաղչա ու հետո կերթաք ձեր գործին: Տերության գործերին լավ աչք կանեք, գործերը կարգին են, թե չէ՝ կաշիներդ մաշկել կտամ, հառամզադաներ: Հանամ: Իմացամք:

ԲՈԼՈՐԸ – Իմացանք, կենտրոն տիեզերաց:

ՂՈՌՈՒՄՈՒՂԱ – Հանամ, իմացանք:

ՆԱԶԱՐ – Քեզ ով ասավ բոռաս խանումների մոտ, իշի կտոր *(Դիմում է թագուհիներին)* Է, խանումներս, ո՞նց եք, քեֆներդ, հալներդ:

ԹԱԳՈՒՀԻՆԵՐ – *(Խունջիկ – մունջիկ անելով ծիծաղում են):*
(Ներս են մտնում սազանդարները և խոնարհ ողջոնում են Նազարին):

ՆԱԶԱՐ – Ապամ, գյաղա, մի Հերաթի վեր քաշեք տեսնենք: Խանումներ, գնանք: *(Թագը ծոռում է գլխին: Թագուհիները քրքջում են: Սազանդարները նվագում են, երգում Հերաթի):*

ՈՒՍԻԱՆ – *(Ներս մտնելով՝ սկսում է ականջ դնել նվագին, հե-*

տո առաջ է գալիս դեպի նվագարեն) Հը... (Սազանդարները նվագում են և ապա մեղմացնում նվագը, Ուստիանը առաջ գալով) Տեսա՞ք դուք փախքոտ Նազարին: Երկու էջի գարի չէր կարում բաժանի: Տեսա՞ք ինչ փառքի հասա՞վ: Միտք ես անում, միտք, էս աշխարհքի բանը, ճաքում ես, տրաքվում, թե ախր էս բանը ո՞նց է լինում: Չեմ իմանում, բախտ է, էլի: (Սազանդարները նվագում են ու կրկին նվագը մեղմացնում:) Տեսա՞ք ո՞նց է սարսաղացրել աշխարհքն ու վրան ծիծաղում, թե աշխարհքը սարսաղ է ու սարսաղ պիտի գնա: Դու է՛ն սարսաղներին ասա, թե ո՞նց են կատու կտրել էդ նապաստակի առաջին: Բախտ է, էլի: (Սազանդարները նվագում են: Թագուհիները քրքջում են) Հա՛, մե՛ծ գործի վրա եք: Բախտավորներ: Հո՞ղեմ ձեր անամոթ գլուխը: Նա էլ որ երեսին ամոթ չունի: Հ՛ըմ (Մրաձեղով ու գլուխը թափ տալով) Դու էդ թող՝ բախտին մոտիկ, որ միշտ բերում է: Բախտ է, էլի: (Սազանդարները նվագում են պար: Թագուհիները հերթով պարում են):

ՆԱԶԱՐ – Այ ջան (Ինքն էլ է պարում):

ՈՒՍՏԻԱՆ – Մի կաց, ես քո ապուրը կեփեմ: (Անկյունից վերցնում է մահակը):

ՆԱԶԱՐ – Ա՛ման, աման, այ ջան...

ՈՒՍՏԻԱՆ – (Մահակը ձեռին ներս վազելով) Էդ է քո թագավորի ժողովքը, հա՛... (Մահակը խփելով գլխին) Կեր, քյոփակ... (Թագուհիներն ու սազանդարները փախչում են դուրս):

ՆԱԶԱՐ – (Փախչում է մի կողմ: Ուստիանը ընկնում է նրա հետևից, բայց նկատելով ներս մտնող Սենեկապետին՝ զսպում է իրան ու եր քաշվում: Նազարը՝ նստելով գահին, ոտները ծալապատիկ քաշում է իրան) Գյադա՛, Սենեկապետ, կանչիր Նազիր-Վեզիրին... ես գանգատ ունեմ տերությունս: (Սենեկապետը գնում է):

ՈՒՍՏԻԱՆ – Խոհրեմ թագավոր գլուխդ... *(Սենեկապետը վերադառնում է Նազիր – Վեզիրի, Զորավարի և պալատականների հետ):*

ՆԱԶԻՐ – Հրամայի՛, կենտրոն տիեզերաց:

ՆԱԶԱՐ – Ես հրամայում եմ, որ... *(Ուստիանը խեթ նայում է իրան, Նազարը զսպում է իրան և լռում) Հր՛մ... (Սակայն համբերությունից դուրս գալով) Բե... (Վեր է թռչում. նստած) Բե... (Վեր է թռչում) Ինչ է, թագավոր չեմ, բերանս պիտի ջուր առնեմ... (Դրսից աղմուկի ձայն է գալիս: Դուռը ծեծում են) Գյադա, էս ժողովուրդ է, ինչ է, ինչի է կանգնել էստեղ: Կռիվ չի՞ գնացել:*

ՆԱԶԻՐ – Ո՛չ, տեր իմ:

ՆԱԶԱՐ – Յա ... ինչ է ասում: Գյադա, ո՞վ է իմացել՝ թագավորը հրամայի, ժողովուրդը կռիվ չգնա: (Դառնում է Սաքոյին) Սաքո, գնա՛:

ՍԱՔՈ – *(Սաստիկ վահեցած)* Գը, գը, գը, գը, գնամ...

ՆԱԶԱՐ – Յա՛լլա, հառանգադա: Ինչ: Թագավոր ես ուզում դառնամ, դե՛ ատաջ ընկի:

ԲՈՂՈՐԸ – Իշխան Սաքո՛, հառա՛ջ...

ՍԱՔՈ – *(Գնում է պարզգամբ և դիմում ժողովրդին)* Գյադե՛ք, թագավորը հրամայում է: *(Սարսափած հետ է փախչում)* Աման...

ՆԱԶԱՐ – *(Պալատականներին)* Յա՛, յա՛... տո, գնացեք կախեք ժողովրդին: Սենեկապետ, գնա, Զորապետ, գնա, Նազիր – Վեզիր, Դոռոբուդա:

ՈՒՍՏԻԱՆ – *(Որ ներս էր մտել և լսում էր վերջին խոսքերը: Բամփեղով նրա գլխին)* Ցխեմ թագավոր գլուխդ, դու գնա, նրանց ո՞ր ես դարկում:

ՆԱԶԱՐ – *(Վախով նայում է Ուստիանին: Իսկ պալատականները սարսափում են Նազարից և սպասում, թե՛ նա ինչ կանի):*

ՈՒՍՏԻԱՆ – Դուք էլ մանրդ գտաք վախենալու: *(Մահակը բարձրացնում է և հարձակվում Նազարի վրա: Խփելով)* Ա՛ռ, քյոթակ... *(Նազարը փախչում է դուրս: Պալապրականները շշմում են):*

ՄԻ ՊԱԼԱՏԱԿԱՆ – Տյարք, սա ի՛նչ է, վախեցա՛մլ...

ԵՐԿՐՈՐԳ ՊԱԼԱՏԱԿԱՆ – Ինչպե՛ս կարող է: Սրա մեջ մի խորհուրդ կա: Հիմի հրաշք կպատահի:

ՆԱԶԱՐ – *(Ներս վազելով՝ Ուսրիանը հեկրկից)* Բե՛ն, բե՛ն, բե՛ն, բե՛ն:

ԵՐԿՐՈՐԳ ՊԱԼԱՏԱԿԱՆ – Հիմի հրա՛շք կպատահի:

ՈՒՍՏԻԱՆ – *(Մահակը իջեցնելով գլխին)* Թանղեմ գլուխդ...
(Նազարը փախչում է աջ):

ՍԵՆԵԿԱՊԵՏ – *(Վազելով դեպի Ուսրիանը)* Համեստափայլ թագուհի...

ՆԱԶԱՐ – Կայծերդ կհանեմ...*(Վազում է ձախ):*

ՍԵՆԵԿԱՊԵՏ – *(Վազելով դեպի Նազարը)* Թագավոր ջան...

ՈՒՍՏԻԱՆ – *(Վազելով Նազարի հեկրկից և մահակը խփելով)*
Խո՛րեմ գլուխդ:

ՍԵՆԵԿԱՊԵՏ – *(Վազելով նրա հեկրկից)* Համեստափայլ թագուհի...

ՆԱԶԱՐ – Կտո՛ր–կտո՛ր կանեմ... *(Վազում մտնում է գահի տակ):*

ՍԵՆԵԿԱՊԵՏ – *(Վազելով դեպի նա)* Թագավոր ջան...

ՊԱԼԱՏԱԿԱՆՆԵՐ ԵՎ ՍԱՔՈ – *(Շարժում են անում դեպի Ուսրիանը, խնդրելու ձևով: Ուսրիանը մի հարված է հասցնում Սաքոյի գլխին, մահակը շարժում է մյուս պալապրականների կողմը):*

ՍԱՔՈ – Աման *(Փախչում է դուրս: Պալապրականները եր են քաշվում):*

ՆԱԶԱՐ – Տո, հերիք չեղա՛մլ, ամոթ չունե՛ս...

ՈՒՍՏԻԱՆ – Ամոթը ե՛ս պիտի ունենամ, թե դու: Կրե՛մ գլուխդ...
(Մահակը կոխում է գահի տակ և բոթում Նազարին):

ՆԱԶԱՐ – Բո՛, բո՛, բո՛... Տո՛, տո՛, բոնեք դրան... Ուստիան՛...

ՈՒՍՏԻԱՆ – *(Գահը գլորելով մի կողմ)* Դե հիմի կաց, քեզ խալ-
խի առաջ դնգատեմ, որ աշխարհքը տեսնի քեզ...

ՄԻ ՊԱԼԱՏԱԿԱՆ – Հիմա հրա՛շքը կպատահի...

ՆԱԶԱՐ – *(Դուրս է փախչում)* Ա՛ման *(Ուստիանը հեղուկացնում է)*:

ՊԱԼԱՏԱԿԱՆՆԵՐ – Տեսա՛ք հրաշքը...

(Հանկարծ պոռթկում է մի ընդհանուր քրքիջ, որ անզուսպ կերպով սկսում է ուժեղանալ և լցնել դահլիճը: Հսկաները ներս են թափվում և զարմացած նայում: Ամենից շար սպ-շեղ է Ղոռորոդան):

ՂՈՌՈՐՈՒՂԱ – *(Հանկարծ գլխի ընկնելով՝ պայթում է մի հսկայական ծիծաղով)* Փահ, փահ, փահ, փահ...

ՄՅՈՒՍ ՀՍԿԱՆԵՐ – Հո՛, հո՛, հո՛, հո՛, հո՛, հա՛, հա՛, հա՛, հա՛, հո՛, հո՛, հո՛, հո՛...

Պալատականները սկսում են կողոպտել պալատը՝ թանկագին իրերը խոթելով գրպաններն ու ծոցերը, միաժամանակ շարժումներ անելով փախչելու, վախենալով ինչ – որ սպառնալիքից: Ներս է վազում Ուստիանը և հեղը բերած պարկը լցնում զանազան իրեր:

Վարագույրը փակվում է:

ՆԱԶԱՐ ԵՎ ՍԱՔՈ – (Ավանսցենի երկու կողմից գոռալով ընկնում են իրար գիրկ և վայր թափվում սարսափահար):

ՊԱՐԶԱՇԵՆՑԻՆԵՐ – (Ներս են մընում ավանսցեա և հումերական ծիծաղով շրջապատում Նազարին ու Սաքոյին):
(Մթնում է):

(Կրկին լուսավորվում է: Ավանսցենը դարարկ է: Ներս է մընում Ուսրիանը մահակը ձեռին ու պարկը շալակը: Նայում է չորս կողմ: Շփոթված է):

ՈՒՍՏԻԱՆ – Բա որ ասում էի երազ է՞... Էս էլ բախտ է...
(Հեռանում է):

ՎԱՐԱԳՈՒՅՐ ՓԱԿՈՂ – (Խորքից ներս է գալիս և առաջանում դեպի ռամպան): Բախտ չէ, Ուստիան, հիմա՛ր իմաստուն, այլ խրտվիլակներ և խաբեություն: Հեքիաթ է սա հին, երազ չարաղետ, անցավ, գործ չունենք այլևս նրա հետ: Էլ ի՞նչ թագավոր, ի՞նչ Նազար, ի՞նչ բան: Փչեմ՝ կմթնի այս բեմն ու ռամպան:
(Փչում է: Բեմը մթնում է):

ԲՈՎԱՆԴԱԿՈՒԹՅՈՒՆ

ՆԱԽԱԲԱՆ	3
ԴԵՐԵՆԻԿ ԴԵՄԻՐՃՅԱՆ	4
ԱՆՅՅԱԼԻ ՈՒՐՈՒՆԵՐ	
ՀԱՅԸ	6
ԱՎԵԼՈՐԴԸ	9
ՏԵՐՏԵՐԸ	38
ՍՏԱՄՈՔՍ	47
ԽԱՆՈՒԹՊԱՆ	56
ԳԻՐՔ ԾԱՂԿԱՆՅ	63
ԶՈՒԹԱԿ ԵՎ ՍՐԻՆԳ	95
ՆՐԱՆՅ ԺՊԻՏԸ	
ԿԱՅԱՐԱՆԻ ԱԿՈՐԸ	103
ԷՇԵԼՈՆԸ	114
ՍԱԹՈՆ	122
ՀԱՅՐԵՆԻ ԿՏՈՒՐԻ ՏԱԿ	131
ԿԱՏԱԿԵՐԳՈՒԹՅՈՒՆ	
ՔԱԶ ՆԱԶԱՐ	136



ԴԵՐԵՆԻԿ ԴԵՄԻՐՃՅԱՆ

Կազմող և խմբագիր՝ Ն. Վիրաբյան
Հրատարակչության խմբագիր՝ Գ. Հովհաննիսյան
Համակարգչային ձևավորումը՝ Հ. Փիլոյանի
Կազմի ձևավորումը՝ Ա. Օհանջանյանի
Կազմի նկարը՝ Գ. Պողոսյանի

ԷԴԻՑ ՊՐԻՆՏ
Երևան, Թումանյան 12
հեռ.՝ (374 10) 520 848
www.editprint.am
info@editprint.am



EDIT PRINT
12 Toumanyan str., Yerevan
Tel.: (374 10) 520 848
www.editprint.am
info@editprint.am